

22

Aug. 6. M. 3.

8

2-11

11

208

60



C. J.
S. I I
O. 6
N. 27

8-2-2 H.

11

1.

RICHARDI SIMONIS

Gallicanae Ecclesiae Theologi,

OPUSCULA
CRITICA

adversus

ISAACUM VOSSIUM

Anglicanae Ecclesiae Canonicum.

Defenditur sacer Codex Ebraicus & B. Hiero-
nymi Tralatio.



EDINBURGI,
Typis JOANNIS CALDERWOOD,
M. DC. LXXXV.

Cum Privilegio.

Clarissimi Nobilissimique Viri J. H.
E P I S T O L A

ad Joannem Calderwood, Bibliopolam
Edinburgensem.

Mitto ad te, vir optime, præstantissimi Ecclesiæ Gallicanæ Theologi N. . . .
Epistolam, ut eam in publicum edi cures. Illa, ut tu ipse judicabis,
plurimas easque difficiles Critica Sacra quæstiones accuratè explicat. Au-
tor quoque tibi sim ut ejusdem Theologi CASTIGATIONES, quæ
ante paucos menses in Anglia editæ sunt ad calcem DISQUISITIONUM
CRITICARUM, huic Epistolæ præmittas, quæ nondum lucem aspexit. Et
ut nova tua illius Opusculi editio sit accuratior, mitto ad te exemplar manu exa-
ratum, quod edito videtur castigatius. * Est etiam opera pretium ut his adjungas
ea Disquisitionum Criticarum Capita, in quibus Isaaci Vossii assertiones de Codice
Ebraico Judaorum, de Septuaginta Interpretibus & Hexaplis Origenis refelluntur:
nam ista ad præsens argumentum pertinent. Hac Opuscula, vir optime, fidei tuæ
committo, qui sciam te sacrarum Literarum amantissimum. Vale.

Kalend. Februarii anno 1685.

CASTIGATIONES

ad Opusculum ISAACI VOSSII de
Sibyllinis Oraculis & Responſionem
ad Objectiones nuperæ
CRITICÆ SACRÆ.



Utor Criticæ Sacræ in Verus Testamentum Simonius in Isaaco Vossio, quem nimio Græcæ versionis affectu abreptum existimabat, moderationem requisierat. Sed vir doctus, qui *Christum in Apocalypsi se-*

*Voss. in
Resp. ad
Obj. nup.
Critic.*

pidos evomere novit, nihilque Deum amare quod medium

ſit, animo longè obstinatiori accessit ad scribendum opusculum de Sibyllinis Oraculis, in quo ad id unum respexisse videtur, ut elevatis pro suo more Judæorum codicibus, Græcos Interpretes in majus extolleret. Ita etiam respondet Simonio, ut eum potiùs animo à Rabbinis præoccupato ad scribendum se accinxisse scri-

*Idem
Voss.*

bat, exemplo Hieronymi, qui *primus Christianorum Rabbincam condidit versionem, & alius ad idem audendum signifer præcessit.* Profitetur

Vossius se non Rabbinos, sed Christum sequi Magistrum, & in ea quam Christus ipse approbavit versione acquiescere, Simonioque auctor est ut cesset novam sacrarum literarum moliri versionem,

quod purior magisque genuina introduci nequeat Scriptura quàm illa quæ à Christo & Apostolis nobis tradita est. Placet quidem in hoc Vossius quod Græcis Interpretibus plurimum tribuat, plus etiam placiturus, si non eos ab omni prorsus errore immunes affirmaret, atque ab illis ne quidem in minutioribus recedendum esse, ut-

potè qui Prophetæ, non Interpretes, ipsi videantur. Laudo præterea eximii illius viri diligentiam in asserenda à maledicentissimorum hominum calumniis LXX. Seniorum tralatione, & in expurgandis eorum codicibus.

Verùm ubi de rebus Judæorum eorumque libris agitur, summam præ se fert in his vir doctus incertam, falsaque passim pro veris conatur obtrudere. Totum istud negotium exemplis aliquot fiet illustrius. Quare nonnulla ex clarissimi illius viri opus-

culo de Sibyllinis Oraculis & Responſione ad Objectiones Criticæ

Sacræ



4. *Castigationes ad Opusculum Isaaci Vossii de Oraculis Sibyllinis*, Sacre feligam, ex quibus manifestum erit illum de rebus parum sibi compertis decreta tulisse. Sumam itaque exordium ab Epistola quam opusculo de Sibyllinis Oraculis præmisit.

Voss. in
Epist. ad
Thoma.
Brun.

Primâ fronte in hac Epistola Vossius virum Hebraicè doctum miris modis traducit veluti *saturnum*, *Semi-Rabbinum* & *insignem nebulo-
nem*, qui verba Hieronymi nequissimè interpolata produxerit. Verum ex hoc potius B. Hieronymi loco qui in controversiam vertitur, Semi-Rabbinus isti Sibyllistam Vossium tanquam falsificum in jus vocabunt, qui doctissimi illius Patris verba à se minimè intellecta perverterit, protuleritque tum editos tum manu exaratos Hieronymi codices perpaucos cognitos. Locus de quo agitur extat his verbis conceptus in Questionibus seu Traditionibus Hebraicis in

Hieron.
Tradit.
in Genes.

Genes.
19: 33.

Genesim ejusdem Hieronymi. *Hebraei quod sequitur*, Et nescivit cum dormisset cum ea, & cum surrexisset ab ea, *appungunt de super quasi incredibile & quod rerum natura non capiat, coire quempiam nescientem*. Testatur Vossius complura se consuluisse exemplaria MSS. & in omnibus scriptum invenisse *appungunt* pro *appungunt*. Verius dixerit in nullis qui probè notæ fuerint codicibus se invenisse *apponunt*. Quis enim sensus ex his verbis formari posset, si pro *appungunt* positum fuerit *apponunt*? Unde autem codices illos sumpsit non refert. Sed ut veniamus ad rem, nihil causæ fuit cur Vossius verba contextus Hebraici perverteret, veritus scilicet ne ex ista dictione *appungunt* punctorum antiquitas inde jam à temporibus Hieronymi defenderetur. Fatentur enim saniores Critici, ejusmodi puncta Hieronymi ætate longè recentiora esse, qui tamen haud inviti agnoscunt istud punctorum genus quorum hoc loco meminit Hieronymus, quæque supra dictiones aliquot Hebraici contextus apponuntur, eadem ferme ratione quâ Samaritæ & Syri lineolas quasdam transverfas super quædam vocabula appingunt, quæ haud dubiè à Grammaticis seu Criticis inventæ sunt. Judæos tum antiquos tum recentiores habet sibi consentientes hac in parte Hieronymus: de his mentio fit in Talmude in Medraschim, seu Commentariis Judæorum Allegoricis in Scripturam, & in Masora. Ea quoque repræsentant hodierna Bibliorum exemplaria non secus atque Hieronymi ætate, & in plerisque ad dictionem נקודות de qua in præsentia disputatur, ad oram codicum hæc additur notatio נקודות punctum super literam Van. In Bibliis Venetis editis in minori forma à Petro Bragadino, Genesis Capite 37. ubi simile punctum occurrit ad dictionem נא extat

Edit. Venet.
16. ann.
1615.

eat in margine hæc nota, נקודות בתורה, *unum ex punctis 15. quæ sunt in Lege.* Rationes ejusmodi punctorum quales redduntur à Judæis, quorum anima est ineptiendi pruritus, silentio prætermitto, quia ineptæ sunt. Satis est annotasse Judæos ejusmodi puncta ex paterna traditione in exemplaribus suis dudum retinere.

Deplorat deinde in eadem Epistola Vossius miserum hoc tempore in Germania Academiarum statum, ubi tam impunè grassatur Rabbinismus, nullaque excolitur Theologia nisi Rabbinica. Fieri non posse existimat vir doctus, ut humaniores literæ tractentur ubi Rabbinismus regnat, strigesque Rabbinicæ latè dominantur. Nec in his secum dissidentem me habebit Vossius. Auctor quoque fuerim ut nugivendi isti Theologastri, qui spreitis literis Græcis & Latinis, nihil præter Rabbinorum commenta admittunt, ex Theologorum albo expungantur. Verùm ut his etiam adscribantur viri eximie docti, qui exemplo Origenis, Hieronymi, Chrysostomi, Theodoreti, aliorumque Patrum frequentant Judæorum limina, vix ferre possum. Nugas quidem easque maximas plerique Judæorum libri præferunt: at non pauci sunt ex eorum classe Magistri qui Sacras Literas mirè illustrarunt. Rem ita esse apertè docent unius Hieronymi in Prophetas Commentarii, qui doctissimos ætatis suæ Judæos consulere non erubuit. Delicatulò Vossio Hieronymus vilis est & Theologorum Semi-Rabbinorum princeps. Semi-Rabbinus tamen iste, etsi suos quoque natos habeat, reliquos Ecclesiæ Patres in exponendis Sacræ Scripturæ libris longo intervallo superavit. Optarim quoque ut in Semi-Rabbinorum castra prius transeat Vossius, quàm res illorum tractet: vix enim à risu temperant Semi-Rabbi isti, cum legunt in Epistola quam præmisit libello de Sibyllinis Oraculis, ne sex quidem effluxisse secula ex quo primum usurpari cœperunt puncta ista vocalia, quibus hodierni Judæorum codices onerantur: hos tria vel quatuor secula acerrimè inter se conflixisse, dum alii sic, alii aliter inducendas esse vocales censerent; & ne nunc quidem controversiam hanc fore sopitam, nisi Daniel Bombergus litem istam diremisset conductis aliquot Judæorum centuriis; atque ita demum istas vocales primum Venetiis ex officina Bombergi in lucem prodiiisse. Habuit profectò vir doctus Bibliothecam Rabbinorum libris bene instructam, ex qua hausit

6 *Castigationes ad Isaaci Vossii Opusculum de Oraculis Sibyllinis*, commenta ista plusquam Rabbinica. Primò siquidem nòrunt qui sunt in Judæorum libris volutati, jam ante Bombergianas Bibliorum Hebraicorum editiones in aliis Italiæ partibus, maximè Brixie, edita fuisse Biblia Hebraica punctis vocalibus adornata. Reperiuntur etiam Bibliorum exemplaria inde à CCCC. aut D. annis manu exarata quæ eadem puncta præferant, laudanturque à Rabbinis antiquioribus Biblia Hebraica quæ puncta ista exhibeant. Similiter non à DC. solùm, sed à DCCCC. & ampliùs annis usurpata sunt ista puncta. Rabbi Saadias Gaon librum scripsit de re Grammatica sub annum DCCCC. in quo de punctis vocalibus, quæ longè ante illius ætatem apud Judæos in usu fuerant, multis disputat. Præterea facta sunt ea omnia quæ de gravissimo inter Judæos conflictu affert Vossius, quoniam scilicet modo apponendæ essent vocales contextui Hebraico. Ex eadem quoque officina prodiit quod habet vir doctus de editionibus Bombergianis, quæ ex complurium Judæorum sententia mendis scatent. Spernunt quidem Judæi primam Bibliorum Hebraicorum Bombergianam editionem cui præfuit Felix Pratensis, quia scilicet notationes Masorethicæ ad oram illius exemplaris summà rei illius inscitia adjectæ sunt. Verùm secundam & tertiam Bibliorum Bombergianorum editiones laudant & venerantur. De addendis quidem notis Masorethicis ad Bombergianas editiones maximæ subortæ sunt difficultates, quia pauci sunt etiam inter Judæorum Magistros qui artem Masorethicam bene calleant; quas tamen improbo ac duro labore superavit R. Jacob Ben Hajim, primus Masoræ instaurator. Utrùm autem in alendis Judæorum, quos conduxerat Bombergus, centuriis patrimonium dilapidaverit, uti contendit Vossius, non anquiro, neque de hoc nunc agitur negotio. Complura iis quæ jam à me allata sunt faciliè adjici possent, forsan nec ab instituto aliena; sed vereor ne vir doctus me tanquam Semi-Rabbinum ac Judæorum fautorem trahat in judicium. Quare ad illius de Oraculis Sibyllinis opusculi examen transeo, ubi eruditius de Judæiseorumque libris disputat.

Nonnulla affert statim ab initio operis vir inexhaustæ eruditionis de Sibyllinis Oraculis, quibus in Hispania præsertim abusi fuerint Judæi adversus Christianos. Hæc quæ minùs à commento quàm à vera historia videntur abesse, præmonet inferenda paginæ 19. vel 26. ubi tractat illud argumentum. Verùm cum jam demonstratum fuerit Chronologiam ex Judæorum codicibus petitam minùs fa-

vere

vere Judæis ipliſ quam quæ ex Græcis Interpretibus ſumitur, non eſt cur reſellendis hac in re doctiſſimi Voſſii inventis ampliùs derideamur. Jam quidem vir perſpicaciſſimus animadverſerat Judæos ſub Aquilæ tempora Hebræos codices dedita opera corrupiſſe, & bis mille annorum expunxiſſe tempus, ut tempus Meſſiæ necdum adveniſſe obtinerent: at hoc loco, longè oculatior, putat depravationis iſtius ſpatium ut plurimum viginti duobus poſſe determinari annis, idque ex verbis Ignatii in Epiſtola ad Philadelphiens reſtè confici. Scribit ſanctiſſimus ille Martyr, referente Voſſio, ſe audiſſe nonnullos dicentes, ſi ea, quæ in Euangeliis continentur non etiam in Archivis, ſeu antiquis inveniantur monumentis, nolle ſe iis credere. Cùm ipſe reſponderit, inquit Voſſius, illi verò negaverint, maniſeſtum Judæos jam tùm aut depravâſſe ſua exemplaria, aut reſeſſiſſe à ſenſu quem Septuaginta tradidere Interpretes. Sed quâ ratione Ignatii reſponſum, qui aſſerit Chriſtum ſibi eſſe pro Archivis, ad ſuam de corruptis circa illud tempus à Judæis codicibus Hebraicis poſſit trahere ſententiam vir doctus, fateor me non aſſequi. Neque etiam in germanis Epiſtolarum Ignatii exemplaribus, quæ in lucem ipſe edidit Voſſius, reperiuntur verba illa, *Chriſto velut ſummo Sacerdoti credendum potius quam aliis Sacerdotibus*; quæ tamen quaſi ad Ignatii reſponſum pertineant, profert vir doctus. Juvat hic aſſerre ipſiſſima Ignatii verba. *Ἦκουσα γὰρ πρὸς τοὺς ἀρχαῖους ἐν τῇ ἐκκλησίᾳ, ὅτι οἱ ἀρχαῖοι ἔλεγον ὅτι Ἰησοῦς ὁ Χριστός. Τοῖς δὲ πρῶτοις ἐγὼ δὲ λίγω ὅτι ἡμῶι ἀρχαῖον ἐστὶν Ἰησοῦς ὁ Χριστός.* *Audiſi enim quofdam dicentes, Nifi invenero in Archivis Euangelium, non credo. His autem reſpondeo, mihi loco Archivorum eſſe Jeſum Chriſtum.* Ibi de Veteri Teſtamento non agitur cum Novo comparato, ut exiſtimavit Voſſius, ſed de Hæreticis qui ab Eccleſiæ infantia orti fidem quam præmonſtrabat Euangeliorum codex reſpuebant: unde factum fuit ut priſci Eccleſiæ Patres, Tertullianus, Irenæus & alii ejuſmodi Hæreticos non tam ex ſacris codicibus reſellerent, quam ex certa traditione, ſeu ex Chriſti doctrina per Apoſtolos eorumque ſucceſſores viros Apoſtolicos in Eccleſiis diverſarum gentium propagatâ. Quo ſenſu aſſerit Ignatius Chriſtum, ſeu illius doctrinam, ſibi Archivorum antiquorumque monumentorum loco eſſe. Iſ eſt, nî fallor, Ignatii verborum intellectus, qui unitatem doctrine in Chriſto commendat, cujus ſpiritus quibuſlibet Archivis debet anteferri.

multa

Multa etiam hoc loco affert Vossius de vocis *Æra* origine, sentitque cum iis qui *Æram* & *Hegiram* Arabum idem vocabulum arbitrantur; nec id videtur extra probabilitatem: sed quod mox subiungit de nomine *Hegiræ* Arabicæ, quasi ductum fuerit ex Hebræo *הגר* *hagger*, profelytus, non est ita probabile. Putat vir doctus complures Judæos è secta Herodianorum relicto suo Messia Herode, qui semper ab ipsis vocatus fuerit *הגר* *peregrinus*, ad Mahometum transiisse, & ab iis quoque dictum *hagger*. Cum *Judæi*, inquit Vossius, *Messiam peregrinum seu profelytum fore crederent*. Ista profectò à commentis Rabbînicis minùs recedunt. Deinde ex quo Sibyllarum oraculo didicit vir doctus Judæorum Messiam ex ipsorummet Judæorum sententia profelytum fore & peregrinum: hanc enim assertionem Prophetarum vaticiniis & Evangelicæ historiæ contrariam esse nemo nescit. Unum quidem præ cæteris Messiam Judæi expectant, de quo in præsentia loquitur Vossius: at iste ex Judæorum omnium consensu futurus est natione & ritibus Judæus. Verùm alios præterea Messias expectant, eoque nomine insigniunt Reges quoslibet qui erga illos bene affecti sunt. Quà ratione Cyrus Judæorum Messias appellatus est. Sic quoque Herodes & Mahometus Messia nomen à Judæis reportare potuerunt. Parati sunt etiam hæc nostrâ ætate Regem illum aut Principem quemcunque qui res illorum & ritus patrios tueri voluerit, tanquam Messiam suum salutare. Verùm ista ad nomen *Hegira*, quod constat Arabicum esse, non Hebraicum, minimè pertinent. Magis ad veritatem accedit quod post nonnulla interjecta subjicit vir doctus de genuina vocis *ܠܡܨܝܚܐ* significatione, ita ut *ܠܡܨܝܚܐ* idem sit quod *ܡܨܝܚܐ*, librique Apocryphi iidem fuerint qui arcani & inaccessi. Sed quis cum Vossio inde conficiat scripta illa Apocrypha, quæ ex ejus sententia olim Veteris Testamenti libris conjuncta fuere, & à priscis Judæis approbata, digna fuisse quæ cum cæteris libris Prophetiis in Scripturarum Canonem referrentur? hodiernum tum Synagogæ tum Ecclesiæ Canonem mutilum & decurtatum esse, qui Enochi, Eliæ aliosque ejusdem naturæ libros non complectatur? Vili veneunt apud Vossium Prophetæ, qui non modò LXX. Interpretes inter Prophetas recenseat, sed & his quoque adscribat celeberrimos impostores, qui e mentitis Patriarcharum & Prophetarum, nec non virorum aliquot magnæ apud Gentiles existimationis nominibus, libros

Adami,

Adami, Enochi, Abrahami, Moyſis, Eſaiæ, Hieremæ, Hyſtaſpis, Mercurii Trimegiſti, Zoroaſtris, Sibyllarum, Orphæi, Phocylidæ & complurium aliorum libros in lucem protulerunt. Brevis, ſi ſuperis placet, etiam inter Prophetas Voſſius tanto Prophetarum ſtipatus agmine nova procudet vaticinia, non ſecus ac famoſus ille impoſitor Guiſſelmus Poſtellus, qui ſcribit Chaldaeos doctrinam etiam revelatam habuiſſe in ſua priua Monarchia, & continuè inſtar ſacræ doctrinæ per decem Sibyllas eſſe inſtauratam, ut eſſet omnino apud ſpiritum Dei inexcufa bilis mundus, Chriſtusque ſacrarum & Sibyllinarum doctrinarum Rex ab univerſo orbe adorandus innoteſceret. His ſerè familia de Sibyllinis Oraculis aſſert Voſſius. Oculatior tamen adhuc Poſtellus Propheticam iſtam doctrinam aſſerit, ortum habuiſſe à ſœmina principe totius Orientis proxima ſanguine ipſi Noacho. Quis credat Iſaacum Voſſium, qui nihil non virulenti paſſim in operibus ſuis adverſus Judæos eorumque Talmudem evomit, recenſuiſſe etiam inter Prophetas Doctorem Talmudicum? Si res ita ſit, miror illum tanto contentioniſ æſtu abreptum fuiſſe in virum Hebraicè doctum, quod è Talmude Euangelia expoſuerit. Minus mihi peccaturus videtur, inquit Voſſius, qui ex Alcorano, quam qui ex Talmude exponat Euangelia. Sed de his fatiſ ſuperque, ad libros Apocryphos undè diverti tempus eſt ut redeam.

Guiſſ.
Poſtell.
de Orig.
et. 16.
de certis
Sibyllin.
doctrina.

Apocryphos appello Scriptores, ubi de rebus Biblicis agitur, illos quos in ſuum Canonem neque Eccleſia neque Synagoga receperunt. Hinc factum eſt ut olim Hieronymus Judæorum perſonam induens, & noviffimè Cajetanus, libros complures inter Apocryphos retulerint, antequàm manifeſto Eccleſiæ decreto tanquam Divini & Prophetici recepti fuiſſent. Hoc ſenſu Hieronymus affirmat Daniele non habere apud Hebræos Suſannæ hiftoriam, nec hymnum trium puerorum, nec Beli Draconis fabulas; Quas nos, inquit, quia in toto orbe diſperſa ſunt, vero antepoſito caſque jugulante ſubjecimus, ne videremur apud imperitos magnam partem voluminis detruncâſſe. Haud abſimiliter alio loco, poſtquàm Scripturæ libros qui in Judæorum Canone erant protulit, mox addit, Quidquid extra hos eſt intra Apocrypha ponendum eſſe; nimirum Sapientiam, quæ vulgò Salomons inſcribitur, & Jeſu filii Sirach librum, & Judith, & Tobiam & Paſtorem. Africanus etiam ſimili ratione adductus, Suſannæ hiftoriam à Scriptore Græco conſectam putavit: alii duos Da-

Hieron.
Præfat.
in Dan.

Hieron.
Præfat.
in lib.
Eccl.
African.

10 *Cassigationes ad Isaaci Vossii Opusculum de Oraculis Sibyllinis*, nieles finxerunt, quorum primus Vaticanii, quod sub ejus nomine legitur, auctor fuerit, alter verò historiae istius Scriptor, quæ in antiquis Græci exemplaris editionibus Prophetiæ Danielis præmittebatur: primus siquidem Hieronymus hanc historiam ad calcem ejusdem libri rejecit, quòd eam Judæorum codex, quem Latinum faciebat, non repræsentaret. Sententiam suam de Susannæ historia

*Hierom.
Proom.
Com-
ment. in
Daniel.*

confirmat Hieronymus aliorum Patrum testimoniis. *Miro*, inquit, quosdam *juuvenum* indignari mihi, quasi ego decurtaverim librum, cum & Origenes & Eusebius & Apollinarius alique viri Ecclesiastici & Doctores Græcia has, ut dixi, visiones non haberi apud Hebræos fateantur, nec se debere respondere Porphyrio pro his quæ nullam Scripturæ sanctæ auctoritatem præbeant.

*Gregor.
Nazian.
gen. Me-
lit. Sard.
Pseudo-
Athana.*

Gregorius Nazianzenus, Melito Sardenfis, & auctor Synopsæ quæ sub nomine Athanasii circumfertur, ulteriùs progressi librum Estheris inter Apocryphos collocarunt, quòd linguam Hebraicam non callentes, ex eo solum quòd antiquæ Estheris historiae nonnulla à Græco Scriptore assuta fuerint, opus integrum

*Sixt. Sa-
mens. lib.
1. Bibl.
Santi.*

expunxerunt. *Accidit*, inquit Sixtus Senensis, *ut propter has appen-* dicum lacrimas hinc & inde quorundam Scriptorum temeritate inserias, *liber ille quamvis Hebraicus apud Christianos auctoritatem canonicam non receperit.*

*Lyran.
Cajetan.*

Nicolaus quoque de Lyra, Cajetanus, & alii nonnulli hæc additamenta pro Canonicis non habuere, similibus haud dubiè rationibus adducti.

Hæc paulò fusiùs quidem allata sunt, ut manifestum esset omnibus quinam libri ex vetustiorum Ecclesiæ Patrum sententia inter Apocryphos repositi fuerint. Apocryphorum siquidem vocabulo abusus Vossius, libros supposititios & adulterinos veteribus Apocryphis adscribit, sicque fucum facit incautis & simplicioribus. Quod enim contendit vir doctus, libros Sibyllinos aliosque quos appellat fatidicos olim cum libris Veteris Testamenti conjunctos fuisse, lectos in primitiva Ecclesia, & à Paulo aliisque Apostolis commendatos, otiosi hominis est figmentum. Non alii enim in Ecclesia primitiva lecti sunt libri Apocryphi caterisque Veteris Instrumenti libris adjecti in Græcis Bibliorum exemplaribus, quàm illi qui à Patribus recensentur, etsi interdum Patres nonnulli, ut Judæos, Gentilesque pressius urgerent, vocaverint etiam in auxilium libros Sibyllarum aliosque ejusdem rationis, quos tamen nemo paulò cordatior inter Apocryphos, de quibus hoc loco agitur, numerabit. Dolet Vossius libros Sibyllinos & alios fatidicos, postquàm pu-

blico

blico edicto prohibiti sunt, factos fuisse Apocryphos, interdictos, à nemine legendos, cum antea palam & religiose non secus ac reliqui Veteris Instrumenti libri à Judæis legerentur: tum factum fuisse ut arctiori compendio quam antea sæpe libri sacri constringerentur, & ex eo tempore *Apocryphi* vocabulum in sequentem sensum acceptum fuisse, quasi idem esset liber Apocryphus qui spurius & dubiæ fidei. Interim Scriptores non laudat à quibus lepida ista commenta hauserit, quæ tamen parum absunt à fabulis Judaicis. Lubens à viro docto quæsierim, quod olim festivus ille Cardinalis Hippolytus Atestensis ab Ariosto, *Dove ha trovato tante coglionerie?* Illi tamen assentior in eo quod scribit de Apocryphis, si per libros Apocryphos non alios intelligat quam illos qui à Judæis ad Christianos cum reliquis Veteris Testamenti libris transierunt, quippe partem maximam in Ecclesia Romana, in primis post Synodi Tridentinæ decretum, tanquam Canonici leguntur. Fieri potuit ut libri isti qui inter Apocryphos olim recensiti fuere, quod illos Canon Judaicus minime approbaret, Prophetas etiam habuerint auctores. Nec contra ista pugnat Josephi auctoritas, qui affirmat à temporibus Artaxerxis certam non fuisse apud Judæos Prophetarum successionem, adeoque qui ab eo tempore conscripti sunt libris Prophetis non debere adnumerari. Nam Prophetarum munus tunc omnino Judæis sublatum fuisse verisimile non est: quamdiu enim stetit Judæorum Respublica, tamdiu fuere apud eos Scribæ publici qui res atatis suæ chartis committerent, iique Prophetæ appellabantur, quia Spiritus Sancti numine afflati erant, quanquam non fatidici. Imò ne quidem necesse est illos qui tunc temporis res Judaicas scriptis complectebantur Prophetas fuisse, quia Synedrii magni assessores, quos à Deo inspiratos novimus, illorum opera recognoscebant. Verum cum publica Senatûs Judaici auctoritas ejusmodi libros in Canonem librorum sacrorum nunquam retulerit, mirum videri non debet Patres plerosque non recepisse illos tanquam Divinos, sed ut Apocryphos & dubiæ fidei, comparatè scilicet ad alios sacri codicis libros qui certæ erant fidei. Idem enim illis non fuit liber dubiæ fidei qui spurius atque adulterinus, ut existimare videtur Vossius; sed certa ab incertis hoc titulo signare voluerunt: aliàs libri isti priscis Patrum nostrorum seculis in Ecclesia lecti non fuissent, si quid spurii & adulterini in illis deprehensum fuisset. Minoris tantum illi erant momenti quam li-

12 *Castigationes ad Isaaci Vossii Opusculum de Oraculis Sibyllinis*,
bri sacri, eosque idcirco Ecclesiasticos, potius quàm Divinos, Patres
appellabant. *Legi quidem*, inquit auctor Expositionis Symboli quod
tribuitur Ruffino, *in Ecclesiis voluerunt, non tamen proferri ad aucto-*
ritatem ex his fidei confirmandam. Quà etiam ratione eosdem libros in
suis cœtibus legit Ecclesia Anglicana. Non puto tamen quemquam
hactenus cogitasse, si Vossium excipiamus, de introducenda in
Ecclesiam librorum Sibyllinorum lectione.

Tertull. Novi quidem Patrum nonnullos librum qui inscribitur Pastor,
multum veneratos fuisse; Tertullianum quoque Enochi libellum
quasi Divinum obtrudere conatum; imò contendisse Judæos à con-
textu Scripturarum libros complures semovisse, qui Religionem
Christianam illustrabant. Cui etiam sententiæ adhærere visus est

Origenes. Origenes, qui in epistola quam scripsit Africano de historia Su-
fannæ, asserit Judæos multa à suis libris sustulisse, ne legerentur illa
à plebeiis hominibus. Verum ista & alia id genus, quæ per pœco-
rum sunt, quæque ab iis proferuntur ut suæ potius hypotheti quàm
veritati ferviant, communi Patrum sententiæ apponi nequeunt.

Tertull. de habitu mul. Nam ipse Tertullianus commune illud Ecclesiæ placitum verbis
suis hoc loco videtur confirmare. *Scis*, inquit, *Scripturam Enoch*
non recipi à quibusdam, quia nec in armarium Judæorum admittitur. Ita-
que temporibus illis judicabatur istud Apocryphum, seu dubiæ fi-
dei, quod Judæi in suum Canonem non admisserunt. Aliud etiam

Origenes. sentit aliis locis Origenes, quàm quod scripsit Africano. Verum hoc
loco Sufannæ historiam & alia additamenta quæ præfert Græca
LXX. Interpretum editio, non aliâ ratione tueri potuit, quàm re-
currens ad libros Apocryphos, ac supponens Judæos in exscribendis
suis codicibus non paucos à plebeiorum cognitione removisse quæ
in istis Apocryphis expressa fuerint. Didicerat forsan Origenes à
Judæis, quorum frequenti commercio utebatur, Esdras ejusque
socios non omnes qui tunc extabant libros in publicum edidisse, &
hinc confici posse existimabat, Græcos Interpretes ea sumpsisse quæ
in Hebræis codicibus non leguntur. Sed hæc sententiâ à communi
priscorum Judæorum consensu recedit, qui perfectam & in omni-
bus accuratam contextus Hebræi concordiam agnoverunt. Neque
aliâ ob causam inventa fuisse videtur ab Origene & aliis nonnullis,
quàm ut veritas Hebraica cum Græcis exemplaribus, de quorum
sinceritate non parva erat dubitandi ratio, conciliaretur. His ac-
cedit, Origenem non tam ex sua mente in hac ad Africanum epistola
loquutum

loquutum fuisse, quam ut codices qui tunc in Ecclesiis legebantur, defenderet.

Objicit præterea doctissimus Vossius, virum inexhaustæ doctrinæ Clementem Alexandrinum scribere Apostolum Paulum remisisse ad Sybillas & Hystaspis vaticinia, & commendasse eorum lectionem. Si queratur autem à Vossio, ubinam hoc dixerit Paulus, statim respondet sufficere nobis debuisse hoc Clementem virum sanctum & cum multis viris Apostolicis conversatum affirmasse: verum si responsionis istius habeatur ratio, priscos Ecclesiæ Patres ab omni prorsus errore immunes fuisse necesse est; quo nihil absurdius fingi potuit. Nōrunt quippe qui aliquam rerum Ecclesiasticarum cognitionem habent, quam vafre prisci illi Patres, atque in primis Clementens Alexandrinus, cum Judæis ac Gentilibus disputarint. Contendit etiam Vossius, librum Enochii aliosque similes libros fatidicos ex eo solum rejiciendos non esse, quod in Fragmentis aliquot quæ supersunt multa superstitiosa & magica contineantur, cum Balaamus Magus & Incantator fuerit, qui tamen futura Christi mysteria manifestè prædixit: quasi vero ea quæ de Balaamo in Scriptura referuntur, ad præsens institutum trahi possent, & hoc exemplo libros quos non solum mendacis superstitionibusque & fabellis refertos esse constat, sed & ab impostoribus qui clarissimorum virorum ementiti sunt nomina, profectos tueri liceret. Eadem arte febricitantium Judæorum somnia in Zohare, Rabboth & Midras ab eodem spiritu quo profectum est Evangelium, inspirata fuisse auctor est Guilhelmus Postellus, qui affirmare veritus non fuit, ex doctrina Zoharis, tanquam quæ à Spiritu sancto & spiritualibus auctoribus pendet eductum esse Evangelium. Chalanni, inquit idem Postellus, Syri, Indi, Chaldaei, Magi, Gymnosophistæ, Egyptii & Prophetæ eadem sunt origine. A quo non multum discedere videtur optimus Vossius, cui auctor fuerim ut Zorobabelis etiam vaticinium, quod de Messia clarè loquitur, fuitque à Judæis sermone haud impuro & prophetico editum, in fatidicorum suorum classe collocet. Sed his valere jussis, id quod nostri est instituti persequamur.

Præter hæcenus allata de libris Apocryphis, animadvertendum est non solum Judæos sibi Canonem Scripturarum condidisse, sed & suum quoque Canonem habere Ecclesiam, quæ auctoritate suâ communivit plures libros quos Judæi expunxerant. Ita Augu-

Clem.
Alexand.

Postell.
de Orig.
cap. 17.

Liber
Zorobab.

August.
lib. 18.
de Civit.
Dei, cap.
36.

14 *Castigationes ad Isaaci Vossii Opusculum de Oraculis Sibyllinis*,
stinus asserit libros Maccabæorum non à Judæis, sed ab Eccle-
sia pro Canonicis accipi: quod de duobus tantum primis Macca-
bæorum libris intelligendum est: tertium enim Ecclesia non minùs
quàm Synagoga respuit. Cui etiam sententiæ videtur accessisse

Ruffin.

Hieronymus, etsi passim in suis operibus strenuissimum Canonis
Judaici defensorem se præbeat. Ruffino enim objicienti, Hierony-
mum nullam Scripturæ Sacræ auctoritatem tribuisse in sua Biblio-
rum editione Susannæ historiæ, hymno trium puerorum ac Beli
Draconis narrationibus, quas appellaverat fabulas, respondet
doctissimus Pater, non se quid sentiret dixisse, sed quid Judæi con-
tra Christianos dicere soleant explicasse. Dixerat tamen Hierony-
mus, Origenem, Eusebium, Apollinarium & alios Græciæ Docto-
res pro his visionibus, quæ nullam Scripturæ auctoritatem præbe-
ant, Porphyrio noluisse respondere. De libro quoque Judith hæc

*Hieron.
lib. 2.
Apolog.
advers.
Ruffin.*

*Hieron.
Pref. in
Judith.
Erasm.
Sichol. in
hanc
Masar.*

*Hieron.
Pref. in
Tob. &
Pref. in
Judith.*

*Scalig.
Annot. ad
vers. in
Chron.
Euseb.
Hæret.
Demon-
strat. E-
vang.
Prop. 4.
de lib.
Judith.
Bath kol.*

Hieronymus: *Hunc librum Synodus Nicena in numero San-
ctarum Scripturarum legitur computasse*: ad quæ hæc animadvertit Era-
smus: *Non affirmat approbatum hunc in Synodo Nicena, sed ait legitur com-
putasse*. Revera Hieronymus Præfatione in librum Regum, tum
Judith tum Tobiam in Canone esse negaverat. An contraria his lo-
cis loquitur Hieronymus, qui secum etiam in hoc dissidere videtur,
quòd eisdem Tobie & Judith libros apud Hebræos inter Hagiogra-
pha legi affirmet, qui & jam alibi scripserat hosce libros non exstare
in Canone Judæorum, adeoque inter Apocrypha reponendos?
Quæ sint illa Hebræorum Hagiographa, de quibus his locis loqui-
tur Hieronymus, fatetur se ignorare Josephus Scaliger, quia Ha-
giographa à Judæis longè ante Hieronymi seculum in Scripturarum
Divinarum Canonem recepta fuerint. Sed in hoc decipi Scaligo-
rum putat D. Huëtius, quòd nulla Hagiographa extra Canonem
Hebræos habuisse censuerit, assertque adversus Scaligerum famo-
sam illam *Bath kol*, seu *Filiam vocis*, cujus ope Judæi scriptiones Ha-
giographas & à Deo inspiratas ediderint. Verùm mera sunt otioso-
rum hominum somnia, quæ Doctores recutiti de *Bath kol* commenti
sunt. Deinde constat illos nunquam in suum Canonem recepisse li-
bros Judith & Tobia. Itaque ficta sunt ea quæ de duplici apud He-
bræos Hagiographorum genere à D. Huëtio & aliis proferuntur,
refellique possunt non solum Josephi & Hieronymi testimoniis, qui
Tobiam, Judith aliosque libros Græcè editos, quos nunc Canon
Ecclesiæ Romanæ comprehendit, neque Prophetis neque Hagiogra-

giographis à Judæis adscribi palam testantur, verum etiam Judæorum recentiorum auctoritate, qui in recensendis libris sacris nullam planè illorum mentionem faciunt, sed eos tantum laudant tanquam scripta sententiosa, quibus tamen nihil divini inesse crediderunt. Si igitur hæc nostra ætate, imò jam priscis Ecclesiæ seculis, inter Canonicos numerati fuerint, id tribuendum est Ecclesiæ judicio, non Synagogæ. Quare duplex Canon statuendus est, Ecclesiæ scilicet & Synagogæ: à primo non malè dici possunt Ecclesiastici libri illi quos Ecclesia, non habità ratione Judaici Canonis, in suum Canonem voluit admitti & legi in suis coetibus. Constat enim inde jam ab ipsis nascentis Ecclesiæ primordiis legi & cani consuevisse in congregationibus fidelium libros hosce, quos miratur Erasmus hodie passim legi & cani in templis. Sed rem ita esse discere potuit Erasmus ex libro Investivarum Ruffini adversus Hieronymum.

Erasm.
Schol. in
Præfat.
Hieron.
in Dan.
Sinf. Se-
nens.
lib. 1.
Bibl. 5.

Hæc omnia egregiè illustrat Sixtus Senensis ab initio Bibliothecæ suæ, ubi libros Scripturæ Sacræ in duas classes partitur. In prima eos recenset, quos Protocanonicos seu Canonicos primi ordinis appellat, & hi sunt qui ex communi tum Judæorum tum Christianorum consensu extra controversiam recepti sunt: in altera autem classe eos reponit quos vocat Deuterocanonicos, seu Canonicos secundi ordinis, *qui olim, inquit, Ecclesiastici vocabantur*: illi nimirum de quibus inter Catholicos aliquando fuit anceps sententia, quique serò ad notitiam totius Ecclesiæ pervenerunt. Primi generis libris adscribit in Veteri Instrumento eos solum quos in suum armarium admisit Synagoga; ad alterum verò genus revocat illos qui priscis Ecclesiæ seculis inter Apocrypha scripta à plerisque numerabantur, quibus etiam adscribit volumen Esther, quòd de illius auctoritate nonnulli Patres dubitaverint, uti jam annotatum fuit. Sola de auctoritate Hieronymi restat difficultas, qui contra Judæorum omnium fidem, imò & sui ipsius testimonium scripserit, libros Tobiae & Judith apud Hebræos inter Hagiographa extare. Miror viros rei criticæ peritos non animadvertisse in Hieronymi Præfationibus in Tobiam & Judith legendum non esse Hagiographa, uti nunc legitur, sed Apocrypha. Licet enim desint codices manu exarati quibus lectionem hanc suffulciam, ipsamet Hieronymi verba illam manifestè ostendunt. *Librum utique Tobiae, inquit doctissimus Pater, quem Hebræi de catalogo Divinarum Scripturarum secantes, his quæ Hagiographa memorant manciparunt.* Quis

Hieron.
Præfat.
in Tob.

16 *Castigationes ad Isaaci Vossii Opusculum de Oraculis Sibyllinis*, non statim deprehendat legi debuisse *Apocrypha*, non *Hagiographa*; cum liquidò constet Judæos de catalogo Divinarum Scripturarum *Hagiographa* nunquam recessuisse? Similis prorsus ratio est Præfationis Hieronymi in Judith, ubi etiam pro voce *Hagiographa* reponi debet *Apocrypha*: sic enim in ea hodie legimus. *Apud Hebræos liber Judith inter Hagiographa legitur, cujus auctoritas ad roboranda illa que in contentionem veniunt minus idonea*. Si idonea non est libri istius auctoritas ad res fidei stabiliendas, haud dubiè non est è libris *Hagiographis*, qui extra controversiam Canonici & inspirati apud Judæos habentur; sed ex *Apocryphorum* numero, seu scriptorum qui sunt dubiæ & incertæ fidei, quales existimavit libros Judith & Tobie Hieronymus. Hactenus de *Apocryphis*, quæ quidem fusiùs quàm postulabat instituti ratio, explicavimus. Sed rem disputantium contentionibus valde implicatam enodare à proposito nostro alienum non duximus.

Satis non fuit eruditissimum Vossium novos Prophetas finxisse veteribus longè oculatioribus, novum jam librorum Scripturæ Sacræ ordinem hæcenus inauditum procedit. Libri Moïsi, ipso auctore, quinque constituunt volumina, non verò unum, ut Judæis visum est: & ut id à nemine possit vocari in controversiam, novæ illius distributionis rationes evidentissimas profert. *Constat autem, inquit, vel ex ipsis sacris literis, ut alias gentes, ita quoque veteres Hebræos non in codicibus, quod sermum denuò factum, sed in voluminibus & continuatis pelibus libros suos descripsisse*. Quid necesse fuerit ut ad veteres Hebræos recurreret Vossius niminè capio, cum etiam ætate nostra Judæi in libris qui Synagogarum sui serviunt, ejusmodi voluminibus utantur: nec ideo tamen Legem in quinque partiuntur volumina; sed eam ex antiquo more, quem etiam Christi temporibus obtinuisse crediderim, unico volumine comprehendunt. Mox ulteriùs progressus vir doctus, affirmat ætate Aquilæ, quem vocat futillissimum Interpretem, Judæos, vel ipsum Aquilam, nequissimam & ineptissimam sacrorum librorum divisionem odio hebdomadam Danielis commentos esse, eosque pervertisse sensus & ordinem Scripturæ, inducendo novam distributionem, Legis videlicet, Prophetarum & *Hagiographorum*. Utrùm nova librorum distributio, modò libri integri sint, illorum sensum pervertat, judicent perspicaciores. Verùm ne minutiora conspectari videar, dico longè probabilius esse Aquilam in vertendis sacris codicibus sequutum fuisse ordinem

aquila

dinem librorum quem ætatis illius exemplaria Hebraica præferant, cum mutationis illius ratio nulla appareat. Sed id fecit, inquit Vossius, odio Hebdomadum Danielis, quem rejecit extremo penè inter Hagiographos loco: quasi verò Judæi non æquè fidem habeant Danielis de Messia vaticiniis, ac Christiani. Miratur illorum simplicitatem Vossius, qui Rabbinis credunt asserentibus *Cetuvim*, seu libros Hagiographos, Spiritus Sancti afflatu conscriptos. Si Rabbinos, inquit, consulas, ridebunt, utpote gnaros quid per Spiritum Sanctum intelligant. Curjam factus Rabbiniſta Vossius Rabbinos istos non laudavit, ut ex illis cognoscamus quid per *Cetuvim* intelligant? Novi quidem Judæos de germana vocis illius significatione inter se non convenire, etsi omnes sentiant *Cetuvim* seu Hagiographos non minùs Divinos esse & Canonicos quam reliquos Veteris Instrumentilibros. Negotium istud ita explicat subtilissimus Abravanel. *Dikli fuere Cetuvim, quia scripti fuere in Spiritu Sancto: si verò ita sit, nomen Cetuvim ad id institutum non est, ut denotet sermones hosce scriptos fuisse in libro, non verò ex ore exceptos; verum ut denotet scriptos fuisse in Spiritu Sancto & in illo gradu, neque fuisse cum ipsis Spiritum Divinum nisi in ipsa sua scriptione in hac lingua & sapientia.* Prophetiam in diversos gradus dividi, quorum unus alterum superet, affirmat R. David Kimchi: quos gradus subtilius explicat R. Moses Ben Maimon. Sed valere jussis ejusmodi subtilitatibus, quæ ex Philosophia Aristotelis & Averrois desumptæ sunt, constat Judæos hac in re cum Josepho consentire, quòd libri omnes qui extant in illorum Canone verè Divini sint ac Prophetici, quia scilicet à Prophetis conscripti fuere. Unde R. Don Joseph Ben Jechaia, qui Commentariis suis Psalmos illustravit, eosque cum Patribus suis ad *Cetuvim*, seu Hagiographorum classem revocat, illos cum Lege Mosi comparat, maximamque inde colligit Psalmorum dignitatem. *Ideirco, inquit Magister iste, dignitas libri illius maxima est, quòd sequatur Legem Divinam, ejusque formam ac perfectionem imitetur.* Illud confirmat Patrum suorum auctoritate, quod Psalmos Prophetis ipsis videntur anteposuisse, quandoquidem illos Mosi Pentateucho adjungunt. Itaque, fatentibus ipsis Rabbinis, neque Danielis neque Davidis minuitur auctoritas, etsi in Prophetarum classe non recenseantur. Hæc enim eodem loco mox subjungit R. iste Joseph modò laudatus: *Neque mirum est librum Psalmorum multa continere vaticinia de tempore Messie, cum etiam in Spiritu Sancto interdum exten- de rebus futuris vaticinia.* Hæc ar-

נקרא
כתבים
לפי
שכתבו
ברוך
הקדוש

R. D.
Kimchi,
Præf. in
Psalm.
Ramb.
in More
Nevek.

R. Don
Joseph
Jechaia,
Præf. in
Psalm.

18 *Castigationes ad Isaaci Vossii Opusculum de Oraculis Sibyllinis*, te Judæi cum Christianis facili negotio conciliabuntur. Quodque videtur dignum animadversione, Talmudici Doctores librum Jobi volunt ab ipso Mose scriptum, qui tamen in classe *Cesurim*, seu Hagiographorum, collocatur.

Talm.
Baba ba-
thra.

Quis credat Vossium è Rabbiniſta fieri Doctorem Talmudicum? Contendit Judæos, etiam fatentibus antiquis Rabbiniſ, multa ſacra- rum literarum loca expunxiſſe, utilitate ſuadente, & verba & ſen- ſus immutaſſe. *Nihil à me*, inquit vir ille Talmudicus, *hic fingi cog- noſcet, ſi quis Talmudicos adeat libros, in quibus pluribus locis hæc legas; Bonum eſt ut evellatur litera de Lege, & ut ſanctificetur nomen Domini.* Ve- rum non licet omnibus adire libros Talmudicos, uti doctiſſimo Voſ- ſio. Crediderim decretum iſtud Talmudiſtarum rectè explicari poſ- ſe verbis R. Moſis Ben Maimon, qui cum pleriſque Judæorum Ma- giſtris ita Legis Moſaicę immutabilitatem defendit, ut quaſdam illius conſtitutiones Synedrii magni auctoritate ad tempus reſcindi poſſe exiſtmet. Aſſerit Magiſter ille Talmudicus, Deum quidem prohibuiſſe Deuter. 4. ne quid ad verbum ſuum adderetur, neque etiam quidpiam ex eo detraheretur, verum permiſſiſſe omnium tem- porum & ætatum ſapientibus, ſeu domui judicii magni, ſepes conſtituere ad judicia Legis ſtabilienda in rebus quibuſdam quas vo- lunt innovare ad ſartam rectam conſervandam Legis auctoritatem: Deum præterea facultatem illis ſapientibus conceſſiſſe quædam præ- cepta Legis tollere, & quædam prohibita permittere in certa qua- piam re & caſu, non autem in perpetuum. Hæc ſumpta ſunt ex Latina libri More Nevochim editione à Buxtorſio publicatâ. Similia his habet auctor libri cujus nomen Cozri, quique Hebraicè & Latinè etiam à Buxtorſio editus. Roganti enim Cozri, quomodo poteſtas illa innovandi quidpiam in Lege Divina ſtare poſſit cum verbis illis Deuteronomii, *Non ei addes, nec quidpiam ab ea detraheſ;* reſpondet Ju- dæus, hæc verba dici ſolùm de multitudine, ne quid ex ſuo ingenio innovet, ſapiatque ex ſua ſcientia; non verò de Senatoribus Synedrii magni, quia ſcilicet non unius fuit Moſis ſanctiones condere, ſed & aliorum quoque Prophetarum Sacerdotumque & Judicum, qui- bus idem Spiritus Dei interfuit. Is eſt, ni fallor, genuinus Talmudicæ doctrinæ ſenſus, quæ in everſionem verborum contextûs ſacri trahi non poteſt, cum de tollenda litera, imò diſtione necnon ſententia aliqua inter explicandum contextum illic agatur, minimè verò de mutandis eradendiſque ejuſdem contextûs literis aut diſtinctionibus.

Ramb.
More
Nero.
part. 3.
cap. 41.

Cozri.

Morinus

Morinus, à quo Itacus Vossius id omne quod Rabinologiam sapit in suis operibus mutuatus est, postquam nihil non commentus fuit ut ostendar sacros codices à Judæis dedità operà corruptos fuisse, demum B. Augustini sententiam his verbis amplectitur: *S. Augustini sententiam de libris Judæorum ab ipsis de industria non depravatis lubentes amplectimur*. A quo tamen se in eo discedere profitetur, quòd Augustinus actionem illam incredibilem judicaverit, quia fieri non poruit gentem tam longè latèque diffusam conspirasse in pervertendis codicibus tam multis & tam longè latèque dispersis; ipse verò Morinus Augustino perspicacior contendit actionem istam non modo Judæis esse credibilem, sed etiam ab iis haberi alterum fidei fundamentum. Utrum autem illud à Morino firmis probationibus demonstratum fuerit, non est hujus loci expendere: fatis enim est ostendisse Morinum, à quo in plerisque dependet Vossius, adduci non potuisse ut crederet Scripturæ Sacræ libros à Judæis de industria depravatos fuisse; etsi Talmudistarum de evellenda litera è Legge pronunciatum non ignoraverit.

Jam Vossius relictis Talmudistis ad Græcos Interpretes venit, totulque est in asserendo id omne quod superest lingua Hebraicæ acceptum ferri debere LXX. Interpretibus, absque illis ne unum quidem verbum rectè exponi posse; nullas omnino versiones à Judæis, seu ad mentem Judæorum factas, bonas inveniri, quæ non sint à LXX. desumptæ Interpretibus; ubicunque ipsi deferuntur, ipsam quoque ibi deferri veritatem, demum ab illis Judæis petendam esse sacrarum literarum interpretationem, qui florente & superstitie etiamnum lingua Hebraicà sacros verterunt libros, sed non ab istis Judæis qui Christianæ fidei sunt hostes, quique sponte suà fatentur se nescire Hebraicè. Jam his ferè similia pro evertendis hodiernis codicibus Hebraicis, & stabiliendâ veterum Interpretum auctoritate produxerat Joannes Morinus, quæ cum à Ludovico Cappello, teste in præsentī materia locupletissimo, quem haud immeritò plurimi facit Vossius, gravissimis argumentis castigata fuerint, malim verbis doctissimi illius viri, quàm meis, optimo Vossio respondere. Primò itaque de Morino ait Cappellus, (nos verò de Vossio) facile esse ignorare plebi fumos vendere, & ad populum phalaras jactare. Deinde veniens ad LXX. Interpretes, negat contra Vossii mentem, linguam Hebraicam fuisse illis vernaculam, quæ scilicet in captivitate Babylonica, à qua plusquam CC. annis distabant, deperdita fuerit.

J. Mor.
lib. 1.
Exerc. 1.
cap. 6.
August.

Ludov.
Cappell.
in
Apol. ad
vers.
Bos.

20 *Castigationes ad Isaaci Vossii Opusculum de Oraculis Sibyllinis*,
 Addit illos ex Chaldaicæ & Syro, Chaldaicæ quâ Judæi tum ute-
 bantur, linguæ affinitate potuisse studio, labore ac frequenti sacro-
 rum Scriptorum lectione atque diligenti examine linguæ Hebraicæ
 non mediocrem sibi comparare scientiam. Multa etiam potuisse illos
 ad linguæ illius & sacrorum librorum intelligentiam ex Patrum suorum
 traditione habere necessaria. At eos, inquit Cappellus, omnia vi-
 disse, omnia intellexisse, nullibi lapsos esse aut allucinosos nemo dixerit, nisi qui
 Hebraicè nihil scit, & qui eorum translationem cum Hebræo textu non contu-
 lit, etiam in iis locis in quibus illi non secus quàm nos hodie legerunt, ubi vide-
 re est frequentes eorum pueriles & pudendos lapsus, sæpe lapsus à genuina vo-
 cum & phrasæ significatione, & sacrorum Scriptorum mente atque scopo.
 Hæc & alia ejusdem generis plurima Criticæ suæ Sacræ inseruerat
 Cappellus, quæ expungi curavit Morinus, quia ad illius palatum non
 faciebant. Illa autem sumpsimus ex sermone apologetico ejusdem
 Cappelli adversus Bootium. Quid autem ad hæc respondeat Vos-
 sius non video, cum & ipse noverit Cappellum ad scribendum opus
 suum Criticum non accessisse animo à Rabbiniis præoccupato. Imò
 Semi-Rabbini isti quos sæpius traducit Vossius, de Cappello ejusque
 libro gravissimè conquesti sunt. Audiamus iterum verba ejusdem
 viri docti & in hoc studii genere exercitatissimi, quibus diversum
 planè & à Vossii sententia alienum fert judicium de versionibus illis
 quæ post LXX. Interpretes ex Hebræo factæ sunt. Tribunatur sanè
 veteribus illis translationibus, ait Cappellus, sua cuique laus, gloria & ho-
 nor ob earum antiquitatem & perpetuum Ecclesiæ usum, at ne tamen ubi
 manifesto vitiose sunt, aut manca & imperfecte præponatur earum vitium ip-
 si originaria veritati atque authentico textui, neve præferantur illæ perversæ
 quædam & iniquæ ac jurgiosæ & contentiosæ prorsus invidiæ, aut potius dam-
 nandæ quædam nausædicæ, aliis longè melioribus atque accuratioribus transla-
 tionibus. Potuit igitur melior & accuratior fieri sacrorum codicum
 translatio, auctore Cappello, quàm sit Græca illa LXX. Interpretum
 versio. His & alia complura possent adjici, quibus in præsentia su-
 perfedeo, ne sim molestus. Deinde cum Cappellus non sit ex eorum
 hominum secta quos facetissimus Vossius appellat *afellos cassos lumine*
 & intellectu, togulâ cinctos Professoriâ, pro clypeo gestantes Biblia Masoretica
 cum omnibus suis punctis, faciliè crediderim cum sine ullo negotio
 ad viri tam eximii sententiam de Græca LXX. Interpretum versione
 accessurum.

Ludov.
 Capp. in
 Apol. ad
 Voss.
 Boot.

Voss. in
 Epist. ad
 Andr.
 Calv.

Iterum instat Vossius, contenditque omnes Judæos qui Christi
 præ-

precessere tempora agnovisse hanc solam versionem velut legitimam; usque ad tempora Aquilę nullam aliam lectam fuisse in omnibus Judęorum Synagogis præter illam LXX. Interpretum, ut in Ægypto, Asia & reliqua Syria, ita quoque in Judęa à temporibus nimirum Alexandri Magni, nullam præter Gręcam auditam fuisse linguam, in urbibus præsertim oppidisque; ne in Hierosolymitanis quidem Synagogis aliam præter Gręcam personuisse linguam; si Hebręa prælegeretur Scriptura, accessisse interpretationem Gręcam. Quot verba protulit Vossius, tot effudit commenta. Primò enim ante conditam LXX. Seniorum versionem ab Esdrę temporibus constat non aliam in Judęorum Synagogis lectam fuisse Scripturam quàm contextum Hebraicum. Non enim ita lingue suę obliiti fuere Judęi in exilio Babylonensi, quin illa penès Prophetas, Sacerdotes ac viros principes remanserit, uti rectè monuit Josephus Albo præstantissimus Judęorum Theologus: & id haud invitus agnoscet Vossius, qui puter LXX. Interpretes sacros vertisse libros florente & superstitite etiamnum Hebraicà linguà. Jam etiam post conditam LXX. Seniorum translationem saltem in aliquot Synagogis lectum fuisse contextum Hebręum, nec diffiteri poterit vir doctus, qui scribat Fl. Josephum Legem Moysis in Synagoga Hebraicè interpretatum esse, historiam belli Judaici, antequàm Gręcè scriberet, linguà Hebręà edidisse; quo argumento refellit Vossius illos qui objecerant nescisse patrium sermonem, neque unquam codicem Hebraicum inspexisse, quibus opponit ipsamet Josephi verba, qui scribat excelluisse se in disciplinis patriis præ ceteris Hebręis, Gręcam verò linguam non nisi per Grammaticam addidicisse, accuratà verò pronunciandi ratione caruisse. Ergo etiam teste ipsomet Vossio qui pugnancia loquitur, non modò vilis popellus & ii solùm qui rure & in pagis versabantur dialecto utebantur Syriacà, sed & viri principes, inter quos Josephus, qui linguam Hebraicam, aut magis Syriacam, vocat sermonem patrium, cujus pronunciandi ratio, quia erat paulò horridior, testatur se pronunciare vix potuisse Gręcum sermonem, qui Hebraico, seu Syriaco, longè politior erat. Si lingua Gręca in urbibus & oppidis erat vernacula, cur Josephus qui rure & in pagis educatus non fuerat, hanc per Grammaticam didicit? Sileo Christum & Apostolos Hierosolymis Syriacè loquutos, uti manifestum est ex libris Novi Testamenti. Quare figmentum est quod asserit Vossius de Hierosolymitanis Synagogis,

R. Jos.
albo.

Voss. in
Calligret.
ad Obj.
Horn.
Joseph.
in fin.
Ant. q.



22 *Castigationes ad Isaaci Vossii Opusculum de Oraculis Sibyllinis*, in quibus non alia audita fuerit lingua quàm Græca. Quod si, inquit vir doctus, *Hebraea praelegeretur Scriptura, accedebat interpretatio Græca*, à solis quippe doctis intelligebatur vetus *Hebraica lingua*. Mirus fanè ratiocinator Vossius, qui ex eo quòd docti solum linguam *Hebraicam* intellexerint, concludit etiam Hierosolymis accessisse Græcam interpretationem. Longè verius dixisset, his locis ubi lingua Syriaca apud Judæos erat vernacula accessisse lectioni *Hebraicæ* sacri contextus interpretationem Syriacam; in iis verò locis ubi apud Judæos vigeat sermo Græcus accessisse Græcam interpretationem. Sic etiam Hierosolymis in Synagoga Alexandrinorum qui Græcè loquebantur, non dubito quin sacer contextus primò *Hebraicè* pro antiquo Synagogarum usu non lectus fuerit, deinde Græcè ab aliquo interprete ex antiqua etiam consuetudine Judæorum, qui inde jam à reditu exilii Babylonici, postquàm lingua *Hebraica* desit esse vernacula, sibi præpositos habuerunt Interpretes qui verba *Hebraica* in patrium sermonem converterent, ut ab omnibus etiam plebeiis intelligerentur. Quo sensu exponenda esse Justiniani verba putaverim, quibus probant viri docti priscis temporibus in Synagogis Judæorum qui vulgò Hellenistæ appellantur, lectam fuisse publicè Græcam LXX. Interpretum versionem. Si enim verba Novellæ Justiniani pensulatiùs considerentur, manifestum erit in istis Synagogis Græcam translationem venisse tantum in auxilium contextus *Hebraici* & velut illius interpretationem, quomodo Hierosolymis aliisque locis vicinioribus lectioni *Hebraicæ* adjungebatur interpretatio Chaldaico-Syriaca. Minimè tamen reluctans agnosco cum Vossio, etiam in Judæa linguam Græcam aliquà ratione obtinuisse, maximè apud viros primarios & magistratus, ita tamen ut sermo Chaldaico-Syriacus, quem eorum Majores è Babylone reportaverant, prævaluerit: & ut ita credam non solum adducor Josephi auctoritate, sed & compluribus Novi Testamenti testimoniis, ex quibus liquidò constat Christum & Apostolos Syriacè loquutos fuisse. Verùm de his infra iterum locus erit differendi. Sunt & alia quedam quæ in opusculum suum de Sibyllinis Oraculis adversus Judæos eorumque codices Vossius conjecit: verùm cum ea rursus inculcet vir doctus in Responsione sua ad Objecta nuperæ Criticæ, satius erit ista omnia in unum collecta expendere. Videndum itaque an hac in parte felicior successus ei fuerit.

Justin.
Nov.
146.

Voss. in
Resp. ad
Obj. nup.
Crit.

Primà frontelaudat Vossius auctorem Criticæ Sacre, quam Simonio

monio tribuit, quòd prisci Interpretes, LXX. scilicet & Cappelli Observationes, ei placuerint. Diligentiam quoque ejusdem Simonii, seu potius patientiam, in evolvendis Rabbiorum scriptis laudat & admiratur: sed quòd illorum expositionibus traditionibusque solo auditu propagatis aliquid solidi existimet subesse, & quidem tantum, ut eas sepe non dubitet LXX. Interpretum præponere versioni, in eo se cum illo consentire non posse palam profitetur; nec putat quemquam cordatum cum Simonio hac in parte consensurum. Cordatus tamen est Cappellus ille quem tanti facit Vossius, & quidem meritò; at in hoc de quo agitur negotio ne tantillum quidem Simonius discessit à Cappello, qui Morinum ejusque simiam Vossium perstringit tanquam homines intemperantes, qui perversa quòdam, & damnanda ^{novæ Criticæ} antiquas translationes aliis longè accuratioribus præferant. In hoc præterea Vossio displicet Simonius, quòd scripserit Hieronymum rectè aliquando recessisse ab antiquis Interpretibus, quasi verò antiqui illi ab omni prorsus errore immunes extitissent. Neque etiam in hoc Cappellum deseruit Simonius: ubi enim Cappellus loco jam suprà laudato pueriles lapsus in Græca LXX. Interpretum versione haud infrequenter deprehendi annotavit, hanc & Hieronymianam inter se comparat, præfertque Hieronymianam, utpote quæ meliorem sensum pariat; ac demùm ista subjungit: *Sexcenta possent, imò innumera ejusmodi proferri loca, in quibus ex eadem cum hodierna plane lectione Hieronymus longè aliter & felicius multo mentem sacrarum Scripturarum expressit, quàm LXX. quia nempe eorum laboribus & translatione adjutus & aliorum, Aquile nimirum, Symmachi, Theodotionis, &c. versionibus sublevatus, illorum hominum squæquæ, cespitationes, allucinationes & aberrationes deprehendere potuit.* Nec aliud profectò de Hieronymo sentiunt qui Græcæ & Hebraicæ eruditionis habent aliquid, si unum excipiamus Vossium, qui exemplo Rufini Hieronymum Judaico & à Rabbinis præoccupato animo ad cudentam novam contextus Hebraicæ versionem accessisse existimat. Dudum evanuit, auctore in primis Hieronymo, illa Græcorum Interpretum Prophetia quam Majores nostri nimium venerati sunt. Verùm ad id quod è re nostra est redeamus.

Ludov. Capp. in Apol. ad vers. Eusebii.

Recentium Rabbiorum expositionibus & eorundem traditionibus solo auditu propagatis nihil inesse solidi contendit Vossius, co præsertim adductus argumento, quòd traditiones quæ solo auditu propagantur, rarò solent ad duo vel tria persistere secula. Si res ita sit,

quâ

24 *Castigationes ad Isaaci Vossii Opusculum de Oraculis Sibyllinis*,
quâ ratione fieri potuit ut LXX. Interpretes post deperditam à duo-
bus seculis linguam Hebraicam, sacri codicis versionem fecerint in
omnibus absolutam, qualem fingit Vossius? Dicit haud dubiè nihil
hac in re mirabile esse, cum illi Prophetæ fuerint. Sed cuinam crede-
mus, an Vossio affirmanti Græcos Interpretes fuisse Prophetas, an
Hieronymo neganti? Verùm, inquires, Semi-Rabbinus est Hierony-
mus, qui novam & Judaicam contra communem Ecclesiarum consen-
sionem ausus est translationem eudere. At Sibyllista est Vossius, qui
novos Prophetas & Fatidicos hætenus incognitòs commentus est.
Judaica illa & Rabbinica Hieronymi versio suos habet approbato-
res, & quidem innumeros, eosque pietate & eruditione conspicuos.
Nemo autem est ætate nostrâ qui sententiam Vossii de unica LXX.
Interpretum versione recipienda amplectatur, si demas quosdam
Socini discipulos, qui avidè illius opinionem arripiunt. Juvat rem
ipsam penitiùs introspicere, naturamque traditionis cui contextus
Hebraici lectio innititur manifestam facere.

Res quidem Religionis, maximè quæ ad doctrinam à sensibus
paulò remotiorem pertinent, unius traditionis ope absque scriptis
per plura secula vix servari posse facilè concesserim. De rebus verò
quas vocant disciplinæ & ceremoniarum, diversum planè ferri debet
judicium, quia scilicet res istæ ferme quotidie in usum veniunt. Hoc
potissimum traditionis genus prisce Ecclesiæ Patres suis suffragiis
approbant. Jam dico eandem omnino esse linguarum rationem, quæ
licet emortuæ nec ampliùs vernaculæ sint, adhuc apud Doctores
obtinent, vigentque in Scholis. Ad hanc traditionis speciem revoca-
mus linguæ Hebraicæ apud Judæos traditionem. Ex hac proculdu-
bio factum est, ut etiam hodiernis temporibus Samaritæ eosdem Le-
gis Mosaicæ codices habeant atque Judæi, si paucula excipias. De-
mum ex illa quoque traditione ortum, ut Judæi non modò Orienta-
les & Occidentales de contextus Hebraici lectione inter se consenti-
ant; sed & illi qui *Carræim* apud illos nomen ex eo reportarunt,
quòd, rejecto Talmude aliisque traditionibus parùm constantibus,
Scripturæ adhæreant, & cum reliquis Judæis de ratione legendi
sacri codicis in omnibus concordent. Explodenda igitur non est re-
merè traditio illa quam Carræi, qui plerasque Judæorum traditio-
nes respuunt, integram amplexati fuere. Huc quidem multa pos-
sem congerere sumpta ex Judæorum libris, quibus probant Majo-
res suos inde jam à Zorobabelis & Esdræ temporibus Scholas ha-
buisse,

buissetum apud Babylonios, tum apud Hierosolymitanos; sed his & aliis ejusdem generis prudens superfedeo, quòd non sint ad palatum doctissimi Vossii, cui Rabbinologia multum displicet. Non ignoro complures Judæos, illos maximè qui sunt è classe Grammaticorum, existimare non solum sacros codices in exilio Babylonico variè distractos ac miserè depravatos fuisse, uti sentiunt R.R. Kimchi & Ephodaxus, sed & linguam fere deperditam. Et cum his consentiunt etiam Judæi qui sunt è secta Carræorum. Ita enim scribit de hoc argumento Aaron Ben Joseph, doctissimus Carræus. *Exules fuerunt Israelita ex terra sua in aliena, ob signataque est visio ac prophetia, parumque absuit quin lingua Hebraica deperdita fuerit. Surrexerunt sapientes Israelita quibus Deus addidit Spiritum, & pertractarunt Scripturam qua apud nos libros XXIV. complectitur. Ex quibus manifestum est linguam Hebræam antiquitus omnino sepultam non fuisse, etsi post reditum Judæorum è Babylone Hierosolymis non amplius vernacula fuerit, sed à Legis tantum Doctoribus conservata. Sic dicitur Esdras Scribæ peritissimi munus præstans legisse ex pulpito Legem Græcam multitudine virorum & mulierum. Ex eo potissimum tempore suos ducunt Paraphrastas Judæi, qui Legis verba sermone patrio exponerent ut ab omnibus intelligerentur; nec aliunde suam duxisse originem crediderim Græcam LXX. Interpretum versionem, de quibus postea mira commenti sunt Judæi, eorumque somnia tam avidè arripuit Vossius, ut existimaverit illos solum à Christianis audiendos esse. Tum in Synagogis & Scholis locorum ubi lingua Græca erat vernacula, lecta est Græca illa Judæorum Alexandrinorum translatio, quæ in brevi temporis spatio ad reliquos Judæos qui Græcè loquebantur pervenit, quòd lingua Græca esset lingua dominantium. Non ideo tamen relicta est contextus Hebraici lectio, ad cuius duntaxat auxilium veniebat Græca interpretatio. Neque id diffitebitur Vossius, qui asserat Josephum & Philonem, qui erat Alexandrinus, Hebraicè doctos fuisse. Quandonam igitur periit lingua Hebraica? An tempore Aquilæ, quem futilissimum vocat Interpretem Vossius? Verum ipse etiam agnoscit, Origenis tempore Alexandriæ, & Hieronymi ætate Tiberiade, celeberrimas fuisse lingue Hebræicæ Scholas. Conservatas autem fuisse post Hieronymum Tiberiadis Scholas, nemo ignorat, ex quibus tandem Criticorum illorum familia, qui vulgò Masorethæ appellantur, nata est. Masoretharum autem nomen obtinuerunt, quod Masoram, seu legendi contextus Hebrai-*

Aaron
Ben Joseph.
Presb.
Comm. in
Pentateuch.
במעט
היתה
שמו עבר
נשכח
סדרו
Nehew.
cap. 8.

26 *Castigationes ad Isaaci Vossii Opusculum de Oraculis Sibyllinis,*
ci traditionem, ab omnibus Judæis tunc receptam beneficio nota-
rum quarundam, seu punctorum vocalium, intra certos limites
clauferunt. En traditio Judaica, cui plurimum quidem tribuit Si-
monius; sed à qua non totus dependet, cum non parvi etiam faciat
traditionem, seu lectionem contextus Hebraici, quam Græci In-
terpretes sequuti sunt. Imò eam interdum Masorithicæ præferre
non dubitat, quia scilicet neque à Græcis Interpretibus, uti Vos-
sius; neque à Latino, uti plerique Ecclesiæ Romanæ Theologi;
neque à Judæis, ut turba Protestantium, præoccupato adscriben-
dum minime accessit.

Verum, inquit optimus Vossius, Judæi Christiani nominis sunt
inimici, adeoque ab istis peti non debuit sacri codicis lectio. Quasi
verò ars aliqua ab aliis sumi possit, quàm ab illis qui artem illam tra-
ctant. Sed iterum instat Vossius, fateturque lectionem hanc à Judæis
quidem petendam esse, verum à priscis illis qui Christi tempora
præcesserunt, minimè verò à recentioribus Rabbinis, qui illam pe-
nitus ignorant. Et in hoc etiam cum Vossio consentit Simonius,
quòd traditionem lectionis Hebraicæumat quoque ab illis antiquis
Judæis, in hoc verò ab eo discedit, quòd non ab iis solùm, sed & ab
Aquila, Symmacho, Theodotione, Hieronymo aliisque omnibus
Interpretibus sacrarum literarum hauriendam illam esse putaverit:
quia nimirum ars quælibet ex uno aut altero perfici nequit, sed ex
omnibus simul collectis. Nullius Magistri legibus addictum se pro-
fiteretur Simonius; negat ex vulgaribus Grammaticorum regulis per-
fectam haberi posse linguæ Hebraicæ cognitionem, quia sunt spe-
cialiores, & intra angustos nimium præceptionum limites claudun-
tur. Censet præterea ad vetustos recurrendum esse Interpretes ex-
emplo Hieronymi, qui non modo ætatis suæ Magistros consuluit,
sed & modò LXX Interpretes, modò Aquilam, modò Theodoti-
onem & quemlibet alium sequitur, cujus interpretatio sibi videatur
commodior. De nova instituenda versione, etiam ætate nostrâ, quæ
cæteras omnes superet, non desperat. Neque enim verum est, ut
sepius inculcat Vossius, unum duntaxat Hieronymum à LXX. In-
terpretibus recedere ausum fuisse. Imò reliquos Patres sepius videas
ad Aquilæ, vel Theodotionis, vel Symmachi versiones recurrere,
quòd hæc meliorem interdum sensum pariant. Longius profectò re-
cedunt à Vossio, qui putet sublati LXX Interpretibus simul quo-
que tolli omnem quæ superest linguæ Hebraicæ cognitionem; abs-
que

que illis ne unum quidem verbum rectè exponi posse, Aquilam & alios Interpretes peccasse ubicunque à vetere recesserunt versione, illum futilissimum esse Interpretem, qui ex Græca tantum LXX. Seniorum translatione Hebraicè doctus non novas potestates vocibus Hebraicis affinxerit, sed eas solum retinuerit significationes à Græcis illis interpretationibus positas, diverso tamen ordine, & alias notiones aliis locis accommodans. Istum tamen Aquilam, cujus versionem plenam futilibus vocabulis affirmat Vossius, haud infrequenter laudavit Origenes, qui de Aquila loquitur tanquam de homine qui verborum proprietates investigans, eorumque significationibus diligenter inhaerens, eadem aptissimè interpretari studuerit.

Ο νεανίας ἰσχυρότερος Φαρισαίου ἐστὶν Ἀquila. Si autem easdem Aquila linguæ Hebraicæ notiones diversis locis diversâ tantum ratione applicuerit, expendenda sunt illa loca, judicandumque an rectè ab illis Interpretibus discesserit. Constat Hieronymum aliquando prætulisse Aquilam LXX. Senioribus, quod hi Judæis favere sibi viderentur. Similiter Origenes putavit Aquilam locis compluribus dictiones contextus Hebraici convenientius expressisse quàm LXX. nec ab eo dissentit Theodoretus. Commentum igitur est quod fingit Vossius, inter omnes scilicet antiquos Christianos neminem fuisse cui non majus Hebraicæ veritatis lumen affulserit, quàm omnibus seculi nostri Rabbinis & Semi-Rabbinis Christianis : nam ut optimè à Ludovico Cappello annotatum fuit, nihil est simul acceptum & perfectum. Septuaginta Interpretum translatio ab Aquila, Symmacho; Theodotione & ab Hieronymo emendata est, & quotidie emendatur, non secus ac Hieronymiana, à viris Græcè & Hebraicè doctis. Illa reliquis Scripturæ Sacræ versionibus in eo solum præstat, quod prima sit omnium translationum, à qua proinde qui postea sequuti sunt Interpretes non pauca ad instituti sui rationem hauserint. Nec dubito quin Philonis tempore, Alexandriæ aliisque locis ubi floruit lingua Græca, dictionum Hebraicarum Lexica extiterint sumpta ex versione LXX. Interpretum. His etiam adjutum fuisse Aquilam in cudenda nova sua translatione non inficias erim : sed ut credam illum qui ab Origene, Hieronymo aliisque Patribus diligentissimi Interpretis cognomentum reportavit, Judæos ætatis suæ non consuluisse, vix adduci possum; & ut ita sentiret Vossius non aliunde permotus fuisse videtur, quàm ex præsumpta opinione, solos nimirum audiendos esse LXX. Interpretes, quibuscum

Orig.
Comm.
in Cap. I.
Genes.

28- *Castigationes ad Isaaci Vossii Opusculum de Oraculis Sibyllinis*, linguæ Hebraicæ cognitio sepulta fuerit. Id omne quod in Aquilam regerit Vossius, de Hieronymo etiam dici potest, quem tamen constat Doctores Judæos ætatis suæ in condenda versione sua ex Hebræo in Latinum sæpius consuluisse, imò & ab istis sæpius quàm à Græcis Interpretibus dependere voluisse. Ubique enim testatur in operibus suis Hieronymus, se à doctissimis Judæorum Magistris ætatis suæ institutum fuisse. Similis est prorsus Aquilæ ratio, quem contentiosum aliquando appellat Interpretem idem Hieronymus, quòd dictionibus Hebraicis pressius adhærens, verba potius quàm sensum exprimat. Unde illum καυχήματα quidem, seu prave affectationis accusat, minimè verò ignorantie; cùm hanc potius affectationem tribuat Origenes nimie illius diligentie. Verùm his diutius quàm par erat immorati sumus.

Nunc ad alia transit Vossius. Negat Scripturæ sensum erui posse ex codice muto, quem nec legere, nedum intelligere quisquam sciat, utpote trunco mediâ sui parte, nec aliis, quàm quas Christianæ fidei inimici apposuerunt, instructo vocalibus. Satis non fuit Interpretes sacri codicis traduxisse, nunc ipsosmet codices accusat Vossius. Passim & usque ad nauseam in opusculo objicit mutum esse codicem Hebræum, quasi verò LXX. Interpretum temporibus minus mutus fuerit quàm ætate nostrâ. Hæc est nimirum Orientalium scribendi ratio, ut sectentur compendia, neque illud vitium magis cadit in sermonem Hebraicum quàm in Arabicum, Chaldaicum & Syriacum, quorum etiam scribendi ratio compendiariorum est. Exemplarium quibus usi sunt LXX. Interpretes melior non fuit conditio, verùm erat apud Hebræos, ut & apud reliquos Orientales, certa quedam legendi ratio usu confirmata, maximè apud Magistros, qualis etiam nunc extat. Nam etiam post inventa puncta vocalia plerique Orientalium libri absque istis editi sunt, neque tamen minus eos legunt qui eorum linguas callent, quàm si punctis omnibus instructi editi fuissent. Samaritæ codicem suum ejusmodi punctis nunquam onerârunt, imò neque ea exhibent Judæorum exemplaria, seu volumina, quæ publico Synagogarum usui inserviunt. An ideo isti codices muti sunt? Suas quoque habent vocales Judæi quæ ab istis punctis minimè dependeant, ut & ipse Vossius non dissimulat: verùm istas Scribæ pro arbitratu suo modò adjiciunt, modò omittunt. Quare optimè animadvertit sapiens Aben Ezra, vanum esse hac in parte Masoretharum laborem, qui

qui nimis anxie annotant quoties dictio aliqua plenè scribatur, & quoties deficiat; id est, quandonam cum suis vocalibus repræsentetur. Scriba, inquit doctus Aben Esra, *interdum scribendo exprimit dictionem plenam, interdum verò deficientem, idque causâ compendii.* Si quis tum antiquos tum recentiores Interpretes inter se conferre voluerit, deprehendet ex illa vocalium præsentia vel absentia aliquid diversitatis in contextu transferendo contigisse. Neque etiam hodie hac in parte consentiunt secum invicem Judæorum Magistri, uti compluribus ostendit Simonius, qui non ob hanc causam de Judæorum codicibus detrahit; sed vitium illud, si quod sit, in linguarum Orientalium naturam rejicit. Hæc arte Doctores Mahumetani lectionem Alcorani adjectis ejusmodi notis, seu punctis vocalibus, constantem fecerunt, ne in varias partes pro cujusque arbitrio trahi posset. Laudanda est profectò Judæorum hac in parte diligentia, qui punctorum beneficio sacrorum codicum lectioni in posterum consuluerunt. Certum est in qualibet ætate fuisse Masoram aliquam saltem apud linguæ Hebræicæ Doctores aspectabilem, quia semper certa fuit contextus Hebraici legendi ratio; etsi illa nonnihil pro diversis ætatibus variaverit, ut ex diversarum translationum collationibus licet judicare. Quare totum istud negotium nunquam videtur intellexisse Vossius, qui scribat propter vocalium defectum eò miseros Judæos redactos fuisse inscitie, ut ne legere quidem scirent, nisi Hebraica verba Græcis expressa literis adscriberentur, quibus vocalium resarciretur defectus. *Hunc scribendi morem, inquit, à Judæis acceptum, in Tetraplis & Hexaplis sequutus est Origenes, Hebraicus & Samaritanicus opponens eadem Hebraica & Samaritica Græcis expressa literis, additis tantum vocalibus, ut commodè legi possent.* Mira sanè hoc loco, ut & alibi passim, commentus est doctissimus Vossius: ut enim sileam merum illud esse figmentum quod affert de contextu Hebræo qui literis Samaritanicis insertus fuerit Hexaplis Origenis, nemo sanus existimaverit Origenem hausisse à Judæis rationem exprimendi contextus Hebraici Græcis literis; verum ipse potius, ut linguæ suæ hominibus se accommodaret, verba Hebraica primum Hebraicis literis, deinde Græcis characteribus expressit, ut etiam Hebraica legere possent qui nihil scirent Hebræicè. Judei siquidem illis temporibus, ut & hodiernis, contextum suum absque punctis

Aben Esra, Prof. in Pentateuch.

30 *Castigationes ad Isaci Vossii Opusculum de Oraculis Sibyllinis*,
vocalibus facili negotio legebant, nec aliis adjuti literis quam He-
braicis non solum Rabbiorum libros legunt, sed & alia quaelibet
opera diversis sermonibus concepta. Sic habent Bibliorum versio-
nes Græcas & Hispanicas non Græcis & Hispanicis exaratas charac-
teribus, sed Judaicis, quarum specimina aliquot hic subijciam;
ut peritiores inde judicent, an ita miseri sint Judæi, ut linguæ suæ
dictiones exprimere nequeant nisi externarum linguarum caracte-
ribus; cum & ipsi aliarum gentium linguas Judaicis literis haud in-
felicitè expriment. Ita in Græca Pentateuchi interpretatione à
Judæis Constantinopolitanis edita, legimus Hebraicis literis, א
קריש ם Kieris ם או ראש ם Oris פרוש, ש אורש, ם קרש, ם קרש, ם קרש,
& alia ejusdem generis innumera, quibus Judæi qui-
dem puncta vocalia adjiciunt, sed quæ videntur inutilia; cum
etiam sine his vix aliter legi possint. Eadem planè ratio est sermonis
Hispanici, à quo puncta quoque vocalia possint abesse sine ullo
germanæ lectionis detrimento: quo pacto legimus, אן איל כונס
En el monte, אשטאר *Estar*, טירר, ויש א לה טירר, א
Veedi à delant de vos à la tierra, איל גרטי ראו *El granderio*, א
אישטריש פריש *A vuestros padres*. Ex his manifestum est linguam
quoque Hebraicam suis non carere vocalibus: possemquehuc con-
gerere alia diversarum linguarum specimina Judaicis expressa char-
acteribus sine ullis punctis vocalibus, quæque ope literarum in pri-
mis א, seu *Aleph, Van & Jod*, quas vulgò lectionis matres Ju-
dæi appellant, facile & promptè leguntur. Contigit tamen ut
Scribæ pro suo arbitrio, uti jam annotatum fuit, haud infrequen-
ter vocales istas prætermiserint: unde tandem orta est non mini-
ma inter codices Bibliorum manu exaratos discrepantia, quæ ad-
huc conspicitur in exemplaribus optimæ notæ, longèque major erat
ante criticas Masorètharum notationes, ad quas plerique codices
castigantur.

Res etiam ista exemplo aliarum linguarum, quæ Hebraicæ affi-
nes sunt, Arabicæ nimirum, Chaldaicæ & Syriacæ, potest illu-
strari. Non aliis dudum utuntur literis Persæ & Turcæ, quàm Ara-
bicis, quas ad usum suum nationes istæ accommodarunt. De Per-
sis hæc habet Têxeira. *Quando los Arabes eniraron la Persia y la sen-
nortearon, introduxeron en ella sus caracteres y modo de escribir, al qual
los Persios se applicaron y accommodaron, de suerte que olvidaron y se per-
dio totalmente el proprio suyo.* Sed frustra his immoramur: nemo
enim

Têxeir.
Hist.
Pers.
cap. 22.

enim ignorat Perlas & Turcas non aliis uti characteribus quam Arabicis, qui in negotio de quo agitur Hebraicos omnino referunt. Nec quidquam ad propositum facit quod mox subjungit exemplum Vossius, petitum ex scriptis Homeri & Virgilii operibus, si vocalibus destituta ad nos usque pervenissent, quandoquidem maximum est discrimen inter linguas Græcam & Latinam, atque inter Hebraicam, Chaldaicam, Syriacam & Arabicam; cum hæ punctis vocalibus destituta non idcirco vocalibus penitus destituatur. Adjicit & aliud commentum vir doctus, rationem hanc scribendi, Græcis scilicet literis, viguisse apud Judæos per annos fere mille, nempe usque ad tempus Masoretharum, qui ante sexcentos fere annos, neglecta hæ duplici scriptura, sequuti Syros & Arabes apices, & puncta invexere quibus vocalium loco uterentur. Verum inde jam ab octingentis annis scripsit R. Saadias opuscula quadam de re Gram-

R. Saad.

matica, ex quibus constat etiam ante illa tempora ejusmodi puncta vocalia Bibliorum codicibus adjecta fuisse. Quorum meminit Masoretharum, quos punctorum inventores fuisse non diffiteor, cum & ipsi diu ante Magistrum Saadium floruerint? Verum, inquit Vossius, adeo recentia esse puncta vel ex eo satis est manifestum, quod nullus liber, nullumque appareat monumentum, quod quidem quingentis annis sit vetustius, in quo ista compareant. Simili ratione dixi ante sexcentos annos nulla fuisse Hebraica Bibliorum exemplaria, quod non inveniantur ætate nostra quæ majorem præferant antiquitatem: sed pudet in his refellendis, quæ aperte falsa sunt, longius detineri. Monumenta produxit Simonius longè antiquiora in quibus puncta compareant. Invenitur præterea in Judæos Vossius, eosque pravas & perversas vocales plerisque vocabulis aptasse colligit ex propriis nominibus quæ in Evangelis & in veterum Judæorum passim occurrunt monumentis; ut necesse sit, inquit vir doctus, aut ineptissime & nullo judicio hodierna esse apposta puncta, aut Christum & Apostolos, omnesque adeo veteres Judæos, Prophetarum & prosatorum ignorasse nomina. Verum non animadvertit optimus Vossius, illa eadem nomina hodiernis etiam temporibus à Judæis diversarum nationum diversâ ratione efferi ac scribi, si in patrium sermonem transferantur. Ea siquidem aliter scribunt Itali, aliter Hispani, & aliter Germani. Ad antiquam tum scribendi tum pronunciandi rationem magis accedunt Hispani, quia simplicior est illorum pronuntiatio; Judæi verò Germani à ge-

nuina

32 *Castigationes ad Isaaci Vossii Opusculum de Oraculis Sibyllinis*,
 nuina tum inscriptione tum pronunciatione cæteris omnibus longius
 recedunt: idque manifestò colligitur ex libris quos Italicè, vel His-
 panicè, vel demum Germanicè conscripserunt, in quibus dictiones
 Hebraicæ diverso planè modo & aliis literis exprimuntur. Constat
 tamen illos hanc inscriptionis diversitatem ex diversis Hebraicorum
 exemplarium lectionibus non hausisse. Sed pronunciationis vitium,
 quod ex vulgari sermone oritur, secum etiam trahit scripturæ viti-
 um; unde factum est ut plerique Hebraistarum, qui ex Gramma-
 tica Hebræa Buxtorfii Hebraicè sciunt, pravè quoque & more Ger-
 manorum dictiones Hebraicas scribant. Illud omne jam à Leone
 Modena verbis paucioribus annotatum fuit, qui ut genti suæ fave-
 ret, Italorum pronunciationem cæteris præfert. *Nella pronuncia di essa
 lingua Hebræa, ait Magister ille, sono talmente poi tra di loro differenti,
 che à pena sono intesi; Todeſchi da gl' Italiani e Levantini ne vi è chi più chi-
 aro & conforme alle regole della vera Grammatica Favelli, che Italiani.*
 Eamdem fuisse linguarum omnium sortem, dicere possumus ex pri-
 scis Grammaticis; illudque argumentum optimè tractavit Eras-
 mus Dialogo de rectâ Latini Græcique sermonis pronunciatione, ubi
 observat Maximilianum Cæsarem ab aliquot diversarum nationum
 oratoribus se præfente Latinè salutatam, omnes tamen qui aderant
 hisce orationibus credidisse nullam Latinè pronunciatam fuisse, sed
 vulgari quamlibet sermone. Galli orationem non malè Latinam a-
 deo Gallicè pronunciatam fuisse testatur idem Erasmus, ut Italis
 aliquot eruditis qui tum aderant, Gallicè non Latinè dicere crede-
 retur. Ad quam Galli orationem Doctor aulicus tam Germanicè
 respondit, ut nemo vulgari linguâ dicere potuisset magis Germa-
 nicè: in hunc enim modum exorsus est, *Casarea Maghestas, penè cau-
 det fidere fos, & horationem festram lipenter audisti.* Haud absimiliter
 Judæi Germani sermonem Hebraicum Germanicè pronunciant &
 scribunt, & inde maximè orta est nominum propriorum diversitas
 quæ in Pagnini, Munsteri, aliorumque recentiorum Interpretum
 versionibus deprehenditur, si cum Evangelii & antiquioribus mo-
 numentis illa comparentur. Sed tempus est ut ad alia cum Vossio
 transeamus.

*Leo Mod.
 Hist. de
 Ebr.
 Hebr.
 part. 2.
 cap. 1.*

Erasmus.

*Idem sub
 fin. Dial.
 de pron.
 Lat. &
 Græc.
 serm.*

Incertam esse vocum Hebraicarum expositionem propter defec-
 tum vocalium contendit vir doctus, in eaque etiam sententia Simo-
 nium esse existimat, qui etiam crediderit inde factum ut Rabbinii
 codices Hebræos 72. facies habere assirment. Verum quidem est
 Simo-

Simonium interpretationum contextus Hebraici diversitatem ex parte tribuisse vocalium, quæ modò adsunt, modò absunt, inconstantia. Sed 72. facies illas, quas codices Hebræi præse ferant, ex Judæorum opinione longè aliter explicavit; nec est profecto cur illud Judæorum pronunciatum adeo frequenter objiciat Vossius, quod non videtur intellexisse. Unus enim simplexque Scripturæ Sacræ sensus non minùs à Judæis quàm à doctissimo Vossio comprobatur. Nomine autem 72. facierum veniunt tantum sensus allegorici, qui tot sunt, quot otiosi Magistri possunt comminisci. Commune enim est effatum non modò apud Judæos qui sunt è secta Carræorum, sed & apud Rabbanistas, quibus inest eruditionis aliquid & judicii, אֵין כְּקֶרֶם יֵצֵא מִן הַבֵּשֶׁל, *Scripturam non abire extra sensum simplicem*, seu, ut vocant, *literalem*, quem unicum amplexari se profitetur doctissimus Aben Esra, R. Aben
Esra.
Prof. in
Pentate. spretis illis 72. faciebus, seu sensibus allegoricis & Cabbalisticis, quos plerique Judæorum, maxime qui incolunt regiones Orientis, sectantur. Quare Judæis ipsis illi mihi videntur ineptiores, qui ex Rabbinorum libris varia fabularum monstra congerunt, ut Doctoribus istis recutitis creent invidiam. Ejusmodi portentis pleni sunt libri Talmudis & antiqui Medraschim, seu Commentarii allegorici. Hoc sensu dicunt Magistri Mosem non esse mortuum; R. Simeonis Ben Jochai & Regis Ezechia temporibus visum non fuisse arcum cœlestem, quia justi erant; eo tempore quo Jonathan Paraphrasi Chaldaicæ operam dabat, aviculas super eum volitantes momento exutas fuisse. Sexcenta ejusdem generis prætereo, quæ Judæi sapientiores סֵדֶר הָרִדָּה, *sensu allegorico* dici existimant. Ad quam etiam classẽ revocanda sunt ea omnia quæ de 72. Scripturæ faciebus commentum sunt Magistri. Cesset itaque Vossius illis objicere veritatem constare non posse ubi adeo multiplex est sensus.

Tergiversatus eodem loco vir doctus multa affert de nomine Prophetæ quæ sunt extra propositum planèque inutilia: quasi enim illum pervenerit Græcos Interpretes Prophetis adscripsisse; illos affirmare verè Prophetas esse qui rectè Scripturas interpretantur, cum Propheta idem sit quod Interpres, & *μερσιφιδεν* idem quod interpretari. Quasi verò de hoc Prophetiæ genere in præsentia agatur. Derisus fuerat à Simonio Vossius, qui rancidam de LXX. In-

E

terpretum

34 *Castigationes ad Isaaci Vossii Opusculum de Oraculis Sibyllinis*,
 terpretum Prophetia sententiam renovare studebat, non alius ad id
 permotus argumentis, quàm ex odio illorum quos vocat Semi-Rab-
 binos. Quò autem tendant illa quæ verbosius comminiscitur vir acu-
 tissimus, ut ostendat non apud Græcos tantum, sed & Ægyptios
 somniorum, furtorum & similibus interpretes vel indices appella-
 tos fuisse Prophetas, non ita sum oculatus ut videam. Contendit
 etiam idolorum cultoribus Deum sæpè contulisse donum Prophe-
 tiæ. Sed quid hæc faciunt ad præfens institutum? Græcam versio-
 nem divinitus inspiratam appellat, & illius auctores Spiritu Sancto
 aut Prophetico afflatos, earumque *Homologias* multis conatur adstru-
 ere. Non malè igitur Simonius objecit Vossio, Prophetiam illam
 jampridem & ab Hieronymi temporibus à LXX. Interpretibus sub-
 latam esse. Imponit ipse potiùs Simonio, cùm illum in jus vocat,
 quasi crediderit Stephanum Protomartyrem non Græco atit plebeio
 Syriaco, sed Hebraico sermone ultimam suam absolvisse concionem.
Quid integrum in Evangeliiis supererit, inquit vir ad superstitionem us-
 que religiosus, *si istiusmodi admittamus commenta?* Verùm fingendis
 commentis ita assuetus est Vossius, ut nova cudere hoc loco veri-
 tus non fuerit, quæ postea commentitiis rationibus refelleret. Veri-
 similem putavit Simonius Hieronymi opinionem, qui scripsit cre-
 dibile non esse Stephanum in sua ad Judæos Hierosolymitanos con-
 cione testimonia Veteris Instrumenti aliunde produxisse quàm ex
 Hebræorum codicibus. De verbis concionis, quæ constat sermone
 Syriaco expressâ fuisse, non loquitur Simonius, sed de Scripturæ lo-
 cis quæ in illa concione à Stephano laudata sunt. Quare Vossii com-
 mentum est quod Simonio tribuit, eum existimâsse plebem tempo-
 re Apostolorum gnaram fuisse veteris linguæ Hebrææ, cùm ipse
 potiùs affirmet plebem Hierosolymitanam Syriacè loquantem; in
 Synagogis Hierosolymitanis, ubi Syriacus sermo vigeat, lectam
 non fuisse Legem Græcè, sed Hebraicè, cui statim adjugebatur in-
 terpretatio Syriaca, non verò Græca, uti commentus est Vossius:
 at de his jam suprà fusiùs dictum fuit.

Iterum malignè Simonio objecit Vossius, ab eo scriptum Aristæi
 inter commentitia ob id repositum fuisse, quòd Judæis solenne fue-
 rit fingere & scribere incredibilia, cùm ea quæ Moysis & Prophe-
 tarum scriptis continentur magis sint incredibilia, ac si ex eo so-
 lum quòd Judæis solenne sit fingere incredibilia, probaverit Simo-
 nius commentitiam esse Aristæi historiam. Firmissimas & ex ipso
 Aristæi

Aristæi opusculo desumptas rationes profert, ostenditque Philonis Herennii testimonio, quod refert Origenes, Judæos illius temporis multa confinxisse parum verisimilia. Nec miror Vossium ejusmodi impostores cum Moysæ & Prophetis conferre non dubitasse, qui jam illos inter Prophetas retulerit. Scribit tamen vir doctus in eodem opusculo, ubi, ut & fere semper, parum consentanea loquitur, in Judæorum scriptis peregrinam rem esse veritatem, tantam inscientiam & barbariem, tantam figmentorum copiam in iis occurrere, ut nihil verius sit illo Satyrici dicto,

Ere minuto

Qualiacunque volunt Judæi somnia vendunt.

Malignè similiter & contra mentem Simonii alia nonnulla subjungit Vossius, quibus inutile est respondere, cum Simonii liber nunc Latine & Gallicè omnium teratur manibus, etsi Gallica recens editio, quæque ex eo sumpta est Latina, innumeris scatet erroribus. Jam ut fortius premat Simonium Vossius, rogat unde suam de Regibus Judæorum hausert historiam Demetrius Phalereus, si hujus ætate nulla extiterit Græca versio. Istud quoque comminiscitur Vossius, ut fingat sibi adversarium. Demetrii historiam è Græca versione quæ LXX. Senioribus vulgò tribuitur, desumptam fuisse facile agnoscet Simonius, qui de ætate auctorum versionis illius nusquam disputat, verum de ipsismet illius auctoribus, putatque ea quæ de illis ab Aristæo referuntur non abesse à commento. De tempore quo illa instituta & perfecta fuerit à Judæis Alexandrinis, dissentientem non habebit Simonium Vossius; sed ut credat tot fabellis quæ de illis Interpretibus vulgò circumferuntur, vix adduci potest. Suo interim fruatur judicio delicatissimus Vossius, qui somnia plusquam Rabbinica tam avidè arripit; & quia jam factus oculatior vir doctus ad scribendum se accinxit, non solum Moyſis Pentateuchum à LXX. Interpretibus, sed & libros Historicos & Propheticos Græcè fuisse redditos nunc non dubitat, etsi olim se dubitasse profiteatur. Gravissimæ tamen sunt dubitandi rationes, in primis quæ ex Josephi, Hieronymi & priscorum Judæorum testimoniis peti possunt. Negaverat Simonius verba Aristæi à Vossio intellecta fuisse; nunc ad illorum qui Græcè sciunt judicium provocat vir doctus, quorum etiam decretis penitus standum esse arbitror, velimque ut ea quo-

36 *Castigationes ad Isaaci Vossii Opusculum de Oraculis Sibyllinis*,
 que expendant illi iudices quæ ex Eusebio aliisque Scriptoribus
 Græcis in opus suum transtulit Vossius cum nova Græcorum verbo-
 rum translatione; adeo in omnibus novator est vir ille incomparabi-
 lis, qui iterum nova comminiscitur Origenis Hexapla, quæ nemini
 hætenus visa fuerint. Probabiliora sunt quæ mox subjicit de eodem
 Origene, qui integram LXX. Interpretum versionem & fideliter
 descriptam Hexaplis suis inferuerit; non verò locis aliquot immu-
 tatam, uti suspicatur Simonius. Licet tamen suspicari cum Simo-
 nio, Origenem Græcam interpretationem, quæ ipsomet teste in-
 numeris erroribus tunc referta erat, ita integram non restituisse,
 quin plura loca sub prætextu castigationis immutaverit, quando-
 quidem non eam solum ad probatos versionis illius codices recogno-
 vit, sed & ad Hebræos, & Aquilæ, Symmachi, Theodotionis ali-
 orumque translationes. Quod vix assequi potuit, quin antiquam il-
 lam versionem in multis vitiarit, maxime cum Origenes veritatem
 Hebraicam longè pluris æstimaverit quàm putat Vossius, si creda-
 mus Hieronymo, qui ingenium doctissimi illius Patris probè nove-
 rat. *De Adamantio autem*, inquit Hieronymus, *sileo, qui cum in Ho-*
miliis suis quas ad vulgum loquitur communem editionem sequatur, in Tomis,
id est, in disputatione majori, Hebræicâ veritate stipatus & suorum circum-
datus agminibus, interdum peregrina lingua quærit auxilium. Aliter igitur
se habuit Origènes cum hominibus eruditis, aliter cum imperita
multitudine, & ut aiunt, cum paucis sapiens ea quæ multorum
erant loquebatur. His consentiunt quæ scribit adversus Celsum:
postquam enim ex libro Exodi produxit nonnulla secundum vulga-
ta Græcæ versionis exemplaria, statim contextus Hebraici lectio-
nem subjicit cum hac animadversione: *ἡ δὲ τῶν πρὸ ὁμογενήτων*
ἑνὴν δοκῶν, & ἡ τῶν ἑπὶ μακρῶν ἀντιφάσις. Sed hac quæ videntur esse curiosiora, nec
fatis apta vulgi auribus, &c. Errat itaque vir doctus, qui existimat
Origenem non alios probasse codices quàm Græcos LXX. Inter-
pretum. Ignorat œconomiam illius leges quas plerique Patrum, in
primis Origenes, sequuti sunt, ut jam receptis à multitudine opi-
nionibus se accommodarent. Quam etiā Origenis œconomiam,
seu prudentiam, imitantur cetera nostrâ præstantissimi Ecclesiæ Ro-
manæ Theologi, qui usum Latinæ editionis populo concedentes,
veritatis Hebræicæ cognitionem sibi reservant. Quia portentosis
Aristæ de LXX. Interpretum versione sermonibus fidem non ha-
bet Simonius, causam reddere conatus cur illa LXX. Senioribus
attributa

*Hieron.
 Proem.
 in Quæst.
 Hebr. in
 Genes.*

*Orig. lib.
 1. adv.
 Cels.*

attributa fuerit, testatur se ad eorum sententiam accedere, qui putant à LXXII. Synedrii Hierosolymitani Senatoribus, qui hanc suffragiis suis & auctoritate comprobârunt, nomen istud reportâsse. Nihil tamen affirmat, sed de re tam obscura & à nostris temporibus ita aliena conjecturam facit: in eum tamen modestè sentientem acriter insurgit Vossius, rogatque si ab universo approbata fuerit Synedrio Græca illa interpretatio, qui fieri potest ut mendosa minimèque exacta fuerit, ac si necesse fuerit ut auctoritas Synedrii magni, quam versioni illi accessisse suspicatur Simonius, ut publicè in Synagoga & Scholis legeretur, hanc ab omni prorsus errore eximere debuerit? Non major illi *ai. Juxta* ex Senatorum Hierosolymitanorum decreto accedere potuit, quàm Latinæ editioni tributa est, postquàm Tridentini Patres illam Constitutione suâ fecerunt authenticam. An idcirco Latinus Interpres à mendis quibus antea scatebat repurgatus fuit? Minimè. In hoc etiam decreti utriusque videtur maxima paritas, quòd sicut in Occidentis Ecclesia ex linguarum Græcæ & Hebraicæ ignorantia factum est ut Biblia sermone Latino conversa & lecta fuerint, ita etiam linguæ Hebraicæ apud Judæos Hellenistas imperitia fecit ut Judæi Alexandrini sacros codices in usum suum Græcè verterint, quæ deinde translatio Græca apud omnes Judæos qui Græcè sciebant obtinuit, eaque forsan à Senatoribus Hierosolymitanis approbata: dixi forsan, quia opus non est ad illorum auctoritatem recurrere, ut ratio exponatur cur versio ista LXX. Senioribus attributa fuerit, sed observanda tantum est loquutio Judæis admodum familiaris, quâ res omnes quæ alicujus momenti sibi esse videntur, referre soleant *לאש כנסת הגדולה*, *ad viros Synagoga magna*. Quod genus loquutionis plurimos eosque eruditissimos in varios errores perduxit, dum Judæorum libros non satis cautè evolvunt: cum non tam quid loquantur Magistri, quàm quomodo & quibus de causis ita loquantur animadvertendum sit. Ita plerique Rabbiini contendunt sacri codicis apices & alia similia suam ducere originem à viris Synagoga magnæ, de more scilicet gentis suæ, non verò ex rei ipsius veritate. Hoc quoque modo Græcam versionem tributam fuisse LXX. Senioribus conjicere longè satius est, quàm Aristæi commentis cum Vossio fidem adhibere.

Displicet præterea viro docto, quòd Simonius reducere cona-

38 *Castigationes ad Isaacii Vossii Opusculum de Oraculis Sibyllinis*,
 tus fuerit Hellenisticam linguam à viris doctis explosam, eamque
 obtrudere sub nomine linguæ quæ in Synagogis potissimum obtine-
 bat, ac si in illis peculiaris aliqua fuerit lingua quæ nec Græca nec
 Hebraica fuerit, ut hæc ratione efficiat LXX. Interpretes & Græcè
 & Hebraicè nescivisse. Noverat profectò Simonius quid jam à Sal-
 masio adversus linguæ Hellenisticæ defensores scriptum fuerat:
 sed pace viri illius docti dixerim eum de umbra asini disputantem li-
 tes de nomine tantum concitasse. Imperitiam Hebraici & Græci ser-
 monis Græcis Interpretibus non tribuit Simonius, sed *καὶ τῶν ἑβραίων* tan-
 tum, seu pravam affectionem Judæis Interpretibus familiarem,
 maxime in vertendis Scripturis, qui verba Hebraica dum curiosius
 & ad literam volunt exprimere, à communi magisque recepto ser-
 mone paululum deflectunt, specialesque notiones & à vulgaribus
 distinctas interdum vocibus quibusdam tribuunt. Ista licet animad-
 vertere in omnibus ferme Scripturæ Sacræ versionibus quæ à Judæis
 conditæ sunt, uti rectè ostendit Simonius, à quo etiam optimè an-
 notatum fuit, Græcam LXX. Seniorum interpretationem pluri-
 usque Patribus Græcis vix intellectam fuisse, quòd illa Syriacæ
 vel Hebraicæ linguæ aliquid retineret: sicut translatio Hispani-
 ca Ferraræ edita quæ Judæos habet auctores, ab iis qui Hebraicè
 nesciunt vix legi potest, etsi Hispanicè docti sint. Id etiam
 in causa fuit cur antiquus Græcæ versionis Interpres Latinus non
 paucas dictiones Græcas malè expresserit, vim illarum non asse-
 quitus. Aliquis etiam non videtur intellexisse ipsemet Hiero-
 nymus, nec Hebraicè & Græcè doctus, dum magis ad Græ-
 ca, quàm ad Hebraica unde Græca sumpta fuerant, attendit. Si-
 monio etiam objicit Vossius, eum nescivisse quinam fuerint Hel-
 lenistæ. Fateor nescivisse antea Simonium quæ contra communem
 doctissimorum virorum sententiam commentus est eruditissimus
 Vossius, qui ut ostendet Græcam eruditionem, *Ἑλληνιστῶν* esse asserit
 partes Græcorum sequi, ut *Περσιστῶν*, *Παρθιστῶν*, *Μακεδονιστῶν*, *Αἰγυπτιακῶν*,
 imitari mores & ritus, aut stare à partibus Romanorum, Per-
 sarum, Medorum & Antigonì, & illis quomodocunque fave-
 re. Verum perinde est ac si dixerim in præsentì negotio, ubi
 de re critica lis movetur cum Vossio, non modo Vossium
 esse rei criticæ peritissimum, sed & Canonicum Winsorien-
 sem, qui Liturgiam Anglicanam in templo bellè decantet.
 Constat duplicis generis fuisse Judæos, & *Ἀσραηνιστῶν* 7 *Ἑβραίων* di-
 stinctam

Rinctam fuisse ab us Judæis qui tūm in Judæa, Samariā, Babylonā aliisque regionibus vicinis Syriaco utebantur sermone & Hebraicis codicibus. Illi, quia dispersi erant inter nationes quibus lingua Græca erat vernacula, Græcè etiam loquebantur, & Scripturam Græcè legebant, appellanturque in Actis Apostolorum ^{Edulsi} *Edulsi*. De iisdem quoque exponenda sunt hæc verba Judæorum in Evangelio Joannis: *Μη eis τῆς διακοναίας* & *Εδουσαν ἡμεῖς τοὺς ἑβραῖους*; *Numquid in dispersionem Gentium iturus est?* Jam Simonius quod erat instituti sui referens, asserit Græcam LXX. Interpretum versionem à Judæis maxime Hellenistis approbatam, quia Græcè callebant; secus verò à reliquis Judæis quibus lingua Græca non erat domestica, quales erant Babylonix, Palæstinæ, Syriæ & Judææ incolæ, quibus omnibus sermo Chaldaicus sive Syriacus communis fuit. Non inficitur tamen Simonius, etiam inter hos extitisse Hellenistas aliquot, nimirum Hierosolymis erat Synagoga Alexandrinorum, & Antiochiæ reperiebantur quoque Judæi Hellenistæ, uti constat ex Actibus Apostolorum. Cū de contextu Hebræo tantum & Græcā illius interpretatione hoc loco ageretur, necesse non fuit ut Simonius extra viam currens exemplo Vossii, Judæos illos vocaret Hellenistas qui pacatiori erant animo & sine cunctatione vestigal pendebant, monebantque jugum à Deo impositum æquo ferendum animo, istos Græcorum partes sequutos fuisse: quasi verò etiam Hierosolymis aliisque locis ubi Judæi Hellenistarum nomine insigniti non fuerunt, nulli fuerint Judæi qui æquo animo & sine cunctatione vestigal penderent. Quare igitur etiam isti dicti non sunt ^{Edulsi} *Edulsi* seu *Φημενισται*; Verū suā fruatur conjecturā Vossius, & Hellenismum ad solum non referri sermonem judicet. Modò aliquā ratione ad hunc referatur, satis est. Hellenista quoque fuit Christus, si credamus Vossio, non quòd Græci sermonis peritus fuerit, sed quia jubet ut *Cæsari detur quod est Cæsaris*. Quod verò mox subjungit vir doctus de depravatis Judæorum codicibus dedita operā in rebus chronologicis, non est cur iterum illud ad examen revocemus, cū jam superiori scripto fusiùs demonstratum fuerit in hoc Vossium gravissimè allucinatum esse; nec ea similiter quæ de Danielis Prophetia etiam Judæis cognita jam quoque allata sunt, hic opus est repetere. Juvat nunc ea excutere quæ tanquam minùs commodè à LXX. Interpretibus reddita carpsit Simonius, eademque obstinato animo Vossius tuctur. Expendens verba illa primi Capitis Geneleos,

Eis

40 *Castigationes ad Isaaci Vossii Opusculum de Oraculis Sibyllinis*,
 Eius $\delta\epsilon\chi\alpha\iota\varsigma$ & $\epsilon\mu\acute{\alpha}\nu\epsilon\gamma\epsilon$, dicit Simonius ancipitem sibi videri hanc expo-
 sitionem, quia vox $\delta\epsilon\chi\alpha\iota\varsigma$, *principatum & principium* significat. Mi-
 ratur Vossius Simonium non etiam reprehendisse vocem Hebræam,
 quæ & ipsa duplicem habet potestatem. Sed diligentis est Interpre-
 tis vitare *amphiboliam*. Locum hunc ante Simonii censuram, tan-
 quam convenientius ab Aquila expressum quam à LXX. Interpre-
 tibz, notaverat doctissimus Origenes. Deinde animadverterat
 Simonius ad hæc verba Capitis 3. Geneseos, $\epsilon\mu\alpha\lambda\lambda\epsilon\gamma\epsilon\tau\alpha\iota\varsigma\ \sigma\upsilon\ \delta\omicron\tau\iota\ \pi\alpha\iota\sigma\tau\omicron\upsilon\ \tau\omicron\upsilon\ \tau\omicron\upsilon\ \epsilon\mu\iota\omega\upsilon\varsigma$, præpositionem $\delta\omicron\tau\iota$ huic loco non convenire, nec vide-
 ri ullum constituere sensum: at longè perspicacior Vossius non po-
 tuisse locum hunc melius & exactius reddi contendit, nullumque
 esse Græcum Scriptorem qui non sic loquatur. Græca quidem esse
 hæc verba, & præpositionem Hebraicam π rectè exprimi per
 Græcam $\delta\omicron\tau\iota$, non inficias icrit Simonius; verùm quæstio est,
 utrùm hoc loco, ubi de comparatîvo agitur, uti loquuntur
 Grammatici, illa præpositio per Græcam $\delta\omicron\tau\iota$ benè reddita fue-
 rit. Græcus Scriptor apposuisset $\epsilon\mu\iota\omega\upsilon\varsigma$ ubi sapius LXX. & Aquila
 vertunt $\delta\omicron\tau\iota$. Tertiò ad idem Caput conjecerat Simonius,
 pro $\pi\epsilon\tau\epsilon\iota\sigma\tau\iota$ & $\pi\epsilon\tau\epsilon\iota\sigma\tau\omicron\upsilon\varsigma$ legendum $\tau\epsilon\tau\epsilon\iota\sigma\tau\iota$ & $\tau\epsilon\tau\epsilon\iota\sigma\tau\omicron\upsilon\varsigma$. Sed delicatior Vos-
 sius hoc non esse Græcum objicit, quia non dicitur $\tau\epsilon\tau\epsilon\iota\sigma$, sed
 $\pi\epsilon\tau\epsilon\iota\sigma$, unde futurum $\pi\epsilon\tau\epsilon\iota\sigma\tau\iota$. Minus tamen delicatus Grotius futurum
 $\pi\epsilon\tau\epsilon\iota\sigma\tau\iota$ non improbavit, quod etiam legit Complutensis editio. Præ-
 terea à $\tau\epsilon\tau\epsilon\iota\sigma$ non modò fieri in futuro $\pi\epsilon\tau\epsilon\iota\sigma$, sed & $\pi\epsilon\tau\epsilon\iota\sigma$ nōrunt Gram-
 maticorum filii. Cætera, quia sunt ejusdem generis & parvi mo-
 menti, visum est prætermittere, ne minutiora consèctari videar.
 Silere tamen non possum quod peritus naupagus Vossius anno-
 tat ad hæc verba Capitis 6: 14. Geneseos, $\pi\alpha\iota\sigma\eta\varsigma\ \sigma\tau\alpha\upsilon\tau\eta\ \kappa\epsilon\upsilon\iota\lambda\iota\sigma\tau\iota\varsigma$
 $\epsilon\kappa\ \epsilon\lambda\lambda\omicron\tau\epsilon\varsigma\ \pi\epsilon\tau\epsilon\alpha\gamma\omega\gamma\acute{\omicron}\nu\alpha\iota\varsigma$, *Fac tibi arcem ex lignis quadratis*. Negat, contra
 mentem Simonii, ex asseribus aut tabulis ullum construi navigium,
 sed ex arboribus quadratis ædificari, quæ aptissimæ sunt fabricæ na-
 vali, utpote quæ materiem & simul refinam seu picem ad unguen-
 das exhibeant naves. Quadratas illas arbores quales fingit Vos-
 sius, cedrum videlicet, abietem, piceam, pinum & sapinum,
 construendis navibus aptissimas esse facile crediderim; sed cur ne-
 get illas deinde ædificari ex *plancis*, sive asseribus, ad costas ligneas
 applicatis, minimè assequor. Nunc ad alia quæ majoris sint mo-
 menti veniamus.

Denique, ut finem dicendi faciam, Vossius maligno adversus
 Simo-

Simonius animo invidiam illi creare conatur, dum cum parem facit Spinose Judæo in iis quæ habet de incertitudine Scriptorum Veteris Testamenti. Mox tamen, seipsum veluti castigans Vossius, fatetur ingenuè meritò damnatum à Simonio Spinosa velut indoctum & futilibus nimium argumentis quoscunque ferè S. Scripturæ libros abjudicantem ab illis quibus semper attributi fuere auctoribus. Verùm indoctiores ipso Spinosa se ostendunt, qui libros Scripturæ Sacræ statim tribuendos iis esse existimant quorum nomina præferunt. Damnanda quidem Spinosa malignitas, sed non statim ea omnia quæ habet de sacris Scriptoribus damnanda sunt, quòd in aliquibus cum viris pietatè & eruditione conspicuis consentiat. Verùm cum hac in parte Simonius non solum doctissimo Vossio displicuerit, sed & viris haud inferioris notæ, qui nihil non virulenti adversus illius Criticam Sacram evomuerunt, juvat hoc argumentum fusiùs texere.

Displicuit in primis beatulis istis & delicatulis id omne quod scripsit Simonius de publicis gentis Hebraicæ Notariis, quos cum Josepho & quibusdam Ecclesiæ Patribus vocat Prophetas, qui non solum res gestas suis temporibus chartæ commendabant, sed & ea quæ à prioribus Prophetis scripta fuerant servabanturque in scriniis publicis, recognoscebant, eadem fermè ratione quæ Esdras post Judæorum è Babylone reditum sacros codices recognovisse, & illi quam nunc obtinent formæ restituisse, vulgò tum à Judæis tum à Christianis creditur. Nihil est in hac Simonii assertione quod non à plerisque Patribus iisdemque doctissimis approbatum fuerit. Adeatur unius Theodoret, præstantissimi Theodor. Ecclesiæ Orientalis Theologi, Præfatio in libros Regum, ubi totum istud negotium explicat, liberèque ac nullatenus dubitans asserit complures apud Hebræos fuisse Prophetas, quorum unusquisque scribere consueverit quæ suæ erant ætatis, partem maximam librorum qui ab ipsis conscripti sunt nunc desiderari, idque disci ex Paralipomenon historia. Addit illos quos nunc vocamus libros Regum, ex scriptis illis longo post tempore desumptos fuisse. Theodoretò consentiunt Diodorus, Procopius & alii non pauci. Similiter doctissimus Marius, quem sequuti sunt Pererius, Sanctius, Cornelius à Lapide aliique Jesuitæ in libris sacris diu multumque versati, quorum

*Diod. in lib. 1.
San.
Maf.
Præfat.
Comm. in Jos.
Sanct.
Præf. in lib. Reg.
Perer.
Præf. in Genes.*

42 *Castigationes ad Isaaci Vossii Opusculum de Oraculis Sibyllinis*,
rum verba hic afferre non est operę pretium, cum illorum libri
omnibus sint obvii. Verum ut res ista fiat illustrior, in singulos
Scripturę Sacrę libros speciatim incurrere forsitan non erit à pro-
posito alienum.

Primus in aciem prodibit Moyses, quem quinque librorum Le-
gis auctorem esse constans est tam Judęorum quàm Christianorum
traditio. In eo tamen religiosiores fuisse videntur Judęorum Ma-
gistri, qui ne quidem dictionem unam, imò nec syllabam, extare
in Lege contendunt, quę à Deo profecta non fuerit & Moyši dicta-
ta; secus Christianorum plerique, quialiqua libris Moylis vel ab
Esdra, vel ab aliis qui eos recognoverunt, longo post tempore ad-
jecta fuisse liberè affirmant. Nec ipse Hieronymus singula Penta-
teuchi verba, qualis nunc extat, Moyši tribuere ausus est, sequu-
tus hac in re communem Doctorem Ecclesię sententiam, qui Le-
gem universam ab Esdra Scriba peritissimo recensitam recognitam-
que fuisse constanter asseverant. *Sive Moysem dicere volueris*, inquit
Hieronymus, *auctorem Pentateuchi, sive Esdram ejusdem instaurato-*
rem, non recuso. Verum utrùm Moyses ipse eam quam sub ejus no-
mine habemus historiam totam literis mandarit, vel ex parte à No-
tariis illis qui res ætatis suę conscribebant, chartis excipi jussit,
major est difficultas. Tamen in quamcunque partem res cadat, Moy-
ses totius Legis auctor & scriptor censebitur, ut optimè à Simonio
jam annotatum fuit, quia Scribæ illi, si qui jam à Moylis tempore
extiterunt, ab eo in omnibus pendebant. Nihil quidem in univer-
sa Lege reperias, quod ejusmodi Scribarum auctoritatem stabiliat.
Sed nisi jam ab illis temporibus ab ipso Mose constituti fuissent, ali-
quid Hebręorum Republicę defuisset, quo nec Ægyptii, nec
alię Orientis nationes caruere. Jam à Moylis temporibus fuisse
apud Hebręos Annalium scriptores, Sanctius Jesuita doctissimus
non dubitavit asserere his verbis. *Sentio fuisse in superioribus seculis ver-*
ba dierum, Commentarios, Ephemerides & curam diligentem & sedulam,
ne obscuraretur temporum oblivione quos quisque natales & posteros haberet :
quod à tempore Moylis mihi videtur omnino certum. Parco recensendis
aliorum nominibus qui eadem sentiunt. Miror tamen nuperum
Scriptorem ex ordine Seraphicorum zelo plusquàm Seraphico ac-
censum, sententiam hanc in Disquisitionibus Biblicis tanquam im-
piam damnasse, illiusque auctoribus dira imprecatum. Verum, ut
audio,

Hierom.
advers.
Helen.

Saust.
Proleg. 4.
in Para-
lep.

audio, Seraphicus ille Doctor, cum nihil sciat Hebraicè neque Græcè, audacissimè tamen est inscitia, & ex eorum secta qui *quæcunque ignorant, blasphemant*. Offendit præterea nonnullos, & fortasse delicatulum Vossium, in Critica Sacra Simonius, quod aliqua libris Moysis postea adjecta fuisse affirmaverit. Sed non etiam hac in re novator est Simonius, qui consentientes sibi habet peritissimos Scripturæ Sacræ Interpretes Masium, Pereriumque, qui hujus verba fere integra in Præfationem suam in Genesim transtulit, Bonfrerium, Cornelium à Lapide, & alios benè multos. *Placet etiam mihi, inquit Pererius, eorum sententia, qui existimant Pentateuchum longo post Moysen tempore interjectis multisvariam verborum & sententiarum clausulis, veluti sarcinum & explicatius redditum, & ad continuandam historiam seriem melius esse dispositum.* Similiratione Bonfrerius expendens verba quædam Geneseos quæ suspicatur à Moysè scribi non potuisse, hæc habet: *Malim dicere aliquem alterum Scriptorem Hagiographum nonnulla postea addidisse, quam Moysi Prophetam agenti omnia adscribere.* Haud absimiliter ad eundem locum Cornelius à Lapide ait: *Hæc verba videntur addita post Moysen ab eo qui Moysi diaria digessit.* Quid quòd & ipsemet D. Huëtius Spinossæ objicienti libris Moysi nonnulla assuta fuisse, ita respondet ut ab eo vix discedere videatur. *Fatemur, inquit, Scriptura reparatorem Esdræ, sicubi se darent obscuriores aut difficiliore loci, huc & illuc de suo nonnulla in libros sanctos explanationis causâ insarsisse.* Præterea, cum tot disputationibus propagati sint codices sacri, ut nullius unquam libri tot exsisterint exemplaria, quid mirum, si quod aliàs sæpè evenit, factum hic quoque sit, & ad sextâ ad oram à viris piis ac doctis nota, in ipsum sortè contextum irrepperint? Denique illa quæ ad calcem Deuteronomii habentur de Moysi morte & sepultura à Josua, vel potiùs à Synedrii magni Senatoribus, quorum dux fuit Josue, reliquo contextui vulgò creduntur adjecta. Ea siquidem quæ tunc gerebantur in Acta publica referri mos erat ab iis quorum fuit illa describere, quo sensu dicitur Josue nonnulla scripsisse in volumine Legis Domini, fœdus scilicet quod cum populo percusserat. Multa quidem in ipsomet Pentateucho extant quæ Legis libros à Moysè scriptos fuisse manifestè ostendunt: sic in Exodo legimus, *Scriptis Moyses universos sermones Domini*: & in Deuteronomio, *Postquam ergo scripsit Moyses verba Legis.* Sed hæc & alia ejusdem generis complura de quibusdam tantùm Legis parti-

Epist.
Cæbol.
Juda.
voss. 1.

Perer.
Præf. 18
Pent.

Bonfrer.
Comm. 10
Cap. 16.
Genes.
vers. 31.
Corn. à
Lapide.
Comm. in
Cap. 16.
Genes.
D. Huët.
Demonst.
Evang.
Propos. 4.
Cap. 14.

Exod. 17.
Deuter.
31.

44 *Castigationes ad Isaaci Vossii Opusculum de Oraculis Sibyllinis*,
bus, quarum in his locis fit mentio, exponenda esse demon-
stravit Simonius: unde & Hieronymus Oleaster, vir Hebrai-
cè doctus & in sacris literis apprime versatus, negat posse
ex Scripturis probari efficacissimè Moysen ipsum Legis quam
sub ejus nomine habemus Scriptorem fuisse. Hactenus de
Moysè & ejus libris; nunc reliquos historiæ sacræ libros ex-
pendamus.

Hieron.
Oleasti.
Prov. in
Fenest.

Jos. 24:
26.

Primus post Pentateuchum occurrit liber qui dicitur Josue,
quemque à Josua scriptum fuisse, non secus atque à Moysè Pen-
tateuchum, firmissimè probare videntur verba illa, *Scriptus quoque*
(Josue) *omnia verba hæc in volumine Legis Domini*. Josue nimi-
rum defuncto Moysè, vel illius Scribæ, eo mandante, ea quæ
tunc temporis gerebantur in Acta publica conjecerunt: quo sen-
su *volumini Legis* quasi addita fuisse dicuntur. Mirum tamen
quàm secum dissideant qui hoc argumentum tractarunt; ità ut
ne ipse Augustinus Josuam scripti quod sub ejus nomine cir-
cumfertur, extra controversiam auctorem esse ausus sit affir-
mare. Si ab illo, inquit, (Josuâ videlicet) *conscriptus liber qui*
appellatur Jeshu Nave, vel si ab alio scriptus est, &c. Similiter
Theodoretus auctor est hunc à Josua scriptum non fuisse, sed
ex libro posteriori excerptum. E recentioribus autem doctissim-

August.
in Jnd.
Quasi.
11.
Theodor.

Mas.
Comm. in
Cap. 10.
Josua.

Talm.
Baba ba-
btra.

R. Abra-
van. Pra-
fat. in
Jos.

mus Masius pluribus ostendit, minimè dici posse ea omnia
quæ in Josuæ historia nunc extant ab eo profecta fuisse, quæ-
que supra allata sunt de Scribis illis publicis & de illorum mu-
neribus, gravissimis rationibus confirmat, & id ad alios etiam
Scripturæ libros extendit. Talmudistarum quidem sententia
est, Josuen scripsisse librum suum & octo versus Legis: sed
ab his discedere veritas non est Magister acutissimus R. Isaac
Abravanel, & ut ita sentiret non modò his verbis quæ refe-
runtur ad calcem libri Josuæ, *Et post hæc mortuus est Josue filius*
Nun, &c. adductum se fuisse asserit, sed & ob alias quæ pas-
sim in ipso Josuæ contextu reperiuntur loquutiones, quarum
auctorem Josuam esse potuisse inficiatur. Hujus generis sunt
primò illud quod habetur de duodecim lapidibus quos posuit
in medio Jordanis alveo, de quibus nimirum dicitur, *Sunt*
ibi usque in præsentem diem; deinde id quod refertur de circum-
cisione, cui statim hæc subjungit Scriptor libri Josuæ: *Voca-*

Jos. 4: 9.

Jos. 6: 9.

1470

sum est nomen loci illius Galgala usque in presentem diem. De quibusdam etiam populis, quos Israëlitarum penitus non deleverant, hæc leguntur: *Habitarunt in medio Israël usque in presentem diem.* Præterea & alia multa quæ eodem planè modo enunciantur in historia Josue, & quæ ab ipso Josua scribi non potuisse pluribus contendit idem Magister Abravanel. *Si Josue,* R. Abra-
ham. Pra-
fat. in
Jos. inquit Magister ille, *scripsisset hæc omnia, num diceret, Usque in presentem diem?* Addit ea quæ in Josue historia leguntur de Danitis qui urbem *Leshem* expugnaverint, quæ tamen evidens est sub finem Judicum contigisse, adeoque post ipsius Josue obitum. Verum ista & alia ejusdem rationis bene multa, quibus consultò superfedere visum est, non probant Josuam, vel illos quibus præerat Scribas, ea quæ suorum erant temporum in Acta publica non retulisse, sed tantum alios postea Scribas eadem Acta recognovisse, interjectis aliquot connexionis & explanationis causâ.

Neque aliâ profectò ratione contextus fuisse videtur liber qui *Schophetim*, seu *Judices* appellatur, quia similes in eo loquutionum formulæ apparent. Quare D. Huëtius Dorothei sententiam de hoc libro amplexatur, qui Dorotheus auctor est Scribas illius temporis quæ sub Judicibus gesta fuerant, ea in Commentaria retulisse, ex quibus postea Samuel librum Judicum composuerat. Quis autem fuerit Dorotheus ille in præsentia non disputo; satis est inde confecisse, nudiustertius natam non esse Simonii opinionem quæ Scribas publicos in gente Hebræa statuit, quorum fuit res suorum temporum describere, ex quorum postea Commentariis alii Scribæ, seu Prophetæ, qui hos exceperunt, historias contexuere, quas legimus sub Josue, Judicum, Samuelis & Regum nominibus. Hanc quoque sententiam confirmant Syri: ad calcem enim historiæ Judicum in exemplari Syriaco hæc verba leguntur: *Liber autem Judicum,* Ex eod.
Usser.
Tom. 6.
Polygl.
Anglic. *quamvis annotatum non sit nomen ejus qui ipsum scripsit, notum tamen est quòd ab aliquo Sacerdotum filiorum Aaronis, qui temporibus Judicum istorum sacerdotio sancti sunt, scriptus sit.* Librum Ruth Dorotheus modò laudatus ad eisdem Scribas refert, idque videtur longè verisimilius quàm aliorum sententiæ quibus nihil ineest firmitatis. De utroque hæc habet Sixtus Senensis: *Dicitur Sa-* Sixt. Se-
nensis.
Bibl. S.
lib. 1. *muelelem*

46 *Castigationes ad Isaaci Vossii Opusculum de Oraculis Sibyllinis, muellem librum Judicum collegisse, eique adjecisse Ruth Moabitidis historiam: sunt qui Ezechiam, & qui Esdram putent utriusque voluminis auctorem.*

*Theodor.
Prof. in
lib. Reg.*

De libris autem Regum hæc annotavit Theodoretus, plurimos scilicet fuisse Prophetas apud Hebræos, quorum quisque scribebat res suæ ætatis, & inde factum esse quod primus liber Regum apud Hebræos & apud Syros nominetur Prophetia Samuelis. Deinde mox addit: *Qui ergo Regnorum libros scripserunt, ex scriptis illis acceptâ occasione post plurimum tempus scripserunt.* Et post nonnulla interjecta hæc affert de libris Paralipomenon. *Fuerunt aliqui alii Historiographi eorum quæ ab illis fuerant prætermissa, qui de his conscriptum librum appellârunt Paralipomena.* Sixtus Senensis de primo & altero librorum Regum, quos Samuelis nomine insigniunt Judæi, hæc subjicit. *Liber Samuelis partim à Samuele Propheta, partim à Nathan & Gad Prophetis creditur esse conscriptus.*

*Sixt. Sen-
sens.*

Samuel enim collegit facta Heli, Saulis, Davidis ac sui ipsius gesta, quæ in primo Regum usque ad mortem suam referuntur. Nathan verò & Gad Propheta scripserunt libros Regum à morte Samuelis usque ad finem libri secundi. Quæ hoc loco scribit Sixtus Senensis, licet à veritate minùs aliena crediderim in genere, tamen si in specie & minutatim expendantur, nequeunt esse vera ex omni parte: quandoquidem à Samuele ea omnia quæ usque ad illius mortem narrantur scribi non potuisse complura ostendunt. Vix enim credibile est eum de rebus quæ suâ ætate gerebantur, & quarum fuerit ipse testis oculatus, hæc scripsisse: *Propter hanc causam non calcant Sacerdotes Dagon, & omnes qui ingrediuntur templum ejus limen Dagon in Azoto usque in hodiernum diem.* Neque ea similiter quæ paulò post narrantur de arca Domini, quæ erat usque in diem illam in agro Josuæ Bethschemitis. His accedit, Samuelem hujus clausulæ quæ in illius historia legitur non videri auctorem: *Olim in Israel sic loquebatur unusquisque vadens consulere Deum: qui enim Propheta dicitur hodie, vocabatur olim Videns.* His tamen non obstantibus, credibile est historiam quæ nomen Samuelis præfert, ab illo verè conscriptam fuisse usque ad ea quæ de illius morte referuntur. Illa autem quæ in contrarium adducta sunt, probant duntaxat Scribæ alicujus, seu Prophetæ, puta Hieremiæ, ut quibusdâ visum fuit, recognitionem accessisse, qui nonnulla

*1 Sam.
5: 5*

nulla explicationis causâ addiderit. Alii tamen malunt tribuere has additiones Esdræ & illius Collegis. Syri librum primum & secundum Regum, qui tertius & quartus numerantur in Latinis codicibus, dicunt scriptos fuisse à Sacerdote quodam nomine Johanan.

De libris Chronicorum, seu Paralipomenon, à quibus illi fuerint collecti, est etiam dubitandi ratio. Judæi plerique illorum auctorem faciunt Esdram. Ita R. Salomon & R. D. Kimchi hanc esse traditionem patrum suorum asserunt, qui Esdræ quoque adjungunt socios Aggæum, Zachariam & Malachiam Prophetas; ita tamen ut illi non tam historiam de novo scripsisse dici queant, quàm vetusta Chronica Regum Judæ & Israel compilasse, rejectis iis quæ minus suo instituto convenire videbantur, additis etiam nonnullis interdum quæ in aliis Scripturæ Sacræ libris prætermissa fuerant, unde nomen Paralipomenon ortum apud Græcos, quod ab his deinde ad Latinos transiit. Quare rectè Hieronymus appellat librum Paralipomenon Veteris Instrumenti epitomen. Sixtus Senensis affirmat libros Paralipomenon nullum habere certum auctorem. Refert tamen Judæorum ea de re sententiam, quibus etiam suffragatur Hugo Grotius, qui libros hosce scriptos fuisse ab Esdra existimat, & ab iis dictos *Divre hajamim*, *Verba dierum*, seu excerpta ex Regum diurnis. Librum qui Esdræ nomine prænotatur, partem maximam ab illo digestum & descriptum fuisse, res ipsæ quæ habentur in illius contextu videntur indicare. Nehemias autem in fronte operis auctorem se proficitur libri illius quem Judæi secundum Esdræ nominant.

Liber Psalmorum à Judæis appellatur *Sepher sehillim*, seu liber laudum, quem Augustinus totum esse Davidis aliquando sensisse videtur, qui etiam non dubitat illos quos longo post Davidem tempore conditos fuisse manifestum est, etiam Davidi referre, quòd hic non modò Cantor, sed & Propheta extiterit. Neque etiam ab ea opinione divellere potuerunt Augustinum Asaphi, Idithi & aliorum Cantorum nomina quibus Psalmi aliquot tribuuntur, quia materiam ipsis suppeditare potuit David, quam postea adornarunt accommodaruntque ad varios cantus, quorum erant periti. Verùm longè rectius Hieronymus, qui Psalmos eorum esse asserit, *qui ponuntur in titulis, David scilicet, Asaph*

R. Salom.
Comm. in
Paralip.
R. D.
Kimch.
Pref. in
Paralip.

Hierom.
in Epist.
ad Paul.

Græc. ad
lib. 1.
Paralip.

Hierom.
ad Sa-
phum.

48 *Castigationes ad Isaaci Vossii Opusculum de Oraculis Sibyllinis, & Idithun, filiorum Core, Eman Ezrabita, Moysis, Salomonis & reliquorum quos Esdras primo volumine comprehendit.* Hieronymo consentiunt plerique Judæi. Ita sapiens Aben Esra affirmat Psalmos eorum esse quorum nominibus prænotantur; etsi complures sint qui nullum nomen præferant. In hoc tamen castigat Hieronymum Magister ille, quod non absolute pronunciet Psalmos ab iis esse conditos, quorum nominibus prænotantur, sed eos qui Davidis & Salomonis præferunt nomina, vel illorum esse, vel de illis à Cantoribus compositos. Christus tamen universum Psalmorum opus tribuisse videtur Davidi, cum ait, *Ipsè David dicit* in libro Psalmorum. Sed communem Judæorum sententiam sequutus est Christus. Illi enim Psalmos Davidis nomine prænotabant; non quod revera Psalmorum omnium auctorem illum agnoscerent; quandoquidem res ipsa contrarium aperte demonstrat: sed quod præcipuus illorum Scriptor esset, & in sacris codicibus *egregius Psalter Israel appelletur*. Scribit tamen jam laudatus Aben Esra, non deesse inter Magistros suos qui totum Psalterii opus Davidi tribuant, quem etiam agnoscunt Prophetam.

Liber qui vulgò dicitur Proverbiorum commendatur à nomine Salomonis quod illius frontem occupat, etsi universa operis illius ratio demonstrare videatur hoc nihil esse præter varia sententiarum excerpta, quæ cum à Salomone, tum ab aliis Scriptoribus collectæ in unum postea corpus conjectæ fuerunt. Salomonem multas composuisse Parabolas probant ista quæ de seipso habet: *Cumque esset sapientissimus Ecclesiastes, docuit populum, & enarravit quæ fecerat, & investigans composuit Parabolas multas, quæ usque ad tria millia numerantur libro III. Regum; sed quæ hodie non exstant, si paucas exceperis quas repræsentant sacri codices. Primis novem Capitulis illius operis nomen Salomonis præfigitur, deinde sequuntur & alia quindecim Capita, quæ ejusdem Salomonis nomen præferunt; & hæc secundam esse illius Parabolarum, sive sententiarum, partem existimavit Aben Esra. Pars verò tertia earundem Parabolarum sumit initium ab his verbis Capituli 25. Gloria Dei est celare verbum: quæ distinctio ab iis profecta est qui Scripturæ Sacræ libros in ordinem quem nunc servant redegerunt. Salomonem enim ipsum nomen suum toties Parabolis*

Aben
Esra. Pra-
fat. in
Psalm.

Lmc. 20:
42.

Ecl. 12:

9.

Lib. 3.

Reg. Cap.

4: 32.

Aben

Esra.

Comm. in

Cap. 10.

Prov.

lis suis præfixisse vix credibile est, sed Scribas potius qui opus illud in partes suas divisere. Ita versum hunc quem initio Capitis 25. legimus, *Ha quoque Parabola Salomonis, quas transfulerunt viri Ezechia Regis Juda*, putat Aben Esra esse Sobnæ, qui Regis Ezechiaë Scriba erat. Sobnam quidem & alios qui Regi Ezechiaë erant à Commentariis, sententias istas, quarum prima est illa, *Gloria Dei est celare verbum*, ex integro volumine decerpisse lubens agnosco: cum & verba hæc, *quas transfulerunt viri Ezechia*, id apertè demonstrent. Partem quartam Parabolarum Salomonis habemus initio Capitis 30. ubi legitur in editione Latina, *Verba Congregantis*, & in contextu Hebraico, *Verba Agur*. Quis sit autem ille *Agur*, sive *Congregans*, non conveniunt inter se Scripturæ Interpretes. Prisci Judæi, teste R. Salomone, ita volunt appellatum fuisse Salomonem, quasi dixerimus *colligentem sententias*: id enim Hebraicè sonat dictio *Agur*, cujus similiter sensum expressit Latinus Interpres, dum reddidit *Verba Congregantis*. Eandem opinionem illustrat R. Levi Ben Gersom, ubi ait, *Videtur Salomon Aguris nomen ipse sibi imposuisse ratione habitâ sententiarum quas in hoc libro collegit*. Sed forsân melius Aben Esra & eum sequutus Grotius suspicantur Agurem istum fuisse temporum illorum Theognidem, aut Phocylidem, ex cujus scriptis sententias quasdam selegerit Salomon ipse, quasque cum aliis sententiis in unum volumen conjecerit. Additur nemum pars quinta Proverbiorum Salomonis, quæ intra Caput 31. quod & ultimum est, clauditur, idque Regis Lamuelis nomine. Quis autem sit Lamuel ille, ignoratur. Judæi plerique existimant Salomonem indicari, non secus ac per Immanuel, ut auctor est Aben Esra, indicatur Messias, & appellationis istius rationem sumit ex eo quòd Lamuel significet *illius Deus*, quia nimirum Salomonis temporibus, ait idem Aben Esra, Deus unus ab Hebræis colebatur. Sed de originatione vocis Lamuel non est curiosus foliciti, maximè cum LXX. eam non exhibeant, & diversâ planè ratione verba contextûs Hebraici legerint ac converterint.

Librum qui Hebraicè dicitur *Cohelèth*, & apud nos Ecclesiastes, Latine possumus appellare Concionatorem; licet plerique Judæi recentiores dictionem *Cohelèth* velint significare hominem

50 *Castigationes ad Isaaci Vossii Opusculum de Oraculis Sibyllinis,*
 congregantem, quòd scriptum illud multas complectatur de re-
 bus diversis sententias. Ita sentiunt R. Salomo & R. Aben Esra,
 & ut ille inquit, Salomon qui operis hujusce auctor est, in alio
 loco vocatur *Agur* ob eandem rationem, vel ut loquitur R. Da-
 vid de Pomis, *Titolo del libro nomato Ecclesiastes composto da Salomo-*
de significa congregatore per congregare & racorre, in quel trattato diver-
se opinioni de gl' huomini la maggior parte de quali sono false. Judæi
 tamen nonnulli, teste R. Salomone, in interpretanda voce ista
Coheseleth cum LXX. conveniunt; eà siquidem indicari arbitran-
 tur hominem qui in cœtu aliquo concionatur. De Scriptore au-
 tem illius operis minimè consentiunt inter se Magistri: Talmu-
 dici enim Doctores tribuunt illud Ezechia; Rabbini autem re-
 centiores Salomoni, & pro his pugnant verba contextûs, in
 quo multa extant quæ vix de alio quàm de Salomone exponi
 possunt. Itaque verisimile est Doctores Talmudicos voluisse dun-
 taxat scriptum illud à Rege Ezechia & à viris illius confectûs ex-
 cerptum fuisse ex Salomonis operibus. Christiani quoque Inter-
 pretes non alium Ecclesiastæ Scriptorem agnoscunt quàm Salo-
 monem, si perpaucos excipias, inter quos est Hugo Grotius, qui
 seriùs illud scriptum compositum fuisse affirmat sub nomine Sa-
 lomonis, & in illius rei argumentum habere se testatur multa
 vocabula ex eo collecta, quæ non alibi extant quàm in Daniele,
 Esdrâ & Chaldeis Interpretibus. Auctor est Hieronymus, pris-
 cos Hebræos inter cætera Salomonis scripta quæ antiquata sunt,
 de hoc quoque obliterando cogitasse, eò quòd *vanus asserat Dei crea-*
toras; qua in re concordat Hieronymus cum Talmudistis ac Ju-
 dæis recentioribus: sed Doctores istos multa ex suo ingenio com-
 mentos esse nemo ignorat.

R. Dav.
 de Pomis,
 in Lex.
 Hebr.

Hieron.
 Comm. in
 Cap. 12.
 Eccles.

A quo scripta fuerit historia quam sub nomine Estheris legi-
 mus, incertum est. De tempore tamen quo illa condita fuerit,
 omnes fere tum Judæi tum Christiani sentiunt. Sive enim au-
 ctors illius sint viri Synagogæ magnæ, uti sentiunt Doctores
 Talmudici, sive Esdras, quæ Patrum nonnullorum sententia est,
 sive Mardochæus, ut probabilius existimat R. Aben Esra, & li-
 ber ipse testari videtur, de tempore quo scripta fuerit historia
 Estheris lis nulla movebitur. Unde nec malè conjicit Hugo Gro-
 tius, Esdras libro suo & historiæ quam scripsit Nehemias, at-
 tenuisse historiam Estheris, quæ medio temporum eorum quæ duobus

bus illis libris narratur contigerat, quam à Mardochæo quoque scriptam fuisse agnoscit idem Grotius.

Canticum Canticorum non alium auctorem habere quam Salomonem, docet ipsa operis inscriptio quod illius nomine prænotatur. Constat præterea ex libro III. Regum, eundem Salomonem Parabolæ, sive sententias, & Cantica composuisse. Liber autem ille, teste R. Aben Esra, quia fuit Canticorum Salomonis præstantissimum, sortitus est nomen Cantici Canticorum, quasi dixeris excellentissimum carmen. Dubitarunt tamen nonnulli, utrum opusculum istud quale nunc exstat, à Salomone scriptum fuerit, an verò ex integro illius Canticorum volumine excerptum. Carmen autem illud quo Salomon cum Salamitide loquens inducitur tanquam sponsus cum sponsa, explicatu difficillimum est non solum ob loquutiones paulò audaciores, frequentioresque similitudines quæ à nostris consuetudinibus abhorrent; sed etiam quòd nomina interloquentium non annotentur, ut in libro Jobi: nam præter Salomonem & illius Sponsam interloquentes, etiam sunt duo chori Juvenum & Virginum.

De libro Jobi mirum est quàm secum dissideant Judæorum Magistri. Rem verè gestam in hoc opere non narrari putant Doctores Talmudici, quibus assentiuntur R. Moses Ben Maimon & alii pauci; sed esse figmentum, seu Parabolam, quæ ingens pietatis simul & patientiæ exemplum ostendat: & his suffragantur etiam Christianorum nonnulli. Imò nec defuere qui non solum operis istius argumentum confictum existimarent, sed & Jobi quoque nomen volunt ex primis libri verbis desumptum, ubi legimus *Job ab jom*. Illa enim quæ verbis istis prævia sunt, Prologi instar addita fuisse arbitrantur. Sed Ezechielis Prophetæ testimonium, qui Noë, Danielis, Jobique simul meminit, demonstrat commentitium non esse Jobi nomen, & eos qui ita sentiunt acerrimè impugnât sapiens Aben Esra, qui suspicatur illum fuisse ex posteris Esau, idque denotari ex loco Huz unde ortus dicitur. Similiter rem uti narratur gestam fuisse, docent Jobi & illius amicorum nomina & alia complura quæ his adjunguntur, etsi non pauca sint quæ ad Parabolam magis quàm ad historiæ veritatem accedant. De auctore verò scripti illius longè minùs adhuc constat: alii quippe illud ad Moysen referunt, alii ad Isaiam, alii ad ipsummet Jobum aut ad ejus amicos. Neque etiam inter se consentiunt qui operis hujusce au-

Aben Esra. Praefat. in Cant.

Aben Esra Comm. in Cap. 1. Job.

52 *Castigationes ad Isaaci Vossii Opusculum de Oraculis Sibyllinis*,
 ctorem faciunt Moysem: sunt enim qui ab eo solum ex aliena lin-
 gua Hebraicè conversum putant. Sed his prætermis-
 sis, si quid etiam in re obscura licet suspicari, illos minùs recedere à veri-
 similitudine arbitror, qui operis illius confecti-
 onem ad tempo-
 ra Captivitatis Babylonice revocant: dictio enim sæpius vix He-
 braica est, scætet loquutionibus Chaldaicis, & sapit hominem
 qui ex alieno commercio sermonem Hierosolymitanum insec-
 rat. Quo sensu explicanda sunt Hieronymi verba, asserentis
 Jobum se convertisse ex Hebraico Arabicoque sermone & Sy-
 ro. Quibus omnibus accedit Judæos, quorum res tùm tem-
 poris videbantur desperatæ, magna ex illo opere tulisse sola-
 tia. Rem itaque dudum gestam Scriptor narrat: & quia Poë-
 tam agit, licet argumentum quod tractat non sit fictitium, ora-
 tionem floridam & figuratam adhibet, veris-
 que interdum adji-
 cit quæ sunt tantùm verisimilia, servato tamen semper perso-
 narum loquentium decore. Jam de Prophetis nonnulla subji-
 ciamus.

*August.
 Quæst. in
 Exod.*

Prophetæ à B. Augustino appellantur enunciatores verborum
 Dei hominibus: illi enim veluti Divinæ Legis Interpretes con-
 cionabantur ad populum, quem doctrinam à Mose traditam
 docebant stabilità illius auctoritate. Deinde minas & promif-
 siones quas Moyses in genere tantùm promulgaverat, hi suæ
 ætatis rebus accommodabant, idque Oratorum more; unde fit
 ut comparationum similitudinibus, metaphoris & hyperbolis
 abundant, simplicique ac nudâ rerum narratione haud conteni-
 ti, eas verbis exaggerent. *Neque enim, ut auctor est Hierony-
 mus, simplex à Prophetis historia & gestorum ordo narratur, sed enig-
 matum plena sunt omnia, aliudque in verbis sonant, aliud tenetur in
 sensibus, ut quæ astimaveris planâ & inoffensâ currere lectione, se-
 quentium rursus obscuritatibus involvantur.* Non ita autem futura vati-
 cinantur Prophetæ, quin jam facta sæpius referant, ut evi-
 dentissimè probari potest ex Zachariæ Prophetia, quæ magnam
 partem rei præteritæ & quæ tùm gerebatur, narratio est. Quo
 modo diligentissimus Scripturæ Interpres Joannes Mercerus
 in explicandis verbis quibusdam Prophetæ Amos, Judæo-
 rum expositionem improbat, qui de rebus futuris ibi agi con-
 tendunt, cum de re jam præterita agatur; moxque verba ista sub-
 jungit, quæ notatu digna sunt: *Laboremus penuriâ librorum sacro-*
rum,

*Hieron.
 Prefat.
 lib. 18.
 Comm. in
 Isai.*

*Mercer.
 in Cap. 9.
 Amos.*

rum, ac sapè in Prophetis pleraque legas facta, qua in sacris historiis qua hodie extant non reperias. Prophetas similiter testatur Hieronymus in suis narrationibus non attendere interdum ad rerum ipsarum ordinem quo gestæ fuerint. In Prophetis, ait, historia ordo non tenendus, cum inprasentiarum sub eodem Rege priora postea, & posteriora antè dicantur. Præposterum illum ordinem tribuit Pseudo-Dorotheus Scribis qui Prophetarum vaticinia ex illorum ore excepta referebant in chartas; quasi Prophetæ ipsimet conciones quas habebant ad populum non commendassent literis. Idem observavit de Hieremiæ vaticinio Cornelius à Lapide, qui existimat Baruch Scribam illius Prophetæ omnes ejus Prophetias diverso tempore editas in unum volumen collegisse, neglecto temporis ordine quo editæ fuerant. Fatetur & ipse Joannes Calvinus, Prophetarum vaticinia eo quo decebat ordine disposita ad nos usque non pervenisse; non inde tamen illorum divinitati quidpiam detrahi arbitratur. Qui diligenter, inquit, & cum judicio versati sunt in Prophetis, mihi concedent non semper fuisse quo decebat ordine digestas illorum conciones, sed ut ferebat opportunitas, inde constatum fuisse volumen. Existimat Sacerdotum operâ, quorum officium erat Prophetias ad posteros commendare, libros Prophetarum, etsi his insensibilissimi essent Sacerdotes, conservatos fuisse. Scribit præterea idem Calvinus, Prophetas postquam concionem habuere ad populum, brevem illius summam collegisse, quæ valvis affixa ab omnibus legeretur, posteaque à ministris Templi inde ablata in thesaurum reponebatur in perpetuum rei illius monumentum: unde confectos fuisse conjicit qui nunc extant Prophetarum libros. Verùm ex verbis Isaia: & Habacuc, quos veritatis illius testes profert Calvinus, id unum probari posse videtur, Prophetas vaticinia sua apertè ac dilucidè, ut ab omnibus intelligerentur & legi possent, super tabulas descripsisse: de valvis autem Templi, quibus illa affixa fuisse putat, nulla prorsus fit mentio. Pariter brevem duntaxat eorundem vaticiniorum summam ab ipsis Prophetis collectam fuisse, non verò integras conciones ab iis descriptas, singit perperam; quanquam illas quas nunc habemus Prophetias integras esse, nemo rei criticæ peritus dixerit. Verùm defectus ille, si quis sit, à Prophetis non videtur profectus. Idem Calvinus & eum sequuti Genevenses, inscriptiones

Hieron.
Comm. in
Cap. 25.
Hierem.

Dorotheus
de vita
& more
Prophetarum.

Calvin.
Præfat.
in Isai.

Concl. 2.
Lapide.

54 *Castigationes ad Isaacii Vossii Opusculum de Oraculis Sibyllinis,*
quæ Prophetarum nomina, & editarum Prophetiarum annos in-
dicant, à Sacerdotibus, quorum fuit illas in Templo asservare,
majoris lucis causâ adjectas fuisse suspicantur. Hæc siquidem sunt

Genev. in illorum verba: *Il semble que ces titres ayent esté ajoûtez aux revelations des*
edit. *Prophetes par les Sacrificateurs & Levites qui avoient charge de garder les*
Bibl. ann. *Propheties au tresor du Temple, après qu'elles avoient esté proposées au peu-*
1665. *ple suivant la coutume des Prophetes.* Quam Genevensum opinionem
Prof. in suffragio suo comprobavit Hugo Grotius. Id tantum inter hunc &
Isaï. illos est discriminis, quod has inscriptiones non Sacerdotibus & Le-
crit. vitis tribuat, sed viris Senatûs magni qui Prophetarum scripta col-
Annot. legerunt, prænotaveruntque tempora scriptionis. Hoc videtur
in Cap. 1. probabilius, quia in confesso est firmè apud omnes, Senatûm cui
Amos. Esdras præfuit, nonnulla sacris codicibus connexionis & explica-
tionis causâ adjecisse. Ita quoque Thomas putat inscriptiones quæ
Psalmis aliquot apponuntur, eundem Esdram auctorem habere,

Thom. factasque fuisse, *partim secundum ea quæ tunc agebantur, & partim*
Comm. in *secundum ea quæ contigerunt.* Demum verisimile etiam est historias il-
Psal. 6. las, quæ Prophetarum quorundam concionibus insertæ reperiun-
tur, ab iisdem Senatoribus additas fuisse dum sacros codices re-
cognoscerent formarentque quem nunc habemus Scripturæ Cano-
nem. Secundum quam rationem putant nonnulli verba illa quæ le-
guntur Hieremiæ Capite 51. *Hucusque verba Hieremiæ,* Prophetæ
hujus vaticinium claudere, Caputque quod sequitur Prophetiam
non esse, sed historiam, quæ ex fine libri IV. Regum sumpta fue-
rit. Et in hoc Judæorum Magistri consentiunt cum pluribus Doc-
toribus Christianis. Auctor est enim R. David Kimchi, verba illa,
quæ usque ad finem vaticinii Hieremiæ allata sunt, ad hujus Pro-
phetiam non pertinere; sed eum qui librum hunc descripsit, huc
conjecisse deportationis historiam qualis extat in fine libri Regum.
Conjicit Abravanel Esdram, seu Synagogæ magnæ Senatores, sup-
plementi illius auctores esse, quo etiam modo Ezechie Regis histo-
ria ex libri II. Regum Capite 18. in Isaïæ Prophetiam translata
est. Ex his omnibus facillè dignoscetur qui fuerint apud gentem
Hebræam Prophetæ, quale illorum officii munus, & quæ eorum-
dem scribendi ratio. Præterea id etiam videtur animadversione dig-
num, quod Prophetæ non solum conciones ad populum habuerint,
ediderintque de rebus futuris vaticinia, sed & historias suorum tem-
porum ordine digestas in Acta publica retulerint. Quo pacto Isajas,
qui

R. Dav.
Kimchi,
Comm. in
Cap. 51.
Hierem.

qui Regis Ozia gesta descripsisse dicitur, non minùs historici quàm Prophetæ nomen reportabit. Vel potiùs Prophetæ nomen apud Hebræos ista omnia complectitur, ita ut quicunque divinæ voluntatis erant interpretes, seu vaticinia ederent, sive res suorum temporum conscriberent, Prophetæ appellarentur. Ex quo haud dubiè venit ut prisca Judæi *Neviim*, seu Prophetarum nomine insignierint Josuæ, Judicum, Samuelis & Regum historias, quòd hæc descriptæ essent à viris qui in eorum Republica Spiritu Sancto afflati, Prophetæ nominabantur. Quo etiam sensu verè affirmavit Josephus, apud gentem suam non à quibusslibet libros componi, sed à Prophetis tantum. Vim quoque vocis illius probè assequutus est Jonathan, qui pro dictione Hebræa *Navi*, *Propheta*, aliam quæ significat Scribam in sua Paraphrasi interdum substituit; quasi qui Prophetæ appellantur, iidem sint atque Scribæ. Neque aliud sapientissimus Esdras in sacris codicibus nomen obtinet, quàm Scribæ peritissimi. Verùm de Scriptoribus sacris satis superque hætenus dictum sit. Libros Apocryphos, seu quos non admittit Judæorum armarium, silentio præterire visum est, quia illorum auctores, ut præfert nomen *Apocryphi*, occulti sunt & incerti. Cesset itaque doctissimus Vossius optimum Simonium & de literis sacris benè meritum allatrare, qui de Scriptoribus Veteris Testamenti nihil in publicum edidit, quod jam à viris gravissimis iisdemque pietate & eruditione conspicuis approbatum non fuerit. *In mælevolam animam non introibit sapientia.*

F I N I S.

E X.

EXCERPTA

EX

DISQUISITIONIBUS CRITICIS

RICHARDI SIMONIS,

Gallicana Ecclesia Theologi.

EXCERPTUM I.



Olas Judæorum Scripturas veras esse ac primigenias, communis est Theologorum, quos vulgò Protestantes vocant, opinio; qui inter disputandum cum Doctoribus Catholicis, ad codices Hebræos semper recurrunt, siquando ab his dissentiat Latinus Interpres, quem in multis errasse arbitrantur. Inde factum est, ut Theologi illi, qui Reformatorum nomen ambiunt, antiquas Ecclesiæ versiones parvi fecerint, si perpaucos excipias, qui nævos etiam in contextu Judaico, non secus ac in illius Interpretibus, deprehenderunt. Verum longè ultra progressus Isaacus Vossius à receptis Protestantium moribus recessit, ac palàm Judæos falsitatis accusavit, quòd multa è suis codicibus Christianæ Religionis odio de industria post Christi adventum & eversa Hierosolyma, expunxissent; eosque qui Judæorum causam agunt acriter sugillant, & Doctores suæ sectæ, qui hodiernam codicis Hebræi lectionem tueantur, appellat *afellos cassos lumine & intellectu, togà cinctos professorià, pro clypeo gestantes Biblia Masorethica cum omnibus suis punctis*. Firmissimas Vossium assertionis ita liberæ rationes habere, quis non credat? At quàm graviter allucinatus ille fuerit, ex his quæ mox dicentur manifestum fiet. *Quis locus, inquit, qui de Messia agat in sacris occurrit literis, quem illi non corrumpere aut sinistra interpretatione enervare sunt conati? Et paulò post: Cùm viderent tempus adveniens Messia præterisse, expleti quippe erant anni sex mille à creatione mundi, ut lucrarentur annos bis mille, tota quatuordecim sæcula è codicibus*

*Isaac.
Voss. E-
pist. ad
Andr.
Colu.*

*Voss.
Dissert.
de Sept.
proph.*

dicibus suis expunxerunt: residua quinque vel sex sacula ut abolerent, decurrerunt intervalla Judicum, omittendo Anarchias, & contrahendo spatia Regum Persicorum. Hoc pacto totis bis mille annis mensuram temporis multiplicarunt. Sed hæc mera sunt Vossii commenta, qui non solum Judæos accusat, sed & à Samaritis idem facinus commissum fuisse auctor est, licet dispari ratione. Verum præci Ecclesiæ Patres Africanus, Origenes, Eusebius, Hieronymus, Augustinus & alii qui hanc Judæorum codicis ab Hebræis exemplaribus in rebus chronologicis discrepantiam animadverterunt, de hac depravatione Judæis objicienda nunquam cogitarunt. Imò Augustinus hac in parte Judæorum exemplar Græco præferendum esse non veretur interdum asserere, in eaque est opinione, *ut ei lingua potius credatur, unde est in aliam per Interpretes facta translatio.* Justinus Martyr, qui disputans adversus Tryphonem Judæos variis modis exagitat, ut Græcam, quæ tunc sola in Ecclesia auctoritatis aliquid obtinebat, LXX. Seniorum interpretationem vindicaret, de mutata ab iis Chronologia, ut causæ suæ patrocinentur, ne verbum quidem protulit.

Præterea, si Judæis in mentem venisset codices Hebræos corrumpere, ne tempus quo in sacris literis venturum esse Messiam significatur elapsum esse videretur, longè potiori titulo Danielis varicinium, quod accuratè tempus illud observat, quàm libros Moysis aut Judicum, depravassent. Prophetiam autem Danielis, quæ magnam partem Messię tempora respicit, integram remansisse in confesso est apud omnes, & hæc Judæos valde premi negare non audet ipse Vossius. Sed latebras quærens affirmat antiquos Judæos non tantum Daniele à choro Prophetarum segregasse, sed & negasse fuisse Prophetam. Verum nunquam intellexit vir doctus, quo sensu Judæi Daniele Prophetarum choro minimè adscriberent. De hoc negotio, uti jam supra observatum est, frustra Christiani cum Judæis disputant: utrique enim lubentes agnoscunt in libro Danielis multa extare de Messia venturo vaticinia, & hunc Spiritus Sancti opus esse non secus ac reliquos Scripturæ Sacræ libros. De Davide eadem prorsus fingunt Judæi, atque de Daniele: non ideo tamen Spiritus Sancti afflatum ab eo remonent. Contrà in Psalmis etiam multa haberi quæ venturum Messiam prænunciant, palàm asserunt, & si quid sit inter illos & Christianos hac in parte discriminis, mera est de nomine, ut jam alibi probatum est, controversia: dum illi aliter Scripturæ Sacræ libros partiuntur

atque Christiani. Sed suo seipsum gladio jugulat Vossius, dum ob res chronologicas Judæos falsitatis reos peragit, quandoquidem hodierna contextus Hebraici Chronologia Judæos longè magis urget, quàm illa quæ ex Græca LXX. Interpretum versione ducitur; nec id Judæi ipsi dissidentur in libris Talmudicis, ubi non eunt inficias jam expletum fuisse tempus quo venturus erat Messias, sed addunt illum propter eorum iniquitates non advenisse. Hæc

Talm. in Tract. ar. Sanhedr. Et in A. vada Zed. ra. sunt Talmudistarum verba. *Domus Eliæ traditio hac est: Mundus constabit sex annorum millibus: annorum erunt duo millia inanitatis, seu ante Legem: duo etiam millia annorum Legis: & duo millia annorum temporis Messie. Sed ob iniquitates nostras, quæ multæ sunt, præterire anni illi, qui jam elapsi sunt.* Vossius, qui istud Eliæ effatum ad institutum suum trahere conatus est, in pluribus erravit: primò enim laudare videtur illud quasi revera ab Eliæ Propheta, aut ex ejus libro,

Voss. de Sibyllin. Oracul. cap. 8.

quem olim, inquit, Veteris Testamenti scriptis annumeratum fuisse constat, desumptum fuerit. Sed Elias iste Doctor fuit Talmudicus, sicuti R. Hillel, R. Schammai, R. Johanan, & alii bene multi quorum nomina & sententiæ in Talmude referuntur. Deinde figmentum est quod ait bis mille annos qui Legem Moyfis præcessere non à principio creationis debere numerari, sed à Diluvio, vel ab illo tempore quo Noë dixit Deus, velle se mundum perdere. Longè siquidem diversa est hoc loco Judæorum sententia de sex annorum millibus quibus mundus duraturus erat, secundum Magistri Eliæ traditionem. Vaticanii enim illius fundamentum ex sex diebus creationis petitur est; ita ut sicuti Deus intra sex dierum spatium mundum creavit, similiter idem mundus sex annorum millibus perduraturus sit: idcirco annorum mundi supputatio inde jam à prima rerum omnium creatione sumi debet. Magistri qui Commentariis suis Talmudis libros illustant, bis mille annorum numerant à primo homine condito usque ad tempus illud quo Abraham relicto idolorum cultu veram Dei unius Legem amplexatus est. Tunc secundum illorum supputationem annum vitæ agebat quinquagesimum secundum. Frigida autem sunt quæ profert idem Vossius, ut probet ex B. Petri Epistola, mundi de quo agitur initium arcessendum esse à Diluvio, quod Apostolus ille veterem mundum cum vocaverit qui Diluvium præcessit; terram verò quam nunc habitamus mundum alterum: hæc, inquam, frigida sunt & extra propositi hujusce rationem. Sed non est cur fictitiæ Doctoris Eliæ de mundi duratione

Talmudistarum sententia de mundi duracione.

duratione Prophetiæ diutius immoremur, neque etiam ratio habenda est libri illius Prophetiarum Eliæ, quem falsò putat Isaacus Vossius, Eliæ Talmudici nomine deceptus, inter Veteris Testamenti libros olim collocatum. Alias si quæ sint majoris momenti probationes ab eodem Vossio productæ adversus Judæos, expendamus.

Nonnulla deinde Vossius adversus Judæos congerit, ut conficiat illos non pauca Scripturæ Sacræ loca mutilasse, atque in primis Justinum Martyrem opponit, qui scribat complura olim à Judæis inquinata fuisse exemplaria. Verùm jam iis omnibus quæ ex Justini auctoritate sumi possunt rationibus abundè satisfecimus. Contextum Hebræum nunquam consuluit Justinus, imò nec consulere potuit, cùm ex illius scriptis manifestum sit, eum linguam Hebræam non calluisse. *Sed quos non lusus, inquit Vossius, dedisset sanctissimus Martyr Tryphoni & innumeris aliis inter quos versabatur Judæis, si non vera fuissent ea quæ illis intentat crimina?* Sed hæc argumentandi ratio digna non est homine erudito, qui in evolvendis B. Justini libris deprehendere poterat multa illi excidisse. At pergit Vossius. *Vaticinium de Christo quod occurrit Psalmo 22. ubi pro foderunt substitutum* Voss. de Septuag. Interpr. cap. 8. *est tanquàm leo, fuisse ab iis depravatum fatentur plerique Christiani, exceptis Fanaticis quibusdam & scsq̃ui-Judæis.* Verum quidem est ob id à plerisque Theologis in jus vocari Judæos, quasi dedita operâ locum istum corruerint. Sed absit ut Fanaticos ac scsq̃ui-Judæos illos esse pronunciem, qui hoc crimen à Judæis amoliuntur, cùm R. Jacob Ben Hajim Masoræ instaurator lectionem *carni, foderunt,* R. Jac. cob. in Bibl. Vetr. quæ Christianis favet, in nonnullis exemplaribus se invenisse palam testetur. Neque mirum videri debet, quòd Masorethæ eam, quæ causam suam magis tuebatur, lectionem amplexati fuerint. Eam quidem quam Græci Interpretes & Hieronymus repræsentant veriore esse agnosco, non ideo tamen accusandi sunt Judæi qui è duabus lectionibus unam selegerint, quæ ad res suas magis accommodabatur. Quin & fieri potest ut ea solùm in Masorethicis exemplaribus lectio exhiberetur, quam hodie exhibent. In lectionibus *cari* & *carni* parùm esse discriminis, nòrunt omnes qui rei criticæ periti sunt, & quàm facilis ac frequens sit literarum *Jod* & *Van* inter se permutatio. Neque dixeris literam *Aleph* in dictione *cari* scriptam reperiri, minimè verò in dictione *carni*, adeoque mutationem non ita facilem fuisse. Sed alia sunt, & quidem haud infrequentia in

sacris codicibus superflua hujusce literæ exempla, quæ Masorethiis ipsis non fuere incognita. Quare Græci Interpretes & B. Hieronymus illam veluti superflua reticuerunt, vel ab eorum exemplaribus aberat; secus verò Masorethæ, qui illam agnoscunt.

Vana sunt etiam quæ ex loco Zachariæ, Cap. 12: 10. objicit Vossius, quasi antiquam Judæi lectionem, quam prisci Interpretes in suis exemplaribus habuere, de industria mutaverint: at nemo non, artis criticæ peritus, judicabit hanc diversitatem ortam esse ex diversis exemplaribus, dum in aliis legitur *dakern*, in aliis autem *rakedu*, ob facilem videlicet literarum *Resh* & *Daleth* in se invicem permutationem. Nec video cur ob id, & alia id genus sexcenta, Judæi potius in crimen falsitatis adducantur, quàm Græci, Latini, cæterarumque nationum Scribæ, qui similiter in describendis suis codicibus labuntur. Hanc literarum similium commutationem in omnibus linguis reperiri necesse est, unde postea in gens codicum nata est discordia. Qua de re consulendum est in primis Scioppii de Arte Critica opusculum, qui totum istud negotium egregie illustravit. Leo quoque Allatius, vir in evolvendis codicibus MSS. diu versatus, varia Criticorum in rei hujusce confirmationem loca congeffit: cujus verba huc referre non pigebit ex illius animadversionibus in Antiquitatum Etruscarum Fragmenta, quæ ab Inghirami edita fuerant. *Præterea*, inquit, *tot exscriptorum errata, tot literarum, tot nominum in antiquorum monumentis mutationes, si ingenuè agimus, à nullo alio quàm à capitalibus hisce corrivârunt, ob literarum similitudinem quam inter se capitales, non autem minuscule, servant. Exemplis, sed paucissimis, ex aliorum animadversionibus agamus, ne ista curiosius ipse perquirere, ab insecto nescio quo, dicar. Josephus Scaliger in Varronem de Re Rustica, lib. 2. cap. 3. Mediam non Meliam propter familiarem veteribus τ̄ L in D mutationem, ut Melica contra gallina dicta, quæ Medica dici debebat, & alibi librarios imperitos sæpè pro I, L, & contrà scribere. Godeschalvus Stervichius in libro 1. Appuleii ait, sæpè in mutuum locum immigrasse has literas, D & T; & in libro 5. causam depravandi sententiam asserit similitudinem literarum B & P; nam & has, ut & R, non semel ex affinitate commutatas, testes Quintilianum & Plinium adducens, quorum verba & monita de majusculis & Romanis literis accipienda, quod iis antiquis in libris describendis usi fuissent. Joannes Isacius Pontanus in Glossario prisco Gallico, non in dissimili argumento, B & P mutationem, solennem meta-*

Leo. Al.
lat. in
Antiq.
Etrusc.
Pag. 55

stasis

asin vocat. Scioppius de Critica tradit, exemplisque ex variis suis probat, C in G, D in L, F in E, P in B & R; & vice versâ, L in D, E in F, R & B in P, ob similitudinem commigrasse. Habent quoque inter se quamdam similitudinem majusculæ Græcorum literæ. Ita facilima est literarum Græcarum Β, Γ, Ρ, necnon Γ & Τ, atque Δ & Λ commutatio. Quibus addi posset non tantum inter literas etiam minusculas reperiri discrepantiæ, quin sæpius ob earum quam servant inter se similitudinem, aliquid confusionis oriatur. Quo pacto, ut innumera sileam, quando apud Græcos legendum sit *quæ*, quando *quæ*, & apud Latinos *orbis* vel *urbis*, sæpè in incerto est. Varias codicum suorum lectiones sibi objiciunt Chronographi, Historici & alii passim, quorum exempla ubique prostant: exempli causâ, hætenus Dagobertum Francorum Regem Nanthildem, puellam elegantis formæ, è Monasterio raptam, totius gentis consilio uxorem duxisse communiter receptum fuerat. Verum ætate nostrâ viri clarissimi, Jacobus Sirmondus, Adrianus Valesius & alii in codices MSS. inciderunt, qui non habeant, *Nanthildem, unam ex puellis de Monasterio, in matrimonium accipiens Reginam sublimavit*, uti pravè Fredegardi contextum Aimonius laudaverat; sed, *Nantechildem unam ex puellis de ministerio accipiens, &c.* sicut in MS. Fredegardi codice à se lectum fuisse animadvertit Sirmondus. Ejusmodi allucinationes, quæ non solum ex literarum similitudine, sed & ex innumeris aliis causis nascuntur, reperire est in omnibus manu exaratis, cujusque linguæ sint ac conditionis. Unde postea lectionum monstra orta sunt, quæ Criticorum ingenia valdè contorquent, & gravissima inter Grammaticos dissidia excitant. Ita qui se germanos Ciceronis imitatores jactitant, suam sibi interdum Ciceronianismi imperitiam exprobrant, non aliam sæpè ob causam, quàm quòd diversis in evolvendis Ciceronis operibus codicibus usi fuerint, quorum indolem bellè notavit Henricus Stephanus.

Henric.
Stephan.
Præf.
Castigat.
in Cicer.

Sed ne ea quæ ab imperitis duntaxat ignorari possunt, prolixius annotem, unam operum Ciceronis editionem in exemplum proferam, quæ ex officina Elzeviriorum anno M. DC. LXI. accurante Schrevelio, prodiiit; in qua editione diversæ aliarum editionum codicumque manu exaratorum lectiones ad oram libri utilissimè relatæ sunt. Si & in Hebraicis exemplaribus idem præstitum fuisset, & ad illorum margines variantes omnes lectiones, quæ

B. Hieron.
ron.

ex diversis codicibus cum MSS. tum editis, necnon ex vetustis translationibus sumi poterant, fuissent observatae, Judæos ob hanc codicum diversitatem exemplaria sua corrupisse nemo sanus dixerit; sed ex diversis istis lectionibus meliorem quisque seligeret, ut olim Hieronymus, qui Commentariis suis in Prophetas à Græca LXX. Interpretum translatione sæpius recedit. Ita, Magistorum suorum lectioni addictissimus, in Caput 2. Osee, hæc animadvertit: *Pro salu quoque, quod Hebraice dicitur jaar, LXX. transtulerunt testimonium, Resch & Daleth litterarum falsi similitudine: si enim pro Resch Daleth legatur, testimonium dicitur; ita dumtaxat ut Jod littera non legatur.* Iterum ad Caput 5. ejusdem Prophetæ notat LXX. Interpretes, quod pro *וְחֵדֶשׁ* mensis, legerint *חֵדֶשׁ* rubigo. Et ad Caput 9. querens cur ubi LXX. habent, *Caro mea ex eis*, ipse verterit *Cum recessero ab eis*, hæc habet: *In eo loco in quo nos diximus, Va eis cum recessero ab eis, LXX. & Theodotio transtulerunt, Va eis caro mea ex eis; quarensque causam cur sit tanta varietas, hanc mihi videor reperisse, caro mea lingua Hebraicâ dicitur besari. Rursum si dicamus, recessio mea, sive declinatio mea, dicitur besuri.* Simili ratione nihil causæ fuit cur Hieronymus à recepta illa LXX. Seniorum versione, *וְהִיא הִיא*, *Ubi causata tua*, recederet; quam suâ auctoritate B. Paulus confirmaverat, nisi quod aliam lectionem præferrent ejus exemplaria, & pro *וְהִיא* ubi, per transformationem litterarum legeret *וְהִיא* ero. Similem transpositionem longè satius est observare in *dakru*, *transfixerunt*, & *rakedu*, *insultarunt* apud Zachariam, quam Judæos cum Vossio suggillare, quasi mutationem istam in contextum deditâ operâ invexerint. Sed his aliisque ejusdem naturæ diversitatibus contextendis superfedeo, ne prolixiori eorum recensione molestus sim, maximè cum à Theologis, qui suis explanationibus sacra volumina illustrarunt, diligenter observentur.

Rectè quidem Vossius Judæorum codices in multis vitiatos esse scripsit: quorum scilicet eadem omnino fors fuerit atque Græcorum Latinorumque librorum, dignusque est Georgius Hornius qui sibilis omnium excipiat, cum doctissimo Vossio opponit sanctiones Regum, Principum ac Magistratum, quibus volunt ut ex solum in Ecclesiis contextus Biblici versiones legantur, quæ ad exemplaria Hebraica adornatae fuerint, quasi verò ejusmodi sanctiones Principum codices Judæorum ab omni prorsus menda integros servare potuerint. At in eo castigandus etiam Vossius, quod nonnullos

nullos ejusmodi errorum à Judæis consultò in sua exemplaria & ex odio Christianæ Religionis invecos fuisse pertinacius contendat. Ita ad verba ista Geneseos, *Non auferetur sceptrum de Juda, & dux* Genes. 49: 10. Voss. de Septuag. Interp. cap. 2. *de femore ejus, donec veniat qui mittendus est*, hæc animadvertit: *Hunc locum non tantum in versione Græca, verum etiam in omnibus codicibus Hebrais mutilarunt Judæi, rescribendo שִׁירָה pro שִׁירָה, uti observatum compluribus, quorum opinionem confirmat codex Samaritanicus.* Sed quis nesciat olim in contextu Hebræo litteram *Jod* ante inventa puncta vocalia, modò *i*, modò *e* vocalium locum tenuisse? & hanc non solum, sed & alias vocales, quas vulgò *Ehevi* appellant, pro Scribarum arbitrio neglectas fuisse? Sive igitur scribatur שִׁירָה, ut in hodiernis Masoretharum codicibus, sive שִׁירָה, uti legisse videntur LXX. Interpretes, ob id in crimen falsitatis adduci non debent Judæi, qui in suis exemplaribus vocalem *Jod* retinuerunt. Fieri etiam potest ut Græci Interpretes eam in suo exemplari legerint, quandoquidem idem est omnino dictionis illius sensus, sive per *Jod*, sive absque *Jod* efferatur, quia litera *Jod* non minùs per vocalem *e* quàm per *i* potest pronunciari. At Masorethæ, qui legendum esse *sephilo* arbitrati sunt, priscam litteram *Jod* retinuere, quâ non obstante, etiam hodiernis temporibus cum Græcis Interpretibus legere possumus *sephilo*, uti revera legunt nonnulli Judæorum Magistri. Hęc non debuit ignorare Vossius, qui toties Judæos in jus vocat, quique scribit, eos qui negant hunc locum à Judæis corruptum esse, Prophetias omnes abolere. Eadem omnino codicis Hebræi ratio extitit ante & post Christi tempora; nihilque prorsus causæ est, cur depravationes, si quæ fuerint in illo antè Christi adventum, illas tribuat Vossius errori & incuriæ librariorum; eas verò quæ in exemplaria Hebraica post Christi adventum intrusæ sunt, vitio animi adscribat. Masorethis etiam Tiberiensibus plus æquo detrahit Vossius, dum illos vocat homines barbaros, & in vernacula quam jactant lingua peregrinos, à quibus nihil aliud quàm vitiosum & ab omni ratione alienum proficisci potuit. Illos quidem non fuisse Prophetas cum Vossio lubens agnosco; eisdem quoque punctorum vocalium & apicum auctores esse non dissideor: at quis inde faciat eos barbaros fuisse, & linguæ Hebræicæ imperitos, ac demum Scripturas punctis & apicibus onerari potius quàm exornari. Si vera sunt quæ de seipso jactitat Vossius, vidisse plures quàm bis mille codices Hebraicos manu exaratos, artis Masorethicæ

Ibid. cap. 10.

De Ma-
sora Judi-
cium.

forethice eum prorsus ignarum non fuisse credibile est. Hęc opus est Judęorum Tiberienium, qui codicis Hebraici lectionem, qualis tunc usu publico recepta erat, adhibitis punctis vocalibus determinarunt. Masorę nomen illi inditum est, quod traditionem seu legendi contextus Hebraici rationem diuturno usu comprobata amplexati fuerint. De illorum Critica idem planē judicium ferri debet, ac de Gręcis Latinisque libris, qui a viris eruditissimis castigati & recogniti fuere. Celeberrimę apud Judęos Scholę pręfuerunt Magistri illi Tiberienses, qui conquisitis undique Bibliorum exemplaribus, accuratam illorum editionem evulgarunt. Nihil ab illis in hoc negotio pręstitum est, quod in crimen verti possit. Et hęc illorum correctio, quantumlibet accurata, aliis non obviat, quin eadem exemplaria adhuc recognoscere, eademque etiam nostrā ætate ad Gręcam LXX. Interpretum versionem & Latinam Hieronymi recognosci posse existimo, in locis quibus illorum exemplaria a Masorethicis variasse constabit. Non ideo tamen Judęos cum Vossio falsitatis accusabimus, quia illorum codices iidem omnino non sunt, atque illi quos ad condendam translationem suam adhibuere Gręci Interpretes: sed dicemus diversas lectiones non minüs reperiri in Hebręorum exemplaribus, quàm in Gręcorum, Latinorum, cęterarumque gentium libris. Rabbīnorum traditionibus solo auditu propagatis nihil solidi subesse putat Vossius, & *qua solo auditu propagantur traditiones*, inquit, *raro solent ad duo vel tria perflare secula*. Sed quid hęc faciunt ad eam de qua in pręsentia agitur traditionem? De oralibus Judęorum, ut vocantur, traditionibus, quas meritò à prudentioribus explodi agnoscit, nulla est controversia; sed de ea tantum quę Masora appellatur, quamque Judęi Carraitę, qui plerasque Judęorum traditiones velut anilia commenta respuunt, amplexati fuere. Si hanc rejiciat Vossius, rejiciat quoque necesse est librorum Chaldaicorum, Syriacorum & Hebraicorum, qui nonnihil antiquitatis prę se ferunt, lectionem: iis enim omnibus, simili prorsus ratione atque Hebraicis, puncta vocalia, quę certam facerent illorum lectionem, addita sunt. Traditionis itaque hoc loco nomine, nihil aliud intelligimus quàm receptam & longo usu confirmatam codicis Hebraici lectionem. Sed *codex ille*, inquit Vossius, *mutus est, quem nec legere, nedum intelligere, quisquam sciat, utpote truncus mediā sui parte, nec aliis quàm quas Christiana fidei inimici apposuisse instructus vocalibus*. Minusne truncus erat

Voss. Respons. ad
super.
Critica.
Refellit
Voss.
sine.

erat codex ille LXX. Interpretum ætate, cum nihil omnino punctorum vocalium in eo apparet? Ea est linguæ Hebraicæ, ut & cæterarum Orientis linguarum, natura, ut paucissimas vocales representet; adeo ut librorum qui sermone Hebræo, Chaldaico, Syriaco & Arabico scripti sunt, lectio non parum ab usu dependeat, quem hic traditionem, seu Maforam, cum Judæis vocamus. Jam à quibus usus iste legendi codicis Hebraici sumi potuit, quàm à Judæis? Verum, inquit Vossius, *Judæi inimici sunt Christianæ fidei*. An ideo codices suos legere dediderunt quia Judæi? Imò nisi Judæi essent, codices Hebræos in Synagogis non legerent: nec ab aliis quàm ab istis illorum lectio ad Christianos, derivari potuit. Judæi quoque erant LXX. Seniores à quibus totus dependet Vossius, ique non aliam contextus Hebraici lectionem sequuti sunt, quàm quæ usu publico ætatis suæ apud Judæos recepta erat. Quapropter id omne quod regerit Vossius in Hebræum codicem, quod sit liber dimidiatus & mediâ sui parte truncus, affirmari etiam potest de codice Hebræo quo usi sunt Græci Interpretes: neque tam codex accusari debuit, quàm linguæ Hebraicæ ingenium, & ob eamdem rationem reliquæ linguæ Orientales accusabuntur, quasi dimidiatæ sint linguæ. Iterum tamen, & usque ad nauseam, inculcat Vossius mutum esse Hebræum codicem, & vel ipsis agnoscentibus Rabinis, truncum mediâ sui parte, utpote veris destitutum vocalibus. Sed quæ sint veræ codicis Hebraici vocales fingit se ignorare, dum illis eum destitutum tam fidenter asseverat. Priscæ siquidem Hebræorum vocales sunt, ut ipse alibi non diffitetur, literæ *Aleph, He, Van & Jod*, quibus & alias adjungit Hieronymus. Sed quòd populi Orientales rarò inter scribendum eas adhiberent, puncta vocalia excogitarunt viri Critici, quòd faciliior promptiorque esset librorum lectio. Verum parum consentaneè loquitur Vossius, nec tam ex rei veritate, quàm ex præsumpta adversus Judæorum codices opinione.

E X C E R P T U M I I.

IN rebus criticis non tam quid ab aliis dictum fuerit, quàm quid inspectis omnibus dicendum sit, animum debemus advertere, de hoc potissimum solliciti, ut non modò quid quisque loquatur, sed etiam quid quisque sentiat, & qua etiam de causa quisque sentiat exactius inquiramus: plerique enim dum ex aliorum auctoritate mentem suam confirmant, Scriptores sæpius ex singulis vocibus, quàm ex sententiæ perpetuitate & constantia spectant. Ita quàm fœdè in hac parte erraverit Isaacus Vossius, dum Justinii Martyris aliorumque Patrum testimonia in opus suum de LXX. Interpretibus transtulit, jam ostendimus, simulque illum tam in Judæos quàm in illorum codices plus æquo injuriosum esse demonstratum est. Nimirum, ut optimè aliàs à B. Hilario annotatum, *Immoderata est omnis susceptarum voluntatum pertinacia, & inflexo motu adversandi studium perscissit ubi non rationi voluntas subjicitur, nec studium doctrinæ impenditur, sed iis quæ volumus rationem conquirimus, & iis quæ studemus doctrinam comparamus.* Similibus fere rationibus adductus fuisse videtur doctissimus Vossius, ut Hebræos Judæorum codices elevarer, & Græca LXX. Seniorum exemplaria assereret. Contendit igitur hos Interpretes Spiritu Sancto afflatos fuisse, qua in re sibi consentientes habet Patres omnes prisce ætatis, si unum exceperis Hieronymum, quem tam de Judæis Bibliorum corruptoribus, quàm de Prophetia & afflatu LXX. Seniorum sibi contrarium sentit. Beatus quidem Hieronymus omnium fere ætatis suæ Doctorum maledicta in se convertit, quòd viam communem & longo Ecclesiæ usu approbatam deferens, ad Judæorum castra videretur se recipere, parumque absuit quin ab Ecclesiâ tanquam novator ejiceretur; imò & cæte nostrâ illius versionem damnat Vossius, eamque appellat Rabbinicam: sed doctissimus ille Pater reprehensoribus istis occurrens, qui damnare possunt, docere non possunt, Artem Criticam exercuit, & iis à quibus reclamatum est, suis libris abundè satisfecit. Nec mirum profecto si in nonnullis attentior & copiosâ linguarum suppellectili instructior Hieronymus à veteribus recedere non dubitaverit: manifestos quippe errores æquitas minime defendit. Novi quidem in rebus fidei aliquid divini præ se ferre Doctorum Ecclesiæ consensum: at ille cordatus non est nec religiosus,

Hilar.
lib. 10.
de Trin.

Isaac.
Voss. de
Septuag.
Interpr.
sententia.

giosus, qui in iis rebus quæ non sunt fidei à Patrum sententia discedere reformidat, mavultque aliorum scriptis quàm oculis suis & experientia credere. De seipso longè aliud olim sentiebat Augustinus, qui optat ut alii de suis operibus judicent. *Neminem, inquit, velim sic amplecti omnia mea, ut me sequatur, nisi in iis in quibus me non errare perspexeris.* *August. lib. de dono per. serv. cap. 21.*

Non est igitur cur Vossio hac in parte assentiamur, qui contra B. Hieronymum LXX. Interpretes velit divino Numine afflatos fuisse, & ab omni prorsus errore, etiam levissimo, liberos. Imò, quasi cum puduerit Interpretes illos Prophetarum nomine donasse, seipsum postea veluti castigans affirmat Prophetam vetustis Scriptoribus idem esse quod Interpres, illosque Prophetas esse, teste Apostolo, qui Scripturas rectè interpretati sunt. Sed cur latebras hic querit Vossius, & ad profanam, ut ita loquar, eruditionem recurrit, ut demonstret in eo errare Hieronymum, cum scribit aliud esse Prophetam, aliud Interpretem; quasi ipse contradixerit Apostolo, qui pluribus in locis ~~testatur~~ sumpsit pro interpretari? Verùm hic non errat Hieronymus, qui vocis illius proprietatem optime noverat, quandoquidem animadvertit Poëtam Græcum à Paulo Prophetam vocatum fuisse. Sed in Responsione sua ad Objectiones nuperæ Criticæ Sacræ Vossius ubique tergiversatur. Ita quid illi causæ fuit cur non modò Apostolorum & Evangelistarum, sed & Philonis, Festi, Platonis & aliorum proferret testimonia, ut evincat eos non tantum qui futura prædicarent dictos fuisse Prophetas, sed & qui præterita & præsentia explicant; quandoquidem ea de re inter illum & Scriptorem Criticæ Sacræ nihil erat controversiæ? Dum negavit Hieronymus, LXX. Seniores Prophetas esse, eosdemque Interpretes duntaxat fuisse asseverat, Prophetam eo loco idem esse arbitratus est atque hominem Spiritu Sancto afflatum, quo nimirum sensu Patres omnes Græcos illos Interpretes appellaverant Prophetas; nec aliâ ratione nomen illud Prophetæ usurpavit ipse Vossius, qui tam confidenter illorum ~~Interpretationem~~ sive afflatum divinum asseruerit. *Non sum nescius, inquit, multorum me incursum non reprehensionem tantum, sed & odium, quod tam magnificè de hac versione sentiam, & adeo quidem ut vix dubitem eam divinitus inspiratam appellare: sed quamam rogo possit excogitari ratio, quamobrem non id ipsum credam quod jam ab Apostolorum temporibus omnes credidère Christiani, exceptis duntaxat paucis nimis faventibus sequio-*

Hieron. Comm. in Ez. lib.

Voss. Resp. ad Object. Critic. pag. 6.

Voss. de Septuag. Interpr. cap. 25.

Voss. de
Septuag.
Interpr.
cap. 26.

In Resp.
ad Crinit.
Sacr.

rum temporum Judaïs? Inter hos haud dubie B. Hieronymum collocabit. Deinde probat fusiùs eorundem Interpretum *Hebraeos*, argumenta eorum infringens, qui dicunt hos non potuisse afflari Spiritu Sancto aut Prophetico, quia Judæi testantur tempore Templi secundi defuisse donum Spiritûs Sancti & Prophetiæ. Illud, inquit, *omnino est Rabbinicum & nugatorium*. Sed non minus nugatoria sunt quæ ille assert adversus Hieronymum his verbis: *Cùm itaque tam late Prophetarum & Prophetia, etiam apud Hebræos, patueris appellatio, non admittendi sunt illi qui Septuaginta Interpretes Prophetas fuisse negant, utpote præcipuos populi Judaici Sacerdotes, & non præteritarum tantum, sed & futurarum rerum interpretes*. Quasi verò illud in questionem venisset, utrùm Septuaginta Senibus Prophetarum nomen competeret, quatenus nomen illud *Propheta* idem sonat atque Interpres; cùm ipse tam multis probare conatus fuerit eos Prophetas fuisse, qui à Spiritu Sancto ac Prophetico afflati fuere: imò existimat injurios illos esse Hieronymo, qui testimoniis ejus abutuntur ad evertendam LXX. Interpretum auctoritatem; cùm ille ætate provectior eorum errores non ipsis Interpretibus, qui afflatu Spiritûs Sancti sacros libros verterunt, sed librariis imputandos censuerit. Verùm supra fusiùs ostensum est quæ fuerit de præsentī negotio B. Hieronymi sententia, quæ Vossio latuit. Jam enim profectè erat ætatis, cùm Prophetarum libros Commentariis suis illustravit. At quàm sæpè in illis non modò librarios, sed ipsos Interpretes castiget, nemo nescit.

Auctores
Græci
versum.

Et si supposititium esse factum, quæ sub nomine Aristæ circumfertur, historiam jam antea dixerim, lubens tamen agnosco hanc quæ LXX. Senibus tribuitur interpretationem sub Ptolemæo Philadelpho conditam fuisse à Judæis Alexandrinis, & ex Hebræo codice Chaldaicis sive Babylonicis literis exarato, quia non alias adhibuere literas in describendis suis exemplaribus Judæi post suum à Babylone reditum, quàm Assyriacas. Sed versio altera Græca, quam ex eodem codice Hebræo Samariticis literis satis negligenter descripto factam putat Vossius ab homine neque Hebræicè forsan, neque Græcè docto, merum est figmentum ex Aristobulo desumptum; qui tamen de Samariticis literis, quibus hunc exaratum fuisset contendit Vossius, ne verbum quidem protulit, & de illis præter Vossium nemo cogitavit; adeo illud ab omni veri specie alienum vide-

videtur. Errant quidem, ut bene à Vossio animadversum fuit, qui putant Græcam versionem ex aliqua Paraphrasi Chaldaica aut Syriaca derivatam fuisse, cum nulla tunc esset ejusmodi, & constet Philonem linguam Hebraicam & Chaldaicam pro eadem ubique accipere. Suspiciari tamen licet, Græcos illos Interpretes sermonem Chaldaicum, qui Judæis plerisque post reditum à Babylone vernaculus fuerat, respexisse. Nulla quidem erat tunc temporis Chaldaica aut Syriaca Paraphrasis; tamen longè ante illa tempora Magistri, tam in Scholis, quàm in Synagogis, contextum Biblicum Chaldaicè non minùs quàm Hebraicè legebant, unde forsan contigit ut plures in Græca translatione voces magis ad genium linguæ Chaldaicæ aut Syriacæ conversæ sint, quàm secundum linguæ Hebraicæ proprietatem. Commentum quoque aliud finxit idem Vossius, qui asserit usque ad tempora Aquilæ nullam aliam lectam fuisse in Synagogis Judæorum Scripturam præter illam LXX. Interpretum, quia perierat intellectus linguæ Hebrææ, quam ne ipsi quidem callerent Judæorum Rabbinii: LXX. verò Interpretes, ut auctor est idem Vossius, vixerunt florente & superstitè etiamnum Hebræâ linguâ. Verùm lingua Hebræa non magis florebat tempore LXX. Interpretum, si qui fuerint illius nominis, quàm tempore Aquilæ; quippe illa post deportatos Babylonem Judæos penitus abolita est, & post illorum inde reditum ipsis non fuit amplius domestica & familiaris. Remansit apud solos Magistros, qui eam publicè in Synagogis, seu Scholis, docuerint. Si verum est usque ad Aquilæ tempora non aliam in omnibus Judæorum Synagogis lectam fuisse Scripturam quàm Græcam LXX. Seniorum interpretationem, quâ ratione fieri potuit, ut Flavius Josephus Legem Moylis in Synagoga Hebraicè interpretatus sit, ut affirmat Vossius, qui similiter asserit eundem Josephum, omnium sui seculi Hebræorum longè eruditissimum, historiam belli Judaici antequàm Græcè scriberet, linguâ Hebræâ edidisse? Tamen, si credamus Vossio, lingua Hebræa penitus deperdita fuerat: si res ita sit, cur hanc appellat linguam patriam Josephi? *Conveniet nulli qui secum dissidet ipse.* Manifestum est etiam ex ejusdem Josephi libris, Judæos Palæstinæ regionumque vicinarum tunc temporis linguam Hebræam excoluisse, quam usu, ut nostrâ etiam ætate, discerent absque ullis præceptionibus Grammaticis, quæ non

*Voss. de
Sizyl.
Oracul.*

*Vossii et
races.*

*Voss. ad
Cassian.
Horn.
cap. 2.*

non à sexcentis tantum, ut contendit Vossius, sed à nongentis & amplius annis inventæ sunt. Quo sensu idem Josephus ait, etiam referente Vossio, excelluisse se in disciplinis patriis præ cæteris Hebræis: Græcam verò linguam non nisi per Grammaticam didicisse. Patrias vocat disciplinas studium linguæ Hebrææ ac Legis Mosai-
cæ, quam Judæi Hierosolymitani in Synagogis Hebræicè legebant. Si tamen audiamus Vossium, qui sæpius à seipso dissentit, Christum & Apostoli in Judæa Græcè loquebantur. *Ubiunque, inquit, jam ab Alexandri Magni temporibus Græci fuere domini, ibi etiam Græca prævaluit lingua, & absurdum est unam excipere Judæam: & paulò post: Ut in Ægypto, Asia & reliqua Syria, ita quoque in Judæa nulla præter Græcam audiebatur lingua, in urbibus præsertim oppidisque.* Imò præter linguam Græcam in Ægypto audiebatur lingua Coptica, in Syria Syriaca, & in Judæa Judaica, seu Chaldæo-Syriaca. Ex libro Evangeliorum discere potuit Vossius, sermonem Judæorum qui Hierosolyma incolebant, quæ inter urbes & oppida reponi debent, Chaldæum sive Syriacum fuisse, nec Christum Judæos urbis ullius Græcè, sed Syriacè alloquutum fuisse. Hanc etiam postea Judæi qui regionem istam incoluere, licet corruptam, retinuerunt, uti probari potest exemplo Talmudis, qui vulgò ab ipsis Hierosolymitanus appellatur, & lingua quâ conceptus est liber ille vocatur quoque Hierosolymitana. Judæis etiam Babyloniensibus tunc temporis, ut & longè antea, domesticus fuit sermo Chaldaicus, qui suum pariter Talmudem habent eadem linguâ conscriptum. Plerique etiam vetustiores libri Judæorum, exceptis paucissimis, non alio sermone conscripti sunt quàm Chaldæo impuro. Sed non est cur refellendis Vossii assertionibus, quæ nihil omnino probabilitatis præ se ferunt, diutius immoremur; qualia sunt quæ affirmat de libris Deuteroseon, seu Traditionum Judaicarum, quas omnes ante Justiniani tempora sermone duntaxat Græco concinnatas fuisse contendit, & de libro Misna qui è Græco in Hebræum sermonem circa illud tempus conversus fuerit: quia cautum fuerat edicto Justiniani, ne Judæi Deuteroseos, seu librum Traditionum, in Synagogis legerent. Illi, inquit Vossius, *ut edictum eluderent, scriptum hoc in Hebræum converterunt sermonem.* Risum teneatis amici!

*Voss. de
Sibyllin.
Oracul.*

Ibid.

*Etiā in
Synagoga
Helleni-
stiarum
legebatur
contextus
Hebræus.*

Verum, si ad Justiniani edictum animum advertisset vir doctus, facile deprehendisset non modò Hierosolymis, sed etiam in eorum Synagogis qui vulgò Hellenistæ appellantur, contextum Hebræum

breum lectum fuisse. Id enim aperte significant verba illa Constitutionis Justiniani: *Didicimus quosdam solam habentes vocem Hebræam, etiam ipsa uti velle in sacrorum librorum lectione; alii verò Græcam quoque editionem assumendam esse arbitrantur, & jamdudum hac de re inter se disputant. Nos igitur his auditis, meliores judicavimus eos esse qui Græcam quoque versionem ad librorum sacrorum lectionem volunt assumere, & quamcunque linguam simpliciter quam locus commodiorem & aptiorem audientibus facit.* Duplicis generis Judæos supponit illa Justiniani Constitutio, quorum alii lingue Hebrææ penitus addiæti Scripturam Sacram in Synagogis sermone duntaxat Hebræo legerent; alii verò, quia Græcas literas callebant, lectioni Hebræicæ Græcam adjungere. Justiniani autem edicto permittitur ut non solum Græcè, sed in alia qualibet lingua codex sacer legeretur. Judæi igitur omnes Hellenistæ, ut decreto Mosis obtemperarent, non alio unquam sermone quam Hebræo Legis contextum in Synagogis suis legerunt, cui deinde lectioni alia mox succedebat sermone vernaculo. Neque his obstant priscorum Judæorum Patrumque testimonia, ex quibus manifestò liquet Judæos Alexandrinos & alios omnes quibus lingua Græca fuit vernacula, Græcam LXX. Interpretum versionem in Synagogis suis legisse. Similiter constat etiam Hierosolymis quasdam extitisse Synagogas in quibus Lex Mosis & Prophetæ Græco sermone legerentur. Sed hæc & alia ejusdem rationis bene multa quæ huc congeri possent, probant tantum lectioni contextus Hebræici additam fuisse explicationis causâ Græcæ interpretationis lectionem, sicut & nostrâ etiam ætate Judæi ex antiquo more singulis Sabbatis legunt aliquid Scripture Sacre Hebræicè & Chaldaicè, quia scilicet antiquitus erant in Synagogis & Lectores & Interpretes, quod etiam Interpretis seu Prophetæ munus à Synagoga ad primos Christianorum coetus transiisse clarè demonstrant verba Apostoli in Epistola prima ad Corinthios. Hinc forsan ortum est ut Græca illa LXX. interpretatio quibusdam in locis minùs accuratè verba contextus Hebræici exprimat, quia scilicet illius concionatores Paraphrastarum potius quam Interpretum, locis præsertim obscurioribus, munus obierunt. Sed ea omnia quæ pro tuenda LXX. Senum translatione & elevandis Judæorum exemplaribus contra omnem probabilitatis speciem fusiùs retulit Vossius, in præsentia refellere nec tempus est mihi, nec animus: longè satius erit Hieronymi versionem cum Græca locis aliquot conferre, ut inde pateat quàm verè dixerit

Justin.
Novell.
vel Const.
sit. 146.

Epist. 1.
ad Cor.
inth.
Cap. 4.

Voss. Re-
spond. ad
Critic.

August.
Eugub.
Præf. in
lib. de
Vulgat.
Edit.

Conferatur
Græca
versio
cum La-
tina Hier-
onymi.

Isaj. 2:
22.

dixerit Vossius Hieronymum nusquam rectè ab antiquis recepisse Interpretibus, eumque primum fuisse Christianorum qui Rabbinicam condiderit versionem, quique alios ad idem audendum signifer præcesserit. Longè aliud de versione Hieronymi, quæ nunc in Ecclesia Occidentali legitur, iudicium tulit Augustinus Eugubinus his verbis: *Hanc si cum editione Septuaginta contuleris, ausim hæc uti similitudine ut lucem ac tenebras à te collatas asseram. Id quod nos toto hoc opere ostendemus. Invenimus certè hanc adeo fuisse Ecclesiis necessariam, ut, nisi hanc operam Divinus Hieronymus nobis præstisset, versari adhuc nos in multis erroribus certè necesse fuisset.*

Sumam itaque exempla collationis istius ex libris Prophetarum, quos ex Hebræo vertit Hieronymus, ac Commentariis suis illustravit, & utraque adhuc extat, cum vetustum recens, illorum translatio in ejusdem operibus. In omnibus autem Hieronymum vindicare etiam à levissimis erroribus, sicuti Septuaginta Interpretes vindicare enixè contendit Vossius, mihi minimè propositum est: quippe non pauca Hieronymo quantumlibet erudito exciderunt, dum Judæis ætatis suæ nimium addictus Græcos Interpretes severius interdum castigat. Sed doctissimum illum Patrem toties allucinatam fuisse quoties illos deferit, ut existimat Vossius, pernego. Capite secundo Commentariorum in Isajam ad hæc verba, *Quiescite ab homine cujus spiritus in naribus ejus, quia excelsus reputatus est ipse*, miratur Septuaginta Interpretes tam perspicuam, ut ipsi videtur, de Christo Prophetiam in Græcum noluisse vertere, damnatque Judæos, qui verbum quod in Hebræo est ambiguum, in deteriore partem interpretati sint. Judæorum autem nomine ibi Aquilam notat aliosque Interpretes qui diversam à Septuaginta Seniorum versione translationem de industria condiderant, ad quas Judæi, relictis vetustis Interpretibus, recurrerant. Jam utrùm hæc omissio librariis, an ipsis LXX. Senibus tribui debeat, nunc non inquirō, quam constat à Græcis exemplaribus ante Origenis tempora abfuisse, cum verba illa sub asteriscis de editione Aquilæ addita fuerint: nec disputo similiter de bonitate versionis Hieronymi, utrùm præferenda sit Aquilæ translationi, quæ cum hodiernis Judæorum codicibus hic consentit; verùm inde conficio versionem Hieronymi malè à Vossio Rabbinicam vocari, quasi jam senex Hieronymus solis Judæis in condenda

denda sua contextus Bibliici interpretatione crediderit. Ejusdem Prophetae Capite 5. ubi juxta vocum Hebraicarum proprietatem vertit Hieronymus, *Et pascuntur agni juxta ordinem suum*, LXX. Interpretet arguit, quod nescio quid volentes, uti loquitur, transtulerint, *Pascuntur direpti quasi tauri*, pro *agni tauris* intelligentes, & pro *advenis* interpretantes *agnos*. Hebraica tamen hoc loco implicata non sunt, & sensus apertus. Reprehendit etiam Græcos Interpretes Hieronymus, quod pro his verbis, *Quis ibit nobis*, ut habent omnes Interpretes, quia in Hebræo legitur *lanu*, ipsi posuerint, *Quis ibit ad populum istum*, quod penitus, inquit, in Hebræo non habetur. Sed forsan pro *lanu* legerunt *laam*, vel eadem verba quæ mox sequuntur, majoris explicationis causâ hic addita sunt, quia pronomen *no-bis* nihil ibi, ut & alibi passim, significat.

Verum longè magis animadversione digna sunt quæ refert idem Hieronymus ad hæc verba quæ secundum codicis sui Hebræi lectionem transtulerat, *Excava cor populi hujus, & aures ejus aggravæ*: cum longè benignior videatur Græca interpretatio in qua legitur, *Incrassatum est cor populi hujus*. Sed norunt linguæ Hebrææ periti, hanc diversitatem ex varia punctorum vocalium notatione ortam fuisse: sequuti sunt LXX. ætatis suæ lectionem, quæ diversa erat ab ea quæ Hieronymi ætate obtinebat, & hæc eadem in exemplari Masorethico representatur. Utraque lectio traditione confirmatur; sed Græca videtur in eo Hieronymianæ præferenda, quod illam sequutus fuerit Apostolus in Actibus Apostolorum: ad hæc tamen respondet Hieronymus, lectionem hanc tribuendam potius esse Evangelistæ

Lucæ quàm Apostolo. *Evangelistam Lucam*, inquit, *tradunt veteres Ecclesia tractatores medicina artis fuisse scientissimum, & magis Græcas literas scisse quàm Hebræas. Unde & sermo ejus, tam in Evangelio quàm in Actibus Apostolorum, comptior est & sacularem redolet eloquentiam, magisque testimoniis Græcis utitur quàm Hebræis*. Itaque in ea videtur fuisse sententia Hieronymus, ut crediderit B. Paulum cum Hebræis disputantem non juxta LXX. loquutum fuisse, sed juxta Hebraicum; Lucam verò Evangelistam, quæ Græcas literas apprimè callebat, legebatque Græcos codices, Græcis testimoniis usum fuisse. Similia fere his affert Hieronymus Questionibus Hebraicis in Genesim, ubi expendens diversitatem quæ Græca inter & Hebræa exemplaria intererat in recensendis filiis Jacobi qui cum ipso Ægyptum ingressi sunt; quærensque

K

ibidem

Hierom.
Com-
ment. in
Cap. 6.
151.

ibidem cur LXX. potius versioni Stephanus in Actibus Apostolorum adheſerit, quàm Hebræo contextui, ita loquitur: *Non debuit Sanctus Lucas, qui ipsius historia Scriptor est, in Gentes Actuum Apostolorum volumen emittens, contrarium aliquid scribere adversus eam Scripturam quæ jam fuerat Gentibus divulgata.* Et mox: *Hoc autem generaliter observandum, quòd ubicunque Sancti Apostoli aut Apostolici viri loquuntur ad populos, his plerumque testimoniis abutuntur, quæ jam fuerant in Gentibus divulgata.* Nimirum non ideo Apostoli versionem Græcam in suis libris adhibuere, quòd auctores illius Divino seu Prophetico spiritu afflati fuerint, vel quòd non alia Scriptura in Judæorum Synagogis legeretur quàm Græca illa, ut perperam existimavit Vossius; sed quia vulgò erat recepta, &, ut auctor est B. Hieronymus, *dum loquuti sunt ad populos Apostoli, iis usi sunt testimoniis quæ jam fuerant in Gentibus divulgata;* secus verò dum homines gentis suæ, qui callebant linguam Hebraicam, alloquuti sunt. Sed mentium fuisse Lucam necesse est, inquit Vossius, *si alios Stephanus in concione sua, quàm ille posuit, sensus expresserit.* Quasi verò illum mentiri necesse sit qui eadem diverso tantum sermone referat, paucis quæ nullius erant momenti immutatis. Neque mentem Scriptoris Criticæ Sacræ assequutus fuisse videtur vir doctus, cum de eo ita loquitur, quasi crediderit Stephanum non Græco aut plebeio Syriaco, sed Hebraico sermone ultimam suam concionem absolvisse. *An plebs, inquit Vossius, tempore Apostolorum gnara veteris lingua Hebrææ? An mentitus Evangelista? Quid demum integrum in Evangelis supererit, si istiusmodi admittamus commenta?* Sed potius monstra sibi fingit quæ postea debellet. Syriacè concionatus est Stephanus, quia sermo Syriacus tunc Judæis Hierosolymitanis erat ve rna culus: at quæ proferet Veteris Testamenti testimonia ea non alio sermone proferre potuit quàm Hebraico, quia Judæi Hierosolymitani Legem Moſis Hebraicè in Synagogis suis legebant, non verò Græcè; & si qua subjungebatur interpretatio, illa Syriaco pariter sermone qui plebeius erat, ut hic liberè fateatur Vossius, non verò Græco, quo in Helenistarum duntaxat Synagogis ac Scholis utebantur.

In hoc tamen corrigendum esse Hieronymum non diffiteor, quòd dicat Matthæum & Joannem de Hebraico Veteris Testamenti testimonia fumpſisse, oblitus regulæ illius quam Traditionibus Hebraicis in Genesim produserat, nimirum, Apostolos & viros Apostolicos non aliam ob causam Græcis exemplaribus usos fuisse, quàm quia

jam

*Hieron.
Quaſt.
H. br. in
Genes.*

*Cur Græ-
ca ver-
sione usi
fuerint
Apostoli.*

*Voss. Re-
ſponſ. ad
Critic.
Sacr.*

*Syriacè,
non tunc
Græcè,
concionatus
est B.
Stepha-
nus.*

*Hieron.
Comm. in
Cap. 6.
Isai.
Cafſiga-
tur B.
Hieron.*

jam hæc in Gentibus divulgata fuerant : Hebraica verò in Synagogis duntaxat Judæorum asservabantur, & inter hos paucissimi reperiebantur qui ea intelligerent : contrà autem lingua Græca tunc plebisque Gentibus erat vernacula. Observandum autem est Apostolos, etsi Græcis codicibus adhæserint, non ita tamen ab iis dependisse, quin haud infrequenter ad sensum potiùs quàm ad verba attenderint. Quare Hieronymus explicans hunc locum Michæ

Prophetæ, *Es tu Bethlechem Ephratha*, ista annotat: *Sunt qui asserant Mich. 2 in omnibus penè testimoniis quæ de Veteri Testamento sumuntur istiusmodi esse errorem, ut aut ordo mutetur, aut verba, & interdum quoque sensus ipse diversus sit, vel Apostolis vel Evangelistis non ex libro carpentibus testimonia, sed memoria credentibus, quæ nonnunquam fallitur.* Hæc quidem paulò duriora videntur, nec ea protuli ut iis fidem adhibeat Vossius. Interea vix fidem suam abnuere poterit Joanni Calvino, qui eundem Michææ locum illustrans, hæc animadvertit: *Quid Calvin. Comm. in opus est torquere Prophetæ verba, cum Evangelistæ propositum non fuerit referre quod apud Prophetam legitur, sed notare locum duntaxat? Simili- Mich. ter idem Hieronymus non ex aliorum, sed ex sua loquutus sententia, de hisce omnibus testimoniis, quæ ex Veteri Testamento in Novum translata sunt, hæc in genere observat. In multis testimoniis quæ Evangelistæ vel Apostoli de libris veteribus assumpserunt, curiosius attendendum est, non eos verborum ordinem sequutos esse, sed sensum. Sed Hieron. Comm. in Cap. 7. Isaj.* nunc ad id quod est nostri instituti revertamur.

Prima verba Capituli noni ejusdem Prophetæ vix intelligi possunt in Græca versione, cum omnia aperta sint in translatione Hieronymi. Utamque duabus columnis distinctam hæc ratione produxit Hieronymus: *Primo tempore alleviata est terra Zabulon & terra Naphthalim, &c.* En Hieronymiana translatio. Græca verò ita habet: *Hæc Isaj. 2 primùm bibe, velociter fac regio Zabulon & terra Naphthalim.* Aliunde assumptam fuisse crediderim dictionem *bibe*, quæ mutat sensum. Paulò post eodem Capite notat Hieronymus LXX. Interpretes, quòd pro verbis istis, *Vocabitur nomen ejus admirabilis, consiliarius, Deus fortis, pater futuri seculi, princeps pacis*, illi majestate nominum perterriti de puero non ausi sint dicere, quòd Deus sit appellandus, sed pro his sex nominibus posuerint quod in Hebraico non habetur. Iterum manifesti erroris Græcos Interpretes arguit Hieronymus, quòd ad lectionem suorum codicum minùs attenti, pro *verbum* transtulerint *mortem*, dicendo, *Mortem misit Dominus in Jacob*, cum dicendum

dicendum esset, *Verbum misit*, &c. ut Hieronymus interpretatus est, qui statim addidit erroris illius originem his verbis: *Apud Hebraeos דבר quod per tres litteras scribitur consonantes pro locorum qualitate, si legatur dabar, verbum significat; si deber, moriem & pestilentiam.*

Isaj. 10. Non longè ab initio Capitis 10. ejusdem Prophetæ ad hæc verba, Va Assur, eosdem Interpretes accusat Hieronymus, quòd Hebraica minùs accuratè expresserint. Iterum sub finem ejusdem Capitis

ad verba ista, Veniet in Aiath, &c. quantum illi ab Hebræo discrepent fuscè ostendit, simulque eos falsitatis arguit quòd verterint, Rama civitatem Saul: quod perspicuè falsum est, inquit, civitas enim Saul appellatur Gabaa, ut in Hebraico continetur. Præterea Hieronymus longè diversa sentit de lingua LXX. Interpretum, quàm Vossius, qui existimat in ea nihil esse nisi Græcum, frustra que eam appellari linguam natam in Synagoga. Ita enim loquitur libro sexto Commen-

tariorum, Pro advena, id est, περιεπιπύ, LXX. γινώσκω interpretati sunt qui Hebraicè ger dicitur—ergo georas non est Gracum verbum, sed Hebraicum Gracà consuetudine declinatum; licet quidam, Hebrai sermonis ignarus, Gracam in eo etymologiam exprimere conetur, ab eo quod terræ rei curam habeat, γῆ enim, inquit, terra appellatur, & ἀεγ, φρονίς, id est, sollicitudo. Quantum à germano Scripturæ sensu deflexerint Græci Interpretes Capite 24. ejusdem Prophetæ, ubi in Latina editione legimus, Erubescet luna, & confundetur sol, rectè animadvertit Hieronymus his verbis: Pro eo quod nos interpretati sumus, Et erubescet luna, & confundetur sol, LXX. transfulerunt, Liquefieri laterem, & cadere murum: & mox erroris causam detegit, quia scilicet pro Hebraico levana, quod lunam significat, legerunt lebena, & pro hamma, id est, calore, quo sol denotatur, legerunt etiam homa, quod murum significat. Sed frustra his diutius detineor, quippe ab omnibus legi possunt Hieronymi Commentaria in Isajam, ubi passim Græcos Interpretes erroris arguit, quòd ambiguitate vocum, vel aliâ ratione decepti fuerint: aliquando tamen illis parcat, sicuti Capite 30. postquam eorum in interpretando inconstantiam damnavit, mox veluti seipsum castigans, hæc subjicit: Datur mihi suspicio non eos errasse à principio, sed paulatim Scriptorum visio depravatos. Et Capite 40. ubi nonnulla à Græcis Interpretibus omiſsa annotavit, statim addit quasi subdubicans, vel à LXX. pratermissum, vel paulatim Scriptoris visio pratermissum. Similiter communem Græcorum exemplarium editionem ad Hebræos codices interdum castigat, ne

error

*Hieron.
Comm. 170
Cap. 30.
Isaj.
Isaj. 40.*

error in Interpretes rejiciatur, quo modo ad hæc verba Capituli 44. *Isai. 45.* *Hæc dicit Dominus Christo meo Cyro, rectè animadvertit non solum Latinorum, sed & Græcorum plurimos errare, existimantium scriptum esse, Sic dicit Dominus Christo meo Domino: Neque enim, inquit, Kuejy, quod Dominum sonat, sed Kuejy dicitur, qui Hebræis appellatur כורש.*

Eadem videre est in Hieronymi Commentariis in Hieremiam, Ezechielem & alios Prophetas. Ita fere ubique Commentario in Hieremiam notat quæ à LXX. Interpretibus prætermissa sunt, aut saltem non amplius in Græcis illorum exemplaribus apparent. Modò enim ipsos Interpretes, modò libarios accusat. Commentario pariter in Ezechielem, ubi Græcorum codicum omissionem animadvertit, statim hæc adjicit: *Melius est in divinis libris transferre*

quod dictum est, licet non intelligas quare dictum sit, quam auferre quod neficias. Capite tamen 5. ejusdem Prophetæ vix audet Græcos Interpretes accusare, ubi ait: *Multo melius fuerit transferre quod scriptum est, quam rei malè translatae patrocinium quarere.* Nec hoc dicimus ab illis factum, quibus vetustas auctoritatem dedit, sed per multa sæcula Scriptorum atque Lectorum vitio depravatum, quanquam & Aristæas & Josephus & omnis Schola Judæorum quinque libros tantum Moysi à LXX. translatos asserant. Neque hoc solum loco Hieronymus, sed & aliis in locis, negare videtur cum priscis Judæis aliud quidpiam Scripturæ Sacræ à LXX. Senibus translatum fuisse præter quinque libros Moysis; sicuti ad Caput 5. Michææ, ubi hæc habet: *Interpretatio LXX. (si tamen est LXX. Josephus enim scribit, & Hebræi tradunt, quinque tantum libros Legis Moysis ab eis translatos, & Ptolemæo Regi contradi-*

tos) tantum discordat in presenti loco ab Hebraica veritate, ut nec Capita possimus ex aquo ponere, nec eorum simul sententias explicare. Verum longè aliud sentit Vossius, qui non solum rei malè translatae ubique patrocinium querit, ut verbis Hieronymi utar, sed palàm testatur se non dubitare Prophetas quinque libros à LXX. Interpretibus Græcè fuisse redditos, licet olim dubitaverit. Et quod fidem omnem superare videtur, si Vossio credamus, Græci Interpretes in libris obscurioribus, puta Jobi ac Provèrbiorum, magis accuratos se ostendunt quàm recentiores Scripturæ Interpretes. Sed neminem fore arbitror linguæ utriusque peritum, qui hæc in parte illi assentiantur, adeo inepta est multis in locis istorum librorum Græca illa translatio. Non is tamen sum qui ab Hieronymo ita dependere velim, ut etiam illius errores, qui plurimi sanè sunt, approbem. Sic, ne longius

Hieron. Comm. in Ezrah. Cap. 1. Cap. 5.

Idem Comm. in Cap. 5. Mich. vers. 9.

Voss. Respons. ad Critic.

Vossii errores.

Græcorum Interpretes aliter quando malè castrigat Hieronymus.

abeam, Capite 27. Commentariorum in Ezechielem LXX. arguit quòd pro fili Dedan, filios Rhodiorum interpretati sint, decepti fortè primæ literæ similitudine, ut pro Dadan legerent Radan: sed errorem hunc in Scribas potiùs quàm in Interpretes rejiciendum esse demonstrant ea quæ paulò post eodem Capite sequuntur, ubi in LXX. non secus ac in Hieronymi translatione legitur Dedan, sive Dadan. Iterum in Caput 33. ejusdem Prophetæ, ubi de Gog fit mentio, observat Græcos Interpretes libri Numerorum Capite 24. pro Agag quod legitur In Hebræo, reposuisse Gog: sed manifestus est librarii error. Sed ut innumera ejusmodi taceam, longè meliùs idem Hieronymus Capite 40. eorumdem Commentariorum hæc observat: *Omnia prope verba Hebraica & nomina quæ in Græca & Latina translatione sunt posita, nimia vetustate corrupta, Scriptorumque vitio depravata, & dum de inemendatis scribuntur inemendatiora, de verbis Hebraicis facta esse Sarmatica, imò nullius gentis, dum & Hebræa esse desierint, & aliena esse non ceperint.* Apprime igitur distinguenda sunt & secundum Criticæ regulas illa omnia quæ ut minùs bene à LXX. Senibus translata arguit Hieronymus: ut enim plurimos eorum errores rectè annotavit, ita & in iisdem castigat non pauca quæ minimè castiganda erant. Nec mirum, cùm ipsemet Hieronymus testetur se Explanationes suas vix implere potuisse, quia nulla hora erat, nullum momentum in quo non fratrum occurreret turbis, seque jam senem præter dictandi difficultatem Hebræorum volumina ob literarum parvitatem haud relegere potuisse. Similiter observat se nonnulla celeritate dictandi, dum parùm attendit, non bene vertisse. Itaque nec Hieronymus, nec LXX. Senes Prophetæ fuerunt, sed Interpretes, quibus multa, quia homines erant, excidisse necesse est.

Hieron.
Comm. in
Cap. 40.
Ezech.

Idem
Præf. in
lib. 7.
Comm. in
Ezech.

Idem
Comm. in
Cap. 42.

E X C E R P T U M III.

*Isaaci Vossii de Hexaplorum Origenis dispositione
sententia refellitur.*

Isaacus Vossius Origenem in Hexaplis suis compingendis aliam Voss. de
Septuag.
Interpr.
cap. 29. instituisse viam ac vulgò existimant, se aliquando demonstraturum pollicetur: quare respondens Scriptori nuperè Criticæ, qui novam hanc viam ab illo quæsierat, contendit Tetrapla & Hexapla Origenis ita dicta non fuisse à quatuor aut sex columellis, sed Tetrapla dicta esse, quòd quadruplicem versionem; Hexapla verò, quòd sex continerent versiones; errare de Octaplis Scriptorem Criticæ, dum errantem sequitur Epiphanium, quia nulla unquam Octapla scripsit Origenes, codicem Hebraicum non venisse in censum versionum, quia priores columnas vocat Origenes Idem
Resp. ad
Nugér.
Critic. *ἡ ἐκείνη ἰσλαφία*, velut fundamentum omnium versionum. In Tetraplis, addit Vossius, sex erant columellæ, in Pentateucho etiam septem, utpote cui Samariticus adderetur codex, literis Prototypis Hebræorum expressus, ut ab Eusebio & Africano appellatur. Quia tamen in solo id factum Pentateucho, ideo Tetrapla sex tantum columellas vulgò continere dicebantur, pari ratione atque in Hexaplis; quamvis in Psalms septima quoque accederet versio, Hexaplorum tamen remansit appellatio, quia septima illa versio in aliis deficeret libris. Hactenus Vossius, qui non alios opinionis istius, quæ nova est illa via quam se demonstraturum pollicitus fuerat, auctores laudat quàm seipsum; & ut majorem illius dictis fidem adhibeamus, hæc demum subjicit: *Cum nulla supersint, aut saltem nulla Hexaplorum aut Tetraplorum hactenus reperta sint exemplaria, velle de his nimium copiose contendere, id demum fuerit hominis nimium intemperanter otio suo abutentis.* Hæc ratione promissa solvit Vossius, qui tam confidenter pollicitus fuerat, se novam & hactenus inauditam Hexaplorum Origenis dispositionem demonstraturum esse. Sed cum nulla illorum exemplaria unquam viderit, priscos Ecclesiæ Patres atque in primis Epiphanium, qui illa tanquam oculati testes describunt, consulere liceat.

Dionysius Petavius, vir è Societate Jesu doctissimus, & in Græcis

Idem
Resp. ad
Nugér.
Critic.

Notantur
Vossii
errores
circa
Origenis
Tetrapla
&
Hexapla.

cis Hebræisq; libris non minùs quàm Vossius exercitatus, asserit neminem Epiphanio accuratiùs tradidisse quænam fuerint Originis Tetrapla, Hexapla & Octapla; idemque Petavius miratur plerosque, qui sua ex Epiphanio hauserunt, in tam aperto ejus loco allucinatos fuisse; ac in primis notat Marianum Victorinum Scholiis ad lib. II. Apolog. adversus Ruffinum, ubi redarguit Erasmm ex Epiphanii auctoritate, ut ait, sed malè. Singularum itaque editionum ordo ex Epiphanio hoc diagrammate proponitur.

T E T R A P L A.

<i>Aquila.</i>	<i>Symmachus.</i>	<i>Septuaginta.</i>	<i>Theodotio.</i>
----------------	-------------------	---------------------	-------------------

H E X A P L A.

<i>Hebraica literis Hebraicis.</i>	<i>Hebraica Græcis literis.</i>	<i>Aquila.</i>
------------------------------------	---------------------------------	----------------

<i>Symmachus.</i>	<i>Septuaginta.</i>	<i>Theodotio.</i>
-------------------	---------------------	-------------------

O. C T A P L A.

<i>Hebraica literis Hebraicis.</i>	<i>Hebraica literis Græcis.</i>	<i>Aquila.</i>	<i>Symmachus.</i>
--	-------------------------------------	----------------	-------------------

<i>Septuaginta.</i>	<i>Theodotio.</i>	<i>Quinta Editio.</i>	<i>Sexta Editio.</i>
---------------------	-------------------	-----------------------	----------------------

Verùm; inquit Vossius, Tetrapla & Hexapla nom à quatuor & sex columellis dicta sunt, sed à quadruplici versione, & quòd sex continerent versiones: qua in re profectò gravissimè allucinatur vir doctus. Nam Tetraplorum, Hexaplorum & Octaplorum nomen derivatum fuit à numero editionum, & quælibet editio columnellam unam, sive paginam, pro antiqua describendorum voluminum consuetudine occupabat, ut apertè evincunt

evincunt verba illa Ruffini: *Voluit Origenes nostris ostendere qualis apud* Ruffin.
Invecl.
*Judeos Scripturarum lectio teneatur, & in propriis paginis vel columnel-
lis editiones earum singulas quasque descripsit.* Eadem igitur omnino
erat in Hexaplis Origenis columnellarum atque editionum ratio.
Nulliusque prorsus momenti sunt quæ ducit Vossius ex voce ἰδαϕθ ,
quo nomine insignivit Origenes priores columnellas, nimirum
 το ἑξαγών ἰδαϕθ velut fundamentum omnium versionum. Quid,
quæso, aliud inde colligi potest, quàm Origenem voluisse distin-
guere hoc nomine contextum Hebraicum à versionibus quæ ex eo,
tanquam fundamento, deductæ fuerant? Quo similiter modo Hieronymus eundem contextum veritatem Hebraicam appellat. Mi-
nusne ideo constat illum contextum in Hexaplis Hebraicis & Græcis
litteris descriptum duas columnellas occupasse, à quibus æquè
ac à versionibus, quarum quælibet suâ quoque columnellâ exarata
erat, Hexaplorum nomen derivatum fuerit? Præterea ejusdem
Vossii commentum est quod fingit de codice Samaritano prototy-
pis litteris Hebræorum expresso, qui Pentateuchus additus fuerit.
Illud enim priscis Ecclesiæ Patribus, Epiphanio, Hieronymo,
Ruffino, etiam Eusebio & Africano, quos in suam sententiam per-
trahere conatur, prorsus fuit incognitum: neque unquam pariter
certissimis rationibus demonstrabit Vossius, quod tam confiden-
ter asseverat de codice Samaritano, qui penes Origenem fuerit,
frustraque ejus rei testes profert Eusebium, Africanum, Syncel-
lum, imò & ipsummet Origenem, qui de hoc exemplari Sama-
ritano prototypis, ut loquitur, litteris exarato ne quidem per som-
nium unquam cogitarunt. Habuere Samaritani Græcam Penta-
teuchi versionem, quæ Patribus fuit probè cognita, & ex ea sump-
sere Africanus, Eusebius & Syncellus codicis Samaritani ab He-
braico diversas lectiones quas libris suis inseruerunt. Lingua He-
braicæ operam dedit Origenes præeunte sibi Huillo Judæorum, non
verò Samaritanorum, Patriarcha: & idcirco non Hebræis Samari-
tanorum, sed Judæorum exemplaribus usus fuit. Quo sensu in-
telligenda sunt verba illa Eusebii: *Tantam curam ac diligentiam in di-*
vinorum librorum accuratâ inquisitione adhibebat Origenes, ut Hebraicam Euseb.
lib. 6.
Hist.
etiam linguam didicerit, & prototypas, quæ apud Judeos erant He-
braicis litteris scriptas, sibi comparaverit. Sed Eusebii verba in
aliud planè sensum avertit Vossius, & ut ea sententiæ suæ
facilius accommodaret, lectionem jam vulgaram sine ope
Voss. in
Resp. ad
Objec.
Critic.

ullius codicis MS. in aliam mutare non dubitavit. Sic enim legit: *Τὰς π' αὐτῆς τῆς Ἰουδαίας ἡμπερομένης πελοτύπης αὐτῆς Ἑβραίων σαχχαίος γεωφῆς κτλμα ἰδὼν ποιήσαντος*, cum vulgò legatur *πρωτύπης*, non verò *πρωτύπης*, & sic vertit: *Ut Hebraicam etiam linguam didicerit, ac illas quoque sibi comparaverit Scripturas qua prototypis Hebraeorum literis exarata esse dicuntur.* Apud Eusebium, inquit Vossius, prototypi characteres non sunt alii quàm Samaritici, & manifestè sibi adversaretur Eusebius, si de vulgaribus Judæorum intellexisset elementis, cum contrarium in suo scripserit Chronico. Miror sanè Vossii ingenium, qui lectoribus suis fucum faciat in retam aperta, quæque omnibus qui linguam Græcam vix à limine salutaverint, est obvia. Teruntur omnium manibus libri Eusebii, cui non aliud propositum fuit loco jam citato ostendere, quàm studium indefessum Origenis laboremque ejus improbum in evolvendis Scripturæ Sacræ libris, & perscrutando illorum sensu, qui, ut id facilius obtineret, linguam Hebræam à Judæis Magistris didicit, eorum libros characteribus Hebraicis exaratos evolvit, eosdemque cum Græcis LXX. Senum, Aquilæ, Symmachi & aliorum versionibus contulit. Utrùm *πρωτύπης*, an *πρωτύπης* legendum sit in præsentia non disputo, quia servatà etiam lectione Vossii, manifestum erit non aliud intelligendum esse per prototypas literas quàm characteres Hebræos. Contextus scilicet Hebræus in Origenis Hexaplis descriptus erat literis Hebraicis & Græcis, ut jam observatum fuit. Quare Eusebius cogitans de exemplaribus Hebraicis, quæ tunc à plerisque Hebraicè nescientibus legebantur, quia illorum characteres Græci erant, asserit Origenem sibi comparasse exemplar Hebræum characteribus etiam Hebræis exaratum: qui enim aliter fieri potuisset, cum Judæos linguæ Hebraicæ Magistros habuerit, non Samaritanos? Non incognita quidem fuisse Eusebio, Origeni & aliis Patribus Pentateuchi Samaritani etiam diversis à Judaicis characteribus descripta exemplaria lubens agnosco; sed quia plerique illorum non callebant linguam Hebraicam, ubi de codice Samaritico loquuntur, haud dubiè intelligunt versionem Græcam Pentateuchi Samaritani, quæ tunc vulgata erat. Neque Eusebii verba in Chronico ulla tenent Vossio favent, ubi meminit Eusebius trium Scripturæ Sacræ codicum à quibus sua hauserit; nimirum, *αὐτῆς τ' ὁ ἰερουσαλῶν, à Septuaginta Interpretibus; αὐτῆς δ' αὐτῆς Ἰουδαίας* Ἑβραίων,

Ἑβραῖα, ab Hebraico exemplari *Judaorum*; *Ἑβραῖα* & *Ἑβραῖα* Samaritanorum. Ibi enim nomine exemplaris Hebræi Samaritici necesse est intelligi Græcam illius versionem, non secus ac nomine Hebraici *Judaorum* exemplaris plerique Patres qui Hebraicè nesciebant, Aquilæ versionem, quæ ex Hebræo ad verbum sumpta fuerat, intellexere. Noverat igitur Eusebius Samaritanos non secus ac *Judæos* Pentateuchi Hebræi exemplar penès se retinere; sed quia linguæ Hebrææ imperitus erat, Græcam illius versionem à Samaritanis cusam, quæque tunc ab iisdem legebatur, consuluit. Sicut antea Justinus Martyr disputans contra Tryphonem *Judæum*, Græcam Aquilæ interpretationem donat nomine contextus Hebræi; quia *Judæi* plerique illius temporis eâ utebantur: sed ad hæc & alia ejusdem rationis bene multa animum non advertit Vossius. Nunc tempus est ut ad id unde diverti redeam.

In Origenis Hexaplis, ut ex allato supra diagrammate cognoscere est, primum locum obtinebat contextus Hebræus literis Hebraicis descriptus, secundum idem contextus Græcis characteribus exaratus; quia scilicet ex illo, tanquam ex prima origine, versiones omnes Scripturæ derivatæ fuerant: deinde sequebatur interpretatio Aquilæ, qui Hebraica ad amussim & longè melius quàm cæteri Interpretes referebat: Septuaginta verò medium locum, non verò primum, ut quibusdam visum est, occupaverunt, tanquam cæterarum omnium regula ad quam illæ expendi deberent. Symmachi præterea & Theodotionis translationes illam proximè & ex utraque parte comitabantur, quòd ei haud dissimiles essent, eademque in his tribus observaretur interpretandi methodus.

Jam quia ingens illud volumen tot editiones repræsentans quasi sub una linea carè constabat, & à paucis poterat comparari, ita ut conquestus fuerit Hieronymus, chartas Alexandrinæ marisupium suum evacuasse, cogitavit Origenes, vir acutissimi ingenii & scientiæ inexhaustæ, de ratione aliqua quâ omnes hæc editiones veluti sub unam repræsentaret. Et quia non alia tunc temporis in omnibus Ecclesiis Scriptura recipiebatur quàm LXX. Interpretum translatio, hanc seorsim edidit cum notis quibusdam, quarum beneficio aliæ omnes exhibebantur. Ita quæ in contextu Hebraico deesse videbantur, supplevit ex Theodotio-

*Dispositio
Hexapla-
rum.*

*Hexapla
in com-
pendium
reducta.*

Epiphanius.
de pond.
& mens.

nis versione, notā additā quæ à Grammaticis vocatur *asteriscus*; quia scilicet illa verba contextus nimis curta ac velut abbreviata illustrabat: si quid verò in contextu Hebræo abundare videretur atque esse supervacaneum, locis illis luxuriantibus aliam notam adjecit à Criticis dictam *obelus*, sive *vern*; quasi jugulandum illud esset quod in Græca LXX. editione veluti luxuriabat. Ad id in primis attenderat Origenes in operis illius œconomia, teste Epiphaniō, ut Judæi facilius à Christianis inter disputandum revincerentur: quippe illi passim objiciebant aliter esse in exemplari Hebræo quàm in Græca LXX. versione. Idem quoque testantur Hieronymus & Ruffinus, etsi Hieronymus interdum ejusmodi notarum usum paulò aliter exponat. Alias etiam notas, putà lemniscos, huic operi adjecerat Origenes, de quorum usu inter se non consentiunt ætatis nostræ Critici, & quod à paucis adhuc explicatum est, illa editio Græca LXX. Interpretum cum omnibus hisce notis, tam illustrantibus quàm jugulantibus, etiam in Hexaplis Origenis unà cum Aquilæ, Symmachi & cæterorum Interpretum translationibus reperiebatur, uti probare videntur verba illa Ruffini: *Voluit Origenes nostris ostendere, qualis apud Judæos Scripturarum lectio teneretur, & in propriis paginis, sive columnellis, editiones eorum singulas quasque descripsit, & ea quæ apud illos sunt addita, vel decerpta, certis quibusque signis additis ad versiculorum capita designavit, & in alieno non suo opere suas tantummodo notas fixit, ut sciremus non quid nobis, sed quid Judæis adversum nos certantibus aut deesse, aut abundare videretur.*

Idem præterea Origenes ingens illud Hexaplorum opus Scholiis diversi generis, quæ ad oram codicis retulerat, illustravit, ut editioni illi LXX. Interpretum, quæ media inter alias omnes apparebat, lucis aliquid afferret. Primò enim quid esset discriminis inter antiquam seu vulgatam LXX. Interpretum editionem, & novam editionem suam beneficio notæ illius, id est, LXX. statim deprehendi poterat. Illa quippe notā communem lectionem exhibebat. Deinde in iisdem Scholiis Aquilæ, Symmachi ac Theodotionis diversæ interpretationes quæque per suam litteram designabantur. Ita littera Α. denotabat Aquilam, Σ. Symmachum, & Θ. Theodotionem; Quinta quoque editio per Ε. & Sexta per Ϛ. notabantur. Notas etiam ad oram sui codicis retulerat Origenes, exponendis ad litteram, ut vocant, Scripturæ Sacræ verbis, quæ Origenis notæ inter ejus opera sub nomine Scholiorum indicantur. Si etiam

etiam Isaacum Vossium audiamus, non improbabile est Origenem variantes codicis Samaritici lectiones in Hexaplis suis annotasse. Si quis malit, inquit, credere Origenem non integrum codicem Samariticum Hexaplis & Tetraplis suis inscripsisse, sed tantum variantes annotasse lectiones, non multum adversabor. Ita minus constans Vossius in sententia sua, modo ait, modo negat; & cum antea tam confidenter asseverasset exemplar Pentateuchi Samaritani in Hexaplis etiam literis Samariticis descriptum extitisse, nunc dubitans nihil in re parum sibi comperta audet pronunciare. Verum uti nullatenus probabile est exemplar Samariticum, quod idem prorsus erat atque Judaicum, in Hexaplis extitisse; ita verisimile est diversas exemplaris Samaritici à Judaico lectiones Origenem inter Scholia sua retulisse, quas non ex codice Samaritano prototypis illis literis descripto, uti commentus est Vossius, sed ex Græca Pentateuchi Samaritani versione à Samaritanis ipsis accuratà descripserat.

Hæc est Origenis Hexaplorum œconomia ac dispositio, quam viri etiam eruditissimi comprehendere minimè potuerunt, dum non assequuntur quomodo in uno eodemque opere Græcæ Aquilæ, Symmachi ac Theodotionis interpretationes bis repetitæ fuerint, nimirum integræ in operis contextu, & ex parte in Scholiis quæ erant ad marginem. Sed Origenes, qui omnibus prodesse voluit, immensum illud opus Hexaplorum beneficio notarum & Scholiorum in compendium redegit, ut illi qui Hexapla integræ non possent comparare, saltem illorum summam etiam ex ipsis Hexaplis describerent. Et eadem arte *καὶ* illam, seu communem, LXX. editionem simul cum nova sua editione, quam integram, quia castigatorem illam arbitratus est, Hexaplis inseruit, in uno eodemque opere representavit, adjectis scilicet ad oram codicis *καὶ* illius, seu vulgatæ diversis lectionibus sub nota *ε*. Quapropter in eo graviter allucinatur nonnulli, dum istâ Hexaplorum dispositione non intellectâ, contendunt in illis duplicem LXX. Interpretum editionem, tam vulgatam scilicet quam puram illam, cujus ita frequenter meminerunt Origenes & Hieronymus, sub duplici columnella fuisse collocatam, & hæc ratione Hexapla non à diversis columnellis, sed à versionibus nomen suum ducere. Sed hæc aperte falsa sunt, nec aliunde proficiuntur, quam ex ignoratione dispositionis Hexaplorum, ad quorum marginem vetus LXX. Senum lectio relata fuerat: & hoc modo utraque LXX. Interpretum editio in

*Dispositio
Hexaplo-
rum: ite-
rum illu-
stratur.*

Hexaplis apparebat. Jam quia pauci immensa illa Hexaplorum volumina, quæ Hieronymi marsupium evacuârunt, integra poterant comparare, plerique editionem illam LXX. ab Origene interpolatam cum asteriscis & obelis aliisque notis ex ipsismet Hexaplis desumpserunt; unde postea nata est maxima Græcis exemplaribus confusio, & ex eo tempore non ampliùs antiqua illa LXX. interpretatio plerisque in Ecclesiis lecta est, sed Origeniana & interpolata, quæ etiam, aut saltem similis, ad Ecclesiam Occidentalem operâ B. Hieronymi postea pervenit.

F I N I S.

HIERO.

HIERONYMI LE CAMUS

Theologi Parisiensis

J U D I C I U M

De nupera ISAACI VOSSII ad itera-

tas P. SIMONII Objectiones

Responsione.



EDINBURGI,

Typis JOANNIS CALDERWOOD,

M. DC. LXXXV.

Cum Privilegio.



Clarissimo Nobilissimoque Viro
J. H.
HIERONYMUS LE CAMUS
Theologus Parisiensis.



Egi ante paucos dies, vir optime, Isaaci Vossii ad iteratas Simonii Objectiones Responsionem, quæ Canonico magis digna videtur, quam homine Critico: cùm in ea firmissimis Simonii rationibus nihil opponens præter inanem verborum strepitum, ineptias ineptiis accumulet. Singula illius argumenta repeto & expendo, ut cognoscas illum de rebus parùm sibi compertis iudicium tulisse. Objecerat Vossio Simonius, præscos Ecclesie Patres, Africanum, Ori-

genem, Eusebium, Hieronymum, Augustinum & alios qui Judæorum Codicis & LXX. Interpretum discrepantias in rebus chronologicis observarunt, de ulla Codicum depravatione Judæis obijciendâ nunquam cogitasse, ne ipsum quidem Justinum Martyrem, qui tamen est acerrimus adversus Judæos disputator. His cùm nihil solidi habeat Vossius quod respondeat, provocat ad Arabes qui suæ sententiæ favent, uniusque Abulpharai verba refert prolixè ex Latina doctissimi Pocockii versione. Verùm cum inepto Scriptore licet ineptire Vossio, monstrosum sequi opiniones cum homine qui tot fabulas & portenta in opus suum conjecit.

A

Addit



Addit tamen Vossius, non defuisse olim viros qui Judæos depravationis hujus reos peregerint, idque ex Juliano Pomerio facile cognosci. Sed non aliud de hoc negotio sentit Julianus Archiepiscopus Toletanus, quàm Augustinus, cujus testimonia in suum opus verbosè transtulit. Constat autem Augustinum à Vossii sententia valde alienum fuisse, eumque redarguisse ætatis suæ homines, qui ubi Codices Græcos ab Ebraicis discrepare in rebus chronologicis animadvertabant, statim affirmabant Ebraica Exemplaria à Judæis corrupta fuisse. Sed ejusmodi objectionis vanitatem sæpè ostendit Augustinus, cum hæc sunt verba. *Inquirent non esse credibile LXX. Interpretes, qui uno simul tempore unoque sensu interpretati sunt, errare potuisse, aut ubi nihil eorum intererat voluisse mentiri; Judæos verò, dum nobis invident quod Lex & Prophetæ ad nos interpretando transtulerint, mutasse quadam in Codicibus suis, ut in nostris minueretur auctoritas. Hanc opinionem vel suspicionem accipiet quisque ut putaverit: certum est tamen non vixisse Mathusalem post diluvium. Eandem iterum questionem tractans Augustinus de annis Mathusalem, testatur apertè se in eorum sententiam venire non posse, qui Judæos dedita operâ suos Codices depravasse asserbant. Imò negat Judæorum gentem tam longè latèque diffusam, in hoc conscribendum mendacium conspirare potuisse, ita ut, dura aliis invident auctoritatem, sibi veritatem abstulerint. Putat diverfitatem illam numerorum, qui in Græcis Latinisque Codicibus aliter se habent quàm in Ebraicis, tribuen-*

dam non esse Judæorum malitiæ, sed librariorum errori; ac demum hæc subiungit. *Rectè fieri nullo modo dubitaverim, ut cum diversum aliquid in utrisque Codicibus invenitur; quandoquidem ad fidem rerum gestarum utrumque esse non potest verum, ei lingua potius credatur unde est in aliam per Interpretes facta translatio.*

Ista & alia similia ex libris Augustini in opus suum contra Judæos transtulit Julianus Archiepiscopus Toletanus, in quo annos ab Adam usque ad Christum ex Ebraicis Græcisque Codicibus recensitis, Græcos quidem præfert Ebraicis cum præfatis Ecclesiæ Patribus; sed secutus Augustinum Judæos depravationis reos non peragit: contra utrisque Codicibus fidem habendam esse existimat, ubi non reperitur librariorum error; quia hæc diversitatem Divino Spiritui tribuit, cum LXX. Interpretes, referente Augustino, non interpretantium munere, sed Prophetarum libertate aliter voluisse dicere credendum sit. Affirmat idem Julianus, ex brevitate annorum quæ in Judæorum libris conspiciunt, nullum instare periculum fidei, nec eam breviter esse contrariam nativitatis Christi temporibus. Hæc clara sunt & manifesta, aptissimaque resellendis Abulpharaii & Vossii commentis.

Ad Talmudicos postea transtulit Vossius: sed quàm bene hoc succedat, tu ipse, vir optime, judicabis: tot enim hoc loco refert ineptias, ut illo videar ineptior, si singulas persequar. Hæc sunt illius verba. *In Talmude præfixè narratur congregus Judæorum cum Hieronymo à Sancta Fide Rabbin-*

Hisp.

Aug.
lib. 15.
de Crui.
Dei.

Hispano, sed ante trecentos annos facto Christiano. Sed quid ista significent ne quidem Elias divinaverit. Qui enim fieri potest ut Hieronymus à Sancta Fide, qui ante trecentos annos vixit, in Talmude cum Judæis congregiatur? Hieronymus ille à Sancta Fide fuit Medicus Pontificis Benedicti, qui Petrus de Luna appellatus est. Editæ sunt rationes quas Hieronymus è libris Talmudicis desumptas proposuit coram Benedicto, Cardinalibus, Magistris & Doctoribus: sed nihil prorsus eorum quæ illi tribuit Vossius in hoc scripto agitur: è contrario eadem planè ratione Judæos urget Hieronymus, qui illos premendos esse censuit Simonius, ita ut suo scilicet gladio jugulaverit Vossius, eum istum Scriptorem vocavit in auxilium. Riserat Simonius Vossium, qui Eliam Talmudicum Doctorem faceret Prophetam. Jam probat & ipse Propheta Vossius ex supposito illo Talmudistarum congressu, non cerè constitit an hic Elias sit Propheta ille antiquus, an verò alius quidam Rabbi. Sed ea de re in scripto Hieronymi à Sancta Fide ne quidem verbum extat: imò ea quæ ex Talmude assert manifestè ostendunt Eliam Rabbinum fuisse. Quare nugatur bonus Vossius, quando de Simonio sic loquitur. *Simonius in gratiam Judæorum, ipsi Rabbini Rabbini, audacter affirmat hunc Eliam fuisse Rabbinum.* Hoc quidem affirmavit Simonius, & affirmat iterum, quia clara sunt hoc loco Talmudis verba, quæ si legisset Vossius, nugatoribus Talmudistis nugacior, nugatorem in Prophetam non trans-formasset: illud enim de quo agitur

vaticinium non solum tribuitur in Talmude Eliæ, sed aliis Rabbiniis qui istud etiam referunt. Autor itaque fuerim Vossio, qui tot nugatores inter Prophetas recensuit, istos etiam Rabbinos inter Prophetas & Prophetides colloquet, ut longè adhuc majori Prophetarum & Prophetidum agmine stipatus bonus Vossius, nova sua procedat vaticinia. Verùm placet ipsi Talmudis verba asserre, ut ex illis quidquid nugarum de hoc Eliæ esset, facilius refellatur. Vaticinium illud in Tractatu Avoda Zara & in Tractatu Sanhedrin sic conceptum legitur: *תנא רבי אליהו ששה אלפים שנה היה שני השלם שני אלפים תורה שני אלפים תורה שני אלפים ימות המשיח כשתהיה שרש יצאן דמים מה שיצאן*. Docet domus Eliæ, sex annorum millibus erit mundus: his mille annis inanis: his mille, Lex: his mille, tempus Messie; propter iniquitates nostras, quæ multæ fuerunt, elapsi sunt ex eis, qui præterierunt. Per domum autem Eliæ intellige ipsum Eliam & ejus discipulos. Utrum autem vaticinium illud quod hoc loco producit, verum sit vaticinium, non anquiro: siue enim vera sit Prophetia, siue non sit, certum est Eliam aliosque Magistros, qui vaticinium istud referunt, Rabbinos fuisse, non Prophetas: cum in eodem Talmude paulò ante hæc verba quæ adduximus, istud etiam legatur. *אמר רב קטנא שיהא ששה אלפים שנה תהיה עולמא וחד רבי*. Dixit Rabbi Katana, Sex annorum millibus erit mundus, & uno destruetur. Jam si velit etiam Vossius istum Rabbi Katana

Talm.
Tract.
Avoda
Zara,
cap. 1.
Tract.
Sanhed.
cap.
helet.

4
cum Rabbi Elià inter suos Prophetas collocare, per me licet ut nugetur; consentientemque hanc in re habebit Postellum magnum Prophetarum & Prophetidum amplificatorem, qui scribit Talmudicos aliosque ejusdem naturæ libros ab eodem spiritu profectos esse atque Evangelium. *Sunt Zoar*, inquit Postellus, *Targum*, *Midras*, *Misnagot*, *Talmud utrumque & Evangelium appendices Legis Moisaica*. Attendat Vossius ad ineptias in quas se conjicit, cum obstituto animo contendit Talmudicum Eliam esse verum Prophetam, objicitque Simonio, cum nihil amare nisi quod distortum sit, eique solenne esse Prophetas in nihilum redigere. Verum est Simonium redigere in nihilum Prophetas Vossianos qui nugatores sunt & impostores. Gaudeat ejusmodi Prophetis beatus Vossius, autorque illi sum, ut eos albo Sanctorum quos Anglicana Liturgia continet, adjiciat: multa siquidem in illius Liturgicæ Calendario spatia vacua sunt relicta, quibus omnes sancti Prophetæ & sanctæ Prophetides Vossii facile inferi poterunt.

Pergit, & ut in Talmude exercitatum se esse ostendat, asserit ne nunc quidem Rabbinos dubitare, vaticinium de duratione mundi esse Eliæ Prophetæ, dummodo & illius esse admittantur illa quæ sequuntur verba; *Sed propter peccata nostra præterierunt anni qui præterierunt*. At unde hæc sumpserit: bonus Vossius, divinet Elias Talmudicus. Addit neminem qui aliquo præditus sit judicio negaturum adjecta esse verba illa à Rabbini: sed ego contra ausim affirmare, neminem qui sani sit principis hac in re si-

dem habitum rationibus quas profert Vossius ut illud adstruat. Ipsa, inquit Vossius, *id satis testatur phrasibus, cum Eliæ vaticinium Chaldaeo, additamentum verò Hebræo sit expressum sermone*. Verum quid sit Ebraicè loqui, quid Chaldaicè, nescit Vossius, cum Eliæ verba minùs non sint Ebraica, quam ista clausula quam putat à Rabbini adjectam fuisse vaticinio Eliæ. Neque etiam ostendit se judicio præditum, cum Eliam Prophetam Chaldaicè loquentem repræsentat, Doctores verò, Talmudicos Ebraicè loquentes. Nugatur iterum Vossius, dum probare conatur ex alio Talmudis loco, clausulam hanc recte additam fuisse, & ex scripto Hieronymi à Sancta Fide, in quo illud additamentum non reperitur. Verum quidem est in scripto Hieronymi quod editum habemus non legi istam clausulam, quia hæc nihil faciebat ad institutum suum & ad Eliæ verba quæ refert. Satis fuit ex Talmude ea referre, quibus urgere fortiter poterat Judæos ex ipsorum Chronologia, & ostendere dudum advenisse Messiam: ad quod probandum nihil planè faciebat clausula ista quæ in omnibus Talmudis editionibus legitur, & à Scholiastis Talmudis ante Hieronymi à Sancta Fide tempora explicatur. Hæc boni Vossii somnia aptè docent, eum à Simonio rectè monitum fuisse, ut priùs in Rabbini castra transiret, quam de illorum rebus sentiret sententiam.

Instat deinceps Vossius, aitque Simonium à se monitum fuisse, bis mille annos qui in Eliæ vaticinio dicuntur ante Legem effluxisse, accipiendo esse de tempore quod à diluvio ad Moysen

Postell.
lib. de
Origine.

Moysem & Legem datam intercessit, cum Apostolus & plerique Orientales gentes, quæ aliquam diluvii habent cognitionem, sic loquantur, mundi initium à diluvio arcescentes aut à Noacho. Verum istud Vossii monitum tanquam frigidum merito expoluit Simonius, cum in præfenti negotio non agatur de B. Petri & Orientis gentium sensu, sed de Eliæ vaticinio apud Talmudicos, ac de Judæis ex ipso Talmude & eorum Chronologia refellendis. Vossium monuerat Simonius, nihil omnino probabilitatis habere argumentum quo probare nititur Judæos in suis Codicibus expunxisse quatuordecim secula; quia Messiam expectant, quem nos advenisse putamus. Id credibile non esse Simonius animadverterat, cum Judæi ex Codicis Ebræi lectione fortius premi possint, quàm ex Græca LXX. Interpretum Versione. Quid Vossius ad hæc? Ait à diluvio, non ab Adamo arcescendos esse annos in explicando Eliæ vaticinio. Contrà ait Simonius, annos illos numerandos esse cā ratione quā in Talmude à Judæorum Magistris Talmudisque Scholasticis numerantur, cum de rebus Judæorum instituat disputationem, ipsique Judæi haud inviti agnoscant Codicum suorum Chronologiam sibi esse contrariam, tempusque quo venturus erat Messias præterisse: & cum nihil solidi illis subit quod respondeant Christianis rationem hanc ex illorum Chronologia urgentibus, dilationem adventus Messie in peccata sua rejiciunt. Hoc etiam argumento Judæos urget Hieronymus à Sancta Fide, requæ annos mundi à Noacho arcescit,

sed ab Adamo cum Judæis Talmudicis, & Rabbi Salomone, quem Talmudis glossatorem appellat; neque quemquam scio, qui in eo de quo agitur argumento annos mundi à Noacho arcescat, si unum excipiamus Vossium, qui in fingendis commentis Rabbini Rabbiniore est: nam & ipse Julianus Archiepiscopus Tolerantius, qui in sua Disputatione contra Judæos LXX. Seniorum Chronologiam præfert Judaicæ, sumit initium annorum mundi ab Adamo.

Objicit iterum Simonio Vossius, cum pro Eliæ Propheta nugatorem Rabbini substituit, ac dicere per Legem hic intelligi tempus istud quo Abrahamus relictis idolis ad veri Dei cultum accessit; & hoc pacto subverti penitus vaticinium. Verum nugatore illo Rabbino nugator est Vossius, qui pro nugatore Rabbino substituit Eliam Prophetam. Illa autem quæ attulit Simonius de tempore, sumpsit ex ipsismet Rabbini: hæc enim sunt illius verba. *Magistri, qui Commentariis suis Talmudis libros illustrent, bis mille annos numerant à primo homine condito usque ad tempus illud quo Abraham relictis idolorum cultu veram Dei unius legem amplexatus est.* Hæc si facta sunt, debuit Vossius falsitatis arguere Simonium ex Talmudicis Scholasticis, quos convincendis Judæis utiles hoc loco judicavit Simonius: at Vossius, qui nihil aliud scire videtur, quàm edere inanem strepitum verborum, ait frustra Simonium conari persuadere ad convincendam Judaicam Chronologiam, se misericordem conferre beneficium. *Si quis,* inquit Vossius, *Judæos hac ratione aggrediat, iudi-*

vero erit, & nihil nisi risum referet.
Verùm quâ arte melius Judæorum
convinci potest Chronologia pro ad-
struendo Messia adventu, quàm
ex eorum libris, quos in hoc ne-
gotio sibi adversari agnoscunt; ita ut
etiam inter illos non defuerint, qui
Messiam non ampliùs expectandum
affirmaverint? Rident quidem Judæi:
sed quid rident? Vossii ineptias, qui
in tractandis eorum libris tam in-
eptum se ostendit.

Pergit deinceps Vossius, cùmque
nihil habeat quod respondeat ad ea
quæ sequuntur, quærit effugium, ni-
hilis solidi esse affirmans; gravissima
tamen sunt & digna quæ à Vossio
exponderentur, cùm in iis de qui-
busdam Scripturæ locis agatur, quæ
à Judæis dedita operâ & odio Chri-
stianæ Religionis corrupta fuisse con-
tendit, eosque qui aliter sentiunt fan-
aticos & scilicet Judæos pronunciat.
Sed crimen illud amolitur à Judæis
Simonius, putatque illas lectio-
num diversitates in Exemplarium
discrepantiam rejiciendas esse, non
in Codicum depravationem, cùm ea
fors sit omnium librorum, ut scribit
in illis describendis interdum laban-
tur. Mutos esse Codices Ebræos
quibus nunc utuntur Judæi, autor
est Vossius; sed ait Simonius, simili
ratione mutos fuisse Codices Ebræos
LXX. Interpretum, imò & Samari-
tarum Codices, quos tamen nemo
fani judicii mutos appellaverit.
Istud enim est nationum Orienta-
lium ingenium, ut libros suos cum
paucis vocalibus scribant per litera-
rum compendia; sique ob hanc cau-
sam muti sunt Judæorum libri, simi-
liter muti erunt Samaritarum, Chal-

deorum, Syrorum & Arabum Codices.

Vana esse pronunciaverat Simonius ea omnia quæ Vossius adversus
Judæos ex Justinii Martyris aliorum-
que Patrum testimoniis congessit, idque se jam alibi demonstrasse dice-
rat. Quid ad hæc Vossius? *Somniabat*
Simonius cùm hæc scriberet. Imò tunc
vigilans Simonius Vossii & ejus si-
milium refellebat somnia, ut mani-
festo liquet ex Capite 9. Disquiti-
tionum Criticarum, quas ipse Si-
monio tribuit. Longè plura afferri
possent, quibus constaret Vossium
Patrum scripta ne quidem à limine
salutavisse: at satis erit hoc loco ex-
pendere quæ habet Vossius de verbis
Jonæ, Cap. 3: 4. *Adbuc quadra-*

Voss. de
Tralat.
70. in
terp.
cap. 23.

ginta dies, & Nimve subvertetur.
Lectionem hanc, & Græcam, in qua
cætat *Adbuc triduum*, æqualiter re-
jicit, atque Augustinum conatum
esse componere hanc litteram, sed nihil
profectu; Theodoretum melius er-
rorem Græcorum Exemplarium non
Interpretibus, sed librariis imputare;
miratum esse Hieronymum
hanc diversitatem, cùm nulla aut
verborum aut numerorum sit affini-
tas. Vossius autem illis omnibus oculo-
rator, affirmat questionem hanc
solvisse Justinum Martyrem, qui in
Dialogo cum Tryphone ista Inter-
pretum verba producens, dicit nu-
meret quadraginta tres: ita ut secun-
dum Vossium, utriusque Codicis
tam Græci quam Ebræi lectio cor-
rupta fuerit, & in Græcis Codici-
bus olim fuerit, non ut vulgò, *in*
triduo *quægeti*, *Adbuc tres dies*; sed *in*
triduo *quægeti*, *Adbuc quadragin-*
ta tres dies. Hæc quidem lectio jam
à Mel-

Melch.
Can. de
Lect.
Theolog.
lib. 11.

à Melchior Cano observata fuerat; sed est monitrosa, utpote quæ conflata ex duplici lectione, nimirum ex Aquilæ & LXX. Interpretum Versione. Rem ita esse deprehendisset bonus Vossius, si ad Dialogum Justini Martyris animum advertisset: nam constat sanctissimum illum Patrem Scripturæ verba hæc infrequenter proferre ex LXX. Interpretum Versione simul & Aquilæ Translatione. Scio in hoc ipso Justini loco etiam legi *ἐν αἰσῶσι τοῖς*, in aliis *τρεῖς*. Sed manifestum est ad dicamentum. Nodum hunc optimè solvit Theodoretus, cujus etiam verba leguntur in Scholiis Romanis. Animadvertit vir ille doctissimus, Aquilam, Symmachum & Theodotionem legisse *παραφραστῶς*, quadraginta, & cum his consentire Syrum & Ebræum: *Συμφωνοῦντες ὁ τῶν τριῶν ὁ Σύρος ὁ ὁ Ἑβραῖος*. Dein, nonnullis interjectis, suspicatur etiam sic ab initio scriptum fuisse in LXX. Interpretum Versione, eosque qui ab initio scripserunt, errasse, quoniam postea error in omnia Exemplaria permanarit. His verbis Theodoretus non solum docet quæ sit germana hujus loci lectio; sed & Vossii sententiam de Ebræis, Græcis & Syriacis Codicebus refellit; cum non dubitaverit omnia Exemplaria Græca ex Ebræo, Syro, Aquilæ, Symmacho & Theodotione corrigere, laudaveritque Syrum Interpretem, qui cum editione Syriaca hodierna, quæ ex Ebræo sumpta est, consentit.

Pergit dein Vossius nugari, Prophetarum enssem iterum distringens. Simonius ei objecerat, extra instituti sui rationem esse, illud omne quod

in Responsione ad Criticam Sacram de Prophetis verbosius adduxit; atque ubi de LXX. Interpretibus agebatur, quos verè Prophetas & divino afflatu inspiratos asserit, multa congeri inutiliter de oraculorum, somniorum, furtorum & similibus interpretibus vel indicibus, qui etiam Prophetæ appellati fuerint: quasi verò de ejusmodi Prophetis instituta fuerit quæstio. Rectè itaque dixit Simonius, Vossium quærere latebras, & ab eo malè redargui Hieronymum, qui scripserit LXX. Seniores Prophetas non fuisse, sed Interpretes. Contendit siquidem Vossius, Hieronymum manifestè contradicere Apostolo, qui pluribus in locis *προφητῶν* sumpsit pro interpretari; Epimenidem Cretensium Prophetam vocari ab eodem Apostolo; secundum Platonem in Timæo & alibi, Prophetas dici cujuscunque veritatis testes. Verum quòtendat ista Vossii garrulitas, tu ipse judicabis, vir optime. Perinde illi est quid scribat, modò scribat. Quando negavit Hieronymus, LXX. Interpretes esse Prophetas, constat eum locutum non fuisse de aliis Prophetis, quàm de iis qui sunt Divino Spiritu afflati. De his Prophetis loquentem Hieronymum debuit refellere Vossius, non verò excurrere inaniter, ac disserere de hominibus furiosis, somniantoribus, Poëtis, aliisque ejusdem generis Prophetis; cum isti Prophetæ Vossiani nihil omnino ad rem faciant.

Quasi satis non fuerit Vossium tot ineptias de Prophetis in Responsione suam ad: Objectiones Criticæ Sacre conjecisse, alias iterum quod

Voss. in
Resp.
ad Obj.
Crit.
Sat.

accu-

accumulat, atque Simonium proprio seipsum gladio jugulasse, quia Hieronymus Pauli verba explicans, affirmat Epimenidem per illusionem & ironiam ab Apostolo vocari Prophetam. Sed videat bonus Vossius, an suo seipsum potius gladio Prophetico jugulaverit, cum inde manifestum sit, nomen Prophetæ esse ambiguum. At Simonius ambiguitatem illam Hieronymo cognitam fuisse indicavit, cum dixit illum vocis istius proprietatem optimè novisse; sed negasse eo tantum sensu illos esse Prophetas, quo nomen Prophetæ à priscis Patribus sumitur, quando LXX. Interpretes appellant Prophetas. Sed pudet me tot ineptias Vossii, totque ejus commenta, quæ nihil ad institutum faciant, retellere.

Jam à Prophetia transit ad Grammaticam Vossius; & quia non solum Prophetæ est, sed & de gente Latina & Latinis Latinior, Simonium arguit, qui scripserit *Vossio latuit*, cum scribendum esset, *Vossium latuit*: quæ in re Despauterianum magis se ostendit Vossius, quàm Ciceronianum: nam Scioppius aliique præstantissimi Grammatici affirmant, Eatinum non esse *latet me*, idemque Scioppius testis in hac materia locupletissimus præfert *latet mihi*; quia locutionis istius exempla non desunt in libris Ciceronis. Verum litem hanc ad Vossianos Magistellos cinctos togâ Professoriâ remittendam esse duxi; quia non placet minuta confectari. Simonius autem Vossio objecerat, ei latuisse quæ ipse Simonius de Hieronymi sententia dixerat. Sed, inquit Vossius, valde mirabitur Vossius, si quidquam

hac de re scripserit Simonius, quod Vossium latuerit. Videtur tamen ignorasse Vossius, quæ Capite 9. Dissertationum Criticarum de Hieronymo illiusque ingenio allata sunt. Si hæc Vossio non sufficerent, paratus est Simonius demonstrare Vossium scèdè trasse non in unius Hieronymi, sed & in reliquorum Patrum testimoniiis recensendis.

Ait deinceps Vossius, carpi se à Simonio, ac si dixerit præcepta Grammatica à Judæis ante sexcentos demum annos fuisse completa, cum nusquam tale quid dixerit; sed puncta vocalia Judæorum non excedere sex seculorum ætatem. Verum quærit effugium Vossius qui duplicem distinxit Grammaticam, quam etiam agnovit Simonius, antiquam unam, novitiam alteram. Hæc cum punctis vocalibus orta est. De prima non disputavit Simonius, sed de altera tantum, cum de punctis vocalibus ageretur. Jam Vossius secutus Morinum in prima Exercitationum Biblicarum parte, existimavit ante R. Judam nullam Judæos habuisse Grammaticam, aut admodum exiguam. Contra hanc Grammaticam declamitat Vossius, eamque novitiam appellat quæ à sexcentis annis nota fuerit. Sed contendit Simonius, hanc cum punctis vocalibus ante annos 900. inventam fuisse. Imò sententiam suam Morinus in posteriori Exercitationum suarum parte retractavit.

Contra autem illud quod scripsit Vossius, in Ægypto Syriæque tempore Apostolorum solam linguam Græcam fuisse vernaculam, quæ exceptat Simonius, præter linguam Græ-

Græcam in Ægypto auditam fuisse linguam Copticam, in Syria Syriacam, in Judæa Judaicam. At regerit Vossius, falli Simonium, cum ne nomen Coptice lingue extiterit antequam Arabes potirentur Ægypto. Verum pace doctissimi Vossii dixerim, eum non magis scire Copticè, quàm Ebraicè & Chaldaicè. De nomine non disputo, sed de re ipsa. Coptici sermonis nomine intelligo sermonem Ægyptiacum qui tunc apud Ægyptios vigeat præter sermonem Græcum. De tempore autem quo Ægyptii appellati fuerint Copti, & eorum lingua Coptica, inutile est disputare, cum id non faciat ad institutum. Dico autem sermonem Copticum sive Ægyptiacum fuisse in Ægypto antequam Arabes potirentur illis regionibus. Verum, sicut sub Græcis Principibus Græcis vocibus auctus fuit; ita sub Arabibus Arabicis vocibus adauctus fuit. Demum postquam lingua Arabica in Ægypto cœpit esse vernacula, paulatim in desuetudinem abiit sermo ille Copticus sive Ægyptiacus, coactique sunt Copti libros suos Copticos in sermonem Arabicum convertere. Id palam testantur Biblia MSS. Copticè & Arabicè descripta. Simili ratione manuscriptorum Liturgiarum sub duabus columnis exaratarum conspiciuntur Arabicè & Copticè. Quod autem subjicit Vossius, ex eo probari linguam Copticam non extitisse antequam Arabes potirentur Ægypto, quòd illa lingua ex Græco & Arabico sermone conflata sit, inutilissimum est: simili enim ratione dixerim novitiam esse linguam Tur-

cicam, quòd in ea multæ sint voces Arabicæ. Constat tamen linguam hanc veterem esse Scythicam, in quam postea multæ voces Arabicæ invecitæ fuerunt. Quod etiam de lingua Persica dicendum est. Si quid concludat Vossius, concludat etiam nullam linguam fuisse Anglicam in Anglia antequam Normani Principes potirentur Angliâ, quia in sermone Anglico complures sunt voces Normanicæ.

Verum distortas conclusiunculas ita amat Vossius, ut vix aliz in suis libris appareant. Sic eadem ratione concludit novitiam esse Syriacam Veteris Instrumenti Versionem, quia Græcis scatur vocabulis; pariter Syriacam Novi Testamenti Translationem nuperam esse, quia in eo infimæ Latinitatis reperiuntur vocabula, quale est illud quod occurrit Matthæi Cap. 27. vers. 65. קסטנרא, *questionarius*. Qui facit omnia belle Vossius, bellus est quoque Criticus, qui eodem argumento conficiet Græcum Novi Testamenti Codicem novitium esse, quia multa etiam in eo reperiuntur Latina vocabula, inter quæ numerari potest illud quod infimæ Latinitatis esse pronuntiat: quippe in Syriaco legendum non est קסטנרא cum ך sive r; sed קסטנרא cum ך sive d: & est ipsa vox *novitium*, quæ hoc ipso loco in Græco extat, sumpta ex Latina *custodia*. Norunt qui Syriacè legere sciunt, nihil prorsus esse discriminis inter ך & ך, sive r & d, nisi quòd ך puncto notetur desuper; idem verò punctum sit infra ך, illudque in MSS. Codicibus interdum abest. Ista autem punctorum con-

Voss. de
Sept. In-
terp.
Transl.
cap. 28.

fusio in libris manu exaratis magnam quoque attulit sensuum confusionem in libris editis, cujus confusionis exempla innumera sunt in Bibliis Polyglottis, quæ primùm Parisiis edita, deinde Londini recocta sunt. Ne autem obijciat Vossius, in voce Syriacæ haberi litteram J sive n, quæ in Græca & Latina non extat, dico solenne esse Syris & Chaldeis litteram istam suis vocabulis adjicere, illiusque additionis infinita esse exempla. Denique illud quod subjungit Vossius, Simonium quoque in eo falli, quod Syriacam linguam Microfolymis vernaculam fuisse dixerit, non expendo, quia plura de hoc postea se dicturum pollicetur Vossius, & ibi sententiam quoque illius de hoc argumento expendam. Nunc ad alia Vossii commenta, quæ his majora sunt, venio.

Dixerat Vossius, Judæorum *ἡ παραδοσις* sive Traditiones ante Justiniani tempora sermone duntaxat Græco concinnatas fuisse, librumque Misnæ è Græco in Ebraicam sermonem circa illud tempus conversum. Hanc opinionem ut portentosam riserat Simonius. Quid ad hæc Vossius? *Caveat Simonius, ne intempestivo risu ipse fiat ridiculus.* Sed tempestivum fuisse risum Simonii, adeoque ridiculum esse Vossium, manifestè ostendunt ea quæ iterum affert idem Vossius, ut sententiam suam defendat. Ille enim affirmat librum *ἡ παραδοσις* sive Traditionum, cujus mentionem facit Justinianus, sermone Græco conscriptum fuisse, quia tunc in Imperio Romano non alia erat lingua vernacula quàm Græca: & quia nunc longè oculatior factus est

Vossius, addit Aquilam primum fuisse Traditionum illarum compilatorem; *ἡ παραδοσις* esse secundam Aquilæ editionem, quæ non tantum sacrorum librorum Versionem continuerit, sed & instructa fuerit Commentariis seu Annotationibus margini adscriptis, quas idem Aquila ex Judæorum Traditionibus compilaverat, *Risum teneatis amici.* Quot verba, tot ineptias effudit bonus Vossius.

Et ut à nomine *ἡ παραδοσις* sumamus initium, sæpe illud occurrit in Patrum tum Græcorum tum Latinorum scriptis, à quibus non alio sensu usurpatur, quàm pro Judaicis Traditionibus. Sic Hieronymus in Epistola ad Abgasiam & alibi passim ait, Judæos suas Traditiones appellare *ἡ παραδοσις*. Similiter Augustinus & alii Patres observant Judæos hac voce suas Traditiones denotare. Idem quoque Patres, qui secundæ editionis Aquilæ mentionem fecerunt, nunquam illam *ἡ παραδοσις* appellant. Verùm ait Vossius, veterem Novellarum Interpretem *ἡ παραδοσις* rectè vertisse secundam editionem. At quid inde confici potest? An ideo secunda illa editio est secunda editio Versionis Aquilæ, quia *ἡ παραδοσις* vetus Novellarum Interpres reddidit secundam editionem? Misnam sive *ἡ παραδοσις* etiam hodie Judæi vocant secundam Legem, seu secundam Legis editionem, quod illa, ipsis referentibus, sit Legis repetitio. Idcirco vetus Novellarum Interpres, qui verbum de verbo expressit, secundæ editionis nomine nihil aliud intelligit quàm secundam Legis Judæicæ editionem: sic enim etiam Judæi vocant suas Traditiones, quas non minùs à

Deo

Deo profectas fuisse existimant, quàm ipsam Moïsi Legem.

Euseb.
Orig.
Hieron.

Nunc ad rem ipsam veniamus. Fierine potuit ut Eusebius, Origenes, Hieronymus, alique Patres qui utriusque Versionis Aquilæ sæpe mentionem fecerunt, ne verbum quidem dixerint de Commentariis illis Aquilæ, quos supponit Vossius illum secundæ editioni suæ adjecisse? Simili argumento utuntur plerique viri docti, imò & ipse Vossius, ut ostendant ante Origenis & Hieronymi tempora non extitisse Chaldaicam Onkelosi Paraphrasim; nec sanè invalidum est argumentum illud: sed longè validius est in præsentî materia, cum agatur de libro qui Græco sermone tunc vernaculo scriptus fuerit: lingua autem Chaldaea perpauca cognita fuit; cum & ipse Hieronymus, qui Ebraicè sciebat, vix Chaldaicè sciverit.

August.

Quod verò ait Vossius, *δὲ παλαιὰ* sive Traditiones ante Justinianum non alio sermone scribi potuisse quàm Græco, quia non alia erat lingua vernacula in toto Imperio Romano quàm Græca; illud non est ad rem, cum ante illa tempora nullus esset Traditionum liber apud Judæos scriptus & editus, ut apertissimis verbis testatur Augustinus, qui ait, *Judæos Traditiones suas non scriptas habere, sed eas memoriter tenere, aliterumque in alterum loquendo illas transferre, quas δὲ παλαιὰ vocant.* Quare inutile est quod ibidem subiungit Vossius, Traditiones Hebræas Hieronymi in Genesim & reliquos Scripturæ libros è Græco translata fuisse sermone. Præterea suo etiam gladio hic seipsum jugulat bonus Vos-

sius, qui ex eo quòd non alia in Imperio Romano audiretur lingua quàm Græca, concludit ante Justinianum Traditiones Judæorum Græcè scriptas fuisse. Si hæc ratio valeat, necesse fuit etiam Justiniani tempore illas scribi Græco sermone, cum tunc lingua Græca fuerit vernacula. Tamen Vossius affirmat Judæorum Traditiones tunc temporis è Græco in Ebraicum sermonem translata fuisse. Sed ridiculus & ipse fiam qui tot ineptias Vossii refellam.

Instat iterum Vossius, aitque Judæos, teste Epiphanio, *δὲ παλαιὰ* Epiphani. sive Traditiones adscribere Rabbi Akibæ; Aquilam, teste Hieronymo, discipulum fuisse Akibæ; adeoque Aquilam collectorem esse Judaicarum Traditionum. *Ad compescendum*, inquit Vossius, *Simonis hæc, ut puto, sufficient risum.* Imò non dubito quin Simonius iterum risum effundat, cum tam lepidum ratiocinatorem audiet. Quæserim à Vossio, cur Epiphanius, qui Mosè, Akibam, aliosque Magistros profert à quibus Judæi Traditiones suas hauserint, Aquilam etiam inter illos non recensuerit, si verum est, ut existimat Vossius, illum eas Græco sermone compilasse & in publicum edidisse; maxime cum Mosès, Akiba & alii, quorum mentionem fecit Epiphanius, Traditiones illas Græcis non vulgaverint?

Si quis autem aveat scire, cur illis temporibus cum lingua Græca in toto Imperio Romano erat vernacula, Judæorum Magistri suas Traditiones Ebraicè scripserint, hæc accipiat Judæi qui *δὲ παλαιὰ* docuerunt, quique eas collegerunt, Ebraicè & Chaldaicè sciebant, ut & plerique Judæi etiam

Hieron.

etiam ætate Hieronymi, qui in Præfatione in Tobiam, quem ex Chaldaico Latinum fecit, hæc habet: *Et quia vicina est Chaldaorum lingua sermoni Hebraico, utriusque lingua peritissimum loquacem reperiens, unius diei laborem attipui, & quidquid ille mihi Ebraicis verbis expressit, hoc ego & accito Notario sermonibus Latinis exposui.* Si quid igitur Judæorum Magistri Traditionum suarum in adversaria retulerint, quod & eos fecisse verisimile est, scriptum fuit Ebraicè vel Chaldaicè; indeque ortum fuit ut Talmudis libri his linguis conscripti fuerint. Constat Doctores Tiberiadis ætate Hieronymi Ebraicè & Chaldaicè fuisse locutos: iidem quoque Magistri Tiberiadenses, qui postea Maforam compilarunt, usi sunt vocibus Chaldaicis.

Expendit postea Vossius nonnulla Scripturæ loca, ex quibus ostenderat Simonius Hieronymum aliquando bene, aliquando malè LXX. reprehendisse Interpretes: at Vossius, qui putat illos etiam Prophetas fuisse, eosdem facit ab omni errore immunes. Verùm quàm feliciter illud Vossio successerit, quia paratus est Simonius demonstrare in libro quem editurus est, in quo Codices Ebraeos & Hieronymi Translationem defendit, non est cur loca ista expendam, maxime cùm Simonius etiam interdum castigaverit Hieronymum, qui non Propheta, sed Interpres fuerit. Dixerim tantùm hoc loco, Interpretem quemlibet, etiam Aquilam, quem omnium Interpretum futilissimum esse Vossius existimat, eadem arte eademque facilitate defendi posse, quàm ipse LXX. tuetur Interpretes.

Objecerat præterea Simonius, Hieronymum longè aliter de lingua LXX. Interpretum sensisse, quàm ipse sentiat Vossius, qui Græcam illam profus esse affirmat, putaque ex verbis Hieronymi scribentis Græcam, quod habent LXX. Interpretes, Ebraicum esse, non Græcum, concludi non posse Versionem hanc Græcam non esse, cùm Evangelia, in quibus complura verba Ebraea occurrunt, non ideo desinunt esse Græca. Verùm, ut & ipse Vossius judicet quàm bene hac in parte cum Hieronymo consentiat, placet doctissimi illius Patris verba afferre ex illius Commentariis in Epistolam ad Galatas. *Verbum δὲ ὁμοκατάλογος, id est, revelationis, propriè Scripturarum est, & à nullo sapientium sæculi apud Græcos usurpatum. Unde mihi videtur, quemadmodum in aliis verbis quæ de Ebraeo in Græcum LXX. Interpretes transtulerunt, ita & in hoc magnopere esse conatos, ut proprietatem peregrini sermonis exprimerent nova novis rebus verba fingentes.* Hæc clara & manifesta sunt, mentemque Simonii de lingua Græca LXX. Interpretum & Novi Testamenti apertè confirmant.

Similiter eludit Vossius Josephi testimonium, qui etiam, referente Hieronymo, testatur LXX. Interpretes solos quinque libros Moisi Græcè reddidisse. Ait nusquam hoc Josephum affirmasse, sed eos dixisse Legem tantùm vertisse, quo nomine tota Ebraica Scriptura intelligi debeat. Noverat Simonius ambiguum esse Legis nomen, nec solum quinque libros Moisi denotare, sed & interdum universam Scripturam. Verùm ex illa ambiguitate nunquam efficit

• efficiet Vossius cum Morino suo, Josephum de folis quinque libris Moſis locutum fuisse. Neque aliter de hoc argumento sentiebant prisci Judæi, quam ipse Hieronymus.

Negat dein Vossius, se unquam scripsisse in libris obscurioribus, veluti Jobi & Proverbiorum, LXX. Interpretes magis accurate se ostendere; cum sciat illos ubique optimorum Interpretum bene fectos esse munere. Verum non aliud Vossio tribuit Simonius, quam quod ipse Vossius scripsit, nimirum hodiernos Interpretes meras promere ineptias, præsertim in obscurioribus Scripturæ libris, integraque se posse ex illis libris adducere capita, in quibus ne unicus quidem occurrit vericulus qui ab illis Interpretibus intellectus fuerit; ac demum concludit Vossius, ubicunque deferuntur LXX. Interpretes, ipsam quoque ibi descri veritatem. Ista sunt quæ voluit refellere Simonius, & in Disquisitionibus Criticis post illa verba, *magis accuratos se ostendunt*, legendum est, *quàm novi Interpretes*; quæ verba omiſsa sunt. Falli itaque putat Simonius Vossium, qui scribit in libris Jobi, Ecclesiastæ, Oſeæ ac similibus, LXX. Interpretes accuratiores esse novis Interpretibus; cum illi sæpe in his libris non solum à vocibus, sed & à sensu receſſerint, ut omnibus qui Græcè & Ebraicè sciunt, statim erit obvium. Placet hîc unum è sexcentis locum proferre etiam in re minimè obscura. Proverbiorum Capite 6: 16. in Ebraicis Codicibus, quos sequuntur Hieronymus, Syrus Interpres & Chaldæus, legimus sex esse, imò septem quæ odit Deus. Ibidem sep-

tem illa quæ Deus odit, enumerantur, quæ Codicis Ebraici lectionem aperte confirmant. In LXX. Interpretibus neque *sex* neque *septem* legitur; idque ex eo ortum est, quòd in suis Codicibus Ebraicis aliter legerint. Ratio autem contextûs & ea quæ consequuntur, hodiernam lectionem præferendam esse docent manifestè.

Quæ autem eodem loco addit Vossius adversus Hieronymum, de Rodanum, nihil omnino ad rem faciunt; cum etiam annotatum fuerit à Simonio in hoc peccasse Hieronymum. Hæc enim sunt verba Simonii in hunc locum. *Non is tamen sum qui ab Hieronymo ita pendere velim, ut etiam illius errores, qui sanè plurimi sunt, approbem.* Quare longè satius fuisset etiam cum Simonio agnoscere in multis quoque errasse LXX. Interpretes, errorumque causas cum ipso aperire. Verùm LXX. Seniores ipsi Vossio sunt Prophetæ, adeoque necesse est eos ab omni errore immunes fuisse. Noverat Simonius etiam ætate nostrâ non deesse Theologos, qui Hieronymum quoque inter Prophetas collocent, quique doctissimi illius Patris errores tuncantur: sed illos, quia non saniori iudicio videntur quàm ipse Vossius, deferuit, iudicavitque secundum Criticæ regulas expendenda esse ea omnia quæ in LXX. Interpretibus carpit Hieronymus tanquam minùs bene translata, maxime cum in pluribus venià dignus sit idem Hieronymus, qui testetur fieri non posse quin peccaverit in multis, fateaturque se nonnulla dictandi celeritate, dum parùm attendit, non bene veruisse. Similiter quis negaverit, LXX. etiam Interpre-

Hieron.

Cep. 24
Numer.

tibus, quia homines erant, multa excidisse. In eo verò quod ibidem subijcit Vossius, perire Prophetiam, si *Agag* legamus, ineptum se ostendit Criticum: ut enim de sensu hujus loci nihil dicam, certum est addi potuisse huic nomini litteram *N*, Aleph, quæ nihil sensus mutet, Sic hoc loco Interpres Arabs Samarita, qui in Codice Samaritico & in Versione Samaritica legit *Gog*, non dubitavit in Versione sua Arabica reponere *Agog*.

Jam ad Caput XVIII. Criticarum Disquisitionum transit Vossius, in quo manifesti illius errores circa Origenis Hexapla castigati fuerant: cumque nihil solidi habeat quod respondeat Simonii objectionibus, eandem promittit eloquentiam, verbisque pugnat, non rationibus. Ait monitum à se fuisse Simonium ut caveret ab Epiphonio sibi ipsi contradicente, & ab aliis qui cum secuti fuerant. Verum Simonius longè satius esse existimavit Epiphonio testi oculato credere, qui Tetrapla & Hexapla vidit, quam Vossio somnianti. Falsum quoque est hac in re sibi contradixisse Epiphanium. Quia verò totus ab aliis pendet Vossius, qui ne quidem à limine Patres salutavit, Simonium ad Henrici Valefii annotata relegat. Sed non ignoravit Simonius quid ea de re à doctissimo Valefio scriptum fuerit, qui à Vossii sententia alienus est: probat enim Epiphonii & Rufini testimoniis, in prima columna verba Ebraea Ebraicis litteris posita fuisse, & in secunda columna eadem verba Ebraea Græcis litteris fuisse descripta.

Negaverat Simonius, Origenem

unquam cogitasse de Codice Samaritarum suis Hexaplis inferendo, idque firmissimis rationibus probaverat. Quid ad istas Vossius? Nihil præter voces, phrasas phrasibusque accumulans dat quidem sonum, sed sine mente. Si quis, inquit, causam querat quamobrem pulchra istiusmodi nugamenta commentus fuerit P. Simonius, nullam profecto aliam invenies, nisi ut excluso Samaritico sua concinnaret Oðapla. Sed cur ineptiens Vossius inutiliter ærem diverberat? Respondeat Simonii rationibus quibus Oðapla adstruxit. Pollicitus fuerat ipse Vossius, novam & hæcenus inauditam Hexaplorum Origenis dispositionem se demonstraturum: cur igitur promissa sua non exsolvit? Similiter ante annos viginti pollicitus quoque fuit se instauraturum aliquando Versionem LXX. Interpretum, in quam, adulterinis separatis, veterem & genuinam reduceret scripturam: sed prius veniet Elias Talmudicus, quam promissa sua exsolvat bellus iste LXX. Interpretum Versionis restitutor.

Instat, aitque clara esse Eusebii verba, cum dicit Origenem sibi comparasse ea Ebraica Exemplaria quæ prototypis Ebraeorum descripta essent literis, id est, referente Vossio, Samariticis. Clara quidem sunt & manifesta Eusebii verba: sed quia aperte destruant commentitia Vossii Hexapla, juvat illa proferre ut exstant in Eusebii editionibus. De Origene sic loquitur Eusebius, *Τον αὐτὸν ὁ ἱερογλωττὴς Ὀρηνίου ἦ ἦσαν ἁπλῶς ἐκλεξάμενος ἐκ τῶν αἰσθητῶν, οὐ καὶ τῶν ἑβραίων γράμματος ἐμπαδόντα* τὸ π

Euseb.
Hist. Ec-
cles.
lib. 6.

ἡ τοῖς Ἰουδαίοις ἐμψροθυμία πρὸς τὸν αὐτοῖς Ἑβραϊστὶν γράμματα γράφειν ἢ ἴδιον νόμον. Τάντων cura ac diligentia in divinorum librorum accurata inquisitione adhibuit Origenes, ut *Ebraicam etiam linguam didicerit, & prototypas quae apud Judaeos erant Ebraicis literis Scripturas sibi comparaverit.* Ista Eusebii verba luce meridianâ clariora sunt, atque manifestè ostendunt Origenem in concinnandis suis Hexaplis vel Octaplis, non aliis usum fuisse Codicibus Ebraicis, quàm illis qui tunc circumferebantur apud Judaeos. Verùm qui nova facit omnia Vossius, qui novum fecit Aquilam & nova Hexapla, novum jam fingit Eusebium, & sine ullo Codicis manu exarati auctoritate sic legenda esse Eusebii verba existimat: *Τὰς τε ἡ τοῖς Ἰουδαίοις ἐμψροθυμία πρὸς τὸν αὐτοῖς Ἑβραϊστὶν γράμματα γράφειν ἢ ἴδιον νόμον.* quasi sensus sit Origenem illas sibi comparavisse Scripturas quae prototypis Ebraicorum literis essent exaratæ. Prototyparum autem literarum nomine apud Eusebium Samariticis characteres intelligit Vossius. Sed nugæ profectò agit, qui ex præsumpta suspitione, ac sine ulla Codicis MSS. auctoritate receptam lectionem mutare audeat contra ipsius Eusebii mentem. Non animadvertit Vossius, Eusebium manifestè loqui de characteribus Ebraeis quibus tunc uterentur Judæi: quippe dixit ἡ τοῖς Ἰουδαίοις; minimè verò ἡ τοῖς Σαμαρείταις. Sic idem Eusebius in Chronico, ubi Samaritarum Exemplaria distinguit à Samariticis, vocat Judaicum Exemplar τὸ ἡ τοῖς Ἰουδαίοις Ἑβραϊστὶν.

quod apud Judaeos est Ebraicum; Samariticum verò τὸ ἡ τοῖς Σαμαρείταις Ἑβραϊστὶν, quod apud Samaritanos est Ebraicum. Nemo itaque sano præditus judicio existimaverit Eusebium his verbis ἡ τοῖς Ἰουδαίοις, Ebraicos Samaritarum Codices denotare voluisse.

Pergit dein Vossius verbis pugnare, non rationibus. *Adone*, inquit, *ineptus fuit Eusebius, ut postquam dixit Ebraicam quoque linguam addidicisse Origenem, tanquam rem magnam addat illum quoque Hebraicum sibi comparasse Exemplar ubique inter Judaeos obryum?* Non ineptus sanè fuit Eusebius; sed ipse ineptus est Vossius, qui clara Eusebii verba conatur obscurare. Affirmat Eusebius, Origenem non solum à Judæorum Magistris linguam Ebraicam addidicisse; sed etiam Ebraicum illorum Exemplar sibi comparasse, ut illud suis Hexaplis infereret. Quæ verba luce meridianâ clariora sunt. Tunc prisci Ecclesiæ Patres Græcam Aquilæ Interpretationem, quam ille verbum de verbo reddens accuratius ex Ebraicis fontibus expresserat; Ebraicum Codicem appellabant. Deinde, quando hæc scripsit Eusebius, attendebat etiam ad Ebraica Exemplaria, quæ tunc à plerisque Ebraicis nescientibus Græcis literis expressa legebantur.

Iterum Simonio Vossius objicit, illum de Origene contraria dixisse, quasi Origenes de Ebraico Samaritarum Codice nunquam cogitaverit, qui tamen illi non fuerit ignotus. Sed imponit Vossius Simonio, qui faceret quidem Ebraicum Samaritarum Codicem non ignotum fuisse

Ori-

Euseb. in
Chron.

Origeni; sed addit, de illo suis Hexaplis inferendo ne per somnium quidem unquam Origenem cogitasse? cujus rei fidem faciunt jam allata Eusebii verba. Præterea Origenes Judæos habuit præceptores, non verò Samaritas; idemque Origenes de Judæis præceptoribus suis, à quibus linguam Ebræam & alia multa didicerat, interdum loquitur, nusquam verò de Samaritis. Quare ea omnia quæ ibidem subjungit Vossius de Africano & de prototypis Samariticis literis, vana sunt, neque quidquam ex ipsis conficiet Vossius, nisi novum etiam cudat Africanum. Per me licet ut Africanus fuerit vir linguæ Syriacæ, Chaldaicæ & Arabicæ peritissimus: inde tamen nihil consequitur quod Vossii commentum de prototypis literis & Codice Samaritico Hexaplis Origenis inserto stabiliat.

Africanum, Origenem, aliosque Patres nomine Codicis Samaritici, è quo nonnulla in suos libros transtulerunt, intellexisse Græcam Ebræi Samaritarum Exemplaris Translationem; affirmavit Simonius: sed quia Versionem hanc Græcam Samaritarum non agnoscit Vossius, negat pariter Patres illam consuluisse, putaque Africanum & Origenem legisse ipsummet Codicem Ebraicum Samariticis literis exaratum. Verum ipsemet Origenes, qui Ebraicè doctus fuit, si quando de Samaritarum literis loquatur, non ex illorum libris, sed ex ipsismet Judæis quærit testimonia. Sic Cap. 9. Ezech. vers. 4. ubi in Græcis Codicibus legitur *enqior*, & in Ebraicis 17, observat se didicisse à quodam

Ebræo, sed qui Christianus factus fuerat, in antiquis characteribus literarum Thau cruci similem esse, De Samariticis literis loqui Origenem, quas *τὴ δὲ γὰρ γρηγία* appellat, nemo negat. Qui igitur fieri potuit ut dilectus ille Africanus filius (sic Origenem Vossius appellat) ab homine Ebræo didicerit quæ esset literæ Thau apud Samaritas figura, si illorum Codices Samariticis literis descriptos habuerit?

Iterum Vossius imponit Simonio, quasi scripserit miserè hallucinatum esse Justinum Martyrem, qui Versionem Græcam Aquilæ crediderit ipsum esse Ebraicum Exemplar. Verum hæc sunt Simonii verba: *Justinus Martyr disputans contra Tryphonem Judæum, Græcam Aquilæ interpretationem donat nomine Contextus Ebrai*; additque Simonius, Vossium ad hoc & ad alia ejusdem rationis plurima non attendisse: quomodo enim ad ista attendere potuisset bonus Vossius, qui in referendis Patrum testimoniis summam præ se fert inscientiam. Jam non solum Justinus, sed & alii Patres Versionem Græcam Aquilæ donant nomine Codicis Ebraici; Judæique ipsi præcis illis Ecclesiæ temporibus qui Græcas novebant literas, non aliter loqui solebant in suis disputationibus cum Christianis. Quippe his obicientibus LXX. Interpretum verba, sæpius respondebant aliter esse in Ebræo, id est, secundum illos, in Græca Versione Aquilæ. Videat igitur Vossius, quàm ineptè his verbis sibi applauscrit, *Nos scimus non Justinum, sed Simonium miserè hallucinari, & non intellexisse verba hujus Martyris*. Hallu-

cina-

cinatum fuisse Iustinum hac in re nunquam scripsit Simonius; sed Vossium Iustini Martyris verba non legisse, adeoque mirum non esse si tam recte erraverit.

Nunc ad solitas relabitur ineptias Vossius, scribitque Simonium ista omnia commentum fuisse, ut evinceret Hexapla non à sex appellata fuisse Versionibus; sed ea verè fuisse Octapla, & sic dicta fuisse ab octo columnis. Nihil hac in re commentus est Simonius, qui Eusebium, Epiphanium ac Rufinum oculatos testes secutus fuerit: sed ipse potius nova commentus est Hexapla Vossius, quæ Samariticum etiam Exemplar continerent. Quod verò Hexapla à sex columnellis sic dicta fuisse existimet Simonius, non illud commentus est; sed à Rufino teste oculato accepit, qui scribit Origenem in propriis paginis sive columnellis editiones singulas descripsisse. Jam cum fuerint in illis Origenis Exemplaribus octo columnæ sive paginæ, ex his columnis sive paginis sua Octapla rectè confecit Simonius.

Dg eo autem quod ait Vossius, Simonium semper paginas illas vocare columnellas, non columellas, sileo; quia utrumque Latinum est, neque judicavit hac in re castigandum esse Rufinum qui columellas dixit, vel, ut quibusdam placet, columnulas. Sed cum disertulum Vossium deficiant rationes, de verbis disputat. Supponamus etiam cum Vossio, Hexapla sic dicta fuisse à Versionibus, non à columnis; quid inde concludet adversus Simonii Octapla, si constat Codicem Ebraicum literis Ebraicis in prima columna, &

cumdem Græcis literis in secunda columna expressum fuisse? quæ duæ columnæ, si Hexaplis sive sex Versionibus addantur, haud dubiè Octapla efficiunt. Sive igitur Hexapla à sex Versionibus, sive à sex columnis sic dicta fuerint, perinde est; quia Versio quælibet columnam unam occupabat. Præterea Codex Ebraeus tanquam *idazq* seu fundamentum, Ebraicis & Græcis literis descriptus in duabus columnis continebatur, fateaturque ipse Vossius, Origenem priores columnas appellasse τὴν *Ebræicam idazq*, tanquam fundamentum omnium Versionum. Itaque necesse est Vossium etiam invitum recipere Petavii Jesuitæ doctissimi schemata, in quibus Tetraplorum, Hexaplorum & Octaplorum dispositionem rectè exhibuit. Etsi enim Ebraeus Codex Ebraicis & Græcis literis expressus non venter in censum Versionum, venit tamen in censum editionum, quas in propriis paginis sive columnellis descriptas fuisse affirmat Rufinus; quæ cum octo fuerint, ex his necessariò Octapla confecta sunt.

Jam quis non miretur Vossium, postquam errores erroribus accumulavit, suis verbis sibi applaudentem? Longè rectius fecerit P. Simonius, si missis tot errorum ambagibus, desinat vexare antiquorum Patrum scripta, illosque admittat sensus qui primo statim sese offerunt aspectu. Egregius sane declamator est Vossius, qui non Simonium his verbis, sed seipsum ingeniumque suum graphicè depinxit. Eusebii siquidem verba, eodem quo in omnibus editionibus leguntur exponunturque ab Inter-

pretibus, attulit Simonius. Contra Vossius Eusebii verba sine ullius Codicis manu exarati auctoritate mutare ausus est, & eaque explicare contra manifestum ipsius Eusebii sensum.

Ab Eusebii Historia ad illius Chronicum provocaverat Vossius: at ostendit Simonius, neque etiam Eusebii Chronicum illi favere, idque demonstravit allatis Chronici Eusebii verbis. Jam quid ad hæc Vossius? Nunc provocat ad Syncellum, atque Simonium decurtata Africanani verba è Chronico Eusebii produxisse. An Africanani verba decurtaverit Eusebius in Chronico ignoro: scio tamen Chronici illius verba, ad quæ Simonium Vossius remisit, ipsi esse manifestè contraria.

Sed pergit Vossius. Syncellum debuit consulere Simonius, quem non videtur legisse. Simonio difficile non fuit legere Syncellum, qui in omnium manibus versatur Græcè & Latinè editus: eum quidem legit ac perlegit, neque in eo quidquam deprehendit quod Vossii commento de Hexaplis faveat, nisi novum ipse Vossius eudat Syncellum, sicut novum finxit Eusebium.

Georgius
Syncel-
lus.

Jam ut de Syncello etiam aliquid dicam; ille referens Chronologiam ex Codice Samaritarum, testatur se illam ex Eusebio sumpsisse, & illius exemplo Samariticum Codicem appellat τὸ πρῶτον Σαμαριτικὸν Ἑβραϊκόν. Addit Judæos etiam sateri Codicem Samariticum verum esse & primigenium, descriptumque literis quæ à Judæis discrepant, Ἀρχαῖότερον ἢ τῆς ἡμετέρας Διαβόλου, ὃ ἢ ἀληθινόν ἢ πῶτον Ἑβραϊκὸν καὶ Συμαρι-
ticum.

γῆσι. Jam nemo sanus præditus judicio ex his verbis & similibus conficiat Africanum & Origenem Codices Samariticos literis Samariticis expressos consuluisse, & hunc illos in sua Hexapla conjecisse. Sed indicavit tantum Georgius Syncellus, Samaritas uti Codicibus Ebraicis veris ac primigeniis, non secus ac Judæos; quod didicisse videntur Africanus, Origenes & Eusebius ab ipsis Judæis, ut & ipsa Syncelli verba innuunt, non lectis tamen ipsis Codicibus Samaritarum Samariticis characteribus expressis; quo etiam modo ipse Vossius Codicis Ebraici Samaritarum mentionem interdum facit, quem tamen nunquam legisse videtur, adeo turpiter errat in referendis illius verbis, Latinà ejusdem Codicis Versione deceptus. Præterea Origenes, uti jam supra annotatum fuit, nihil de figura literarum Thau apud Samaritas pronunciat, nisi ex relatione Judæorum. Quando igitur Africanus, Origenes & Eusebius laudant Samaritarum Codices, laudant tantum Græcam Samaritici Exemplaris Versionem, quæ à Samaritis ipsis ex Libro condita fuerat. Simili ratione, quando Patres Syrorum laudant Interpretem, Græca tantum Syriacæ Versionis laudant Exemplaria, non autem ipsamet Syriacæ Syriacis expressa literis. Sed ad hæc & alia ejusdem generis plurima nunquam advertit bonus Vossius: satis illi fuit quasi ex suggestu declamare, & in eos qui non idem, quod ipse, sentiebant, caninam suam eloquentiam promere. Jam Vossio triumphanti applaudant Magistelli illi quos ipse aëlios & stupidos appellat,

pellat: nemo enim verè doctus unquam ipsi applaudit.

His præterea addit Vossius, Simonium dixisse Aquilam ad amussim Ebraica reddidisse; quod nemo unquam Christianus dixit. At de Aquila nihil Simonius dixit, quod non jam antea ab Origene, Eusebio, Hieronymo & aliis Patribus dictum fuerit, qui animadverterunt Aquilam *μετάφρασις καὶ ἀκριβὴς* Sacros Codices transtulisse. Idemque Simonius ostendit quomodo etiam *καὶ ἡ ἑβραϊκή* Interpretis à Patribus damnata fuerit; adeoque de Aquila nihil dixit Simonius quod ab ipsis Patribus non hauserit.

Non capit etiam Vossius quomodo Origenes, referente Simonio, Hexaplorum opus sub unam repræsentaverit lineam, cum opus dextrâ sinistrâ, sursum deorsum penè infinitis constaret lineis; atque Simonio autor est ut pleraque istas de Hexaplis & Tetraplis observationes mittat in crucem. Verùm mirificus iste homo aurem profectò habet latravam, qui ea non capiat, quæ tam clara & manifesta sunt. Opus Hexaplorum sub una fuisse linea dicitur à Simonio, quia singulæ editiones, quæ in propriis paginis sive columnellis, ut loquitur Rufinus, descriptæ erant, sibi invicem ita erant oppositæ, ut *σὺν τοῖς στίχοις*, sive lineæ lineis, versiculi versiculis responderent, ut faciliori negotio committerentur. Autor verò sim facitissimo Vossio, ut lectâ hâc Hieronymi à Sancta Fide responsione, scipsum cum novis suis Hexaplis mittat in crucem, sicque cum illis faciat longum.

Transit postea Vossius ad ea quæ Simonius in illius scripto de Sibyllinis Oraculis castigaverat. Miratur quòd cum Simonius tam malè se defendat, alienæ tamen opem ferat nequitia, & patrocinetur nebuloni, sic enim virum Ebraicè doctum appellat maledicentissimus Vossius, qui solet, cum nihil habet quod respondeat, maledictis pugnare. Sed ad rem ipsam venio. Agitur de verbis Hieronymi, quæ Theologus ille ex Quæstionibus doctissimi illius Patris in Genesim produxerat, quæque ab eo nequissimè perversa contendit Vossius, qui putat pro *apponunt*, ut in libris editis habetur, legendum esse *apponunt*, ut in quibusdam Exemplaribus MSS. se legisse testatur. Ob hanc causam clamat Vossius, atque hominem istum fatuum esse, Semirabbinum & insignem nebulonem, qui verba Hieronymi pervertit. Jam absit à Simonio ut bonum Vossium falsificum appellaverit; sed eum monuit amico animo, ut sibi caveret ne ipse à Semirabbinis istis in jus vocaretur tanquam falsificus, qui verba Hieronymi à se minimè intellecta perverteret. Contendit itaque Simonius, in verbis Hieronymi legendum esse *apponunt*, uti legit nebulosus iste Vossianus cum Erasmi & Marii Victorini editionibus, qui longè plures Codices MSS. Hieronymi versarunt, quàm ipse Vossius, maxime cum, si legatur *apponunt*, verba Hieronymi vix ullum sensum admittant.

Jam quid ad hæc Vossius? Opponit nonnullos Codices manu exaratos, in quibus constanter legerit *apponunt*. Objicit præterea Simonio,

C 2

cum

eum nulla unquam inſpexiſſe Exemplaria Hieronymi manu exarata. Sic miris modis ſibi applaudit Voſſius, etiam cùm ineptit. Sciat igitur Voſſius, Simonium complures evolviſſe Hieronymi Codices MSS. ſed ferè nullos inveniſſe qui bonæ notæ fuerint, etſi magnam præ ſe ferrent antiquitatem: cùm enim Hieronymi Græcis Ebraicſque vocibus abundet, multaque ſint in eo reconditæ eruditionis, hinc factum fuit ut ſcribæ in deſcribendis Hieronymi operibus ſapè laſpi fuerint. Sic in loco de quo agitur, præter vulgatam lectionem *appungunt*, Exemplaria manu exarata quæ legit Simonius, duas alias lectiones exhibent, nimirum *apponunt* & *adjungunt*. In omnibus tamen Codicibus MSS. conſtanteſ legiſſe *apponunt*, teſtatur Voſſius. In hac lectionis varietate quid faciat Criticus ut veram lectionem ſeligat? Attendit ad materiam quam iſto loco tractat Hieronymus, & quia illa Rabbinica eſt, vetuſtos recentioresque Rabbinos conſulit. Tunc in illis omnibus deprehendit eandem quæ in Hieronymo legitur annotationem, ſcilicet in dictione **בְּקוֹדֶשׁ** *appingendum* eſſe punctum deſuper. Inde conſicit in Hieronymo legendum eſſe *appungunt*, non verò *apponunt*, neque *adjungunt*. Sed quia Voſſius argumentum Rabbinicum quod ibi tractat Hieronymus ignorat, mirum non eſt ſi monſtroſam lectionem in Hieronymi Codicem invexerit, perverteritque doctiſſimi illius Patris ſenſum.

Clara itaque ſunt & aperta quæ hic obſervavit Hieronymus, eadem quæ omnino atque illa quæ dudum Ju-

dæi ex paterna Traditione in ſuis Codicibus retinent. Unde annotavit Maſora, hoc punctum locis quindécim in libris Moſis occurrere. Ea verò quæ iterum adiecit Voſſius ut pravam lectionem defenderet, inepta ſunt & abſurda. Benè igitur Simonius monuerat Voſſium, ut priùs tranſiret in caſtra Semirabbinorum, quàm de illorum rebus parum ſibi cognitis iudicium ferret. De punctis enim quæ vocant irregularia, agi hoc loco, nemo ſani iudicii negaverit. At Voſſius rogat Simonium, ut explicet ſenſum verborum Hieronymi, prout ab iſto nebulo depravata ſunt, qui non dubitavit affirmare, Hieronymum ibi mentionem ſeciſſe punctorum regularium. Verùm de eo quod ex verbis Hieronymi concludit Voſſianus iſte nebulo, nunquam diſputavit Simonius, qui ſciat Judæos & Hebræiſtas non minùs quàm Voſſium ineptire; ſed de genuina verborum Hieronymi lectione litem ſolùm intendit, quam putat ſe demonſtraſſe. Ipſe quoque eodem loco animadvertit irregularia ejuſmodi puncta nihil proriùs facere pro tuendis punctis regularibus, quæ conſtat Hieronymo eſſe poſteriora.

Simonius riſerat Voſſium, qui de Rabbis ipſe nequidem Semirabbinus iudicium ferre auſus fuerit. Nunc factus Rabbinista enſem Rabbinicum diſtringit & ærẽm diverberat. Carpit Simonium, qui innixus auctoritate Saadiaz Gaonis, probaverit non à ſexcentis, ſed à nongentis annis uſurpata fuiſſe à Judæis puncta vocalia. Reſerit Saadium ſloruiſſe ante annos 756. quæ ſumma mul-

tum

Græſ.
19:33.

tum abest à nongentis. Recta quidem est boni Vossii computatio, sed incepta illius ratiocinatio: hæc enim sunt verba Simonii. *R. Saadias Gaon librum scriptum de re Grammatica sub annum 900. in quo de punctis vocalibus, quæ longè ante illius tempora apud Judæos in usu fuerant, disputat.* Si igitur primus punctorum repertor non fuerit ille Saadias, sed ea tantum collegerit quæ dudum à suis patribus edita fuerant, facile erit nongentorum annorum summam attingere.

Jam liberalior factus bonus Vossius ait, *Libenter dederim istos tempore innotuisse puncta Rabbini;* (hoc tamen antea negaverat) verum addit id non esse quod quaeritur, sed quando puncta vocalia Scripturis apponi cœperint. Petit igitur à Simonio, ut ostendat aut indicet unum tantæ vetustatis Exemplar cui apposita fuerint puncta. Deinde ait se in sola Christianæ Suedorum Regine Bibliotheca plures quàm septingentos numeravisse Codices Ebraicos manu exaratos. Rectè dixit se tot Codices numeravisse; quæ etiam ratione librorum suos numerare solent Bibliopola, non legere. In tanta autem libraria suppellectili, referente Vossio, nullus comparebat Codex Ebraicus quadringentis, aut ut plurimum quingentis vetustior annis cui puncta adscriberentur vocalia, uno excepto, qui contineret quidem vocales, sed alio annotatas atramento. Neque sanè id mirum videbitur iis qui sciunt non comparere hodie Codices apud Judæos qui ante quingentos vel sexcentos annos descripti fuerint. Denique his subjungit Vossius, libros illos

magna ex parte ad illustrissimi Colberti Bibliothecam migrasse, certumque se esse, si qui ad illam se conferant, facile sibi ipsi assensuros, dummodo in tractandis membranis non rudes & parum exercitati fuerint. Ne autem bono Vossio desint plausores, sibi primus applaudit, atque, *Accipiat hac P. Simonius quomodocunque placuerit, videat, indigneatur, faciat quidquid velit.* Miror profectò belli istius Critici audaciam, qui tamen non aliam habeat librorum Ebraicorum cognitionem, quàm illam quam habere soleant Bibliopola. Verum singula ista excutiamus.

Non tot quidem Codices Ebraicos numeravit Simonius, sed longè plures legit quàm Vossius, ad eosque animum advertit, ne magis Bibliopola videretur quàm Criticus. De hoc enim argumento & expensis à se Codicibus Ebraicis manu exaratis scripsit ante annos septemdecim sapientissimo Magistro Claudio Cappellano Doctori & Socio Sorbonico, editaque est illius Epistola, in qua demonstrat vetustos Judæorum Codices sine punctis vocalibus plerosque descriptos fuisse, in quos postea puncta illa vocalia à Judæis ipsis injecta fuerint, multisque locis calligatos fuisse, ut illi cum Masorethicis perfectè consentirent, crasis scilicet literis Van & Jod quæ ipsis videbantur superflua. Tunc Simonius Ebraica Judæorum Exemplaria MSS. non numerabat, sicuti Vossius, sed expendebat. Jam nihil ex his potest confici quod Vossii sententiæ faveat, quia constat, ut rectè à Simonio observatum fuit, etiam hodie multa superesse monumenta, quæ ostendunt jam ab illa ætate, de qua



lis mota est, Sacri Codicis verba à Judæis cum punctis vocalibus lecta fuisse, etsi puncta illa raro Codicibus adijcerentur, non solum quia difficile erat & laboriosum tot minutias describere; sed & quia ista Exemplaria sic descripta à perpaucis hominibus comparari poterant. Illa autem quæ supersunt monumenta, & ex quibus patet jam ab illa ætate lectum fuisse cum punctis vocalibus Ebraicum Codicem, sunt Rabbino- rum libri, maximèque Grammatico- rum, qui in suis libris voces Contextus Biblici punctis vocalibus notatas referunt, iidemque, si quæ sit lectionis diversitas circa illas vocales, ex Codicibus antiquis illam sedulo annotant. In Bibliis quoque manu exaratis interdum ad marginem referuntur lectiones Codicis Rabbi Hillelis circa vocales. Scio quidem non tantam Hilleli tribuendam esse antiquitatem, quantum illi vulgò tribuunt Judæi & plerique Ebraistæ, ut firmissimis rationibus probavit ipse Simonius: verum constat illum vixisse saltem ante annos quingentos, ut ex Rabbiniis qui eum laudant, demonstrare facile est. R. Davidis Kimhi Lexicon Scripturæ Sacræ voces punctis notatas exhibet, & aliquas varietates lectionis circa vocales complectitur ex vetustioribus Codicibus MSS. desumptas. Quid dicam de Rabbino- rum Judæ & Jonæ Lexicis sermone Arabico conscriptis, in quibus eadem licet animadvertere? Rabbi autem Judam ante sexcentos annos vixisse non diffitetur Vossius. Sileo de Saadia Gaone, qui etiam, teste Vossio, ante annos 756. floruit; cum ante illius tempora ipsi Masoretæ, qui

plures fuerunt, Codices habuerint punctis vocalibus notatos, ad quorum Exemplarium lectionem R. Menahem de Lonzano & alii Judæi Critici cæteros Codices castigandos esse existimant.

Argumentum autem quod sumit Vossius à Græcis qui habuerint accentus ante bis mille annos, cum tamen nullus inveniatur Codex Græcus accentibus notatus qui non mille annis sit recentior, nihil omnino facit ad rem; quia de Ebraicis, non de Græcis, disputamus: Ebraica autem ex libris Judæorum, non Græcorum, petenda sunt. Tamen difficile non fuerit offendere etiam hodie Codices Græcos extare, qui ante annos mille accentibus notati fuerint. Sed non placet in ea excutere quæ sunt à proposito aliena. Quare etiam de tempore quo Alcorani Exemplaria punctis vocalibus notari cœperint, sileo; cum de libris Judæorum in præsentia tantum agatur. His id unum addam; Vossium rudem planè esse & in tractandis Judæorum membranis parùm exercitatum, qui testimonio Menasse Ben Israël & aliorum duorum Rabbino- rum probet, in Exemplari Ebraico Regiæ Suedorum vocales alio atrimeto notatas fuisse. Frustra querit horum Rabbino- rum auxilium Vossius, qui si rei criticæ peritus fuisset, ex ipsismet Judæorum Codicibus facili negotio probasset, alios sæpe scribas esse qui Codices exarent; alios qui puncta vocalia illis adjiciant, uti judicare licet ex literis Vau, Jod & similibus, quæ erasæ sunt ab iis qui vocales addunt Exemplaribus, uti leguntur in Masorethicis Codicibus.

Inter-

Interdum etiam in fine Codicum leguntur eorum nomina qui Exemplaria descripserint, & illorum qui vocales in eadem Exemplaria invexerint, notatis etiam interdum scriptio- nis temporibus. Sed Vossius, qui Codices tantum numeravit, non legit, ista & alia bene multa quæ ad Judæorum Criticam pertinent ignorat.

Iterum objicit, Simonium cavil- lari, suæque verba pervertisse, ac si puncta Ebræorum ex Bombergi offi- cina primum prodierint scripserit. Non cavillatur Simonius; sed ipsum pudet Vossium tot ineptias commen- tum fuisse, quas in Simonii postea cavillationes rejicere conetur. Hæc enim ipsa sunt Vossii verba in Episto- la quæ illius Opusculo de Sibyllinis Oraculis præmittitur. *Vocales seu puncta quæ primum Venetiis ex Bom- bergi officina in lucem prodierunt, illa ipsa sunt quæ Christiani Rabbiniſta tan- quam celitus delapsa suspiciunt.* Illi tamen Christiani Rabbiniſta diu ante Bombergianas Bibliorum editiones legebant Biblia punctis vocalibus & accentibus notata, qualia prodierunt Brixia anno 1494. Quia verò in fingendis commentis totus est Vos- sius, fingit etiam Judæos per integra tria vel quatuor secula inter se con- fluxisse, dum alii sic, alii aliter in- ducendas esse vocales contenderunt, donec tandem Bombergus litem istam diremisset. Sed quæſierim à bono Vossio, an novam habeat Bibliothe- cam Rabbinicam, unde ingentem illum Rabbiorum conflictum hau- serit.

Pergit nugari Vossius, probatque Bombergum verè dilapidasse patri-

monium suum in alendis aliquot Ju- dæorum centuriis. *Rideat, inquit, Simonius istas ades (Bombergi) perinde ac adiculas LXX. Interpretum in Pha- ro: temperasset tamen ab inepto risu, si Leonem Juda Mutinensem hæc coram referentem audisset.* Risit quidem Si- monius, iterumque ridet, non quid- dem Bombergi ades, sed Isaacii Vos- sii nugas, qui tot ineptias referat. Bombergum autem dilapidasse patri- monium non negavit Simonius; sed ineptienti Vossio respondit, illud non facere ad institutum, nec posse affctri nisi ab homine qui ineptias ineptiis accumulet: hæc enim sunt verba Simonii. *Utrum in alendis Judæorum quos conduxerat Bombergus centuriis patrimonium dilapidaverit, uti contendit Vossius, non anquiro, ne- que de hoc nunc agitur negotio.* Cur igitur eadem regerit Vossius, quæ non esse ad rem jam objecit Simo- nius? Rem autem ita se habere pro- bat iterum ex nugatorio libello qui sub Scaligeranorum titulo editus est, ex quo hæc refert bonus Vossius. *Bombergue qui étoit d'Anvers, & du- quel le fils est venu à Venise, & là a tout consommé son bien, a si bien im- primé les Livres Hebreux. Les Juifs corrigeoient & presidebant à l'imprime- rie. Il a imprimé des Livres pour plus de quatre millions d'or.* Sed ista quam appositè allata fuerint videat ipse Vossius; nisi quòd tam ingenti pecu- niæ summæ inhiat, quia Bomber- gum inter suos progenitores nume- ret. Si quis igitur velit causam scire cur Vossius Judæos & eorum sequaces tot maledictis laceſiverit, hæc acci- piat. Verpi illi pingue Bombergi progenitoris sui patrimonium con- sumpe-

Voss. in
Epist. ad
Thom.
Brun.

sumpserunt. Dignus sane miseratione est bonus Vossius, cuius patrimonium ita amplum Judæi dilapidaverint.

Jam ad Ignatii locum, qui sumptus fuit ex illius Epistola ad Philadelphenses, venio, ex quo posse ostendi tempus quo primum Ebraici Codices corrumpti cœperint, Vossius existimat. Sed quàm fœdè etiam in hoc à Vossio erratum fuerit demonstraverat Simonius, ipsius Ignatii mentem verbis illius claris & apertis explicans. Nunc Vossius Ignatii sensum conatur obscurare. Miratur Simonii supinitatem, qui cum se Criticum profiteatur, spurii Ignatii verba adduxerit; assertque Vossius ipsa Ignatii verba, ut concipiuntur in Codice Florentino, nec quidquam in illis mutandum esse affirmat. Sed quàm feliciter hoc negotium illi succedat, juvat expendere.

*Ignatius
Martyr.*

Simonius Ignatii verba non quidem omnino ut extant in Florentino Codice, qui manifestè hoc loco corruptus est & obscurus, protulit; sed ex interpolato Codice, qui isto loco interpolatus non est, imò simplicior est Florentino, & vetustam lectionem magis referens. Interpolatum enim Epistolarum Ignatii Codicem in omnibus interpolatum esse nemo dixerit, ne quidem ipse Vossius. Existimavit igitur Simonius, hic Florentinum Codicem, qui multum præ se fert obscuritatis, corrigendum esse ex alio Codice qui simplicior est, cujusque verba clara sunt; cum ipse Vossius hoc ipso loco legendum putet *ἀρχαίως*, ut habet Codex interpolatus, non verò *ἀρχαίως*, ut extat in Codice Florentino. Melior est, inquit Vossius, lectio Pseudo-Ignatii,

*Voss.
Nos. in
Epist.
Ignat.*

quam & sequentia videntur approbare. Licuit igitur Simonio sequi Pseudo-Ignatii lectionem, ubi constat illum interpolatum non esse, melioremque sensum quàm Codex Florentinus efficit. Rem ita esse apertè demonstrat ipsius Vossii explicatio, qui miris modis se contorquet, ut Ignatii verba exponat prout concipiuntur in Florentino Codice, neque aliud reperit effugium, quàm fingere Græcæ LXX. Interpretum Versioni in iis voluminibus quæ in Alexandrinam Bibliothecam relata fuerant, accessisse quoque verba Ebraica, ad quæ hoc loco respexerit Ignatius, quia, referente Vossio, similia Exemplaria tunc in Synagoga legebantur. De hac Bibliorum dispositione cogitavit Ignatius, si Vossio, qui oculatissimus est, fidem habeamus. Sed pudet tot ineptias referre, quæ nihil prorsus faciunt ad expiscandam Ignatii mentem, cujus verba clara & manifesta sunt secundum lectionem & expositionem Simonii.

Ad alia commenta transit Vossius, qui multum se torquet, ut illud quod Judæis tribuit, quasi Messiam peregrinum fore seu profelytum ipsi credant, explicet. Rogaverat cum Simonius, ex quo Sibyllino oraculo hausisset Judæos credere Messiam fore peregrinum: & quia cum puduit tantam ineptiam effutisse, nunc quærit effugium. Ait Ægyptiacæ servitutis tempore omnes Judæos fuisse peregrinos ac profelytos; eos quoque nunc toto orbe dispersos esse peregrinos: unde concludit, cum Judæi hoc tempore ubique sint peregrini, necessum quoque esse talem fore Messiam, scilicet *profelytum*, sed non *prose-*

præfelytum profelytorum. Si valcant ejulmodi argutiolæ, simili ratione concluderim Vossium ineptum esse, sed non ineptum ineptorum. Cur enim mirificus iste ratiocinator latebras querit & effugia? Hic agitur de Messia qui Judæus ex Judæo nasciturus sit, quique futurus est, ex Judæorum consensu, natione & ritibus Judæus. Ut enim lepida sua commenta de Era & Hegira stabiliret, probare conatus est ex Herodianorum Secta Herodem primum fuisse qui inter Judæos pro Christo fuerit habitus. *Nempe, inquit, verba illa, Non deficiet Princeps de Juda, neque Dux de femoribus ejus, &c. ita acceperit (Herodiani) ac si cessante Principe de stirpe Juda, necesse foret ut Messias profelytus aut alienigena esse debeat.* Ista Vossii verba clara sunt & manifesta, fingitque Herodianorum Sectam, quæ forsan nulla unquam fuit, nunquam defecisse, sed revixisse apud Judæos, præsertim in Hispania. Sed per me licet ut commentis suis gaudeat bonus Vossius, nugis-que chartas suas impleat, quales sunt, quas mox subjungit, fabellæ, quas à Menasse Ben Israël & Judæis Poloniz acceperat. De eo autem quod mox addit, vocem Hegiram æquæ Ebraicam esse atque Arabicam, sileo, donec illud probet ex novo Lexico quod novas potestates nominibus Ebraicis tribuat.

Carpit dein Simonium, qui objecit Vossium locupletare voluisse Scripturæ Canonem novis Prophetis. At Simonius hac in re non imposuit Vossio, qui docet Sibyllinos aliosque ejusdem generis libros ex antiquo Scripturæ Canone sublatos fuisse.

Haud sane, inquit Vossius, parum utilitatis Christiana accedret Religioni, si etiamnum superessent scripta illa apocrypha quæ Veteris Testamenti olim conjungebantur libris, cum & approbata fuerint à Judæis antequam essent Christiani, & lecta in primitiva Ecclesia, & commendata à Paulo & Apostolis. Sic bonus Vossius auctoritate primitivæ Ecclesiæ tuetur nugatorum impostorumque scripta, qui sub e mentitis nominibus Patriarcharum, Prophetarum, ac virorum magnæ existimationis apud Gentiles nominibus, libros Adami, Enochi, Abrahami, Moysis, Esajæ, Hieremiz, Hystaspis, Mercurii Trismegisti, Zoroastris, diversi generis Sibyllarum, Orphei, Phocyllidæ, aliorumque similium, in lucem protulerunt. Felix sanè est Ecclesia Anglicana, quæ à dilecto filio suo Isaaco Vossio ætate nostrâ aucta fuerit tot Prophetis ac Prophetilibus, habetque nunc unde longam sanctorum Prophetarum, Patriarcharum, Doctorum, Virginum & Viduarum Litaniam contexat, quæ Liturgiæ suæ inferatur.

Ferre non potest Vossius, se cum Postello homine non satis sani incipitis commissum fuisse. An fani incipitis Postellus fuerit ignoro: sed scio ovum ovo similis non esse, quàm Postello similis est Vossius in eo de quo agitur argumento. Quod autem Simonius dixit, Postellum adhuc Vossio oculatiorem fuisse, illud non ista accipi debet ac si magis desuperit Postellus, uti Vossius existimare videtur; sed quia Postellus majorem nugamentis suis probabilitatem conciliet, quàm ipse Vossius. Ille enim

D

nuga-

Voss. de
Sibyll.
Orac.
cap. 7.

Guillel.
Postell.
lib. de
Origin.

nugatorum istorum Prophetiam à priscis temporibus arcessit, quando in mundo erant Prophetæ; at minùs oculus Vossius Prophetas commentus est, quando jam apud Judæos desierant Prophetæ. Sic Adami, Enochii ac Sibyllarum libros auctor est Vossius à Judæis toto orbe dispersis compositos fuisse, Deo impellente ipsorum mentes; negat tamen ipsos esse antiquiores diluvio. At cur id negaverit non video, cum ipse affirmaverit in diluvio universam terram inundatam non fuisse; Jam Guillelmum Postellum audiamus Isacco Vossio longè oculatiorem. Ille asserit apud Brahmanes latere infinitos historiarum & librorum antediluvianorum thesauros, quos nos expectare unà cum Enochianis opus est. Ne quis autem libros illos antediluvianos in dubium revocet, addit, Scripturam Sacram fuisse ante diluvium manifestè probari ex Sabbathæ nuris Ogygis libris ab ipsa conscriptis. Hæc autem Sabbathæ, referente eodem Postello, fuit Sibylla Babylonia, quam etiam inter suas Prophetides Vossius recensuit.

Eodem etiam loco narrat oculatissimus Postellus ejusmodi librorum historiam; quomodo scilicet ab Adamo ad Enochum, qui primus illos conscripsit, dein ab Enocho ad Noachum, & ab hoc ad alios venerint. Scholas præterea idem Postellus recenset, in quibus secretiore illæ disciplinæ, quæ in Sibyllarum aliorumque Vossii Prophetarum libris extant, traditæ fuerint. Unam scilicet Scholam Noachus ad illicem Ogygæ regione Mamre instituit; alteram Japhetus in Armenia, cui præ-

fecit Sabbathium Sagam. Ex hac Postelli historia, quæ clara & manifesta est, apertè retellitur Vossii sententia, qui existimat libros istos Propheticos à Judæis sub Patriarcharum & Prophetarum suorum nominibus compositos fuisse, *vergemibus ad finem Danielis hebdomadu.*

Jam Vossius, quem Simonius dixerat tanto stupatum Prophetarum agmine brevi futurum vaticinia, in Prophetam transformatus ex tripode pronunciat, *Simonium; nisi stilum vertat, solus semper placitum semidoctus.* Sed ego, qui non sum vates neque Propheta, ausim affirmare, Vossium ne quidem semidoctis placere, sed fucum facere simplicioribus.

Pergit dein Vossius pugnare verbis, objicitque Simonium multa concessisse de Apocryphis & multis dicta; eorum verò quæ ad rem pertineant cavisse sibi quàm diligentissimè. Nova quidem non commentus fuit Simonius Vossii exemplo; sed ea tantum attulit quæ ad institutum facerent. Cum enim Apocryphorum voce usus fuerit Vossius, ut nugamenta sua stabiliret, necesse fuit Simonium ostendere quid vox ista tam apud Ecclesiæ Patres, quàm apud ætatis nostræ Doctores significet. At regevit Vossius, quæstionem esse, quâ ratione Libri Sacri reconditi, cum prius Apocryphi dicerentur, postea factum sit ut hæc vox in pravam detorta fuerit significationem, & Libri Apocryphi habiti fuerint pro spuris & dubiæ fidei libris; ac demum colligit Judæos fuisse qui novam vocis istius expositionem fabricarint, *eo nempe consilio,*

silio, ut destruerent autoritatem librorum qui Vetus Testamentum cum Evangelis connectunt, & simul illorum in quibus adventus Christi clarius quàm ab antiquis annuntiaretur.

Jam oculatissimus factus est bonus Vossius, ipsiusque primitivæ Ecclesiæ Patribus sapientior, cui ob id imprimis displicet vox *Apocryphorum*, quæ in malam quoque partem à priscis illis Patribus interdum sumitur, quòd hâc voce nugatores illi, quos in veros Prophetas transformavit, Prophetarum albo expungantur. Ambiguum esse nomen *Apocryphi* dixit Simonius, quod in sua origine reconditum significat; sumique à Patribus modò in bonam, modò in malam partem. Sive autem Aquila, sive Judæi primi illud in malam partem acceperint, nihil planè illud facit ad institutum, cum à priscis quoque Ecclesiæ Patribus in malam partem acceptum fuerit. Sed quis inde conficiat, Judæos hanc vocem fabricasse, ut destruerent autoritatem librorum qui Vetus Testamentum cum Evangelis connectunt? Nihil simile unquam præviderunt Patres, quibus omnibus oculatior est Vossius, qui *cor solus habet, solus & ingenium*; ingenium scilicet Propheticum, quod videt ea quæ non sunt tanquam ea quæ sunt, & quo impellente judicavit novos suos Prophetas dignos esse qui cum aliis Prophetis inter Scripturæ Sacræ libros recenserentur. Ista sunt quæ merito ineptias appellavit Simonius, quæ ab Ariosti nugamentis minùs abessent. Rectè igitur quæserat à Vossio, sicut & à nugatore

Ariosto Cardinalis Hippolytus Attendis, *Dove haveva pigliate tanto coglionerie?* Satis veniliter, reponit Vossius, sed loco non satis convenienti. Pronunciatum tamen hoc est illustrissimi Cardinalis, majoresque sunt Vossii ineptiæ, qui tot Prophetas nugatores commentus sit, quàm Ariosti, cui, quia erat Poëta, licuit fingere nugatores. Jam facitissimus Vossius Simonio autor est, ut nomen illud *Coglionerie* ad frontes & titulos suorum transferat librorum. Benè quidem Vossius monet Simonium, qui libris quos posthac adversus Vossium editurus est, hæc verba literis sesquipedalibus exarata præmitteret,

LE COGLIONERIE DI MESSER VOSSIO, GRAN COGLIONATORE DE' LETTERATI.

Transit ad alia Vossius, Querit à Simonio, cur velie Scribas, qui res Ebræorum chartis committebant, & plerosque magni Synedrîi Assessores, Prophetas fuisse, & à Spiritu Sancto afflatis; neget vero tales fuisse LXX. Interpretes? Manifesta est discriminis illius ratio: nemo enim Christianus negat Sacros Libros à Prophetis scriptos fuisse & à viris Spiritu Sancto afflatis: sed Interpretum longè alia est ratio quàm Scriptorum. Semper autem apud Judæos extitisse Prophetas qui res ætatis suæ chartis committerent, docet manifestè Josephus, qui affirmat singula ^{Joseph.} quidem apud gentem suam à temporibus Artaxerxis usque ad suam ætatem scriptis comprehensa fuisse: sed illa ^{adv. Appion.}

retractet; modò tamen eà uti illi liceat, ubi de Prophetis Vossianis loquatur.

Dixerat Simonius, neminem hæcenus, si Vossius excipiat, cogitasse de introducenda in Ecclesiam Sibyllinorum librorum & aliorum ejusdem generis lectione. Sed negat se unquam ea de re cogitasse. Totus tamen est in Opusculo de Sibyllinis Oraculis, ut ostendat sinistram vocis *Σοφισμῶν* acceptionem in causa fuisse cur scripta illa *Apocrypha*, quæ Veteris Testamenti olim conjungebantur libri, hodie non supersint. Iterum in eodem Opusculo vaticinium Eliæ desumptum fuisse suspicatur ex libro Prophetiarum Eliæ, quem olim, inquit, *Veteris Testamenti scriptis annumeratum fuisse constat.*

Jam Prophetico furore exagitatus Vossius invehitur in Simonium, qui existimaverit mentitum fuisse Clementem Alexandrinum, dixeritque vafros, id est, teste Vossio, subdolos & malitiosos priscos Patres fuisse, & imprimis Clementem, siquando cum Judæis & Gentilibus disputarent: *at sic melius, inquit, Judæi & Gentiles, quam Christiani loquantur.* Verùm compescat bilem furoremque suum Propheticum bonus ille Christianus Vossius, qui zelum quidem habet, sed non secundum scientiam, ad eò se rudem ostendit in tractandis Patrum scriptis. Divinos esse libros Sibyllarum ex eo se confecisse putavit, quòd Clemens Alexandrinus scripserit Apostolum remisisse ad Sibyllarum & Hystaspis vaticinia, eorumque lectionem commendasse: roganti autem ubinam hoc dixerit Paulus; re-

spondit sufficere nobis debuisse, hoc Clementem virum sanctum affirmasse. At regeffit Simonius, nosse eos qui aliquam rerum Ecclesiasticarum cognitionem habent, quàm vafre prisci illi Patres cum Judæis & Gentilibus disputarint. Quid ad hæc Vossius? Totus in furorem versus tonat, debacchatur, malignoque animo Simonii verba explicat, quasi vafrum esse idem sit quod mentiri. Verùm nemo unquam plaris fecit Hieronymum, quàm Erasmus, qui tamen eadem de illo scribat, atque Simonius scriptis de Clemente. Ille siquidem nonnulla Hieronymi verba expendens quæ extant Præfatione in Danielem, ait Hieronymum oblique vafreque respondisse. An ideo Erasmus, qui proprietatem illius vocis melius noverat quàm ipse Vossius, putavit Hieronymum malitiosum esse hominem ac subdolum qui mentitus fuerit? Absit. Alia siquidem est obliqua & vafra responsio; alia malitiosa & mendax. Sed quàm ineptè bonus Vossius Patrum scripta tractaverit exponam ex ipso Hieronymo, qui Græcos omnes & Latinos Scriptores qui præcesserant evolvit.

Ruffino respondens doctissimus ille Pater declarat, Aliud esse *παραλογίζεσθαι* scribere, aliud *δογματεύεσθαι*; in priori vagam esse disputationem, & adversario respondentem nunc hæc, nunc illa proponere; argumentari ut libet; aliud loqui, aliud agere. Illud scribendi genus secutos fuisse Græcos Latinosque Patres autor est idem Hieronymus. Origenes, inquit, Eusebius, Methodius, Apollinaris, multis versum millibus scribunt adver-

Hieron.
in Apo-
log. adv.
Ruffin.

Voss. de
Sibyll.
Orac.
cap. 7.
C. 2.

sus Celsus & Porphyrium, Considerate quibus argumentis & quam lubricis problematicis Diaboli spiritu contexta subvertant; & quia interdum coguntur loqui, non quod sentiunt, sed quod necesse est dicunt adversus ea quae dicunt Gentiles.

Benigne igitur, & ad eorum mentem contra quos disputant, verba Patrum explicanda sunt. Illi enim haud infrequenter in exponendis Christianae Religionis mysteriis varias Graecorum historias & tabellas orationi suae admiscept, ut illa mysteria minus à Religione aliena esse videantur. Haec in Clemente Alexandrino ejusque discipulo Origene licet animadvertere. Sic Origenes, si quando loquitur de Christo Deo & homine, probat exemplo Herculis & aliorum quos Gentilium Theologi in Deos translatos fuisse commentum sunt, Christianorum hac in re persuasionem non superare caput humanum. Haec sunt verba

Origen.
adv.
Cels.

Origenis. 'Οὐδὲν γὰρ ἄρτυρον ὡς οὐκ ἔστιν ἡμεῖς ἐκ τῆς οὐσίας τοῦ Θεοῦ, ὡς οὐκ ἔστιν ἡμεῖς ἐκ τῆς οὐσίας τοῦ Θεοῦ, ὡς οὐκ ἔστιν ἡμεῖς ἐκ τῆς οὐσίας τοῦ Θεοῦ. Neque absurdum fuerit cum Graecis agentes Graecis uti historiis, ne videamur soli historiam mirificam adduxisse. Hoc loco de Christi ortu ex Virgine loquitur Origenes.

Istud quoque scribendi genus illustrat eodem loco Hieronymus exemplo Patrum Latinorum Tertulliani, Cypriani, Minutii, Victorini, Lactantii, Hilarii; quin etiam ipsius Pauli, his verbis *Legite Epistolas ejus, & maxime ad Romanos, ad Galatas, ad Ephesos, in quibus totus in certamine posuit est; & videbitis cum in*

testimoniis quae sunt de Veteri Testamento quam prudens, quam dissimulatores sit ejus quod agit. Haec quidem verbose allata sunt; sed mihi res cum homine qui verbis magis pugnat quam rationibus, quique longo verborum circuitu & quasi ex saegetu declamans, simplicioribus conetur imponere. Jam modestissimus Vossius in Patres tanquam minus Christianos promat caninam suam eloquentiam; allatret Paulum, & ipsum Christum, quem scribit Evangelista finxisse longius ire.

Objeat iterum Vossius, frustra se relegari à Simonio, ad Postelli ineptias, quasi, inquit, non sufficiant Simonianae. Verum Postelli ineptiae Vossianae sunt, non Simonianae. Jam enim supra demonstratum fuit, ovum ovo similis non esse; quam Postello Vossius similis est: uterque simili ratione nugatores & impostores in Prophetas transformavit. Addit praeterea eodem loco, id omne quod Simonius adduxit de Libris Canonicis, Hagiographis & Apocryphis nihil facere ad institutum, cum debuisset ex antiquioribus Judaeis vel Christianis depromere testimonia, quibus ista Scripturarum divisio quam commentum est Aquila, aut Judaei qui ejus aetate vixerunt, confirmaretur.

Verum ea quae ex praeiis Ecclesiae Patribus de Scripturis Canonicis, Hagiographis & Apocryphis Simonius retulit, valde faciunt ad institutum, cum demonstrent ridiculum esse Vossium, qui Librorum Sacrorum divisionem ab antiquis Patribus approbatam rejiciat, quia putat illam à Judaeis odio Christianae Religio-

nis

nis inventam fuisse. Solus igitur hoc in negotio sapit Vossius, Patresque cum Aquila judaizant. Sed et si supponamus Aquilam accepisse hanc divisionem à Judæis, nihil planè hoc facit ad rem: à quibus enim aliis, quàm à Judæis, Librorum Sacrorum, quos ex Ebræo Græcos fecit, divisionem accipere poterat Aquila? Ille Ebræos Codices pressius secutus, eos convertit in Græcum sermonem, quales tunc à Judæis legebantur. Divisionem autem illam, postquam Græci facti sunt libri Judaici, auctoritate suâ Patres approbaverunt. Voces quæ antea solis Judæis cognitæ erant, ubi Græcæ factæ sunt, in usum Ecclesiæ transferunt, quas unus Vossius respuit, quia videt illarum beneficio nugatorum suos Prophetas albo Prophetarum expungi.

Sed regerit Vossius, admissâ hâc Judæorum divisione, Evangelia præcipuam Sacrarum Literarum partem libris Scripturæ non annumerari. Quasi verò Ecclesia etiam Novi Testamenti libros à Synagoga recipere debuerit. Mirificus iste homo semper inceptit, nihilque affert quod ad rem faciat. Similiter Sixti Senensis sententiam improbat, Scripturæ libros dividendis in Protocanonicos & Deuterocanonicos; quia voces istæ, autore Vossio, confictæ sunt contra usum linguæ Græcæ. Sic disertulus Vossius vocem quoque *Hagiographa* & alias rejicit, quæ tamen ipsis Patribus non displicuerunt. In eo verò quod subjicit, nos rectius facturos, si primum Christianorum divisionem sequamur, non habet Simonium dissidentem, qui autor est ut retineatur librorum ordo qui in Græcis &

Latinis Bibliis apparet, quia prior est & melior, atque Ecclesiæ tam Orientalis quàm Occidentalis auctoritate comprobatus; atque audiendos non esse Ebraistas, qui secuti Judæorum Magistros, priscum illum ordinem in edendis Græcis Latinisque Bibliorum Exemplatibus evertunt. Sed adduci non potuit Simonius, ut crederet cum Vossio, novam à priscis Judæis inventam fuisse eo consilio librorum Scripturæ divisionem, ut Christianæ Religioni adversarentur: nam qualiscunque fuerit librorum Scripturæ Sacræ distributio, nihil de eorum integritate minuitur.

Carpit præterea Vossius Simonium, qui in duobus Hieronymi locis vocem *Hagiographa* mutandam esse in *Apocrypha* censuerit contra omnium Exemplarium fidem. Loca autem illa sumpta sunt ex illius Præfationibus in Tobiam & Judith, ubi doctissimus ille Pater libros Tobie & Judith ab Ebræis inter *Apocrypha* recenseri affirmat. Fatetur quidem Simonius, libros manu exaratos cum vulgatis libris conspirare; sed ait lectionis vitium ex ipsius Hieronymi verbis manifestè deprehendi, qui scribat libros hosce catalogo Divinarum Scripturarum à Judæis expunctos fuisse, ac repositos inter *Hagiographa*. Constat autem ex ipsomet Hieronymo, à Judæis nunquam expunctos fuisse Libros *Hagiographos* è catalogo Scripturarum Divinarum, cum eos in tertia Librorum Sacrorum parte collocent, sitque extra controversiam Libros *Hagiographos* etiam à Judæis Scripturis Canonicis adscriptos fuisse. Rectè itaque Simonius observavit Hieronymi verba isto loco calli-

Hieron.

Simon.
Disquis.
Crit.
cap. 1.

castiganda esse, licet desint Codices MSS., qui lectionem suam confirmant: quia sic legendum esse docent ipsius Hieronymi verba, si paulò attentius considerentur.

Instat tamen Vossius, qui ait *Apocrypha* mutari non potuisse in *Hagiographa*, quia notiora vocabula non permittantur ignotioribus. Sed voces *Apocrypha* & *Hagiographa* æqualiter notæ sunt. Illius autem mutationis ratio est evidens. Scribæ videlicet, qui libros Tobie & Judith etiam ab Hieronymo inter *Hagiographos* reponi cognoverunt, pro voce *Apocrypha* reposuerunt *Hagiographa*, non attendentes Hieronymum his locis non ex sua & Ecclesiæ sententia loqui, sed ex mente Judæorum.

Jam ad solitas Vossius declamationes relabitur, ut novum & hæcenus inauditum Librorum Sacrorum ordinem, quem introducere voluit, adstruat. Riserat eum Simonius, quòd recurrisset ad veteres Ebræos, ut probaret Judæorum libros olim non descriptos fuisse in Codicibus, sed in voluminibus & pellibus continuatis; cùm etiam ætate nostrâ Judæi in suis Synagogis ejusmodi voluminibus utantur; neque tamen illi Legem in quinque partiuntur volumina, uti fecit Vossius, qui nunc rogat, an soli Ebræi justam voluminum mensuram ignorarunt. De eo solum quod in Synagogis olim à Judæis observatum fuerit Simonius locutus est, priscumque illum Synagogarum usum ex eo confirmavit, quòd eundem ætate nostrâ retineant. Certum est autem Judæos in volumina quæ Synagogarum usui serviunt nihil ferè mutationis invenisse; cùm etiam

post inventa à Tiberiadensibus Magistris puncta, quorum ope verborum Ebraicorum lectio expeditior facta est, nihil prorsus in Synagogarum voluminibus immutatum fuerit. Sed missis hæc minutis venio ad alia quæ majoris sunt momenti.

Objecerat Vossius, ab Aquila & Judæis odio hebdomadam Danielis, illum Prophetam extremo penè inter *Hagiographos* loco rejectum fuisse. Respondit Simonius, de ordine quem in Judæorum libris Daniel teneat disputandum non esse; quia constat Judæos æquè fidem habere Danielis de Messia yaticiniis, atque ipsi Christiani fidem habent. Quid ad hæc vitiligator Vossius? *Profecit si hoc verum esset, non essent Judæi.* Quasi verò ex eo quòd Judæi æquè ac Christiani Danielis vaticinia de Messia exponant, sequatur illa eodem modo ab utrisque explicari. Simonius firmissimis rationibus probavit, nihil à Judæis de autoritate Davidis & Danielis minui, etsi illos in Prophetarum classe non recenseant; quia in his libris, æquè ac Christiani, agnoscunt vaticinia de Christo contineri. Cur igitur Simonii rationibus, quæ ex Judæorum ipsorum libris depromptæ sunt, Vossius non respondit? Sed Hieronymus, inquit, & Theodoretus testantur Judæos negare Daniele fuisse Prophetam. At quo sensu id verum sit ostendit Simonius, qui putat litem hanc tantùm esse de nomine inter Christianos & Judæos, quæ facili negotio conciliari possit; cùm ipsemet Hieronymus testetur Daniele recenseri à Judæis inter *Apocryphos Libros*, qui etiam Divini sunt, inferioris tamen ordinis quàm

quàm libri Prophetici; quo etiam modo *Judei* agnoscunt libros Propheticos ordine & dignitate inferiores esse sbris Mosis. Nemo tamen inde conficiet, unum Mosem apud *Judeos* Spiritu Sancto afflatum fuisse.

His & aliis pluribus cum nihil habeat Vossius quod reponat, nugæ agit & quia non alios opinionum suarum testes laudare solet, quàm nugatores, proferit Montanum *Judeum* affirmantem, *Danielem eadem prorsus ratione quæ scriptis vidisse, atque asinam Balaami cernentem ea quæ ipse non videret Balaamus*. Viderit ipse Vossius Latinissimus, quàm ineptè loquatur: verba enim illius indicant visam esse à Daniele asinam Balaami. Sed ista non moror, quia leviora sunt. Dixerim tantum, si Vossius plus sciret Ebraicè quàm asina Balaami, *Judeorum* sententiam ex eorum libris hausisset, uti fecit Simonius, non ex nugatore.

Addit de Cetivim opus non fuisse ut cum moneret Simonius; quia ipse scit *Judeos* forbere simul & flare, atrumque albo permutare, si res possit. Sed si res ita sit in eo de quo agitur argumento, cur non illud ex eorum libris demonstravit, maxime cum Simonius hoc loco Vossium remiserit ad *Judeorum* libros, eumque rogaverit ut ex illis aliquid proferret quod sententiæ suæ faveat? Quæ enim mox subjungit de voce Cetivim ridicula sunt, quasi eà *Judei* scriptunculas intelligant ne quidem nomine librorum dignas. Quid enim ad rem facit grammatica observatio de vocabulo *שטות*, quo, referente Vossio, *Judei* olim uti fuerint, ut libros Cetivim seu Hagiographos expri-

merent, si ex ipsismet *Judeis* manifestè probari possit, eos *שטות* nomine intellexisse libros qui ab hominibus Spiritu Sancto afflatis scripti fuerint? Cur sensum vocis illius, quàm putat ineptam & ab Aquila confictam, pervertit contra illorum mentem qui eà utuntur? Nihil enim ipsis aliud fuit *שטות*, quàm Ebraicum Cetub sive Scriptum. Sic quoque Christiani universam Sacram Scripturam vocant *בש"ת* & Scripturam. An ideo minùs divina est, quia non appellatur Scriptura Divina. Sed bono Vossio nihil aliud subest quod *Judeis* opponat, quàm subtilitates quas depromit è Grammatica.

Iterum Vossius objicit Talmudis verba, quæ sic habent. *Bonum est Talmud, ut evincatur litera de Lege, & sanctificetur nomen Dei*. Ait Simonium, qui Talmudistam Vossium riserat, ironiis valde delectari. Sed quis non rideat hominem, qui cum tam imperitè Rabbiorum libros tractaverit, nunc adeat libros Talmudicos paucissimis etiam *Judeis* cognitos? Dixerat Simonius, hanc locutionem & similes quæ occurrunt in Talmude ad Sacrorum Librorum corruptionem trahi non posse, sed ad diversas illarum explicationes. Eadem verò Talmudis verba hic repetens Vossius, Simonii mentem ita interpretatur, ac si crediderit non licitum quidem fuisse cuilibet è plebe verba Scripturæ immutare, sed solis magni Synedrîi Assessores. Verùm ipsa hoc loco Simonii verba evincunt illum de sanctionibus tantum ferendis locutum fuisse, non de Sacrorum Librorum mutatione; idque manifestè apparet ex R. Ben Maimon & Autoris libri

Cozri testimoniis, quibus suam ea de re sententiam illustravit. Hanc ferebatur sanctionum potestatem penes Synedrii magni Aësciores fuisse, nemo nisi novator & è Socini discipulis negaverit.

Alia dein Simonii verba subjicit Vossius, quæ ita obscura esse putat, ut ne quidem ea credat à Simonio posse explicari. Miror hominem qui spiritu Sibyllino afflatus res obscurissimas & à nostris temporibus remotissimas intueatur, ea quæ explicatu facilia sunt non intellexisse; in hunc enim locum manifesto Typographi errore irrepit illum pro illic. Curabit Simonius ut Opusculum illud quod ipse non edidit, è suo Codice, qui calligatior est & auctior, iterum lucem aspiciat. Verborum autem Simonii is est sensus; in allaro Talmudis loco agi de litera, imò de dictione vel sententia aliqua Scripturæ, ubi verba ejusdem Scripturæ exponuntur; minimè verò de mutandis eradendisque ipsius Contextus literis aut dictionibus. Sed quia Sibyllista Vossius Talmudico spiritu afflatus non fuit, ejusmodi Talmudicas locutiones non potuit comprehendere, quæ tamen sæpius in illis libris occurrunt. Sic dicunt Talmudistæ **אל תקרא כן** **אלא תקרא כן**. *Ne legas sic, sed legas sic*. Nemo judicio præditus inde concludet Judæos Sacri Codicis lectionem pervertisse: sed Magistri illi qui valde allegoriis delectantur, varias literarum Scripturæ fingunt lectiones, ut diversos ex fictis illis lectionibus sensus eliciant. Sed istæ & similes locutionum formulæ in Scripturæ Sacræ eversionem trahi non possunt, nisi ab imperitis qui Judæo-

rum libros nunquam tractant. Quæ in re isti homines Talmudistis ipsis sunt ineptiores. Quantum autem Judæi ab ista Sacrorum Librorum depravatione alieni fuerint, docet Trypho Judæus, quem Justinus Martyr introducit dicentem, rem istam incredibilem esse, magisque Judæos ab illa abhorre-
Τρυφῶς ἀπὸς Ἰουστίνου Μαρτύρου.
ἄριστος Φωτοκρίτης γὰρ ἐστὶ τῶν μαθητῶν αὐτοῦ.

Morum hic non moror, à quo Vossius locum hunc Talmudis & alia omnia quæ apud ipsum Rabbiniologiam sapiunt, deprompsit. Laudo quidem Morini eruditionem, laborumque illius ac patientiam in evolvendis Judæorum libris admiror: sed cum fuisse judicii pauci illius scripta ostendunt. Vossius, qui multa ab illo sumpsit, illius errores multiplicavit, ut ab eo aliquâ ratione disceptare videretur. Oportet ipse Vossius, ut etiam Simonius Morini famulus fiat. Verùm licet Vossio *παύλειον*; quod absit à Simonio.

Quæ autem mox subjungit Vossius de Simonii sententia, qui cum Capello aliisque viris doctis existimaverit, linguam Ebræam in captivitate Babylonica deperditam fuisse, ea omnia vana sunt & inutilia; cum inde non concluderit Simonius, LXX. Interpretes lingue Ebræicæ ignaros fuisse, uti fingit Vossius, cui prosectò nihil solidi subesset quod posset reponere. Simonio, nisi verba ejus perverteret. Negavit inique Simonius, linguam Ebraicam temporibus LXX. Interpretum superstitem fuisse apud Judæos & vernaculam, cum illam in captivitate Babylonica dedidicerint, etiam non diffidente Vossio: constat enim Judæos postea Chal-

daicæ

daicè locutus fuisse, non Ebraicè. Non inde tamen sequitur LXX. Interpretes ignorasse sermonem Ebraicum, qui, ut multis probat Simonius, in exilio Babylonienſi penes Prophetas, Sacerdotes ac viros principes remanserit, quique non solum ulque ad LXX. Seniorum tempora apud illos servatus fuerit; sed & seculis posterioribus apud Doctores: quippe Lex Moſis in Scholis & Synagogis semper Ebraicè lecta est.

Jam negat Vossius, se unquam talia de Josepho somniaſſe quæ ipſi tribuit Simonius, quasi dixerit Josephum Legem Moſis in Synagoga Ebraicè interpretatum fuiſſe. Aperta tamen ſunt illius verba, nec mirum eſt illum hominem etiam vigilantem ſomniaſſe, apud quem Josephus modò Ebraicè loquitur, modò Chaldaicè, modò Syriacè, modò Arabicè. Brevis, ſi Vossio placet, idem Josephus loquitur Hibernicè. Quod verò addit Vossius, Josephi verba initio belli Judaici nec à Simonio nec ab aliis Interpretibus intellecta fuiſſe, non eſt ad rem, quia Simonius nihil ex eo ipſe Vossius deprompſerat: sed & ſolum Vossium verba Josephi non intellexiſſe mox oſtendamus. Dixit igitur Vossius, Josephum hiſtoriam belli Judaici, antequàm Græcè ſcriberet, linguâ Ebraicè edidiſſe. Nunc hoc ipſum negat Vossius, qui semper loquitur pugnantia. Tamen ſic ille reſpondet Hornio, qui obſecerat Josephum Ebraicè imperitum fuiſſe. *Ut tamen aliquid dicere vi-*

Legem Moſis in Synagoga Hebraicè interpretatus eſt, qui hiſtoriam belli Judaici, antequàm Græcè ſcriberet, linguâ Hebræâ edidit, ut ipſe teſtatur; hunc, inquam, Josephum Hebraicè neſciſſe. Dein paucis interjectis hæc reſcribit modeſtiſſimus Vossius adverſus Hornium. *Ullumne majus inſcitia & impudentia exemplum poſſit excogitari, quàm id quod hic denudò oſtendere conatur, Flavium Josephum neſciſſe linguam patriam, & ne quidem inpe- xiſſe Codicem Hebraicum?* Tunc igitur Josephus, teſte Vossio, loquebatur Ebraicè, patriuſque illius ſermo erat Ebraicus; de hoc enim ſermone cum Hornio diſputavit, qui Josephum illius fuiſſe imperitum aſſereret. Verùm illud Josephi teſtimonium de ſermone Syriaco ſive Chaldaico intelligendum eſſe rectè monuit Simonius, cum tunc ſermo Ebraicus apud Judæos vernaculus non eſſet.

Sapiens Vossius, qui *mutatur ut luna*, neminem eſſe aſſumat qui tempore Apoſtolorum & Josephi in Imperio Romano lingue Syriacæ meminerit, quia in Syria Palæſtina lingua Græca erat vernacula. Sed ſi ita res ſe habet, quomodo Josephus linguam Ebræam ſive Syriacam appellat ſermonem patrium? Quomodo Chriſtus, ipſomet Vossio referente, Syriacè cum muliere Samaritana collocutus eſt? Cuidam enim Magiſtello, qui Vossium reprehenderat, quòd dixiſſet Chriſtum cum Samaritana muliere Ebraicè collocutum eſſe, obſcienti debuſſe dici Syriacè, ſic reſpondet modeſtiſſimus Vossius. *Nescit fatuus eandem olim fuiſſe linguam Syriacam & Ebraicam: adeo-*

*Voss. in
Epiſt. ad
Andr.*

*Voss. Caſtigat.
ad Scrip-
tum
Hornii.*

que nunc Iosephus loquatur etiam Syriacè.

Jam longè oculatior factus Vossius negat Iosephum etiam Syriacè locutum, sed putat patrium illius sermonem fuisse quamdam linguam Chaldaicam, quam ipse ignorat, sed quæ erat lingua vernacula illorum Barbarorum qui extra fines Romani Imperii trans Euphratem viverent. Miror profectò hominis istius ingenium, qui tot commenta effutiat quæ nihil faciant ad institutum, quique suo seipsum gladio jugulet. Si enim verum est sermonem vernaculum illorum Trans-Euphratenfium Chaldaicum fuisse, uti quoque verum esse existimo, necesse quoque est patrium Iosephi sermonem fuisse Chaldaicum, cum non alium habuerit sermonem patrium quàm illum, quo etiam, teste Vossio, historiam suam conscripsit. Illud autem confirmat Simonii sententiam, qui nomine Syriaci sermonis, qui tunc apud Judæos vernaculus erat Hierosolymis & in locis viciniis, nihil aliud intellexerit quàm sermonem illum Chaldaicum, quem cum viris doctis appellat modò Syriacum, modò Chaldaicum, modò Chaldaico-Syriacum, atque cum sermonem qui tot diversis nominibus indicatur, non alium fuisse, quàm illum quem Judæorum Majores è Babylone reportaverant; quique alius esse non potuit quàm Chaldaicus.

Quis credat Iosephum libros de bello Judaico, quos se Ebraicè edidisse testatur, non scripsisse Judæis in Imperio Romano viventibus, sed solis Trans-Euphratenfibus? Quasi Iosephus, qui tunc de scribenda nationis suæ historia patrio & vernaculo

sermone cogitabat, ad eos solum animum suum applicuisset, qui Parthicæ Ditioni obnoxii erant. Hoc quidem viris judicio præditis minùs credibile videbitur; sed bonus Vossius nihil amat nisi quod est distortum & parum credibile. Id tamen rectè se confecisse putat, si dixerit, Iosephi verba à nemine hæcenus intellecta fuisse. Ineptissimè, inquit, verba Iosephi Interpretes reddidere, ac si è *ἀνω Καπκαο* sint Barbari qui retrò fuerunt, & Iosephus in usum jam olim defunctorum istam condidisset historiam. Sed vereor ne hic solus ineptiat Vossius; hanc tamen addit novæ suæ interpretationis rationem, *ὅτι ἀνω Καπκαο* sunt superioris Continentis Barbari: sic *ὅτι ἀνω ἰμαγίου* sunt provincie quæ longius absunt à mari, ut *ὁ ἀνω ἰμαγίου* mari propiores. Ex vocum ambiguitate semper querit Vossius effugia. Notum est omnibus, Græcum *ἀνω* & locum & tempus denotare. Hic Vossius illud contra manifestum Iosephi sensum pro loco sumendum esse existimat: at pro tempore sumendum esse res ipsa indicat; adeoque hæc Iosephi verba, *ὅτι ἀνω Καπκαο*, rectè ab Interpretibus reddita sunt Barbari qui retrò fuerunt. Neque tamen Iosephus historiam suam condidit in usum jam olim defunctorum, sed Barbarorum, id est hominum gentis suæ, qui à præcis temporibus Palæstinam incolebant, & quibus vernaculus erat sermo Chaldaicus sive Syriacus, quem Iosephus patrium appellat. Hic igitur dictio *ὅτι ἀνω* tempus denotans significat antiquos Regionis illius incolas. Iosephus autem eandem Judaici belli historiam, quam

quam primùm Chaldaico seu patrio sermone ediderat in usum gentis suæ, postea Græcè scripsit in eorum usum qui Græcè scirent, quia scilicet vix alia reperiebatur lingua in toto Imperio Romano; ita ut Romæ etiam plerique callerent Græcas Literas. Hic est genuinus Josephi verborum sensus, neque alius ea legenti primo aspectu sese offeret. In prima scilicet historiæ suæ editione Judæos instruxit, eosque magis qui in Syria Palæstina degebant, quàm Parthos, Babylonios, Arabas, Trans-Euphrateneses atque Adiabenos; & ob hanc causam ait se patrio sermone scripsisse: in secunda verò editione Græco sermone conscriptâ, in animo habuit alias Imperii Romani gentes, quæ Græcè loquebantur, vel Græcè sciebant, instruere.

Instat iterum Vossius, negatque Christum & Apostolos Hierosolymis Syriacè locutos fuisse: & ut audax est, ita affirmat audacter hanc sententiam semidoctorum esse & fanaticorum. Semidoctus igitur est ipse Vossius & fanaticus, quia scripsit Christum cum muliere Samaritana Syriacè collocutum fuisse, & voces quas Joannes Evangelista, Cap. 19. vocat Ebræas manifestè esse Syriacas. Verùm dicit Vossius à Judæis forbere & flare. Fanatici, si qui sunt in Anglia qui hanc sententiam tueantur, non sunt hæc in re fanatici, utpote qui cum Ecclesiæ Patribus, præstantissimis Theologis, virisque Ebræicè, Græcè ac Syriacè doctissimis hæc in re consentiant. Sed fanaticus potius plerisque hominibus videbitur Vossius, qui solus sapiat.

Quod autem addit, in tota Ditione Romana nullum inveniri Scriptorem qui scripserit Syriacè, sed omnes Græcè scripsisse, vanum est ac futile: nam Josephus primam historiæ suæ editionem Syriaco live Chaldaico sermone scriptam evulgavit: Matthæi quoque & Nazaræorum Evangelium Græcè conscriptum non fuit. Judæi qui non erant Hellenistæ nonnullos Scripturæ libros fecerunt Chaldaicos; unde etiam Hieronymi temporibus Judæi quibus utebatur præceptoribus Chaldaicè sciebant & loquebantur.

Iterum negat Vossius, linguam quæ Syriaca dicebatur fuisse inter Syros Romanæ Ditionis: sed rem aliter esse ostendunt manifestè complures Novi Testamenti voces. At regebat Vossius, malè in Evangelio & in Actibus Apostolorum per linguam Ebraicam intelligi Syriacam. Idem tamen Vossius contra Magistellum quemdam disputans, ineptos & fatuos eos appellat, qui nomine sermonis Ebraici in Novo Testamento alium intelligunt quàm Syriacum. Sit igitur modestissimus Vossius, seipso autore, ineptus & fatuus.

Dein de nominibus lites intendit, cum linguam illam dicendam esse Chaldaicam asserit, quia sic Josephus & Philo locuti sunt. Verùm, ut omnem de nominibus disputationem Simonius tolleret, linguam istam modò appellat Chaldaicam, modò Syriacam, modò Chaldaico-Syriacam; ac demum ait illam esse quam Judæi è Babylone reportaverant, Syriacam eam appellavit, quia viri linguarum Orientalium callentissimi sic locuti sunt: tanta est enim inter

*Voss. in
Epist. ad
Andr.
Cæsar.*

Georgius
Amira.

linguam Syriacam & Chaldaicam affinitas, ut etiam ætate nostrâ Syri, tam Maronitæ & Jacobitæ quàm Nestoriani, linguam quæ eorum libri conscripti sunt, quæ extra controversiam Syriaca est, Chaldaicam appellant. Sic Maronitarum Mislale Romæ editum inscribitur Mislale Chaldæum. Similiter Georgius Amira qui Maronita fuit, Grammaticam suam Syriacam, quæ Romæ quoque edita est, inscripsit Grammaticam Syriacam sive Chaldaicam. Neque etiam desunt in Sacris Literis exempla, quæ probent linguam Chaldæorum appellari Syriacam. Ita Danielis Cap. 2. vers. 4. Chaldæi dicuntur respondisse Regi מַדְבָּרָא, in Græca Versione Συριαι, & in Latina Syriacæ. Chaldaicus igitur sermo sive Babylonius, de quo agitur, etiam secundam ipsos Babylonios appellatur Syriacus. Verum ea omnia quæ Vossius huc congestit de lingua Chaldaica, Syriacâ & Arabicâ, demonstrant illum ejusmodi linguarum thînis peritum fuisse. Neque enim aliud sibi proposuisse videtur, quàm inani verborum sono simplicioribus imponere. Postquàm tamen tot ineptias bonus Vossius effutit, miris modis sibi applaudit. Valeat, inquit, Hierosolymitanis ista Syriaca lingua, aqûe vana ac Hellenistica. Valeant quoque cavillationes P. Simoni, cum ex omnibus ne una quidem succedat. Sed potiori jure dixerim, Valeat & in æternum valeat bonus Vossius, qui ineptiis effutendis ita assuetus est, ut seipso auctore ineptus sit, fatuus & fanaticus; pudeat illum tot nugas & ineptias comminisci, ut ineptis & fatuis imponat.

Denique Vossius his ineptiis alias accumulans addit, putare se non errare, si audaçter (id est temerè) affirmaverit tempore Christi in omnibus Hierosolymitanis Synagogis, paucis forsitan exceptis, quas Puthici & Arabici generis frequentarent Judæi, solas lectas fuisse quas LXX. Interpretes tradiderunt Scripturas, cum sola iis Græca esset vernacula lingua. Sed longè verius cum Simonio dixerim, non quidem audaçter, Judæos legisse Hierosolymis ex avita Patrum suorum Traditione Scripturam Ebraicæ, cui prælectioni ex eadem Traditione accesserit Chaldaica sive Syriaca interpretatio, quia sermo Chaldaicus quem Majores sui è Babylone reportaverant, etiam illis temporibus Hierosolymis superstes erat, ut ex pluribus Novi Testamenti locis apertè demonstratur.

His omnibus quasdam ratiunculas subjicit Vossius, quæ facile refelli possunt. Affirmat Romanas leges non permisisse ut in templo Hierosolymitano habitæ fuerint conciones Ebræo, aut quocunque alio sermone Græcis & Romanis ignoto; Græcæ aut Latinæ linguæ necessitatem omnibus victis impositam fuisse. Quomodo, inquit, potuissent vita miserâ constare Judæis, si Hebræica, seu, ut volunt, Syriaca tantum gnari lingua eò redacti fuissent necessitati, ut nec testamentum condere, nec contrahi & obligationes facere & signare potuissent? Bellus sane ratiocinator est Vossius, Romanas illas leges proferat, quibus Judæis vetitum fuerit secundum Religionis suæ ritus vivere, ac legere in Synagogis suis Ebraicè Legem Moïsi, eamque patri-

scri-

sermone interpretari. Si verum sit non aliam Hierosolymis auditam fuisse linguam quàm Græcam & Latinam, cur titulus quem cruci imponi jussit Pilius, scriptus fuit Ebraicè, Græcè & Latinè? Dicit sane lepidulus Vossius, Ebraicè sive Chaldaicè tituli verba etiam scripta fuisse, ut à Judæis illis Trans-Euphratensibus, qui lynceos habebant oculos, legi possent.

Jam à Simonio annotatum fuit, linguam Græcam etiam obtinuisse Hierosolymis apud viros primarios & Magistratus, quorum erat curare ut testamenta, contractus, obligationes, aliaque acta civilia & forensia instruerentur. Et victores linguæ suæ necessitatem in ejusmodi rebus imponant victis, Nunquam tamen linguæ illius necessitas ad plebeios homines transit, nisi post longa tempora, ut ex diversarum nationum Annalibus licet colligere. Quodque videtur animadvertione dignum, Judæi qui in Palæstina commorabantur linguam illam Chaldaicam, quam à suis Patribus acceperant, adhuc Hieronymi ætate retinebant. Sic etiam hodie Judæi Hispani, qui in Oriente dispersi sunt, præter Turcarum linguam servant quoque Hispanicam, habentque Biblia Hispanicè conversa, quæ Ebraicis characteribus exarata sunt. In Francia ante Franciscum Primum res forenses Latinè agebantur in Curii: Parliamentorum arresta, ut vocant, quæ tunc judicata appellabantur, Latino sermone concepta fuerunt. Similiter alia quæcunque acta civilia eodem sermone concepta sunt. An ideo tunc miseri erant

Franci, quos constat Latinè locutos non fuisse? Quomodo poterit vita miscello constare Vossio, si degens in Anglia ignarus linguæ Anglicæ eò redactus fuerit necessitatis, ut nec testamentum condere, nec contractus & obligationes facere & signare possit? Itaque apud Judæos Hierosolymitanos res forenses Græcò vel Romano sermone peragi poterunt; adeoque vanum est & inutile quod eodem loco subiungit Vossius, stipulationem Punico aut Assyrio conceptam sermone in Jure non posse subsistere. Sed non est cur ejusmodi Vossii ratiunculis diutius immorer.

Neque etiam plus habet soliditatis quod ibidem ex Theodoretò profert, qui ait pueros Ebraeorum ætate suâ non statim usos fuisse linguâ Ebraicâ, sed linguâ gentium apud quas nati sunt; ubi verò adoleverint doceri literarum characteres, & per has addiscere Scripturam Sacram Ebraicam. Ista quidem vera sunt; sed nihil faciunt ad institutum: nam pueri Ebraeorum Hierosolymitanorum gentis etiam suæ linguam, quæ Syriaca erat seu Chaldaica, primum addiscebant; dein docebantur literarum Ebraicarum characteres; sicque tandem Scripturam Sacram Ebraicam addiscebant.

Imponit iterum Simonio Vossius, verbaque & rationes illius pervertit, ut habere videatur aliquid quod reponat. Objicit Simonium, etsi videatur parum tribuere figmentis Rabbiniis, probare tamen illud quod est omnium figmentorum futilissimum, vocales scilicet seu puncta Moysi à Deo in monte Sinai

reve-

revelata, à Masorethis post exacta tria annorum millia Legi adscribenda. Verùm Judaicum istud commentum passim rejicit ac refellit Simonius in suis scriptis, simulque originem illius aperit, cur videlicet Judæis nihil sit nisi Divinum & Propheticum, curve fabellas suas è monte Sinai vel è Synagoga quam appellant magnam, deducant: sed id Vossio non arrisit, quia ex eadem origine Simonius ducit LXX. Interpretum Prophetiam. A commento autem Judæorum de antiquitate punctorum adeo alienus est, ut hoc loco asserat fabellam istam de punctorum vocalium antiquitate ex eo potissimum venire, quòd Judæi hac in re de more gentis suæ locuti fuerint, non verò ex rei ipsius veritate; illudque genus locutionis, quod Judæis familiare est, complures viros in errorem perduxisse, dum Judæorum libros non satis cautè evolvunt. Quibus verbis Simonius ætatis nostræ Ebraistas notat, qui tantam punctis vocalibus tribuunt antiquitatem. Quæ igitur fieri potest, ut jam Simonius in alium hominem transformatus, laudet probetque Rabbinoꝝ commentum de punctis Mosi à Deo in monte Sinai revelatis? Sed Vossius, qui riuꝝatores in Prophetas transformare potuit, Simonium etiam in Rabbinoꝝ defensorem & Patronum transformavit. Quod autem mox subjicit sumptum ex libro Cozzi, ut de Judæorum Traditionibus detrahat, illud non est hominis judicio præditi, cùm Scriptor illius libri ad id unum attendere videatur, ut Religionem Judaicam adstruat beneficio Traditio-

nis contra Philosophos & Judæos Carræos Judaicarum Traditionum contemptores.

Pergit Vossius Simonio imponere, dum eum refellit, quasi in ea sit sententia, ut in Scripturis interpretandis soli audiendi sint Rabbini. Nam dixit Simonius, etiam referente Vossio, artem nullam ab uno & altero perfici, sed ab omnibus simul qui illam artem tractarunt; adeoque linguæ Ebraicæ cognitionem petendam non esse à recentioribus tantum Rabbinis, sed & à vetustis Interpretibus. Parvi facit etiam Simonius recentiores Scripturæ Sacræ Interpretes, quòd Versiones suas è Rabbinis hauserint. Viderit etiam Vossius, quâ fronte eodem loco scribat à Simonio in construenda nova Scriptura adduci solos Judæos, Masorethas videlicet, Aquilam, Symmachum, Theodotionem & Hieronymum, nullà factà LXX. Interpretum mentione; cùm istoc loco & alibi passim LXX. Interpretes primos nominet, testeturque se hac in re non dissentire à Vossio, sed in hoc solùm quòd præter LXX. Interpretes Vossius existimet nullos alios audiendos esse: at Simonius contra putat consulendos quoque esse Aquilam, Symmachum, Theodotionem, Hieronymum & Rabbinos; quia ars nulla ex uno & altero perfici potest, sed ex omnibus simul. Hoc etiam sensu dixit se nullius Magistri legibus additum esse, utpote qui non solos audiendos esse LXX. Interpretes sentiat, sed & alios omnes ex quibus perfectior linguæ Ebraicæ cognitio habeatur.

Fingit præterea Vossius, quia nihil

nil habet quod reponat, Orale[m] Judaeorum Traditionem propugnari à Simonio, qui tamen illam passim ridet & evertit in suis scriptis. Contendit quidem traditionem aliquam sive usum lectionis semper fuisse apud Judæos in legendis Sacris Codicibus: sed hæc traditio à Cabbala seu Orali Judaeorum Traditione multum discrepat, quam Carrai Traditionum contemptores respuunt. Illa autem lectionis traditio, cujus mentionem facit Simonius, ab iisdem Judæis Carrai approbata est. Nominis igitur traditionis nihil aliud se intelligere proficitur Simonius, quam usum quemdam legendi Contextus Ebraici, qui semper apud Judaeorum Doctores remanserit, cum eadem planè sit ratio linguæ Ebraicæ ac cæterarum linguarum, quæ etsi emortuæ sint nec amplius vernaculæ, vigent tamen & in Scholis & apud Doctores. Hac ratione linguam Ebraicam apud Judæos servatam fuisse demonstrat Simonius, sicut etiam hodie sermo Syriacus apud Syros retinetur. Quis hanc traditionem seu hunc lectionis usum confundet cum superstitione Judaeorum Cabbala sive Traditione, nisi Isaacus Vossius, qui semper falsa scribit, nec unquam ferit scopum?

Ad id quod scripserat Simonius, etiam Aquilam ab Origene laudatum fuisse, ut Interpretem qui verborum proprietates explicaret, Vossius respondet Origenem id fecisse ex opinione Judaeorum, cum seipsum interpretetur in Epistola ad Africanum. Verum quidem est Origenem in Epistola quam scripsit Africano

videri esse in ea sententia, ut soli audiantur LXX. Interpretes: sed illud hoc loco ex recepta magis opinione quam ex sua sententia locutum fuisse manifestè demonstravit Simonius. Ipse siquidem Origenes aliis locis, ubi mentem suam exprimit, multum tribuit Aquilæ & aliis Interpretibus qui Codices Ebraicos in Græcum sermonem converterant, eosque hæud infrequenter sequitur: ita ut etiam illorum ope corruptam LXX. Interpretum scripturam corrigere non reformidaverit. Sic postquam deprehendit nomina propria in LXX. Interpretum Exemplaribus magna ex parte corrupta fuisse tam in Lege quam in Prophetis, censet illa restituenda esse ex Ebraeorum Codicibus & ex Versionibus Aquilæ, Symmachi & Theodotionis, quas puriores esse affirmat. Hæc enim sunt Origenis verba Commentariis in Joannem, postquam nonnulla in nominibus propriis Novi Testamenti errata correxit, & eadem in LXX. Interpretibus occurrere deprehendit. Τὸ δὲ ὅμοιον ἐστὶ τὰ ὀνόματα σφάλας πολλὰν δὲ νόμον καὶ τὴν Προφητῶν ἐστὶν ἰδίαν, ὡς ἐκείνων παρὰ τὸν Ἑβραίων μάλιστα καὶ τῶν ἀνιερῶν ἀντὶ τὴν ἡμετέραν συγγραφήντες μαρτυροῦσιν ὅτι τὴν μὲν ἑβραίων ἀποστολῶν ἐκδοτικὴν Ἀντὶ καὶ Θεοδοτίωνος καὶ Συμμάχου. Corruptos igitur ætate sua fuisse Græcos LXX. Interpretum Codices agnoscit Origenes; contra verò in corruptum remansisse Contextum Ebraicum; Græcæque Aquilæ, Theodotionis & Symmachi Versiones remansisse quoque incorruptas: quæ potissimum ratione adductus est

Orig.
Comm.
in
Evang.
Joann.

Origen.
in Epist.
ad Africanum.

Hieronymus, ut novam Ebraici Codicis Versionem conderet. Similiter Origenes, ubi diversas LXX. Interpretum lectiones ostendit, non dubitat eam præferre quæ cum Ebraeo concordat. Cur autem interdu Græcam LXX. Interpretum Translationem cæteris Versionibus præferat, causa evidens est; quia videlicet ea sola tunc in Ecclesiis obtinebat. Unde, si quando lectionem Codicum Ebraicorum præmonstrat, statim addit id quod jam usu receptum in Ecclesiis legebatur exponendum esse, ita tamen ut quod in Ebraicis legebatur Exemplaribus intactum non relinqueret. Δὲ ὅν κ' ἡ κατ' ἑμὴν δόξιν κ' φερύμων ἐν ταῖς Ἑκατονταῖς διηροσάθη, κ' τὸ λοιπὸν ἔ' Εὐαγγελίου γραφῶν ἀδιηροσίου καὶ καὶ ὁμοίων.

Simonius dixerat, non ideo multos fuisse Judæorum Codices tempore Origenis, quod illos Græcis literis in suis Hexaplis expressisset; sed quia voluit, ut ii etiam qui nihil Ebraicè scirent, Ebraica possent legere. Jam Vossius, qui liberalis est, libenter illud se concedere affirmat: sed querit, cum Ebraei Codices carerent vocalibus, unde & à quibus haurire potuit Origenes rationem refarciendi istum defectum vocalium, nisi à Judæis. Mirificus sanè ratiocinator est Vossius, qui nodum in scirpo querit. Jam respondit Simonius, id habuisse Origenem ex recepta apud Judæos legendi ratione; qualem in legendis libris Syriacis, Chaldaicis & Arabicis extare apud Syros, Chaldaeos & Arabes norunt linguarum Orientalium periti. Ita si quis hodie Maronita verba Syriaca

libri alicujus Latinis literis vellet exprimere, illa facillimè exprimit, si sciat Syriacè. Neque profectò hac in re alia fors fuit linguæ Ebraicæ, quàm linguæ Syriacæ, Chaldaicæ & Arabicæ. Quare nugæ agit Vossius, & linguarum Orientalium imperitum se ostendit, quando ait legi quidem vulgò à Judæis libros à quibus absunt vocales, postquam stabilita est lectio à Masorethis; sed ante illa tempora eos legi non potuisse, nisi illà quam Origenes tradidit ratione, apponendo nempe Ebraica Græcis literis; quæ Ebraica tunc vocalibus instructa fuerint; quàm tantum ratione Judæos compendiarium scripturam assequi potuisse contendit Vossius: sicuti nunc eandem assequuntur beneficio Masorethicæ lectionis. Verùm à Vossio quaesicim, unde Samaritæ, qui eandem compendiarium scribendi Codices Ebraicos rationem habent atque Judæi, vocales refarcire potuerunt, cum Masorethica puncta non agnoscant: unde etiam Syri, Chaldaei & Arabes, quorum similis est ratio atque Judæorum, suppleant in linguis suis ejusmodi vocales, cum in paucissimis eorum libris puncta vocalia exprimentur: præterea quàm arte Judæi Talmudicorum Rabbiorumque libros possint legere & interpretari, à quibus absunt ejusmodi Masoretharum puncta.

Pergit iterum nugari Vossius, ac querit, si unicuique pro libitu licitum fuit addere aut variare vocales, quomodo sibi constare potuit lectionis & pronuntiationis ratio. Sed non ita pro libitu scribarum licitum fuit variare vocales illas, quas vocant

Rash.

Aben
Esra.

Rabbini lectionis matres, quin aliquæ certæ remanserint, ex quibus vera discerni posset lectio. Verum tamen est, ut annotavit Aben Esra, sæpius hac in re à scribis pro arbitratu suo variatum fuisse, adeoque inutilem esse Masoretharum laborem, qui tam anxie vocales illas seu literas Aleph, Vau, Jod numerarunt, cum earum præsentia & absentia sæpe nihil faciat ad sensum. Inde ortum est ut locis quàm plurimis Samaritæ idem prorsus legant in suis Codicibus, quod Judæi in Judaicis Exemplaribus; etsi vocales illæ diversâ ratione in Samariticis & Judaicis libris notentur. Simonius tamen agnoscit, hinc etiam factum fuisse ut ipsimet Judæi diversis temporibus Codices suos diversâ ratione legerint: idemque Simonius observat, frustra Judæos Masoram suam seu lectionis suæ usum opponere; cum etiam LXX. & alii Interpretes ante illorum tempora Masoram suam sive legendi rationem habuerint. Quæ lectionis diversitas traditioni seu lectionis receptæ usui nequaquam officit; quia hæc est sors linguarum nationum Orientalium quæ scribunt per compendia: neque magis ob hanc causam accusandi sunt Judæorum Codices quòd muti sint, quàm Chaldaeorum, Syrorum, Arabumque libri. Istæ enim linguæ suas quoque vocales habent, quæ sunt, ut ita loquar, lectionis matres, quæque haud infrequenter pro scribarum lubitu adjiciuntur & omittuntur; quia eas tantum adjiciunt quas ad lectionem vocum sufficere existimant.

Præterea Simonius ex eo probaverat Judæis suas quoque non decesse voca-

les, quòd aliarum gentium linguas suis characteribus exprimant. Sic habent libros Græcos, Hispanicos, Germanicos, aliosque literis Ebraicis descriptos. Sed regerit Vossius, in istis, præter Aleph, Vau, Jod, etiam puncta vocalia exprimi. Hoc quidem verum est, & à Simonio observatum fuit, qui voces quasdam ex iisdem libris proferens sine punctis illis vocalibus, eas expedite legi posse demonstrat, adeoque in istis vocibus inutilia esse puncta vocalia. Illud omne confirmari potest auctoritate Sabaitarum, qui in libris suis Chaldaico sermone conscriptis singulis fere consonantibus vocales adjungunt, quibus haud dubiè literæ Aleph, Vau & Jod genuinæ sunt vocales; & in hoc à reliquis Orientis populis differunt, quòd linguam suam quæ Chaldaica est minùs compendiarè scribant. Europæos quoque ridet nationes illæ Orientis, quòd linguæ Græcæ, Latinæ & aliarum vocabula nequeant legere, nisi omnibus suis vocalibus instructa sint.

Jam Vossius putat se efficaciter ex eo demonstrasse, puncta vocalia Codici Ebraico ineptissimè & nullo judicio apposita fuisse à Masorethis, quòd Christus & Apostoli diversâ planè ratione Patriarcharum & Prophetarum nomina legerint, atque Judæi recentiores. Sed optimè respondit Simonius, hanc scriptionis diversitatem rejiciendam esse in Judæos diversarum regionum diversarumque ætatum, qui eadem nomina Ebraica eodem planè modo scripta diversè proferunt, quæ si in patrum sermonem transferantur, scribuntur quoque diversè: & hæc fors fuit omnium

Sabai-
tarum
libri.

omnium linguarum, cum ne quidem voces Latine à diversis populis eadem ratione pronuncientur. Jam Vossius regerit ista quidem vera esse, sed non ad propositum, cum non de consonis quaestio sit, sed de vocalibus literis, in quarum pronunciatione omnes gentes conveniunt; additque nullos esse homines in quorum ore *Nabuchodonosor* & *Nebuchadnesar* eundem efficiat sonum.

Sed aurem Batavam profectò habet Vossius, qui hanc etiam sonorum diversitatem in pronunciandis literis vocalibus non percipiat. Audiat Anglos Latine loquentes, qui etiam in vocalibus pronunciandis magis Anglice loqui videntur quam Latine, apud quos videlicet litera vocalis *a* sæpè sonat ut *e*. Galli præterea & Hispani hac etiam in re differunt. Sed ut ad Orientis nationes veniam; in uno sermone Arabico pronunciando Turcæ & Arabes diversè literas vocales pronunciant, etsi illas iisdem punctis notatas legant. Suam quoque Maronitæ habent ejusmodi vocalium propriam pronunciationem. Hanc etiam in Syriaco sermone pronunciationis literarum vocalium discrepantiam licet animadvertere: nam etsi voces notentur iisdem punctis vocalibus, tamen ubi Maronitæ legunt *o*, Nestoriani legunt *a*, imitati Chaldaeos. Judæi ipsimet Grammatici certant de genuino punctorum vocalium sono: ita punctum *Cames* alii sono rotundiori pronunciant & quasi *o*; alii ore magis aperto & ferè ut *a*. Quare facilis fuit vocis *Nabuchodonosor* in *Nebuchadnesar* permutatio in linguis Orientalibus, cum tam inconstans sit apud Orientis populos

literarum vocalium pronuntiatio. Sed qui hæc ignoravit Vossius ex tripode pronuciavit, Simonium nihil retulisse quod ad quaestionem faceret.

Objecerat Simonius, Vossium non intellexisse Judæorum pronunciatum, qui affirmant Scripturam habere LXXII. facies sive sensus; quia constat etiam Judæos agnoscere unum sensum simplicem, seu, ut vocant, literalem; alii autem sensus allegorici sunt & cabbalici, ex quibus nemo sano præditus judicio concludet inconstantem esse apud Judæos Scripturæ lectionem. At sensus allegorici, regerit Vossius, sunt etiam sensus. Verum est; sed sunt sensus allegorici, qui tot sunt, ut rectè annotavit Simonius, quot otiosi Magistri possunt comminisci. Addit, sensus etiam simplices, seu, ut vocant, literales LXXII. quoque esse, si LXXII. consulantur Magistri; neque solum Rabbinos, sed & Christianos complures multiplicem probare interpretationem. Fateor; verum istud nihil facit ad rem: nam ubi verba Contextûs obscuriora sunt, licet semperque licebit Interpretibus Scripturæ novas indagare expositiones, quæ in Codicis Ebraici everisionem trahi non possunt. Scriptorum enim omnium fors communis est, ut illorum verba diversis modis interdum exponi possint. Quam obscuritatem potissimum libris Ebraicis tribuit Simonius. Sed hæc verborum obscuritas efficit tantum interpretationis diversitatem, non varietatem lectionis.

Iterum in solitas declamationes relabitur disertulus Vossius, atque in Simonii scripto nihil inveniri præ-

ter frigidas cavillationes sine ullo ordine & judicio. Hac ratione respondet Simonio objicienti Vossium ubique asserre quæ sint planè inutilia & extra propositum. Quippe hic contendit LXX. Seniores appellari Prophetas, quia sunt Interpretes, cum *prophetis* idem sit quod interpretari. At rectè illum monuerat Simonius, hic non agi de ejusmodi Prophetis; sed de hominibus Spiritu Sancto afflatis, quales fuisse LXX. Seniores Vossius putavit: & quia nunquam ferit scopum, iterum rege-rit, à Christo & Apostolis omnes eos Prophetas appellari, qui S. Scripturas intelligunt & rectè interpretantur: sed pergit ineptire Vossius, cum de hisce Prophetis non instituta fuerit quæstio.

Præterea, ut excellentis sui judicii vim ostendat bonus Vossius, sic ratio- cinatur. Si idolorum cultores sæpè in Sacris Literis appellantur Prophetæ, multò magis hoc nomen conveniet veris Dei sacerdotibus, scilicet LXX. Interpretibus. Potuit etiam addere, nugatoribus & impostoribus, quales sunt novi Prophetæ Vossiani. Sed ista nihil quoque faciunt ad institu- tum, cum de veris Prophetis & Spi- ritu Sancto afflatis quæstio instituta fuerit. Si autem alios non agnoscit Prophetas quàm Interpretes & ido- lorum cultores, actum est de Prophe- tia & de Sacrorum Librorum di- vinitate. Argumentum quod sumit à Scribis qui res Ebræorum chartis committerent, quique, teste Simo- nio, Prophetæ fuerint & à Deo in- spirati, nihil etiam facit pro ad- struenda LXX. Interpretum Prophe- tia: quia, uti jam observatum fuit,

alia est ratio eorum qui res divinas scripserunt; alia ratio eorum qui illas ex Ebraicis fecerunt Græcas. Illos Divino Spiritu afflatos fuisse necesse est; his verò linguæ Ebraicæ & Græcæ cognitio sufficiebat, ut libros Ebraicos in Græcum sermonem con- verterent.

Objeçat Vossius, Simonium sem- per relabi in Hieronymum suum, quia non alium præter illum fuisse potest testem sublatæ à LXX. Interpretibus Prophetiæ. Sed unum proferat tes- tem Vossius è priscis Ecclesiæ Patri- bus, qui artem criticam; de qua in præsentia agitur, feliciter tractaverit quàm Hieronymus, qui fectas illas LXX. Interpretum ædificas, quas Justinus Martyr & alii Patres cum Ju- dæis admirati sunt, etiam sustulit: neque hodie inveniuntur homines qui Judaicis istis commentis fidem ha- beat. Cur igitur Vossius similiter non credit, rectè quoque ab eodem Hieronymo sublatam fuisse LXX. In- terpretum Prophetiam, quæ non alios quoque autores habeat quàm Judæos illorum temporum? In rebus criticis paucorum qui judicio polleant sententia multorum hominum testi- moniis sæpius præferenda est.

Simonius rectè consecerat Beatum Stephanum ultimam suam concionem non Græcâ, sed Syriacâ linguâ, quæ Hierosolymis tunc erat vernacula, absolvisse; verisimilem quo- que esse Hieronymi opinionem, qui existimavit Stephanum in illa con- cione testimonia Veteris Instrumen- ti produxisse ex Ebraicis Codicibus. Jam, quid ad hæc Vossius? Respon- det non opus esse fingere, cum hodie supersint ipsa Stephani verba quæ

Græca sunt, & loca Scripturæ conveniant cum LXX. Interpretibus, non autem cum Judæorum libris. Miror belli istius Critici judicium. Simili ratione dixerim Christum, quem Syriacè cum muliere Samaritana collocutum esse ipse Vossius agnoscit, Græcè locutum fuisse, quia illius verba Græcè referuntur ab Evangelista. Sed quid pluribus opus est? Lucas ipse autor Actuum Apostolorum testatur se hanc historiam Græcè scripsisse, simulque sermonem Hierosolymitanorum Judæorum vernaculum fuisse Syriacum. Sic Cap. 1. Actuum, vers. 19. agri Judæ mentionem faciens, dicit illum linguâ Hierosolymitanorum vernaculâ, καὶ ἰδίᾳ Ἀραμαῖῳ αἰσῶν, appellatum fuisse *haceldama* sive agrum sanguinis. Jam extra controversiam est, voces *haceldama* Syriacas esse seu Chaldaicas.

Rectè quoque ab Hieronymo observatum fuit, Stephanum in concione quam habuit ad Judæos Hierosolymitanos non aliis usum fuisse testimoniiis Scripturæ, quam ūs quæ deprompserat ex Ebraicis Exemplaribus; quia videlicet tunc Hierosolymis, uti demonstratum fuit, Judæi Legem Moysi alioque Scripturæ libros ex avita Patrum suorum traditione legebant Ebraicè, non Græcè.

Instat Vossius, aitque fieri non potuisse, ut Stephanus Ebraicè vel Syriacè locutus fuerit, quia tunc Hierosolymis erant Romani & Græci generis Judæi, Libertini videlicet, Cyrenæi, Alexandrini, Cillices & Asiatici, quibus Græca lingua familiaris erat. Sed quis credat Stephanum ad Hierosolymitanos aliâ linguâ orationem habuisse, quam illâ quæ

Hierosolymis vernacula erat apud Judæos, paucorumque qui Græcè sciebant rationem habuisse? Sermone autem Græcum Hierosolymis vernaculum apud Judæos non fuisse, sed Syriacum, præter jam allata testimonia, manifestè probant verba Tribuni, Act. 21. quem cum Paulus vellet alloqui, cum rogat Tribunus, an sciret Græcè, quia scilicet Judæi Hierosolymitani Græcè non loquebantur. Unde etiam eodem Capite legimus Paulum, etsi Græcè sciret, quia Tarsensis erat, Ebraicè, id est Syriacè sive Chaldaicè ad Judæos Hierosolymitanos orationem suam habuisse, qui majus silentium præstiterunt, quod Ebraicè seu patrio eorum sermone loqueretur.

Vossium malignè Aristeam & alios ætatis illius impostores Judæos cum Mose & Prophetis contulisse meritiò objecit Simonius, qui de Judæis tantum illorum temporum locutus fuerat, quibus solenne fuisse fingere ac falsa scribere nec ipse potest diffiteri Vossius, qui autor est tunc Judæos sinxisse libros Adami, Enoch, Sibyllarum & alios complures sub Patriarcharum Prophetarumque nominibus. Id quoque jam olim præcis Scriptoribus suboluisse demonstraverat Simonius Philonis Herennii testimonio, quod refert Origenes. Tamen nihil tale dixisse Origenem contendit Vossius, cujus etiam hæc verba profert, quæ repetam, ut de his æqui judicent lectores. *Fertur ex Origene Hecatai Historici de Judæis liber, in quo adeo probat hujus gentis sapientiam, ut Herennius Philo in Commentariis suis primum dubitet an hujus Historici id scriptum sit; deinde addat, siquidem*

Item ejus est, videri eum corruptum
Judaeorum persuasionibus, probasseque
illorum placita. Jam igitur ab illis tem-
poribus suspicatus est Herennius Philo-
Hecatei librum de Judæis ab ipsismet
Judæis confectum fuisse; ut etiam his
verbis adductus Scaliger existimavit
librum hunc supposititium esse.

Iterum ad Origenem venio, Scrip-
torem sane in præsentī materia gra-
vissimum. Simonius dixerat in hoc
errare Vossium, quod existimaverit
Origenem non alios probasse Codic-
ces quàm Græcos LXX. Interpre-
tum, cū ipse Origenes, referente

Hieron.

Hieronymo, in tomis suis Ebraicæ
linguæ quaesierit auxilia, etsi in Ho-
milis suis quas ad vulgum loquitur
communem editionem sequeretur.
Addit Vossius, Simonium ad suum
Hieronymum relabi, ex cujus tamen
verbis effici non possit prælatam un-
quam fuisse ab Origene LXX. Inter-
pretibus Aquilæ Versionem. Sed à
quo meliùs Origenis mentem possumus
addiscere, quàm ab Hieronymo
qui libros illius legit ac perlegit, qui-
que testatur chartas Alexandrinæ,
id est libros Origenis, marsupium
suum evacuasse? Versionem Aquilæ
LXX. Interpretibus prælatam fuisse
ab Origene non affirmavit Simonius,
sed eum illis Interpretibus non ita
fuisse addictum, quin etiam ex aliis
sæpè auxilium quaerret; idque tam
Hieronymi quàm ipsius Origenis
verbis demonstratum fuit. Hic enim
LXX. Interpretum Codices, quos
putavit corruptos, ex Aquilæ, Sym-
machi ac Theodotionis Versionibus
castigare non reformidavit.

Verum Origenes ipse, inquit
Vossius, testatur contrarium in Epi-

stola ad Africanum, in qua asserit
recedendum non esse à terminis
quos Christus & Apostoli posuerunt.

Orig. in
Epi. ad
African.

At quale fuerit Origenis ingenium,
& quā ratione exponenda sint verba
illius scribentis Africano, ostendit
Simonius: quippe Origenes in hac
Epistola vulgares opiniones sequitur.
Itaque doctissimi illius Patris autori-
tate abusus est Vossius, cujus scri-
bendi rationem non cognovit: ille
enim haud infrequenter receptis apud
plebem de LXX. Interpretum Ver-
sione opinionibus se accommodavit.
Rem ita se habere declarat non mo-
dò Hieronymus, sed & ipse Orige-
nes, qui Aquilæ, Symmachi &
Theodotionis Codices pluribus locis
sinceriores esse LXX. Interpretibus
lubens agnovit, siquæ interdum plus
sit in illis quàm in Ebræo, non fal-
sitatis Ebraicum Exemplar accusat,
uti facit Vossius; contrā notat his
locis LXX. Interpretum lectionem
tāquam suspectam. Sic Commen-
tariis in Evangelium Joannis, post-
quàm aliquot nomina in illis restitu-
it ex veritate Ebraica & ex Versionibus
Aquilæ, Symmachi & Theodotio-
nis, addit illa suspecta debere esse
loca in Græca LXX. Interpretum
Traditione, ubi plura nomina pro-
pria enumerantur, quàm in Contextu
Ebraico. Hæc enim sunt doctissimi
illius Patris verba. Μαλις ἢ ὡς
πλεονάζουσιν τὰς λέξεις τῶν ἑρμηνευ-
τῶν καὶ ὡς ἐν τῇ ἑκκλησίᾳ τῶν
ἀποστόλων καὶ ἐν τῇ ἐκκλησίᾳ τῶν
ἀποστόλων. At contrā Vossius his ipsis
locis semper declamitat in Judæos
tāquam librorum suorum corrup-
tores, neque aliam istius deprava-

Origeni.
Comm.
in Jerem.

Origeni.
Comm.
in Ezech.
Joann.

tionis causam affert, quàm quia aliter habent LXX. Interpretes. Longè modestius in hoc negotio se gessit Origenes, qui ut hominem criticum & summo prædium iudicio decebat, Ebraicos Græcosque Codices committens, plus autoritatis tribuit Ebraicis quàm Græcis qui ex illis sumpti fuerant.

De loco autem Exodi quem hîc Vossius verbosè explicat, sileo, quia nihil facit ad propositum; cùm de Origenis mente quam illustravimus solum agatur, non de genuina loci istius interpretatione. Quocunque enim modo exponantur verba Exodi, certum est Origenem in suis Commentariis etiam ex aliis Interpretibus quævisse auxilia, uti cum Hieronymo Simonius contendit: quodque magis ad rem facit, idem Origenes suspectam interdum LXX. Interpretum lectionem ex illis Interpretibus reformare non dubitavit.

Jam sophistamagens Vossius, quasi ex suggestu declamat adversus Simonium, qui objecerat illum scripta Patrum imperitè tractasse, ac nescivisse quid Patres ex sua sententia assererent, quid ex vulgaribus opinionibus proferant, atque in primis Origenes. Quærit postea quinam sint portentosissimi illi Aristæ sermones, cùm in illis quæ vulgò teruntur Exemplaribus nihil tale occurrat. Sed jam annotavit Simonius, ea quæ in historia sua narravit Aristæas, minùs abesse à fabellis & portentis quæ Judæi de Jonathane Chaldæo Interprete confinxerunt, quàm à vera narratione. Ille siquidem ratione haud absumili scribit, eos qui antea

Legem Græcè evulgare ausi fuerant, à Deo punitos fuisse. Sic Theopompus, qui voluerat nonnulla ex Lege historiarum suarum inferere, animo turbatus fuit ultra dies triginta: cùmque Deum supplex oraret ut morbi sui causam aperiret, in somno responsum accepit, hoc ei accidisse quòd res divinas evulgare in animo habuisset. Simile quid Aristæas narrat de Theodecte Poëta, cui cùm etiam voluisset ex libro Legis aliquid in suam transferre fabulam, statim visus ablatum est. Has offas quæ crudæ sunt, bonus Vossius concoquit, quia illius stomacho aptæ; quas tamen vix concoqui posse sentiens ipse Aristæas, hæc eodem loco subiicit. *Ὅτι οὐκ ἔστι τὸ πῦρ τῆς ἀντιθέσεως τῆς ἀρετῆς ἀποτρεχτικόν, ἀλλὰ καὶ ἀναγκαῖον ἵνα τὸ πῦρ φανῇ.* Existimo autem fore ut iis omnibus qui hæc lecturi sunt videantur ea esse incredibilia.

His & aliis similibus adductus fuit Simonius, ut fidem non haberet Aristææ narranti minùs credibilia dignaque ætate quàm Opusculum istud à Judæis confectum est. Quare testatur sibi probabilem videri eorum sententiam, qui putant Græcam Versionem nomen LXX. Interpretum sumpsisse à LXXII. Synedrii Hierosolymitani Senatoribus qui hæc suffragiis suis comprobant. Quid ad hæc modestissimus Vossius? Totus versus in furorem aserit sic sentire semichristianum Talmudistam; Simonium in ea esse opinionem, ut putet Versionem illam, licet approbatam à Senatoribus Hierosolymitanis, non sinceram esse & legitimam, sed doloſam, perfidam & summa cum astutia ad decipiendos concinnatam fuisse

Arist. de
Voss.
LXX.
Interp.

fuisse gentes. Parcendum est ardori Prophetico quo accensus fuit: bonus Christianus Vossius, qui tunc de refellendo semichristiano illo Talmudista cogitavit. Nemo est qui phuris fecerit Græcam LXX. Interpretum Versionem quam Simonius, qui etiam Vossium laudaverit, quod illam à maledictissimorum hominum calumniis asserere conaretur: non eam tamen Divinam esse & Propheticam existimavit. Si semichristianus Talmudista in hoc solum peccavit, quod dixerit Versionem istam à Synedrii magni Sacerdotibus approbatam fuisse, non video cur tot maledictis illum laceggerit Vossius: inde enim magna illi conciliatur autoritas. Sicut Senensis vir doctus libri secundum Maccabæorum divinitatem accessit potissimum ex illorum Senatorum suffragiis. Hæc sunt illius verba. *Jason Cyrenæus natione Judæus verax & disertus historiarum Scriptor scripsit Græcâ & copiosâ dicendis ubertate de gestis Maccabæorum Principum libros quinque, quos ob eximiam narrationis fidelitatem Senatûs Populusque Hierosolymitanus iussu in parvam redigi Epitomen, quam nunc inter cæteros Divinæ Scripturæ libros annumeratur, parique cum eis veneratione suscipitur, & secundus Maccabæorum inscribitur. Itaque Sibyllino furore quo tunc percitus fuit Vossius, tribuo hæc quæ mox subijcit verba. Quæ verò ratione factum sit, ut in perisda & fraudulenta Sacrarum Literarum procudenda Versione conspirarint omnes isti qui Synedrion magnum constituerent Judæorum Propheta, id non explicat P. Simonius, sed similitudine declarat. Id*

quidem non explicat Simonius, quia tale quid nunquam commentus est. Similitudo autem quam sumit ex Versione vulgari Latina, quæ sapienter à Patribus Concilii Tridentini approbata est, mirè facit ad propositum; quia de Græca Translatione agitur, quæ apud Judæos Hellenistas authentica facta est, postquam talem eam declararunt Synedrii magni Allessores; sicut apud Christianos Ecclesiæ Occidentalis Versio Latina facta est etiam authentica Patrum Tridentinorum decreto. Par est utrobique ratio; quia non agitur de S. Scripturarum libris, qui extra controversiam Divini sunt & Canonici; sed de illorum Versione, quæ ideo Divina non est & ab omnibus mendis repurgata, quod authentica declarata fuerit: de hoc enim nunquam cogitarunt Tridentini Episcopi, neque etiam Summi Pontifices Sixtus V. & Clemens VIII. qui curarunt tantum ut Latinum Exemplar quam emendatissimè ederetur. Sed certè, inquit Vossius, non consensissent Patres Tridentini in approbanda hac Versione, nisi eam optimam judicassent. Bene quidem arguit: hanc enim optimam esse existimavit Simonius; sique idem de ea judicium ferret Vossius, non tot maledictis illius autorem Hieronymum laceggeret. Verum, ex eo quod Synodus Tridentina vulgarem Editionem Latinam cæteris Versionibus Latinis prætulerit, & eam definierit authenticam, non sequitur eam quoque esse Divinam; quia de Versione agitur cujus autor Propheta non fuit, sed Interpres; minime verò de ipsius Scripturæ libris, quos Divinos

G

esse

Sixt. Sen.
Biblioth.
Sanc.
lib. 2.

esse Synodus Tridentina declarare potuit, non tamen ipsos facere Divinos.

Ab eodem furore Sibyllino perfectum est illud quod Vossius argumentum suum non prosequens ibidem Simonio objicit; eum videlicet exilimare, nos non habere scripta Prophetica Veteris Testamenti integra; sed ampliata, decurtata, & variis molis pro libitu & ratione temporum à Sacerdotibus magni Synedrui interpolata. Furor sancte Propheticus facit ut bonus Vossius tam desultorie scribat & argumentetur. Quia verò eadem nonnullis interjectis repetit, totum hoc negotium isto loco resumam. Satis erit in præsentia adversus Vossium ea regerere quæ Simonio objicit, qui nihil prorsus mutationis Scripturæ libris accidisse putat, ex eo tempore quo in publicum editi sunt & in Canonem relati, nisi ea quæ in librorum incuriam potest rejici. Contra Vossius Criticam sanctam tractans sine judicio autor est, S. Literarum fontes consultò à Judæis & Samaritis depravatos fuisse odio Christianæ Religionis; genuinam Scripturam petendam esse à Græca LXX. Interpretum Translatione, quæ jam ante Originis tempora mutila erat, decurtata sed ampliata. Viderit igitur Vossius, quâ ratione affirmare potuerit Simonium scripta Prophetica Veteris Testamenti protulisse non integra, sed decurtata & ampliata, cum firmissimis rationibus probaverit, Judæos nunquam flos Codices corripisse, ostenderitque imperitum esse Criticum Vossium, qui hoc ausus sit affirmare. Constat LXX. Interpre-

tes, in libris maximè Prophetarum, decurtatos fuisse etiam ante Originem, qui decurtatis istis locis quaerierit auxilia seu supplementa ex semichristianorum Versionibus. Præterea Hieronymi tempore Daniel Propheta non ex LXX. Interpretibus, sed ex Theodotione legebatur in Ecclesiis.

Transit postea ad linguam Hellenisticam Vossius, objicite Simonium linguam hanc sepultam & ad inferos missam denuò suscitare. Sed jam responderat Simonius, Salmasium hac in re de nominibus sæpè disputasse: etsi enim pleræque voces quibus utuntur LXX. Interpretes Græcæ sint, novas tamen illis potestates affingunt interdum ex præsumptis opinionibus. Similiter quando verba Ebraica ita reddunt, ut verbum de verbo expriment, minùs Græcè loquuntur; & hoc Simonius vocavit *κακοῦδία* seu pravam affectationem Judæis Interpretibus familiarem, quæ etiam interdum in LXX. Interpretibus occurrit. Sic, dum quædam præpositiones ex Ebraeo faciunt Græcas, retinent dictionem Ebraicam: exempli causa, sermo Ebraicis comparativum exprimit per *כ*, quod LXX. cum *Α*quila haud infrequenter reddunt *ὡς*, ab. Tunc ista *κακοῦδία* sensum efficit obscurum. His accedit, LXX. Interpretes tribuere etiam interdum verbis Græcis potestates quas sumunt ex sermone Syriaco; quia sermo Syriacus seu Chaldaicus tunc Judæis erat vernaculus, ita ut his & similibus locis difficile sit eorum mentem expiscari: unde factum est, ut ipse Vossius, qui se Græcè scire putat,

putat, miris modis se contorqueat ut explicet verbum *ὑπερ*, Cap. Genes. 3. accusavit enim librariorum, quasi contra omnium Codicum auctoritatem legendum sit *ὑπερ*. Denique factus oculatior vulgarem lectionem quam improbaverat, retinendam esse censet: quia jam ab aliis annotatum fuit, verbum *ὑπερ* etiam sumi in malam partem, ac significare quoque *observare*, *insidiari*. Verum si Græcum est verbum *ὑπερ* sumptum hoc sensu, cur Vossius qui scit Græcè in re tam obvia modò ait, modò negat, secumque manifestè pugnat? Cur non alios hujusce rei proferat testes, quàm ipsosmet LXX. Interpretes, vel Scriptores Ecclesiasticos, qui sapius ut sensum vocum Græcarum quæ occurrunt in LXX. exponant, recurrunt ad Aquilam & alios Interpretes? Hoc quidem loco exissimaverim, vulgarem lectionem Græcam *ὑπερ* retinendam esse, sed illius sensum ex lingua Hellenistica petendum, quia LXX. Seniores tunc attenderunt ad verbum *ὑπερ*, quod interdum apud Syros & Chaldaeos in malam partem sumitur. Hæc, quia sapius in Græca LXX. Interpretum Versione occurrunt, Patres Græci tunc alios Interpretes Græcos consulunt, ut eorum beneficio LXX. Interpretum mentem facilius assequantur. Verba quidem illa Græca esse nemo dubitat; sed quæstio est, utrum notiones quas illis affingunt LXX. semper sint Græcæ.

Præterea voces esse tam in LXX. quàm in Novo Testamento, quæ minùs Græcæ sint, dudum observavit Hieronymus; adeoque nupera non

est ac ficta lingua illa Hellenistica: quippe Græcè sciebat Hieronymus, qui etiam illas voces novas tuetur adversus disertulos quosdam ætatis suæ homines, qui notabant LXX. Interpretes quasi minùs Græcè loquerentur, usque, ut loquitur Hieronymus, de veritate & veritate sermonis illuderent. Hòs, quos Hieronymus *disertos seculi* appellat, ex eo in primis arguit, quòd LXX. Interpretes de Ebraeis difficultatibus proprietates exprimere conati sint. Hæc est *καταχρηστική* illa quam rectè Simonius cum Hieronymo tribuit LXX. Senioribus: adeoque malè reprehenditur à Vossio qui scopum nunquam ferit, quasi relicta lingua Hellenistica transierit ad *καταχρηστικήν* Judæorum Interpretum, nec tamen addiderit de quibus Interpretibus loqueretur: nam eodem loco verbis expressis affirmat Simonius, se non tribuere LXX. Interpretibus Græci sermonis imperitiam, sed tantum *καταχρηστικήν*. Vossius, cui nihil solidi subest quod respondeat, semper querit effugia.

Neque etiam Augustino videtur ignota fuisse lingua Hellenistica: ille enim expendens verba illa Levit. Cap. 22. ut leguntur in Italia, *Cum adimpleti fuerint dies purgationis ejus super filio aut super filia*, hæc addit: Merito quidam nostri ita interpretati sunt istum in Levitico locum, ut non dicerent super filio aut super filia, sed pro filio aut pro filia: hanc enim vim hujus præpositionis esse intellexerunt hoc loco, ubi Græci ait *ἐπὶ υἱῷ ἢ θυγατρὶ*. Sic quidem in Vulgata reddidit Hieronymus; nèque aliunde vis illa præpositionis Græcæ *ἐπὶ* sumpta

Hieron.
Comm.
in Epist.
ad Gal.

sumpta est, quàm ex Ebræo γ , quod hoc loco idem est atque $\gamma\gamma$: constat autem, $\gamma\gamma$ apud Ebræos significare *super & pro*.

Quæ autem eodem loco subjicit Vossius de verbo ἐκκατὰ , quasi significet partes Græcorum asserere, ea non esse ad propositum rectè animadvertit Simonius, cum de hac vocis illius, quæ plures habet significatus, notione mirimè agatur; atque Simonius, perinde esse ac si quis de Vossio dixerit eum esse Criticum & Canonicum. Sic verbum ἐκκατὰ potest significare partes Græcorum sequi; ita tamen ut significet etiam loqui Græcè. Hic de prima significatione non agitur; sed de secunda. Jam fuisse Græcos qui Græcè loquerentur non inficias ierit Vossius, qui velit non aliam fuisse linguam Judæarum omnibus qui erant in Imperio Romano, quàm Græcam. Cum autem firmissimis rationibus demonstraverit Simonius, fuisse etiam Judæos qui Chaldaicè sive Syriacè loquerentur, maxime Hierosolymis & in locis vicinioribus, optimè confecit Judæos illos qui ἐκκατὰ distingui ab aliis, quod Græcè loquerentur.

Iterum in solitam λαλομαχίαν relabitur Vossius, qui Simonium arguit quod Rabbinos appellaverit Doctores recutitos, quam vocem notat ut ineptam; quia illa denotantur Judæi qui soliti fuerint sibi præputium adducere. Sic, quia minus est Criticus Vossius, de verbis disputans cum rationes desunt; cumque sit lepidulus, rogat Simonium ut ostendat recutitos peculiarem habuisse linguam & distinctam ab aliis Judæis. Si li-

ceat cum Vossio sectari minutias, dixerim non ita certam esse vocis istius notionem, quin plerique Grammatici & Lexicographi recutitum idem esse agnoscant atque circumcisiura, seu eum cui recisa est cutis vel præputium. Miror tamen Vossium de vocibus ineptis lites intendere, cujus libri vocibus & phrasibus verè ineptis & minus Latinis abundant, quarum amplam messem facile sit colligere. Quodque in isto homine Latino mirabilius est, vocabulum quod hodie ipsi Latinum est, eras Latinum non erit. Sed miror ista, quia leviora sunt. Satis est dixisse Vossium in prima libri sui de LXX. Interpretibus periodo, *scientias* in plurali usurpare: at qui lazinè loquantur dicunt *disciplinas*, vel quid simile. Cetera non lubet persequi, quod non sint ad propositum.

In verbis Genes. Cap. 1. $\text{ἐν ἀρχῇ ἦν ὁ λόγος}$ dixerat Simonius auctorem sibi videri LXX. Interpretum Versionem, quia vox ἀρχῇ principium & principatum significat: diligentis autem esse Interpretis vitare amphiboliam sive ambiguitatem. At regeat Vossius, debuisset quoque Christum & Apostolos carpi, qui passim similiter loquantur. Sed in hoc errat Vossius, qui putet Christum & Apostolos Græcè in Novo Testamento locutos fuisse, quia eorum verba ab Evangelistis Græcè exprimuntur. Jam observaverat Simonius, Novi Testamenti phrasim non minus esse Hellenisticam, quàm LXX. Interpretum sermonem quem imitati sunt Evangelistæ. Rectè quoque animadvertit.

On-

Origenem hoc loco convenientiorum judicasse Aquilæ interpretationem: sic quoque passim alii Patres, maximè Græci, laudant Aquilæ, Symmachi & Theodotionis Versiones uti minus obscuriores quàm sit LXX. Interpretum Tralatio, quos etiam relinquant in suis Commentariis. Potuit igitur tam hic Simonius quàm alii locis LXX. accusare ambiguitatis & obscuritatis, præcipientibus sibi Græcis Patribus.

Quod verò ait Vossius, unicum Aquilæ studium fuisse invertere ordinem verborum quem LXX. posuere, ut hæc ratione sensum Scripturæ obscuraret, ac hoc loco posuisse *ἐκείναι*, quia LXX. posuere *ἀπ' αὐτοῦ*, illud non facit ad institutum, imò in ipsum Vossium regeri potest, cum Græci illi Patres, qui relictis LXX. Interpretibus sequuntur interdum Aquilam, quia his locis Versio illius clarior est, declarant manifestè eundem Aquilam non eo consilio invertisse ordinem verborum quem LXX. posuere, ut Scripturæ sensum obscuraret, sed magis ut illum redderet explicationem. Ineptè igitur Vossius huc transtulit duos hosce versículos,

Omnia enim stolidi magis admirantur amantque

Inversis quæ sub verbis latitantia cernunt.

nisi dicat ineptos esse Patres & stolidos, qui passim in suis scriptis observant Aquilam & alios Interpretes Græcos verba Ebraica clarius ac dilucidius vertisse quàm LXX. Seniores. Nugas igitur hic ubique agit

Vossius. Pergit quoque ineptire, ubi ait illum esse Aquilam quem deperit Simonius, & quo præcipuè ducit novam S. Literarum meditatur editionem. Norunt qui Criticam Sacram Simonii legerunt, eum longè aliam veri Sacrarum Literarum Interpretis ideam effinxisse, quàm illam quam ei tribuit Vossius.

Verba Genes. Cap. 3. vers. 14. *Ἐν τῇ ἡμέρᾳ ὅτε ὁ κύριος εὐρίσκει τὴν ἄνθρωπον*, obscura esse notaverat Simonius, quia voces Ebraicas pressius exprimunt, & *ו*, quod apud Ebræos nota est Comparativi, vertunt *דני*, *ab*. Contra hæc regerit Vossius, *דני* non sumi comparative; sed hæc esse Protopopoiā, Deumque imprecari serpenti, ut cum animalia omnia maledictis incessant. Verùm ista dici comparative res ipsa loquitur; unde etiam in Vulgata habetur, *Maledictus es inter omnia animantia*: nam præpositio *ו*, quam etiam retinent Chaldæus, Syrus & Arabs, significat *pra*, & Latini Interpretes istarum Versionum omnes cum Vulgata concordant in exprimenda hac præpositione. Fecit etiam illa præpositionis Græcæ *דני* apud LXX. ambiguitas, ut interdum Interpres qui ex Græco Scripturam fecit Arabicam, vertat *דני* plus quàm, etiam ubi illa non sumitur comparative. Ut ista ambiguitas tollatur, melius reddetur *דני*, *super*, uti Simonius annotavit in *Castigationibus*: sic enim ibi legendum est, non *דני*: quo etiam modo LXX. Interpretes haud infrequenter vertunt *ו* Ebraicum. De verbo autem *מִיָּהוּת* & *מִיָּהוּת* jam supra egimus.

Negat præterea Vossius, navem

ex asseribus seu tabulis construi; sed ex arboribus quadratis construi affirmat, huncque esse sensum verborum Genes. Cap. 6. vers. 14. *Πολύων σταυρίων κτιστὴν ἐκ ἑλάνων περὶ αὐτῶν. Fac tibi arcam ex lignis quadratis*: & quia peritus est naupagus, solusque scit quid rei sit navis, fingit arborea quidam quadratas fabricæ navali aptissimas, quia materiem simul & resinam seu picem ad unguendas naves exhibeant. Sed manifestum est, apud LXX. Interpretes nomine lignorum quadratorum nihil aliud intelligi quàm oblongos asseres ex quibus naves construuntur; quàm expositionem confirmat Latinus Interpres, qui habet *Fac tibi arcam ex lignis levigatis*, id est, ex complanatis asseribus.

Malignè Vossius objecerat, Simonium de Veteris Testamenti Scriptoribus idem sentire quod sensit Spinosa. Nunc Simonium rogat, cur id agrè ferat, cum eos faciat ipso Spinosa indoctiores, qui libros Scripturæ Sacræ statim tribuendos esse existimant illis quorum nomina præferunt. Quia verò Simonius sententiam suam Theodoretum aliorumque Patrum testimoniis confirmaverat, regeat Vossius nihil occurrere in Theodoro & in aliis Patribus quod non libenter legant & approbent Christiani: qua in re iterum bonus ille Christianus malignitatem suam & imperitiam ostendit, qui de Patrum scriptis, quos nunquam ipse legit, pronunciare audeat. Constat Theodoretum & complures alios Patres, doctissimosque ætatis nostræ Theologos in ea esse sententia, ut de Autoribus multorum Veteris Instrumenti li-

brorum nihil certi affirmari possit, uti pluribus verbis ostendit Sixus Senensis & alii qui hoc argumentum tractarunt. De quibus libris à Gregorio Magno Summo Pontifice egregiè dictum est, *Quis hæc scripserit valde supervacue queritur, cum tamen autor libri Spiritus Sanctus fideliter credatur*. Itaque Simonius rectè observavit Spinosam imperitum esse malignumque hominem, qui ex iis quæ in confesso sunt apud præstantissimos Ecclesiæ Catholicæ Theologos, auctoritatem Sacrorum Librorum conetur evertere. Simonius censuit refellendas ac damnandas esse impias quas Spinosa inde ducit consecutiones, quæque manifestè falsæ sunt. Sic firmis demonstravit rationibus ejusdem Spinosæ imperitiam in iis quæ de Scriptore Pentateuchi effutiit; probavitque istum hominem S. Literas non intellexisse. Dubitavit Augustinus, an Josue sit Autor libri qui nomen ejus præfert: Theodoretus hoc ipsum negavit apertè: jam quis inde concludat Augustinum & Theodoretum consentire cum Spinosa? Similiter doctissimi Theologi ante centum annos affirmarunt plures esse in rebus chronologicis errores tam in Ebraicis Scripturæ Sacræ Codicibus, quàm in Græcis & Latinis. Spinosa, qui idem quoque sentit, sumit inde malignè rationes in everisionem Sacrorum Librorum. Jam quis inde conficiat, nisi maledicentissimus Vossius, gravissimos illos Theologos in hoc negotio cum Spinosa conspirare ut Sacras Literas evertant? Rectè igitur dixit Simonius, illos esse Spinosa indoctiores, qui libros Scripturæ Sacræ putant statim

Gregor.
M. Pref.
in lib.
Job.

August.
Theodor.

tribuendos esse iis quorum nomina præstunt. Imperitus quoque disputator est Vossius, qui hæc arte Spinofæ argumentis vires addat.

Pergit Vossius invidiam creare Simonio, qui dixerit præstantissimos Ecclesiæ Theologos in hoc etiam non consentire cum Judæis, qui putent, ne unam quidem vocem esse in Lege quæ non sit Moſis. Contrà certum est nonnulla libris Moſis poſtea addita fuiſſe ab Eſdra vel ab aliis Prophetis qui illos recognoverunt. Reita eſſe manifeſte ostendunt Theologorum illorum Commentarii in Scripturam Sacram. Sed Vossius, qui nunquam ceſſat maledictis ſuis B. Hieronymum laceſſere, autor eſt illum eſſe unum ex vetuſtis Eccleſiæ Patribus qui id affirmare auſus fuerit, quaſi libi Moſis ab Eſdra interpolati fuerint. Iterum maligno capiti animo Vossius Simonii verba, qui dixerit non conſtare utrùm Moſes ipſe eam quam ſub ejus nomine habemus hiftoriam totam literis mandavit, vel ex parte à Notariis illis publicis qui res ætatis ſuæ conſcribebant, chartis excipi jufferit. Mirè ſibi applaudit hac in re mirificus Vossius, quaſi novos Scribas Prophetarumque ſuſceperit Simonius. *Valeant, inquit, iſti quos P. Simonius fingit Notarii: valeant quoque omnes iſti commentitii Scriba & Prophetæ interpolatores & inſeſſores Sacrorum Librorum.* Jam tempus eſt ut totum iſtud negotium excutiam, ostendāque commentitios non eſſe Scribas illos ſeu Prophetas qui apud Ebræos geſta Reipublicæ chartis commiſerint, adeoque maledicum eſſe Voſſium, qui cum tam imperitè Pa-

trum ſcripta tractaverit, audeat quoque ſententiam ferre de rebus parum ſibi cognitis.

Scribas publicos apud Ebræorum gentem fuiſſe Regum ſuorum temporibus, notius eſt quàm ut probeatur. De Moſis tempore longè major eſt difficultas, cum de illis publicis Scriptoribus nihil in Pentateucho haberi videatur; unde factum fuiſſe puto, ut nonnulli ætatis noſtræ Theologi, qui illos ſub Regibus Ebræorum fuiſſe lubenter agnoſcunt, negent tales Scribas exiſtiſſe ſub Moſe. Verùm ut credam inde jam à præſcis illis temporibus apud Ebræos fuiſſe Prophetas qui res geſtas in Acta publica referrent, Joſephi verbis adverſus Apionem adducor. Ille enim ex eo potiſſimum Judæorum hiftoriis fidem conciliat, quòd apud Ebræos ab ipſius Moſis temporibus viri fuerint qui res geſtas literis commendarint. Contrà, Græcos nihil firmi in ſuis hiftoriis habuiſſe, ex eo in primis arguit, quòd illi publicos Annalium Scriptores à præſcis temporibus non conſtituerint, quos etiam agnoſcit apud Babylonios & Ægyptios. Numenius quoque apud Euſebium, Jannem & Mambrem Ægyptiorum Magos qui olim Moſi adverſati ſunt, appellat *ἱερογγραμματοῖς*, ſive rerum ſacrarum Scriptores. Sic etiam præſcis temporibus apud Romanos, referente Cicerone, Pontifex Maximus res omnes ſingulorum annorum chartis mandabat. Quà ratione Joſephus affirmat curam hanc penes ſummos Pontifices & Prophetas Ebræorum exiſtiſſe. Munus ſcilicet illud apud Ebræos in-junctum fuit Summo Pontifici & Sacerdo-

Joſeph.
adv.

Apion.

Numen.

apud Eu-

ſeb.

Præp.

Euſang.

lib. 8.

Cicero.

cerdotibus, qui, quod essent Divino Spiritu affluti, vocabantur Prophetæ.

Ex his publicis ac Propheticis conscriptionibus excerpti sunt quinque libri Moysi, qui ex eo Moysi nomen reportarunt, quod partim ab ipso scripti fuerint, partim eo jubente ab ætatis illius Notariis. Norunt qui Sacras versant Literas, pleraque in illis Deo & viris principibus tribui, quæ illorum mandato facta sunt; quo sensu Pentateuchus, cujus pars à publicis Scriptoribus in publicas conscriptiones relata fuit, totus Moysi tribuitur, qui etiam Propheta illis præfuit; neque minùs de Josua quàm de Moise dicitur, illum scripsisse librum suum: non ausus tamen est Augustinus asserere Josuæ historiam quæ edita est, ab ipso Josua conscriptam fuisse. Theodoretus Josuam illius autorem esse negat aperte. Quare à nonnullis Patribus rectè animadversum fuit, ex libri nomine non necessariò ejus autorem colligi, sed materiam.

Simili ratione libri qui Judicum, Samuelis ac Regum nomina præferunt, à Scriptoribus seu ætatum illarum Prophetis fuere conscripti. Quam locutionem, quæ sacris Scriptoribus familiaris est, non ignoravit Augustinus, qui explicans verba Exodi, Cap. 17. vers. 5. ubi Deus dicit Moysi ut sumat virgam quâ fluvium ipse Moyses percusserat, querit quomodo illud verum esse possit, cum non Moyses, sed Aaron virgâ fluvium percusserit. Respondet, *Quod Aaron fecit Moyses potius tribuendum est; quia per Moysen Deus jubebat quæ faceret Aaron, & in Moysen auctoritas.*

August.
Quest. in
Exod.

in illo autem ministerium fuit. Haud absimiliter, illud quod jubente Moise à Scriptoribus ætatis suæ in Annales relatum fuit, Moysi potius tribuitur, quàm Summo Pontifici & Prophetis, quia in Moise fuit auctoritas, & in illis ministerium: quo etiam modo explicanda sunt verba illa ejusdem Capituli Exod. vers. 12. quibus Moysi dixisse Deus fertur, ut victoriam quam contra Amalecitas Israëlites consecuti fuerant, scribat in libro ob monumentum, id est, ut jubet victoriam hanc in Acta publica referri. Eodem quoque Capite dicitur Moyses ædificasse altare, non quod ipse ædificaverit, sed quod illud iusserit ædificari.

Jam quia necesse non fuit populo committere ingens Annalium volumen, illorum tantum compendium in publicum editum est, quod Moysi nomen retinuit. Sic constat librum Sapientiæ non esse Salomonis eâ quâ nunc est formâ dispositus, etsi in hoc nonnulla sint quæ in solum cadant Salomonem, cumque Salomoni tribuant omnes antiquæ Ecclesiæ Patres, si perpaucos exceperis. Illa autem quæ in Pentateucho legimus manifestum videntur esse compendium priscorum Annalium, qui in Archivis seu publicis Tabulariis asservabantur.

Ampliora fuisse vetustis illis temporibus rerum gestarum Commentaria verbis æptis testatur summus vir Africanus & rerum Librarum callentissimus. Ille siquidem apud Eusebium autor est, à Moysi temporibus usque ad Herodem in Archivis descriptas fuisse Librarum familiarum origines, & eorum qui ad profectos

Afric.
apud
Euseb.
Hist.
Euseb.
lib. 1.
cap. 7.

felytos genus suum referebant. 'Ανα-
 γαθίστην δ' οἱ οὐκ ἐκ τῆς ἀρχαίας ὀ-
 ρτῆς ἔβραζον ἡμῶν δ' ἄρα οὐκ ὀ-
 σμῶνται ἀναφερομένην. Ibidemque
 addit Africanus, Herodem omnia
 illa vetusta familiarum monumenta
 concremasse. 'Εβραῖοι δὲ αὐτῶν τὰς
 ἀναγραφὰς ἔχουσιν. Ex quibus ma-
 nifestum est, eas quæ vulgatæ sunt
 historias & genealogias compendia-
 rias esse, ac remanuisse integras in
 publicis Tabulariis. Quare Simonius
 rectè annotavit ex Libris Sacris qui
 supersunt, nihil certi de rebus chro-
 nologicis & genealogicis affirmari
 posse, utpotè quæ in breviorē sum-
 mam contractæ fuerint. Quis enim
 credat Annales Ebraeorum qui ad nos
 usque pervenerunt res omnes gestas
 illius gentis complecti? Quod nec
 Augustinus ignotum fuisse videtur,
 qui quærens quomodo Cæin potuerit
 condere civitatem, cùm in Scriptura
 duo tantùm parentes & duo filii re-
 ferantur; respondet his verbis. An
 ideo questio est, quoniam qui legunt pu-
 tant solos tunc fuisse homines quos Di-
 vina Scriptura commemorat, nec
 advertunt eos qui prius sunt conditi
 duos, vel eos etiam quos genuerunt
 tandem vixisse, ut multos gignerent?
 Non enim & Adam ipse eos solos genuit
 quorum nomina leguntur, cùm de illo
 Scriptura loquens ita concludat, quod
 genuit filios & filias.

His igitur & similibus adductus
 Simonius, rectè confecit Annalium
 Ebraicorum partem solùm editam
 fuisse, qui in publicis Tabulariis,
 quæ tunc consulere facile erat, inte-
 gri remanserint; adeoque inania sunt
 & futilia quæ Simonio Vossius obji-
 cit de scriptis Veteris Testamenti pro

Scribarum seu Prophetarum lubitu
 decurtatis: nihil enim hac in re as-
 firmavit Simonius, quod doctiori-
 bus antiquæ Ecclesiæ Patribus cog-
 nitum non fuerit; & eas quas nunc
 Ebraeorum habemus historias compen-
 diarias esse res ipsa loquitur, quæ
 non possunt dici decurtatæ, cùm
 tunc in Archivis remanerent integræ,
 & ex iis illud solùm fuit evulgatum,
 quod populo sufficere visum est. To-
 tum illud negotium juvat illustrare
 P. Martinii Jesuitæ verbis de Sinen-
 sium Annalibus. Fuit, inquit, & est
 etiamnum genti huic usitatum, ut do-
 ctissimū aliquot Philosophis Imperatori
 defuncti res gesta conscribende à suc-
 cessore mandentur, sucū & adulatione
 omni remotā. Quod munus apud ipsos
 cum primū est honorificum & a summis
 quibusque viris expetitur. Hinc histo-
 ria Sinica ita sibi semper similis conti-
 nuatur, ut quanquam ab alio sit atque
 alio succedentibus annis adducta, unius
 tamen auctoris opus esse videatur, &
 omnino unicum est, non ab alio quàm
 regio Scriptore unquam tentata, mag-
 nisque & pluribus voluminibus con-
 tenta. Inde sibi Sina pro memoria subsidio
 epitomen conscripsit, qualem hū ipsi
 libri repræsentent.

Similis fuit apud Ebræos ac Sinen-
 ses scribendorum Annalium ratio,
 nisi quodd apud Ebræos qui Scribæ
 fuerunt, iidem quoque Prophetæ
 erant; Scriptores verò Sinen-
 sium viri fuere Philosophi veritatisque aman-
 tissimi. Distinguendi quidem sunt
 Sacrorum Librorum Scriptores à cæ-
 terarum gentium Scriptoribus; quia
 illi Spiritu Sancto impulsī Sacros An-
 nales conscripserunt. Sed cavendum
 est ne hos Annales ad nos cœlitus de-

H

lapso

P. Mar-
 tin. Sin.
 Histor.
 lib. 1.

August.
 Quest. in
 Genes.

lapfos esse affirmemus, ficut de libris Alcorani Muhammedani commentifunt. Longè enim major erit Divinorum Librorum autoritas, & ex iis Chriftiani nominis inimici faciliùs refellentur, fi dixerimus in iis nihil contineri, quod non fit certum depromptumque ex Ebræorum Annalibus, qui inde jam à Mofis temporibus apud illos extiterunt. Hinc poffiffimum Iofephus Judaicarum hiftoriarum veritatem commendat adverfus Græcos, quibus objicit Græcarum hiftoriarum inconstantiam, quòd illi publicos rerum fuarum Scriptores non habuerint.

Judæi, quia nimii funt rerum fuarum oftentatores, affirmant ne unam quidem vocem effe in Lege, imò ne unam quidem fyllabam que à Deo Mofi dictata non fuerit. Sic Magiftri illi nihil habent nifi à Deo ipfo in monte Sinai profectum. Sed rem iftam aliter fe habuiffè docet Scribarum ufus inde jam à Mofis tempore confirmatus. Ipfe etiam Auguftinus ante Mofem Scriptores fuiffè apud Chaldaeos & Ægyptios videtur agnofcere: ubi enim expendit verba Capituli 21. Numerorum, verf. 14. in quibus fit mentio libri bellorum Domini, hæc habet. *Hic dictum effe fcriptum in libro, non dictum effe in cuius Propheta vel Patriarcha fando libro; neque negandum effe fuiffè jam libros five Chaldaeorum, unda egreffus effe Abraham, five Ægyptiorum, ubi didicerat Moyfes omnium illorum fapieniam, five cujuscunque gentis alterius, in quorum librorum aliquo poffuit hoc effe fcriptum.*

Aliud igitur de Pentateuchi libris fentiebat Auguftinus, quàm Judæi

feniunt; Judæifque ipfis illi videntur ineptiores, qui eorum commenta tam avidè arripiunt, quafi non aliunde fumi poffet librorum Mofis autoritas quàm ex monte Sinai, & ex eo quòd fingulæ illorum voces & fyllabæ à Deo Mofi dictatæ fuerint. Satiùs effe viris doctriinà & judicio prædictis fidem habere, qui exiftimant illos qui Cap. Numer. 21. verf. 27. appellantur *המשלים*, & in LXX. Interpretibus *Amisualismi*, fuiffè ætatis illius Scriptores; à quorum etiam fententia minùs alienus Auguftinus valdè laborat in explicatione vocis *Ænigmatifte*, quam hoc loco legebat in Itala: hæc funt illius verba. *Non incredibiliter putantur illi Ænigmatifte*

Sunt etiam viri docti & in Sacris Literis verfati, qui conftant ea que Mofes fcripfit de mundi fabricatione rebusque gefitis ante fua tempora, partim ex divina habuiffè revelatione, partim ex privatis familiarium Commentariis, vel magis ex Majorum fuorum Traditione inde ab Adamo ufque ad illius ætatem fideliter tranfmiffa, uti pluribus verbis exponitur à Ptercio Jefeuita doctiffimo Præfatione in Pentateuchum.

Præterea Voffius objicit, fequi ex Simonii fententia, Nos non habere fcripta Prophetarum Veteris Teftamenti integra, fed ampliata, decurtata, & variis modis pro lubitu & ratione temporum à Sacerdotibus magni Synedrui interpolata. Et quia paulo delicatior effe Voffius, affercionem hanc

Iofeph.
adverf.
Appon.

Auguft.
Quæft. in
Numer.
Quæft.
45.

Auguft.
Quæft. in
Numer.
Quæft.
42.

Ptercius;
Præf. in
Pentat.

ait

ait esse crudam offam quam ipse non possit concoquere; iterumque ut se bonum demonstret Christianum addit, frustra Simonium relegare ad Patres, in quibus nihil occurrit quod non libenter legant & approbent Christiani. Sic bonus ille Christianus, qui bonus non est ratiocinator, fundit verba more Sophistarum. Nihil tamen affirmavit hac in re Simonius, quod antea à priscis Patribus, atque in primis ab Origene in Epistola ad Africanum, scriptum non fuerit. Ille enim asserit, ex aliorum tamen magis, ut puto, opinione quam ex sua, Judæos à quibus Scripturas accepimus, nonnulla ex iis rescivisse ac sustulisse à cognitione populi, *ὅτι τὸ γινώσκουσιν ὧ λαὸν*, quæ servata fuerint in libris *δοκρυφῶν* seu arcanis: nomen enim *δοκρυφῶν* non sumit hoc loco Origenes in malam partem, sed pro libris qui in publicum non editi in armariis conservabantur. Unde liberos *δοκρυφῶν* sive absconditos opponit *φανερῶν*, apertis & manifestis, seu iis qui vulgati fuerant.

Jam hæc ratione Origenes putavit historiam Susannæ, quam nunc Græcè tantum in libro Danielis scriptam habemus, Judæorum studio sublatam fuisse à Scripturis, *ὅτι τὸ ἀποκρυφόν*. Multa quoque recenset, quæ existimat in priscis illis Judæorum libris quos vocat Apocryphos extitisse, quæque Judæi consulto in publicum non ediderint; ejusmodi sunt Christi verba, *Va vobis Scribæ & Pharisei, quia edificatis sepulchra Prophetarum*, & quæ sequuntur Matth. Cap. 23. vers. 29, usque ad vers. 39. ista & alia bene multa quorum in hac ad Africanum Epistola mentionem facit, au-

tor est in antiquis Scripturis extitisse, sed *οὐ φησὶ τὸ ἀποκρυφόν* & *περὶ βιβλίων*, Sapiens seu Doctores, Principes & Presbyteros noluisse ut ea vulgarentur, quæ tamen in libris arcanis quos apud se retinent adhuc remanerent.

Libri Josuæ, Samuelis ac Regum, si Theodoretò fidem habeamus, etiam decurtati & ampliati sunt, cùm illi, ipso referente, ex amplioribus Prophetarum Commentariis deprompti fuerint, quibus etiam aliquid à posterioribus Scribis additum fuerit. Sed quia Vossius est bonus Christianus, Theodoretum, Procopium, Diodorū aliosque Patres sic sentientes non recipiet. Theodoretus itaque autor est, apud Ebræos fuisse Prophetas qui res ætatis suæ conscriberent, à quibus Prophetis ortum fuisse putat, ut liber primus Regum apud Ebræos & Syros appellatus fuerit Prophetia Samuelis. Dein addit, eos qui editi sunt Regum libros, ex scriptis illorum Prophetarum, quorum munus fuit res quæ gerebantur in publicis Annales referre, longo post tempore excerptos fuisse. Profert denique aliquot exempla, quibus demonstrat ejusmodi libris nonnulla postea à Scribis adjecta fuisse. Neque aliud sentit de libris qui vulgò appellantur *Paralipomena*.

Hæc etiam Theodoretì verba in Scholia sua transtulit Procopius, ut ostendat Scribas illos seu Prophetas apud Ebræos extitisse, qui priorum Prophetarum historicas conscriptiones collectis aliquot locis amphaverint. *Πλῆσται Περὶ Φῶν*, inquit Procopius, *καὶ ἄλλοι, ὅν τις μὲν βιβλίας ἐν τῷ βιβλίῳ τῶν ὁ προφητῶν ἐστὶν* &c.

Theodor.
Preslat.
in lib.
Regum.

Theodor.
lib. 2.
Reg. in-
ter. 4.

Procop.
Preslat.
Schol. in
lib. 1.
Reg.

Orig. in
Epist. ad
Afric.

Παρεστημύβων μεμαρῆκαμῆ ἱσ-
ρίας. Τύτων συνέγραψαν ἑκάστος ὅσα
συνέβαινε γίνεσθαι καὶ ἡ εἰκὼν καίριος
αὐτίκα ἦν καὶ ἡ πῶς τῇ βασιλείᾳ καὶ
αὐτῇ ἑβραίοις καὶ αὐτῇ Σύροις περ-
φύσιος Σαμμελ ὀνομαζέσθαι. Οἱ τῶν
τύτων βασιλείας συνέγραψαντες ἐξ ἐκεί-
νων λαβόντες τὰς ἀφορμὰς καὶ ἀνα-
στῆναι συνέγραψαν καὶ οὕτως πῶς καὶ οἱ
Σαμμελ, καὶ τῷ Σαὺλ καὶ τῷ Δαβὶδ
συνεκμασάσθαι τὰ καὶ τῶν συνέγραψαν
μὲν καὶ τῷ Ναβουχοδονόσορ τῶν
ἐς αἰχμαλωσίαν εἰσέλθει καὶ Ἰερου-
σαλὴμ. Theodoretus & Procopio suffragatur
Diodorus, qui expendens hanc clau-
sulam libri 1. Samuelis, *Qui Prophe-
ta dicitur hodie, vocabatur olim Vi-
dens*, putat illam à Scribis postero-
ribus adiectam fuisse: hæc enim sunt
illius verba. *Ἐκ τῶν δεικνύει, ἐπὶ
αὐτοῖς καὶ Προφῆταις ἑκάστος τὰ ἐν τοῖς
καὶ αὐτῶν καίριος ἐγράψαν, ταῦτα οἱ
καὶ τῶν συναράγοντες περὶ τῶν καὶ
ἐπὶ ἡμετέροισιν βλάπτουσιν καὶ Προφῆταις
ἐκάλεσαν.* Ex his ostenditur, quæcum-
que Propheta singuli temporibus suis
gesta scripserunt, ea illos qui postea
exitere colligentes adiecisse istud, olim
Prophetam appellabant *Videntem*.

Nihil etiam frequentius occurrit
in libris Regum & Chronicorum,
quàm publicarum illarum conscrip-
tionum Acta sub his verbis, *Nonne
hæc scripta sunt in libro verborum die-
rum Regum Juda:* similiter, *Nonne
hæc scripta sunt in libro verborum die-
rum Regum Israël.* Ex quibus mani-
festè liquet, Regum historias, quæ
evulgatae sunt, in breviorē sum-
mam à Scribis seu Prophetis poste-
rioribus contractas fuisse, easque
tantum esse compendia publicorum
Annalium qui penès Ebraeos in Ta-

bulariis asservabantur. Præterea lib.
2. Paralip. Cap. 24. vers. 27. men-
tio fit libri *דברי הימים* Regum,
qui diversus fuit à libro Regum qui edi-
tus est; atque ille complectebatur res
gestas *דברי הימים*, id est, *diligen-
tius*, uti vertit Hieronymus in Vulga-
ta, sive uberius. Septuaginta autem
Interpretes *דברי הימים* reddunt *ἡμέ-
τεροι*, quo nomine denotasse
videntur Acta illa diurna Regum quæ
asservabantur in Tabulariis publicis.

De isto autem Regum libro Sixtus
Senensis hæc scribit; *In illo latiori
narratione luculentius universa ac sin-
gula gesta Regum Juda & Israël di-
gesta fuisse, & ea quæ nunc de his habemus
ab incerto abbreviatore, quem alii
Jeremiam, alii Esdras esse putant,
brevis compendio collecta fuisse.*

Psalmos quoque Davidis quos
nunc legimus partem duntaxat esse
eorum qui longè plures à Davide
scripti fuerint, existimant nonnulli
Patres, qui putant illos in parvum
numerus à Rege Ezechia redactos
fuisse, Ὁ βασιλεὺς ἔγραψε τὰ καὶ
αὐτῶν καὶ οὐκ ὀλίγων αὐτῶν.
Quod autem illi de Rege Ezechia
dicunt, de ejus Scribis intelligen-
dum est, qui eo jubente Psalmos
Davidis in certam formam redege-
runt: quo etiam modo Patres non-
nulli putarunt Salomonis Proverbia
ab eisdem Ezechia Scribis in brevio-
rem summam fuisse contracta, sele-
ctis iis tantum sententiis quæ melio-
res populoque utiliores esse videban-
tur. Qui liber Proverbiorum sic di-
gestus ab Ezechia Scribis ad nos per-
venit.

Verùm quid multis opus est? Ec-
clesia Catholica dudum in Libros

Ca.

Diodor.
Sicil. in
lib. 1.
Samuel.
Cap. 4.
vers. 4.

Lib. 2.
Maccab.
Cap. 2.
vers. 24

Canonicos retulit librum secundum Maccabæorum, quem constat amplioris voluminis esse compendium. Hæc enim sunt Scriptoris ipsius verba. Ταῦτα ἔστιν ἱστορίαι & Κυβερναὶς διδασκαλίας ὡς ἐστὶν βιβλίον περὶ ἐκείνων δι' ὧν οὗτοι οὐκ ἔσονται ἀπολεῖν. Doleat bonus ille Christianus Vossius Sacrorum Librorum vicem, qui sic decurtati & ampliati fuerint; modò tamen pro libris decurtatis novos Prophetas qui nugatores & impostores fuerunt, non substituat.

Iterum tamen instat, Simoniumque reprehendit quòd dixerit, pleròque Theologos etiam in Pentateucho ampliationes aliquas agnovisse; & quia nihil amat nisi quod vetustum est, spretis illis recentioribus Theologis, objicit ex antiquæ Ecclesiæ Patribus ne unum quidem fisti posse testem, excepto uno Hieronymo, qui ultima Pentateuchi verba de morte Moysi, & illud de sepulchro Rachelis usque in hodiernum diem, existimavit ab Esdra fuisse addita. Sed illum, inquit Vossius, manifesti erroris convincit Samaritanicum Exemplar, in quo totidem verbis hæc ipsa leguntur. Illud autem ab Esdra fuisse interpolatum nemo sana mentis dixerit.

Jam utrùm ipse Vossius sit sanæ mentis expendamus, qui Hieronymi testis in hac materia locupletissimi autoritatem contemnat. Hæc scripsisse Hieronymum animo à Rabbiniis præoccupato non dixerit Vossius, cum longè aliud sentiant Rabbini de libris Moysi. Verùm nihil in hoc negotio affirmavit Hieronymus, nisi quod à priscis Ecclesiæ Patribus acceperat, qui in hanc conspirant sen-

tentiam, ut Esdras Divino Spiritu impulsus Scripturæ Sacræ libros miserè deperditos, vel saltem corruptos, restituerit aut recognoverit. Itaque Hieronymus, ubi manifestum in Pentateucho additamentum deprehendit, istud merito Esdræ tribuit, qui ex constanti Patrum traditione Libros Sacros restituerat; unde fit ut ipse pronunciare non audeat, Mosem Pentateuchi, uti nunc extat, Scriptorem esse; sed verba sua emolliens sic loquitur, *Sive Moysen dicere volueris autorem Pentateuchi, sive Esdras ejusdem inflauratorem, non recuso.* Ea verò quæ in fine Pentateuchi de morte Moysi reperiuntur manifestum esse additamentum fatentur ipsi Judæorum Magistri in Talmude, qui etsi singula verba Legis Moysi à Deo fuisse dictata affirmant, excipiunt tamen hæc ultima, quæ libris Legis à Josua adjecta fuisse existimant.

Josephus quidem & Philo putarunt etiam illa à Mose fuisse scripta, qui spiritu Prophetico impulsus fuerit: sed reclamant præstantissimi quique Theologi, quòd Contextus ipsius verba clara sint & manifesta, ut ostendit Abulensis. Nam, licet fingamus Mosem de seipso locutum esse Prophetico spiritu, si erine potuit, ut de seipso quoque Moyses dixerit, *Et non cognovit homo sepulcrum ejus usque in presentem diem?* Hæc clausula supponit Moysen jam mortuum atque sepultum fuisse: quare etiam Bellarminus de hoc additamento sic loquitur, *Qua autem post mortem ipsius Moysi scribuntur in extremo Capite Deuteronomii, addita sunt vel à Josua, vel ab Esdra, vel ab alio*

alio aliquo Propheta. Hæc tamen libro Legis potius adjecta fuisse à Josua, quam ab Esdra, probavit ex eo Simonius, quod Josue, seu Synedrii magni Assesores, quibus ipse præfuit, in publicas conscriptiones retulerint ea quæ post mortem Mosis gesta sunt: quo sensu explicanda censet verba illa Josuæ, *Scriptis quoque omnia verba hæc in volumine Legis Domini*: id est, Scribæ seu Prophetæ quorum fuit Annales illorum temporum scribere, ista in illos retulerunt, ex quibus, dein & ex aliis posterioribus, teste Theodoro, composita est, quam nunc habemus, Josuæ historia. Denique fieri etiam potuit ut Esdras, qui ex Patrum sententia Scripturas Sacras recognovit, nonnulla explanationis vel connexionis causâ ius inseruerit. Quæ sententia tot tantorumque virorum suffragiis comprobata est, ut inutile sit istis diutius immorari.

His tamen ob stare videtur quod subjungit Vossius de Samaritarum Pentateucho, qui ista additamenta æquè continet, atque Judæorum Exemplar; nemo autem sani judicii dixerit libros Samaritarum ab Esdra interpolatos fuisse. Argumentum illud, quia majoris erat momenti, jamque à Judæo Albo doctissimo Rabino propositum fuerat, Simonius expendit in sua Critica Sacra. Autor est Samaritas Legis Mosaicæ Exemplaria Ebraica à Judæis accepisse: illud enim quod vulgò objicitur, fieri non potuisse ut Samaritæ ab hominibus quos odio prosequerantur libros suos sumpserint, validum non est: quia constat illos vehementer expetivisse, ut Judæis adjungi pos-

sent, sicut ex hisce verbis Esdræ manifestum est: *Et accedentes ad Zorobabel & ad Principes Patrum, dixerunt ei, adificemus vobiscum, quia ita ut vos quarimus Deum vestrum.* Hinc colligit Thorndicius, primos Samaritas idololatrias fuisse, ac sub Esdra solum testari se verum Deum coluisse. Certum est eos usque ad illa tempora semper idolorum cultus aliquid retinuisse; neque firmis rationibus ostendi potest, Legem Mosis ante Esdras ab illis usu publico receptam ac lectam fuisse. Eos autem Legis Mosaicæ Exemplaria à Judæis sumere, necesse fuisse videtur, cum ab aliis quam à Judæis illam mutuari non possent. Quodque animadversione dignum est, idem Samaritæ seculis posterioribus non ita fuisse religiosi, quin Arabicam Rabbi Saadia Versionem legerint & approbaverint, antequam Abusaid Samarita novam Legis Mosaicæ Translationem Arabicè in usum gentis suæ condidisset, damnatâ Saadia Versione ut ineptâ & Judaicâ. Itaque Esdras non interpolavit Samaritarum Pentateuchum, sed ipsi Samaritæ Legis Codices à Judæis Esdræ temporibus acceperunt: & ita sensisse Hieronymum non dubito, cui Samaritarum libri cogniti fuerunt.

Iterum Vossius verba fundens insolitas declamationes relabitur, objicitque Simonium compilasse digressionem non valde bonam nec facientem ad propositum ex Rabinis & recentibus Theologis de Sacrorum Librorum Scriptoribus. Verum nihil dixit isto loco Simonius, quod non faceret ad propositum: nam Vossio & ejus similibus qui objee-

Jos. 24:
26

Esdr.
4: 2

Thornd.

Abusaid,
Interp.
Arab.
Sama.

rant eum novatorem fuisse in eo quod de Sacrorum Librorum Scriptoribus attulit, ipse respondet nihil à se innovatum esse in hoc negotio, idque demonstrat non solum Rabbiorum & Theologorum recentium testimoniis, sed & antiquæ Ecclesiæ Patrum autoritate. Satis tamen erat, ut novitatis suspiciones à se amoliretur, illud recentium Theologorum testimoniis comprobasse, ut ostenderet imperitè ac malignè objectam illi fuisse sententiæ suæ novitatem.

Carpit præterea Vossius Simonium, qui dixerit libros illos esse Apocryphos, quorum autores occulti sunt & incerti. *Si hæc vocis hujus, inquit Vossius, legitima sit expositio, omnino oportet ut major pars librorum Veteris Testamenti sint Apocryphi*, quia scilicet ne unum certo alicui relinquit auctori. Sed iterum sophistam agens Vossius cavillatur. Ut enim de eo sileam quoddam nihil à Simonio dictum sit de Sacrorum Librorum Scriptoribus, quod jam antea à plebisque Patribus doctissimisque Theologis non fuerit approbatum, certum est libros appellari Apocryphos qui occulti sunt & incerti. Illos autem occultos & incertos appellavit Simonius, de quibus nihil certi pronuntiavit Ecclesiæ vel Synagoga, an scilicet illorum autores ad scribendum Divino Spiritu impulsæ fuerint. Dixit igitur Simonius, Scriptores Apocryphos esse incertos & occultos, neque à quoquam recipi posse tanquam Divinos ac Propheticos, nisi postquam ea de re Synagoga vel Ecclesiæ tulit judicium. Sic Scripturas Apocryphas rejiciens Cyrillus

Hierosolymitanus, autor nobis est, ut eas solum meditemur quæ liberè leguntur in Ecclesiæ. *Πῶς ἂν τὰ ὁσίων καὶ μὴ ὁσίων ἔχῃ καὶ τὸν μέν (Βίβλος) καὶ τὸν ἀποκρυφόν, ὅς ἐστι ἐν ἐκκλησίᾳ καὶ παύσις ἀναγνώσεως.* Cujus Sanctissimi Patris monitis si obtemperasset Vossius, impuros Scriptores non adscripsisset albo Prophetarum.

Denique placet iterum Vossio *μωραίνειν*. Simonius, qui Vossii malevolentiam ex illius scriptis noverat, hoc illum signaverat elogio, *In maledicam animam non introibit sapientia*; jam ut elogium istud in Simonium transferat, ait illum sibi conscium esse vitæ P. Morini. Sed quid ad rem faciat vita P. Morini, viderit ipse Vossius, nisi quoddam ipsi solenne sit *μωραίνειν*. Jam vitæ functus erat Joannes Morinus, quando Simonius Oratorianis Parisiensibus nomen suum dedit. Mirum non est Vossium Morini defensorem se præbere, qui illius exemplo manifestos errores obstinatè tueatur. Illud enim de Morini moribus à viris fide dignis accipi, illum tam perveraci animo fuisse, ut exactis jam tribus annis ab expugnata Rupella, hanc revera expugnatam fuisse firmiter negaverit, dixeritque vanos esse qui ea de re vagati fuerant rumores. Similiter bonus Vossius fabellas commentaque plustquam Rabbinnica non aliâ defendit ratione, quam quoddam eodem atque Morinus præditus sit ingenio. Nugas verò non agebat ille qui à Vossio postulavit ut Simonium cessaret alaturare, cum ejus scripta caninæ suæ eloquentiæ manifesta præbeant argumenta. Neque etiam Vossio respon-

respondens cavillatus est Simonius, qui ridens ejus ineptias validissimis easdem rationibus confutaverit. Jam precor bonam mentem firmitusque judicium optimo Vossio, ut paratior ac fortior iterum descendat in arenam

cum Simonio, qui eum quocunque ierit lubens ac promptus sequetur. Hæc ad te scripsi raptim, vir clarissime. Si tamen ea judicaveris digna quæ lucem aspiciant, per me licet ut evulges.

Juliobona in Caleribus, die 12. Januarii, 1685.

Pag. 32. post hæc verba, *sed ex mente Judæorum,*
addenda sequentia.

His omnibus accedit Petri Comestoris autoritas, quem vulgò Magistrum Historiarum appellant, qui Prologo Hieronymi in Judith affirmat legendum esse *Apocrypha*, non verò *Hagiographa*; quam lectionem putat esse vitium Scriptoris. Similiter editor Bibliorum, quibus Glossæ ordinaria & Lyrani Annotationes inseruntur, verba Hieronymi Prologo in librum Tobie profert cum duplici lectione: nam super vocem *Hagiographa* notavit, aliàs *Apocrypha*; unde Brito in sua Expositione probans hanc lectionem, scribit ad vocem *Hagiographa*, quæ vulgaris erat lectio, *Alia litera habet Apocrypha, quod melius est.* Plura sunt ejusdem naturæ quæ in Hieronymi libris ex ipsomet Hieronymo facillè restitui possunt sine Codicibus manu exaratis.





